

B. Xaydarov, E. Sariqov, A. Qo‘chqorov

GEOMETRIYA

9

*Umumiy o‘rta ta’lim mакtablarining
9- sinfi uchun darslik*

*O‘zbekiston Respublikasi Xalq ta’limi vazirligi
tomonidan tavsiya etilgan*

To ‘ldirilgan va qayta ishlangan to ‘rtinchi nashr



Toshkent – 2019

UDK 514.1(075)
BBK 22.151ya7
X-18

Taqrizchilar:

- Shaniyazova M.** — Sergeli tumanidagi 300- IDUMning oliv toifali matematika fani o'qituvchisi;
- Soibova I.** — Yashnaobod tumanidagi 307- IDUMning oliv toifali matematika fani o'qituvchisi;
- Tajaddinova Sh.** — Sergeli tumanidagi 104- mактабning oliv toifali matematika fani o'qituvchisi.

O'zbekiston Respublikasi Fanlar akademiyasining haqiqiy a'zosi, fizika-matematika fanlari doktori, professor A. Azamov tahriri ostida.

9- sinfda geometriyaning planimetriya qismini – yassi geometrik shakllarning xossalariini o'rganish davom ettiriladi. Unda siz geometrik almashtirishlar, shakllarning o'xshashligi, uchburchakning tomonlari va burchaklari orasidagi munosabatlar, aylana uzunligi va doira yuzi, uchburchak va aylanadagi metrik munosabatlar bilan tanishasiz.

Mazkur darslikning mazmuni qat'iy aksiomatik tizim asosiga qurilgan. Unda nazariy materiallar imkon boricha sodda va ravon tilda bayon etilgan. Barcha mavzu va tushunchalar turli-tuman hayotiy misollar orqали ochib berilgan. Har bir mavzudan so'ng berilgan savollar, isbotlash, hisoblash, yasashga doir masala va misollar o'quvchini ijodiy fikrlashga undaydi, unga o'zlashtirilgan bilimlarni chuqurlashtirishga va mustahkamlab borishga yordam beradi. Darslik o'zining o'zgacha dizayni va dars materialining ko'rgazmali qilib taqdim etilishi bilan ham ajralib turadi. Unda keltirilgan rasm va chizmalar dars materialini yaxshiroq o'zlashtirishga xizmat qiladi.

Respublika maqsadli kitob jamg'armasi mablag'lari hisobidan chop etildi.

© «Huquq va Jamiyat» MCHJ shaklidagi
nashriyot, 2014, 2019.
© B. Q. Xaydarov, E.S.Sariqov

ISBN 978-9943-5874-3-4

M U N D A R I J A

Takrorlash

1.	Uchburchaklar va to‘rburchaklar.....	6
2.	Pifagor teoremasi va uning tatbiqlari.....	9
3.	Geometrik shakllarning perimetri va yuzini hisoblashga doir masalalar....	13
4.	3D-geometriya - fazoviy jismlarda planimetriya masalalari	18
5.	Loyiha ishini bajarish bo‘yicha ko‘rsatmalar	26

I bob. Geometrik almashtirishlar va o‘xshashlik

6.	Ko‘pburchaklarning o‘xhashligi	28
7.	O‘xhash uchburchaklar va ularning xossalari	30
8.	Uchburchaklar o‘xshashligining birinchi alomati	32
9.	Uchburchaklar o‘xshashligining ikkinchi alomati	34
10.	Uchburchaklar o‘xshashligining uchinchi alomati	36
11.	To‘g‘ri burchakli uchburchaklarning o‘xshashlik alomatları	38
12.	O‘xshashlik alomatlarining isbotlashga doir masalalarga tatbiqlari	40
13.	Amaliy mashq va tatbiq	42
14.	Bilimingizni sinab ko‘ring	44
15.	Tekislikda geometrik almashtirishlar. Harakat va parallel ko‘chirish	48
16.	O‘qqa nisbatan simmetriya	50
17.	Markaziy simmetriya va burish	52
18.	Geometrik shakllarning o‘xshashligi	58
19.	O‘xhash ko‘pburchaklarning xossalari	60
20.	Gomotetiya va o‘xshashlik	62
21.	O‘xhash ko‘pburchaklarni yasash	64
22.	Amaliy mashq va tatbiq	66
23.	Masalalar yechish	68
24.	Bilimingizni sinab ko‘ring	71

II bob. Uchburchak tomonlari va burchaklari orasidagi munosabatlar

25.	0° dan 180° gacha bo‘lgan burchakning sinusi, kosinusni, tangensi va kotangensi	76
26.	Masalalar yechish	78
27.	Uchburchak yuzini burchak sinusi yordamida hisoblash.....	82
28.	Sinuslar teoremasi.....	84
29.	Kosinuslar teoremasi.....	86
30.	Sinuslar va kosinuslar teoremlarining ba’zi tatbiqlari	88
31.	Ikki vektor orasidagi burchak va ularning skalar ko‘paytmasi	90
32.	Uchburchaklarni yechish	94
33.	Masalalar yechish	96
34.	Amaliy mashq va tatbiq	98
35.	Bilimingizni sinab ko‘ring	100

III bob. Aylana uzunligi va doira yuzi

36. Aylanaga ichki chizilgan ko‘pburchak.....	104
37. Aylanaga tashqi chizilgan ko‘pburchak	106
38. Muntazam ko‘pburchaklar	108
39. Muntazam ko‘pburchakka ichki va tashqi chizilgan aylanalar.....	110
40. Muntazam ko‘pburchakning tomoni bilan tashqi va ichki chizilgan aylanalar radiuslari orasidagi bog‘lanish.....	112
41. Bilimingizni sinab ko‘ring.....	114
42. Aylana uzunligi.....	116
43. Aylana yoyi uzunligi. Burchakning radian o‘lchovi.....	118
44. Doira yuzi	120
45. Doira bo‘laklari yuzi	122
46. Amaliy mashq va tatbiq.....	124
47. Bilimingizni sinab ko‘ring.....	126

IV bob. Uchburchak va aylanadagi metrik munosabatlar

48. Kesmalar proyeksiyasi va proporsionallik.....	130
49. Proporsional kesmalarning xossalari.....	132
50. To‘g‘ri burchakli uchburchakdagi proporsional kesmalar	134
51. Berilgan ikkita kesmaga o‘rtta proporsional kesmani yasash	136
52. Aylanadagi proporsional kesmalar	138
53. Amaliy mashq va tatbiq.....	140
54. Bilimingizni sinab ko‘ring.....	142
55. Yakuniy nazorat ishi	145

Planimetriyaga oid asosiy tushuncha va ma’lumotlar 147

Javoblar va ko‘rsatmalar 154

5-8- SINFLARDA O‘TILGANLARNI TAKRORLASH



Mazkur bo‘limdagi masalalar 5-8- sinflarda o‘rganilgan geometrik shakllar va ularning xossalarnini yodga olish uchun berilmoqda.


Bo‘limda PISA va TIMSS - o‘quvchilar bilimini baholashning xalqaro dasturlari masalalaridan ham keltirilmoqda.

Bu bo‘limdagi materiallarni o‘rganish natijasida quyidagi bilim va ko‘nikmalarni yangilash imkoniyatiga ega bo‘lasiz:

- ✓ 5-8- sinflarda geometriyadan o‘tilgan mavzularni takrorlab, olgan bilimlaringizni esga olasiz va erishgan ko‘nikmalaringizni mustahkamlaysiz;
- ✓ PISA va TIMSS - o‘quvchilar bilimini baholashning xalqaro dasturlari masalalari bilan tanishasiz;
- ✓ Bu sizga 9- sinfda geometriyani o‘rganishni muvaffaqiyatli davom ettirishingizga zamin yaratadi.

Mazkur bo'limdagi masalalarni yechish uchun darslikning oxirida keltirilgan asosiy geometrik shakllarga oid ma'lumotlar hamda ularning xossalarini ifodalovchi formulalardan foydalanishingiz mumkin.

1



1.1. $\triangle ABC$ uchburchakning BD balandligi o'tkazilgan (1-rasm). Agar $\angle ABD = 40^\circ$, $\angle BCD = 45^\circ$ bo'lsa, uchburchakning A va B uchidagi burchaklarini toping.

Yechish. 1) To'g'ri burchakli ABD uchburchakda $\angle ABD = 40^\circ$ va uchburchak ichki burchaklarning yig'indisi 180° ga teng bo'lgani uchun

$$\angle A = 180^\circ - (90^\circ + 40^\circ) = 50^\circ.$$

2) To'g'ri burchakli BCD uchburchakda $\angle BCD = 45^\circ$ bo'lgani uchun

$$\angle DBC = 180^\circ - (90^\circ + 45^\circ) = 45^\circ.$$

$$\angle ABC = \angle ABD + \angle DBC \text{ bo'lgani uchun}$$

$$\angle B = 40^\circ + 45^\circ = 85^\circ.$$

Javob: $50^\circ, 85^\circ$.

1.2. Ikki parallel to'g'ri chiziqni kesuvchi bilan kesganda hosil bo'lgan ichki bir tomonli burchaklarning bissektrisalari orasidagi burchakni toping.

Yechish. AC to'g'ri chiziq AB va CD – parallel to'g'ri chiziqlarni 2-rasmda tasvirlangandek kesib o'tgan bo'lsin. Ichki bir tomonli BAC va ACD burchaklarning bissektrisalari E nuqtada kesishgan bo'lib, $\angle EAC = x$, $\angle ECA = y$ bo'lsin. Unda, burchak bissektrisasining ta'rifiga ko'ra

$$\angle BAC = x + x = 2x, \angle ACD = y + y = 2y.$$

$AB \parallel CD$ bo'lgani uchun ichki bir tomonli burchaklar xossasiga ko'ra,


$$2x + 2y = 180^\circ, \quad x + y = 90^\circ.$$

$\triangle ACE$ uchburchak ichki burchaklari yig'indisi 180° ga teng bo'lgani uchun

$$\angle AEC = 180^\circ - (x + y) = 180^\circ - 90^\circ = 90^\circ.$$

Javob: 90° .

2



1.3. Agar parallelogrammning o'tmas burchagi uchidan uning ikki tomoniga tushirilgan balandliklari orasidagi burchak 55° ga teng bo'lsa, parallelogrammning burchaklarini toping.

Yechish. Parallelogrammning BF va BE balandliklari orasidagi burchak 55° bo'lsin (3-rasm).

Rasmda tasvirlangan ikki hol: a) BE balandlik CD tomonga; b) BE balandlik CD tomon davomiga tushgan bo'lishi mumkin.

a) holda $BEDF$ to'rtburchak burchaklarining yig'indisi 360° bo'lgani uchun,
 $55^\circ + 90^\circ + \angle D + 90^\circ = 360^\circ$. Bundan, $\angle D = 125^\circ$.

b) holda BE balandlik AD tomon bilan kesishgan nuqta K bo'lsin. Unda,
 $\angle DKE = \angle BKF = 90^\circ - 55^\circ = 35^\circ$.

Uchburchak tashqi burchagini xossasiga ko'ra,

$$\angle ADC = \angle DKE + \angle KED = 35^\circ + 90^\circ = 125^\circ.$$

Demak, har ikkala holda ham $\angle D = 125^\circ$.

Unda, $\angle A = \angle C = 180^\circ - \angle D = 55^\circ$, $\angle B = \angle D = 125^\circ$. **Javob:** $55^\circ, 125^\circ, 55^\circ, 125^\circ$.

1.4. To'rtburchak tomonlarining o'rtalari parallelogramm uchlari bo'lishini isbotlang.

Yechish. $ABCD$ to'rtburchakning AB , BC , CD va DA tomonlari o'rtalari mos ravishda E , F , K va L nuqtalar bo'lsin. AC diagonalni o'tkazamiz (4-rasm). $EFKL$ – parallelogramm ekanligini ko'rsatamiz.

EF kesma ABC uchburchakning, KL kesma esa ACD uchburchakning o'rta chizig'i bo'ladi. Unda, uchburchak o'rta chizig'inining xossalari ko'ra,

$$EF \parallel AC, KL \parallel AC, EF = \frac{1}{2} AC, KL = \frac{1}{2} AC.$$

Bundan $EF \parallel KL$ va $EF = LK$. Shuning uchun, parallelogramm alomatiga ko'ra, $EFKL$ – parallelogramm.

1.5. ABC uchburchakda $\angle A = 47^\circ$, $\angle C = 83^\circ$ bo'lsa, uchburchakni uchinchi ichki burchagini va tashqi burchaklarini toping.

1.6. ABC uchburchakning AC tomoniga parallel to'g'ri chiziq AB va BC tomonlarni mos ravishda E va F nuqtalarda kesib o'tadi. Agar $\angle BEF = 65^\circ$ va $\angle EFC = 135^\circ$ bo'lsa, ABC uchburchak burchaklarini toping.

1.7. ABC uchburchak bissektrisalari I nuqtada kesishadi. Agar $\angle A = 80^\circ$ va $\angle B = 70^\circ$ bo'lsa, AIB , BIC va CIA burchaklarni toping.


1.8. Teng yonli uchburchakning bitta tashqi burchagi 70° ga teng. Uchburchak burchaklarini toping.

1.9. ABC uchburchakning AK bissektrisasi o'tkazilgan. Agar $\angle BAK = 47^\circ$ va $\angle AKC = 103^\circ$ bo'lsa, uchburchak burchaklarini toping.

1.10*. ABC uchburchak balandliklari H nuqtada kesishadi. Agar $\angle A = 50^\circ$, $\angle B = 60^\circ$ bo'lsa, AHB , BHC va CHA burchaklarni toping.

1.11. Uchburchakning o'rta chiziqlari uni to'rtta teng uchburchaklarga ajratishini isbotlang.

1.12*. ABC uchburchakda CD mediana davomiga bu medianaga teng DE kesma qo'yilgan. AF mediananing davomiga AF medianaga teng FH kesma qo'yilgan. B , H , E nuqtalar bitta to'g'ri chiziqda yotishini isbotlang.



1.13. ABC teng yonli uchburchakda ($AB=BC$) AN va CK bissektrisalar o'tkazilgan.

- KN kesma AC tomonga parallel ekanini ko'rsating.
- $AK=KN=NC$ tenglik o'rinni bo'lishini isbotlang.

1.14. $ABCD$ to'g'ri to'rtburchak A va D burchaklarining bissektrisalari BC tomonda kesishadi. Agar $AB = 4 \text{ cm}$ bo'lsa, bu to'g'ri to'rtburchak yuzini toping.

Yechish. To'g'ri to'rtburchak A va D burchaklarining bissektrisalari kesishgan nuqta E bo'lsin (5-rasm). $\angle B = 90^\circ$, $\angle BAE = 45^\circ$ bo'lgani uchun $\angle AEB = 180^\circ - 90^\circ - 45^\circ = 45^\circ$. Ya'ni, ABE — teng yonli uchburchak.


Unda, $AB = BE = 4 \text{ (cm)}$. Xuddi shunga o'xshash $EC = CD = 4 \text{ (cm)}$ va ekanligini ko'rsatish mumkin. Bundan $BC = BE + EC = 8 \text{ (cm)}$ va

$$S_{ABCD} = AB \cdot BC = 4 \cdot 8 = 32 \text{ (cm}^2\text{)}.$$


Javob: 32 cm^2 .

1.15. To'rtburchakning uchta burchagi 47° , 83° va 120° ga tengligi ma'lum. Uning to'rtinchchi burchagini toping.


5



6



7



1.16. Parallelogrammning ikki burchagi yig'indisi 156° ga teng. Uning burchaklarini toping.

1.17. To'g'ri to'rtburchak diagonallari orasidagi burchak 74° . Uning bir diagonal bilan tomonlari orasidagi burchaklarni toping.

1.18. Teng yonli trapetsiyaning ikkita burchagi ayirmasi 40° ga teng. Uning burchaklarini toping.

1.19. Romb burchaklaridan biri ikkinchisidan uch marta katta. Rombning burchaklarini toping.

1.20. $ABCD$ to'g'ri to'rtburchakning A burchagi bissektrisasi BC tomonini 2 cm va 6 cm ga teng kesmalarga ajratadi. To'g'ri to'rtburchak perimetrini toping.

1.21. Tomonlari 3 cm va 6 cm , katta tomonlari orasidagi masofa esa 2 cm bo'lgan parallelogramm yasang.

1.22. $ABCD$ parallelogrammning AC diagonalida P va K nuqtalar tanlangan (6-rasm). Agar $OP=OB=OK$ bo'lsa, $BKDP$ to'g'ri to'rtburchak bo'lishini isbotlang.

1.23*. $ABCD$ rombning BD katta diagonalida P va K nuqtalar tanlangan (7-rasm). Agar $OA=OP=OK$ bo'lsa, $APCK$ to'rtburchak kvadrat ekanligini isbotlang.


1.24*. $ABCD$ parallelogrammning BD diagonalida P va K nuqtalar tanlangan. Agar $BP=KD$ bo'lsa, $APCK$ to'rtburchak parallelogramm ekanligini isbotlang.

Bu mashhur teoremaning 3 xil ifodasini keltirib, unisga olamiz.

a) matnli ifodasi: To‘g‘ri burchakli uchburchakning gi potenzasi kvadrati katetlari kvadratlarining yig‘idisiga teng.


b) matematik ifodasi: ABC uchburchakda: $\angle C = 90^\circ$, $AB = c$, $BC = a$, $AC = b$ bo‘lsa, $c^2 = a^2 + b^2$ bo‘ladi.

d) tasvirli ifodasi: (1-rasm).




2 Masala va topshiriqlar

2.1.2- rasmda keltirilgan rasmlar asosida Pifagor teoremasining bir nechta isbotini tiklang.




2.2. 3-rasmda berilganlarga ko‘ra noma’lumni toping.



2.3. ABC uchburchakning AB tomoni 6 cm , A va B burchaklari, mos ravishda, 30° va 60° bo'lsa, ABC uchburchak yuzini toping.

4



Yechish. Uchburchakning C burchagini topamiz:

$$\angle C = 180^\circ - (\angle A + \angle B) = 180^\circ - (60^\circ + 30^\circ) = 90^\circ.$$

Demak, to'g'ri burchakli ABC uchburchakning AB gipotenuzasi 6 cm va A burchagi 30° ekan. To'g'ri burchakli uchburchakda 30° li burchak qarshisidagi katet gipotenuzaning yarmiga teng bo'lgani uchun, $BC=3\text{ cm}$ (4-rasm).

Pifagor teoremasidan foydalanib AC katetni topamiz:


$$AC^2 = AB^2 - BC^2 = 6^2 - 3^2 = 27\text{ (cm)}^2, \quad AC = 3\sqrt{3}\text{ cm}.$$

Endi uchburchak yuzini topamiz:

$$S_{ABC} = \frac{1}{2} AC \cdot BC = \frac{1}{2} \cdot 3\sqrt{3} \cdot 3 = \frac{9\sqrt{3}}{2}\text{ (cm}^2\text{).}$$

Javob: $\frac{9\sqrt{3}}{2}\text{ cm}^2$.

5




2.4. 5-rasmida berilganlarga ko'ra noma'lumlarni toping.

2.5. Katetlari 15 cm va 20 cm bo'lgan to'g'ri burchakli uchburchak gipotenuzasiga tushirilgan balandligini toping.

2.6 6-rasmida tegishli kesma(lar)ni yasab, noma'lum AB kesmaning uzunligini toping.


6



2.7. 7-rasmida berilganlardan foydalanib to'g'ri to'rtburchak yuzini toping.

Yechish. To'g'ri to'rtburchakning kichik tomonini x bilan belgilasak, unda Pifagor teoremasiga ko'ra: $x^2 + 12^2 = 13^2$;






$x^2 + 144 = 169$; $x^2 = 169 - 144 = 25$;
 $x = \pm 5$. Uzunlik musbat kattalik bo'lgani uchun
 $x = 5 \text{ cm}$. Unda to'g'ri to'rtburchak yuzi
 $S = a \cdot b = 5 \cdot 12 = 60 (\text{cm}^2)$. *Javob:* 60 cm^2 .



Teorema. Agar tomonlari a , b va c bo'lgan uchburchakda $c^2 = a^2 + b^2$ bo'lsa,
bu uchburchak to'g'ri burchakli bo'ladi (8-rasm).

2.8. 9-rasmdagi uchburchaklar noaniqroq tasvirlangan. Ularning qaysi biri to'g'ri burchakli?

2.9. 10-rasmdagi uchburchaklar noaniqroq tasvirlangan. Ularning qaysi biri to'g'ri burchakli?



2.10. 11- rasmida tasvirlangan noma'lum yuzani toping.

2.11. 12- rasmdagi rombning diagonallari 6 cm va 8 cm bo'lsa, uning tomonini toping.


2.12. 13- rasmdagi teng tomonli uchburchakning tomoni 6 m bo'lsa, uning balandligini toping.













2.13. 14- rasmda tasvirlangan shaklning perimetrini toping.

2.14. 15- rasmda berilganlardan foydalanib, noma'lum uzunlikni toping.

2.15. 16- rasmda berilganlardan foydalanib, AB kesma uzunligini toping.






2.16. 17- rasmda tasvirlangan chodirning old tomoni teng tomonli uchburchak shaklida. Berilganlardan foydalanib chodir asosining yuzini toping.






- 2.17. 18-rasmda P elektr stansiyadan A va B shahar-chalarga sim tortishmoqchi. Buning uchun qancha sim kerak bo‘ladi?
- 2.18. A nuqtadan ota 16 km/h tezlik bilan sharqqa, o‘g‘il esa 20 km/h tezlik bilan velosipedda janubga qarab harakatlanmoqda (19-rasm). 4 soatdan keyin ular orasidagi masofa qancha bo‘ladi?
- 2.19. Ikki kapitan Jek va Huk Jumavoy orolidan o‘z kemalarida safarga chiqishdi (20-rasm). Birinchisi 15 km/h tezlik bilan shimolga, ikkinchisi esa 19 km/h tezlik bilan g‘arbga tomon suzib ketishdi. 2 soatdan keyin ular orasidagi masofa qancha bo‘ladi?


Quyida yassi geometrik shakllarning perimetri va yuzini hisoblashga doir turli masalalarni ko'rib chiqamiz.

Kvadrat	To'g'ri to'rtburchak	Uchburchak
 a	$P = 4a$ $S = a^2$	 a b
Parallelogramm	Trapetsiya	Doira
 a h	 a b h	 r

3.1. 1-rasmda tasvirlangan ko'pburchaklar perimetрини hisoblang.





3.2.2. 2-rasmda tasvirlangan geometrik shakllarning perimetрини (chegarasining uzunligini) hisoblang.



3.3. 3-rasmida tasvirlangan gulzorlarni 32 m sim bilan o'rab bo'ladimi?

3.4. 4-rasmida xona shifti tasvirlangan. Shift ichki qismini oq, tashqi qismini esa yashil rang bilan bo'yash kerak. 1. Rasmda belgilangan noma'lum kesma uzunigini toping. 2. Yashil rangga bo'yagan shift bo'lagining yuzini toping. 3. Oq rangga bo'yagan shift bo'lagining yuzini toping.

3.5. Velosiped g'ildiragining diametri 64 cm .(5-rasm) Ashraf velosipedda 100 m masofani bosib o'tdi. Bunda velosipedning har bir g'ildiragi necha marta to'liq aylandi? (Eslatma: aylana uzunligi $C=2\pi r$ formula bilan hisoblanadi).





3.7. Avtomobil shinasi sirtidagi yozuv ma'lum o'lchamlarni bildiradi (6.a-rasm). Masalan, 195/55 R16 yozuvda 195 soni shina kengligini mm larda anglatadi (6.b-rasm). Ikkinci son 55 - shina profili balandligining shina kengligiga nisbatan foizini ko'rsatadi. Bizning holda shina profili balandligi $195 \cdot 55\% = 107\text{ mm} = 10,7\text{ cm}$. R16 yozuv esa shina ichki diametrining dyumlardagi ifodasi. 1 dyum taxminan $2,54\text{ cm}$ ekanligini hisobga olsak, bizning shina ichki diametri $16 \cdot 2,54 = 40,64\text{ cm}$ ga teng bo'ladi.

Ravon rusumidagi Neksiya avtomobili shinasiida 175/60 R15 yozuv bor. Bu avtomobil shinasing kengligi, profili balandligi, ichki diametri va g'ildirakning balandligi ya'ni tashqi diametrini santimetrlarda aniqlang.





3.8. 7-rasmida berilgan amerikancha futbol stadionining perimetrini hisoblang. Bu stadion maydoni belgilash uchun chiziladigan chiziqlarning jami uzunligini toping.

3.9. 8-rasmida tasvirlangan yer maydonining perimetrini toping.




3.10. 9- rasmida tasvirlangan turli shakldagi maydonlarning yuzini toping.







3.11. Amaliy topshiriq. 10-rasmda keltirilgan shakllarni katakli daftaringizga chizib oling. Ularning yuzini topish uchun qanday usullarini taklif qilasiz? Daftaringiz kataklaridan foydalanigan holda ularning yuzini taxminan qanday aniqlash mumkin?



3.12. 11-rasmda Antraktida qit'a-sining xaritasi keltirilgan. Berilgan masshtabdan foydalanib va tegishli yordamchi yasashlarni bajarib, qit'aning yuzini taxminan aniqlang.



3.13. 12- rasmda neft tashib ketayotgan tanker halokatga uchrab, dengiz sirtida katta neft dog'i paydo bo'lgan. Berilgan masshtabdan va tegishli o'lchash ishlarini bajarib, neft dog'ining yuzini toping.



3.14. Tomorqa perimetri 48 m bo'lgan kvadrat shaklida. Uni 8 ta teng to'g'ri to'rtburchak shaklidagi uchastkalarga bo'linigan. Hosil bo'lgan to'g'ri to'rtburchakli uchastkalarning a) tomonlarini; b) yuzini aniqlang. Uchastkalarning yuzi tomorqa yuzidan necha foizga kichik?


3.15. Perimetri 20 m , bo'yini enidan 1,5 marta uzun bo'lgan to'g'ri to'rtburchak shaklidagi tomorqa kichik uchastkalarga bo'lingan. Agar uchastkalar a) kvadrat; b) to'g'ri to'rtburchak shaklida bo'lsa, ular orasida yuzi eng katta bo'lganining o'lchamlarini aniqlang.

Ma'lumki, yassi shakllarni geometriyaning planimetriya bo'limi, fazoviy jismlarni stereometriya bo'limi o'rGANADI. Masalan, to'g'ri to'rtburchak - yassi shakl bo'lib, uning bo'yisi va eni, ya'ni ikkita o'lchami bor. Parallelepiped esa fazoviy shakl bo'lib, uning bo'yisi, eni va balandligi, ya'ni uchta o'lchami bor.

Fazoviy jismlar haqida oldingi sinflarda tasavvurga ega bo'lgansiz. Ularni 10-11- sinflarda stereometriya kursida atroflichka, tizimli ravishda o'rGANASIZ. Shunday bo'lsada, stereometriyaning qator masalalari borki, ularni faqat planimetriya yordamida ham yechish mumkin. Quyida planimetriyaga oid shunday 3D (3 demention - 3 o'lchovli) geometrik masalalarni keltiramiz. Fazoviy jismlar haqidagi asosiy tushunchalarni qisqacha eslatib o'tishni lozim topdik.

Fazoning chegaralangan qismi *fazoviy jism* deb ataladi. Fazoviy jismning chegarasiga (qobig'iga) uning *sirti* deyiladi. Masalan, fazoviy shakl - kubning sirti 6 ta kvadratdan, sharning sirti sferadan iborat bo'ladi.


Ikki sirtning kesishmasidan chiziq hosil bo'ladi. Masalan, 1- rasmdagi kub va



piramida qirralari shunday tekisliklarning kesishishidan hosil bo'lgan. Sfera va tekislikning kesishishidan esa aylana hosil bo'ladi.

Ikki chiziqning kesishishidan nuqta hosil bo'ladi. Masalan, 1- rasmdagi kub va piramidaning qirralari keshishidan nuqtalar, ya'ni ularning uchlari hosil bo'ladi.

Ko'pyoq deb yassi ko'pburchaklar bilan chegaralangan jismga aytildi. Yassi ko'pburchaklar bu *ko'pyoqning yoqlari*, ko'pburchaklarning uchlari *ko'pyoqning uchlari*, tomonlari esa *ko'pyoqning qirralari* deb ataladi. Bitta yoqqa tegishli bo'limgan uchlarni birlashtiruvchi kesma *ko'pyoqning diagonali* deb ataladi (2-rasm).





Prizma deb ikki yog'i teng ko'pburchakdan, qolgan yoqlari esa parallelogrammlardan iborat ko'pyoqqa aytildi (3- rasm). Teng yoqlar prizmaning *asoslari*, parallelogrammlar esa uning *yon yoqlari* deb ataladi. Asosining tomonlari soniga

qarab prizmalar *uchburchakli, to'rburchakli va hokazo n-burchakli prizmalar* deb yuritiladi.

Piramida deb bir yog'i ko'pburchakdan, qolgan yoqlari esa bitta uchga ega uchburchaklardan iborat ko'pyoqqa aytildi. Ko'pburchak piramidaning *asosi*, uchburchaklar esa uning *yon yoqlari* deb ataladi. 4- rasmda *TABCDE* beshburchakli piramida tasvirlangan. *ABCDE* beshburchak piramidaning asosi, *ATB, BTC, CTD, DTE* va *ETA* uchburchaklar - uning yon yoqlari, T - esa uning uchi.



- 4.1** 5.a- rasmda garaj tasvirlangan. 5.b- rasmda esa uning turli joydan ko'rinishlari berilgan. Ulardan faqat bittasi yuqoridaq garajga tegishli. Bu ko'rinish qaysi?
- 4.2.** 6.a- va 6.b- rasmda binoning yon tomonidan qaraganda ko'ringan tasvirlar keltirilgan. 6.c- rasmda esa bino tepasidan ko'rinishi va unga qaralgan to'rtta nuqtalar o'rni belgilangan. Qaysi nuqtadan binoga qaraganda 1) 6.a- rasmdagi; 2) 6.b-rasmdagi tasvirlarni ko'rish mumkin?




4.3. 12 dona 6 metrlik quvurlar bor (7.a-rasm). Ulardan eni 3,5 m, bo'yi 5,4 m va balandligi 2,5 m bo'lgan to'g'ri burchakli parallelepiped shaklidagi garaj karkasini tayyorlash kerak (7.b-rasm). Quvurlar kerakli uzunlikdagi bo'laklarga kesilib, so'ng payvandlanadi.

Eng tejamlidagi variantda kesishda bu karkas uchun nechta quvur sarflanadi? Bunday kesishda qancha guvur chiqitga ketadi?

- 4.4.** Ba'zi havo yo'llari kompaniyalari samolyotlariga olib chiqilayotgan yo'lovchilar jomadoni diagonalining uzunligi 56 cm dan katta bo'lmasligi kerak. 8-rasmda tasvirlangan to'g'ri burchakli parallelepiped shaklidagi, o'lchamlari $40 \text{ cm} \times 30 \text{ cm} \times 25 \text{ cm}$ bo'lgan jomadonni samolyotga olib chiqish mumkinmi?



9



$$d^2 = a^2 + b^2 + c^2$$

Yechish: Avval jomadon asosidagi BC kesmaning uzunligini topamiz. Pifagor teoremasiga ko‘ra: $BC^2 = 40^2 + 30^2$.

ABC uchburchak to‘g‘ri burchakli uchburchak. Yana Pifagor teoremasidan foydalanib, jomadonning diagonalini topamiz:

$$AC^2 = AB^2 + BC^2,$$


$$AC^2 = 25^2 + 40^2 + 30^2 = 3125. AC = 55,9 \text{ cm}.$$

Javob: Mumkin, chunki $AC < 56 \text{ cm}$.


Yuqoridagi masalaning yechimidan umumiy holda quyidagi ajoyib xossa kelib chiqadi. Uni Pifagor teoremasining fazodagi analogi (o‘xshashi) deb ham atashadi. Bu xossani mustaqil isbotlashga urinib ko‘ring (9 - rasm).

Teorema. To‘g‘ri burchakli parallelepiped diagonalining kvadratining uchta o‘lchamlari (bo‘yi, eni va balandligi) kvadratlarining yig‘indisiga teng.


10




11



12



13



4.5.10- rasmda tasvirlangan to‘g‘ri piramidaning balandligi 40 m ga teng, asosi esa tomoni 50 m bo‘lgan kvadratdan iborat. Piramidaning yon qirrasini toping.

4.6.11- rasmda tasvirlangan prizma shaklidagi chodirni tikish uchun qancha material kerak bo‘ladi?


4.7. Tomoni 8 cm ga teng bo‘lgan kvadrat shaklidagi varaqni 12-rasmda ko‘rsatilgandek qilib buklab piramida hosil qilindi. Piramidaning hajmini toping.

4.8. To‘g‘ri burchakli parallelepiped shaklidagi idishni hech qanday o‘lchov asboblaridan foydalanmasdan, hech qanday hisoblashlarni bajarmasdan qanday qilib yarmigacha suv bilan to‘ldirish mumkin? Agar idishning bo‘yi 4 cm , eni esa balandligidan $0,5 \text{ cm}$ uzun, balandligi esa bo‘yining $37,7\%$ ni tashkil qilsa, idishdagi suv hajmini hisoblang.


4.9. Bir xil o‘lchamdagи kitoblarni sandiqqa solish kerak (13-rasm). Bu sandiqqa nechta kitob sig‘adi?

4.10. Ikkita akvariumga yuqori chetidan 10 cm past qilib suv quyildi (14-rasm). Qaysi akvariumda suv ko‘p?

14




b)




4.11. Qutiga necha paket meva sharbati sig'adi (15-rasm)?

4.12. 1 litrli meva sharbati paketi to'g'ri to'rtburchakli parallelepiped shaklida (16-rasm). Bitta qadoq uchun qancha material kerak bo'ladi?

15



16



4.13. 17.a-rasmida tasvirlangan uyning tomi piramida shaklida. Quyida o'quvchilar tomonidan bu uyning chizmasi (matematik modeli) chizilgan (17.b-rasm) va ba'zi kesmalarning uzunligi ko'rsatilgan. Chizmaga ko'ra tom asosi $ABCD$ kvadrat shaklida. Tom qirralari $EFGHKLMN$ to'g'ri burchakli parallelepiped shaklidagi beton blokka tiralgan: E - AT qirraning, F - BT qirraning, G - CT qirraning va H - DT qirraning o'rtasi. Piramidaning hamma qirralari uzunligi 12 m.


1. Tom asosi $ABCD$ kvadratning yuzini toping.
2. Beton blokning tomoni - EF kesma uzunligini toping.

17


a)




b)






4.14*. 18-rasmida tasvirlangan yog‘och bo‘laklarining hajmini hisoblang.



4.15. 19-rasmida sport arenasidagi g‘oliblik shohsupasi tasvirlangan. Berilganlardan foydalaniib, uning hajmini toping (barcha ikki yoqli burchaklar to‘g‘ri).



4.16. 20-rasmida to‘g‘ri burchakli parallelepipedning AA_1D_1D yog‘ining perimetri 20 cm , $ABCD$ yog‘i - perimetri 16 cm bo‘lgan kvadratdan iborat. a) $ABCC_1D_1A_1$ siniq chiziqning uzunligini; b) DD_1C_1C yoqning perimetri va yuzini; c) parallelepipedning hajmini toping.









4.17. 21- rasmida tasvirlangan to‘g‘ri prizmaning asosi teng yonli trapetsiyadan iborat. Trapetsiyaning asoslari 12 cm va 6 cm , assosidagi o‘tkir burchaklaridan biri 60° ga teng. Agar prizma katta yog‘i kvadratdan iborat bo‘lsa, uning to‘la sirtining yuzini toping.





4.18. 22- rasmida prizma va uning yoyilmasi tasvirlangan. Agar prizma katta yog‘i kvadratdan iborat bo‘lsa, uning to‘la sirtining yuzini toping.

4.19. 23-rasmdagi mutazam to‘rburchakli piramida asosiga parallel bo‘lgan tekislik bilan kesilganda, kesik piramida hosil bo‘ldi. Kesik piramida asoslarining tomoni 20 cm va 10 cm , yon qirrasi 13 cm bo‘lsa, uning to‘la sirtini toping.

4.20. 24-26- rasmlarda berilgan ma'lumotlar va yordamchi chizmalar asosida noma'lum kattaliklarni toping.



4.21. 27-rasmda berilgan ma'lumotlar asosida ko'pyoqlarning to'la sirti va hajmini toping.



Geometriya va duradgorlik


Uzunligi $2 m 20 \text{ cm}$, eni 12 cm va qalinligi

2 cm bo'lgan reykalaridan ota va bola eni 1 m bo'yisi $1 m 80 \text{ cm}$ bo'lgan rom yasamoqchi.

1. Bu romni yasash rejasini tuzing.
2. Yasalgan romning to'g'ri to'rtburchak shaklida ekanligini a) burchakli chizg'ich; b) ruletka yordamida qanday tekshirish mumkin.

3. 4 ta romni yasash uchun necha dona reyka talab qilinadi? (28- rasm).

28






Fazoviy shakllarning yana muhim sinflaridan biri - bu aylanish jismlaridir. Ularga silindr, konus va shar kiradi.

To‘g‘ri to‘rburchakni bir tomoni atrofida aylantirishdan hosil bo‘lgan jismga **silindr** deb aytiladi 29-rasmda silindrning elementlari: asoslari, yasovchisi, o‘qi, va yon sirti tasvirlangan.




To‘g‘ri burchakli uchburchakni bir kateti atrofida aylantirishdan hosil bo‘lgan jismga **konus** deb aytiladi 30-rasmda konusning uchi, yon sirti, yasovchisi va asosi tasvirlangan.

Doiraning o‘z diametri atrofida aylanishidan hosil bo‘lgan jismga **shar** deb



aytiladi (31- rasm). Bu aylantirishda aylana hosil qilgan sirt **sfera** deb ataladi. Ravshanki, sharning sirti sferadan iborat bo‘ladi. Sfera markazidan uning ixtiyoriy nuqtasigacha bo‘lgan masofa uning radiusini aniqlaydi.

Aylanish jismlarning yon va to‘la sirtining yuzi formulalari:



Silindr

$$\begin{aligned} S_{yon} &= 2\pi rh \\ S_{to'la} &= 2S_{asos} + S_{yon} \\ &= 2\pi r^2 + 2\pi rh \end{aligned}$$

1- masala

$$h = 5 \text{ cm}, r = 6 \text{ cm} \text{ bo‘lsa, } S_{yon} = 2\pi r h \approx$$

$$\approx 2 \cdot 3,14 \cdot 5 \cdot 6 = 565(\text{cm}^2).$$

Konus

$$\begin{aligned} S_{yon} &= \pi rl \\ S_{to'la} &= S_{asos} + S_{yon} \\ &= \pi r^2 + \pi rl \end{aligned}$$

2- masala

$$r = 5 \text{ cm}, l = 12 \text{ cm} \text{ bo‘lsa, } S_{to'la} = \pi r^2 + \pi rl \approx$$

$$\approx 3,14 \cdot 5^2 + 3,14 \cdot 5 \cdot 12 = \\ = 267(\text{cm}^2).$$

Shar

$$S = 4\pi r^2$$




$$\begin{aligned} r &= 8 \text{ cm} \text{ bo‘lsa, } S = 4\pi r^2 \approx \\ &\approx 4 \cdot 3,14 \cdot 8^2 = \\ &= 803,84(\text{cm}^2). \end{aligned}$$

Quyida planimetriya yordamida yechiladigan aylanish jismlarga doir masalalarini qarab chiqamiz.

- 4.22.** Shar markazidan uning sirtida yotgan 4 ta nuqtagacha bo‘lgan masofalar yig‘indisi 24 cm ga teng. Shar diametrini toping.
- 4.23.** Ashrafning finjoni (qahva ichadigan idishi) balandligi 90 mm , asosining diametri 73 mm ga teng (32-rasm). Qahvaga solingen shakar yoki sutni aralashrirish vaqtida Ashrafning qo‘li kuymasligi uchun qoshiqchaning uzunligi kamida qancha bo‘lishi kerak?

Yechish: Qoshiqchaning uzunligini 32- rasmdagidek l deb olsak, unda Pifagor teoremasiga ko‘ra: $l^2 = 73^2 + 90^2 = 13429$ ga ega bo‘lamiz. Bundan $l = 115,9\text{ mm}$.

Javob: Qoshiqchaning uzunligi 116 mm dan kam bo‘lmasligi lozim.




- 4.24.** 33-rasmda berilganlardan foydalanib, konus shaklidagi muzqaymoq asosining radiusini toping. Uning sig‘imini toping.

- 4.25.** 34-rasmda tasvirlangan London shahridagi Shekspir Globus teatri silindr shaklida. Rasmda berilganlardan foydalanib, teatrning pastki burchagidagi aktyor ovozi yuqorida turgan tomoshabinga yetib borishi uchun qancha masofani bosib o‘tishini aniqlang?

- 4.26.** 35-rasmda tasvirlangan silindr shaklidagi idishning balandligi 12 cm , kengligi esa 8 cm . Tepa asosi qoq o‘rtasida teshik bor. Bu idishdan ichimlik ichish uchun mo‘ljallangan naycha uzunligi qancha bo‘lishi kerak? Naychaning ko‘rinib turgan qismining uzunligi 2 cm .

- 4.27.** Misdan ishlangan balandligi 30 cm bo‘lgan konus eritilib, undan silindr yasaldi. Agar konus va silindr asoslari teng aylanalardan iborat bo‘lsa, hosil bo‘lgan silindr balandligini toping.




Loyiha ishi mavzusi ustida o'quvchilar alohida-alohida yoki 3-4 kishilik guruh bo'lib ishlashlari mumkin. Loyiha ishi o'quv yili oxirida o'tkaziladigan himoya (kichik konferensiya) bilan tugaydi. Loyiha ishi ustida ish jarayoni quyidagi o'quv faoliyatlarini o'z ichiga olishi mumkin: izlanish faoliyatlarini rejalashtirish, vazifalarni o'zaro taqsimlab olish, o'quv maqsadlarini qo'yish, kerakli ma'lumotlarni izlab topish, mavzuga doir muammoli vaziyat yechimlarini qidirish, ulardan eng maqbulini tanlash va uni asoslash, zarur hollarda so'rovlar yoki tajribalar o'tkazish, loyiha ishi natijalari bo'yicha hisobot tayyorlash, o'z faoliyatlarini tahlil qilish va baholash, loyiha ishi himoyasi uchun taqdimot tayyorlash va uni himoya qilish. O'quvchilar loyiha ishi bo'yicha izlanishlarini yil davomida odatda darsdan tashqari mustaqil mashg'ulotlarda olib borishadi.

Loyiha ishi mavzulari amaliy, nazariy va tadqiqot xarakterida bo'lishi mumkin. Amaliy ishda geometriyadan o'zlashtirilgan bilim va ko'nikmalar hayotiy vaziyatlardagi muammolarni (keyslarni) yechishga qo'llaniladi. Nazariy loyiha ishlarida esa geometriyaning biror mavzusi chuqurroq o'rganiladi. Tadqiqot

36

a)



b)



ishlarida esa biror nostandard geometrik masala yoki hayotiy muammoni yechish ustida kichik ilmiy izlanishlarini olib boriladi.


Amaliy loyiha ishi namunasi

Loyiha topshirig'i. 36-rasmida tasvirlangan dala hovlidagi uy devorlarini bo'yash kerak. Uyni qurish rejasi (topshiriqqa ilova qilinadi) asosida bu ishni bajarish uchun eng tejamli (arzon) loyihani ishlab chiqing.

Loyiha ishini bajarish jarayonida o'quvchilar uy rejasini mustaqil o'rganib chiqadilar. Vazifalarni aniqlab, reja tuzishadi va ishlarni o'zaro taqsimlab olishadi. Dastlab, bo'yaladigan yuzani aniqlab olishadi. Bo'yash ishun qancha bo'yoq kerakligini so'rab surishtirishadi. Bir necha bo'yoq turlari bo'yicha hisob-kitob qiladilar. Qaysi bo'yoq ishlatilsa, maqsadga muvofiq bo'lishini aniqlashadi va asoslashadi. Tanlangan bo'yoq bo'yicha barcha hisob-kitob ishlarini bajarishadi va loyiha ishini hamda u bo'yicha taqdimot tayyorlashadi. *Izoh: Rasmda uy rejasining hammasi keltirilmagan.*



GEOMETRIK ALMASHTIRISHLAR VA O'XSHASHLIK



Ushbu bobni o'rghanish natijasida siz quyidagi bilim va amaliy ko'nikmalarga ega bo'lasiz:

Bilimlar:

- ✓ o'xshash shakllarning ta'rifini va belgilanishini bilish;
- ✓ uchburchaklarning o'xshashlik alomatlarini bilish;
- ✓ gomotetiya tushunchasini bilish.


Amaliy ko'nikmalar:

- ✓ ikkita o'xshash uchburchaklardan mos elementlarni topa olish;
- ✓ uchburchaklarning o'xshashlik alomatlarini isbotlashga va hisoblashga oid masalalarni yechishda qo'llay olish;
- ✓ gomotetiyadan foydalanib, o'xshash ko'pburchaklarni yasay olish.

1



2



Kundalik turmushda teng shakllardan tashqari shakli (ko'rinishi) bir xil, lekin o'lchamlari turlicha bo'lgan shakllarga ko'p duch kelamiz. Tarix va geografiya fanlarida turli masshtabda ishlangan xaritalardan foydalangansiz. Sinf doskasiga ilinadigan va darsliklarda tasvirlangan respublikamizning xaritalari turli o'lchamda, lekin ular bir xil shaklda (ko'rinishda). Shuningdek, bitta fototasmadan turli o'lchamdagি fotosuratlar tayyorlanadi. Bu suratlarning o'lchamlari turlicha bo'lsa-da, bir xil ko'rinishda, ya'ni ular bir-biriga o'xshaydi (*1-rasm*).

Mashq. 2-rasmda to'rtta romb tasvirlangan. Ulardan faqat *d*) va *e*) romblar bir xil ko'rinishga ega. Bu romblar nimasi bilan boshqa romblardan ajralib turibdi?

Keling, buni birgalikda aniqlaylik.

1. Rasmdan ko'riniib turibdiki, $AD = 3$, $A_1D_1 = 2$. Rombning tomonlari teng bo'lgani uchun,

$$\frac{AB}{A_1B_1} = \frac{BC}{B_1C_1} = \frac{CD}{C_1D_1} = \frac{AD}{A_1D_1} = \frac{3}{2} = 1,5$$

tenglikni hosil qilamiz. Bu holatda romblarning mos tomonlari proporsional deb yuritiladi.

2. $ABCD$ va $A_1B_1C_1D_1$ romblarda $\angle A = \angle A_1 = 45^\circ$, $\angle B = \angle B_1 = 135^\circ$, $\angle C = \angle C_1 = 45^\circ$, $\angle D = \angle D_1 = 135^\circ$. Bu holatda romblarning mos burchaklari o'zaro teng deb yuritiladi.

Shunday qilib, bu romblarning bir-biriga o'xshashligining sababi — mos tomonlarining proporsionalligi va mos burchaklarining tengligi, deb ayta olamiz. Ixtiyoriy ko'pburchaklarning o'xshashligi tushunchasi ham shunga o'xshash kiritiladi.

Ikkita ko'pburchak (beshburchak) $ABCDE$ va $A_1B_1C_1D_1E_1$ tarzda belgilangan bo'lib, mos ravishda $\angle A = \angle A_1$, $\angle B = \angle B_1$, $\angle C = \angle C_1$, $\angle D = \angle D_1$, $\angle E = \angle E_1$ ya'ni mos burchaklari o'zaro teng bo'lsin. Unda AB va A_1B_1 , BC va B_1C_1 , CD va C_1D_1 , DE va D_1E_1 , EA va E_1A_1 tomonlar ko'pburchakning **mos tomonlari** deb yuritiladi.

Tarif. Ikki ko'pburchakning burchaklari mos ravishda o'zaro teng, barcha mos tomonlari esa o'zaro proporsional bo'lsa, bunday ko'pburchaklar ***o'xshash ko'pburchaklar*** deb ataladi (*3-rasm*).



Ko‘pburchaklar o‘xhashligi belgisi bilan ko‘rsatiladi.

3

Mos burchaklar teng

$$F \sim F_1 \left\{ \begin{array}{l} \angle A = \angle A_1, \angle B = \angle B_1, \angle C = \angle C_1, \\ \angle D = \angle D_1, \angle E = \angle E_1 \\ \frac{A_1 B_1}{AB} = \frac{B_1 C_1}{BC} = \frac{C_1 D_1}{CD} = \frac{D_1 E_1}{DE} = \frac{E_1 A_1}{EA} = k \end{array} \right.$$

Mos tomonlar proporsional



O‘xhash ko‘pburchaklar mos tomonlari nisbatiga teng bo‘lgan k songa bu ko‘pburchaklarning **o‘xhashlik koeffitsiyenti** deyiladi.

1- Masala. 4-rasmdagi ko‘pburchaklarning o‘xhashligi ma’lum bo‘lsa, noma’lum uzunlikni toping.

Yechish: Bu ko‘pburchaklar o‘xhashlididan ular mos tomonlarining proporsional ekanligi kelib chiqadi.

Demak, $\frac{x}{6} = \frac{1}{3}$. Bundan $x = 6 : 3 = 2$ ekanligini topamiz.

Javob. $x = 2$.


2-masala. 5-rasmida tasvirlangan to‘rtburchaklar o‘xhashmi? Nega?

Yechish: Yo‘q. Chunki, ularning mos burchaklari teng (90°) bo‘lsada, mos tomonlari proporsional emas:


$$\frac{AB}{PQ} = 1 \neq \frac{BC}{QR} = \frac{1}{2}$$

Masala va topshiriqlar


4




5



6



7



6.1. O‘xhashlik koeffitsiyenti nima va u qanday aniqlanadi?

6.2. Agar ABC va DEF uchburchaklarda $\angle A = 105^\circ$, $\angle B = 35^\circ$, $\angle E = 105^\circ$, $\angle F = 40^\circ$, $AC = 4,4$ cm, $AB = 5,2$ cm, $BC = 7,6$ cm, $DE = 15,6$ cm, $DF = 22,8$ cm, $EF = 13,2$ cm bo‘lsa, ular o‘xhash bo‘ladimi?

6.3. 2-rasmda tasvirlangan a) va b) romblar nima sababdan o‘xhash emas? b) va d) romblar-chi?

6.4. 6-rasmdagi ABO va CDO uchburchaklar o‘xhash bo‘lsa, AB , OC kesmalar uzunligini va o‘xhashlik koeffitsiyentini toping.

6.5. 7-rasmda $ABCD \sim A_1B_1C_1D_1$. $AB = 24$, $BC = 18$, $CD = 30$, $AD = 54$, $B_1C_1 = 54$. A_1B_1 , D_1A_1 va C_1D_1 kesmalarini toping.

6.6*. ABC uchburchak AB va AC tomonlarining o‘rtalari mos ravishda P va Q bo‘lsin. $\triangle ABC \sim \triangle APQ$ ekanligini isbotlang.

Eng sodda ko'pburchak bo'lmish uchburchaklar o'xshashligini o'rganamiz.


Teorema. Ikkita o'xshash uchburchak perimetrlarining nisbati o'xshashlik koeffitsiyentiga teng.

Bu teoremani mustaqil isbotlang.

Teorema. Ikkita o'xshash uchburchak yuzlari nisbati o'xshashlik koeffitsiyentining kvadratiga teng.

$$\Delta ABC \sim \Delta A_1B_1C_1 \text{ (1-a rasm)}, \quad k - o'xshashlik koeffitsiyenti \quad \Rightarrow \quad S_{ABC} : S_{A_1B_1C_1} = k^2$$

Isbot. Teorema shartiga ko'ra, $\Delta ABC \sim \Delta A_1B_1C_1$. Demak, ko'pburchaklar o'xshashligi ta'rifiga ko'ra, $\angle A = \angle A_1$, $\angle B = \angle B_1$, $\angle C = \angle C_1$ va $\frac{AB}{A_1B_1} = \frac{BC}{B_1C_1} = \frac{CA}{C_1A_1} = k$



$\angle A = \angle A_1$ ekanligidan foydalanib, ularni 1-b rasmdagidek ustma-ust qo'yamiz va tegishli yasash hamda belgilashlarni amalga oshiramiz.

Quyidagi uchburchaklar yuzlarini topamiz va ularning nisbatlarini qaraymiz:

$$\left. \begin{aligned} S_{ABC} &= \frac{AC \cdot BE}{2}; \\ S_{ABC_1} &= \frac{A_1C_1 \cdot BE}{2}; \\ S_{A_1B_1C_1} &= \frac{A_1B_1 \cdot C_1F}{2}; \\ S_{ABC_1} &= \frac{AB \cdot C_1F}{2}; \end{aligned} \right] \Rightarrow \frac{S_{ABC}}{S_{ABC_1}} = \frac{AC}{A_1C_1} \quad (1),$$

$$\Rightarrow \frac{S_{A_1B_1C_1}}{S_{ABC_1}} = \frac{A_1B_1}{AB} \quad (2).$$

(1) tenglikni hadma-had (2) tenglikka bo'lsak, teng burchakka ega bo'lgan uchburchaklar yuzlarining nisbati uchun (3) tenglikni hisobga olsak,

$$\frac{S_{ABC}}{S_{A_1B_1C_1}} = \frac{AB \cdot AC}{A_1B_1 \cdot A_1C_1} \quad (3)$$

Bu yerda shartga ko'ra, $\frac{AB}{A_1B_1} = \frac{BC}{B_1C_1} = \frac{CA}{C_1A_1} = k$ ekanligini hisobga olsak,

$$\frac{S_{ABC}}{S_{A_1B_1C_1}} = \frac{AB \cdot AC}{A_1B_1 \cdot A_1C_1} = \frac{AB}{A_1B_1} \cdot \frac{AC}{A_1C_1} = k \cdot k = k^2$$

tenglik kelib chiqadi. **Teorema isbotlandi.**



1-masala. O‘xshash uchburchaklarning mos tomonlari nisbati shu tomonlarga tushirilgan balandliklar nisbatiga tengligini isbotlang (2-rasm).



$$\Delta ABC \sim \Delta A_1B_1C_1, \quad BD, B_1D_1 - \text{balandliklar}$$



$$\frac{AC}{A_1C_1} = \frac{BD}{B_1D_1}$$

Yechish. Berilgan uchburchaklarning o‘xshashlik koeffitsiyenti k bo‘lsin.


Unda, $AC : A_1C_1 = k$; $S_{ABC} : S_{A_1B_1C_1} = k^2$ (1) bo‘ladi. Ikkinci tomondan,

$$\frac{S_{ABC}}{S_{A_1B_1C_1}} = \frac{\frac{1}{2}AC \cdot BD}{\frac{1}{2}A_1C_1 \cdot B_1D_1} = \frac{AC}{A_1C_1} \cdot \frac{BD}{B_1D_1} = k \cdot \frac{BD}{B_1D_1} \quad . \quad (2)$$

(1) va (2) tengliklardan $k \cdot \frac{BD}{B_1D_1} = k^2$ yoki $\frac{BD}{B_1D_1} = k$.

Shunday qilib, $\frac{BD}{B_1D_1}$ ham, $\frac{AC}{A_1C_1}$ nisbat ham

k ga teng, ya’ni $\frac{AC}{A_1C_1} = \frac{BD}{B_1D_1}$.




?

Masala va topshiriglar


7.1. O‘xshash uchburchaklar yuzlari nisbati haqidagi teoremani ayting va isbotlang.

7.2. Ikkita o‘xshash ABC va $A_1B_1C_1$ uchburchaklar berilgan. Agar $S_{ABC} = 25 \text{ cm}^2$ va $S_{A_1B_1C_1} = 81 \text{ cm}^2$ bo‘lsa, o‘xshashlik koeffitsiyentini toping.




7.3. Ikkita o‘xshash uchburchak yuzlari 65 m^2 va 260 m^2 . Birinchi uchburchakning bir tomoni 6 m bo‘lsa, ikkinchi uchburchakning unga mos tomonini toping.

7.4. Berilgan uchburchak tomonlari 15 cm , 25 cm va 30 cm . Agar perimetri 35 cm bo‘lgan uchburchak berilgan uchburchakka o‘xshash bo‘lsa, uning tomonlarini toping.



7.5. Tomonlari 12 cm , 20 cm va 13 cm bo‘lgan uchburchak berilgan. Agar kichik tomoni 9 cm bo‘lgan uchburchak berilgan uchburchakka o‘xshash bo‘lsa, uning qolgan tomonlarini toping.



7.6. $\Delta ABC \sim \Delta A_1B_1C_1$ va bu uchburchaklarning mos tomonlari nisbati $7 : 5$ ga teng. Agar ABC uchburchak yuzi $A_1B_1C_1$ uchburchak yuzidan 36 m^2 ga ortiq bo‘lsa, bu uchburchaklar yuzlarini toping.


7.7. 3-rasmda berilganlardan foydalanib, uchburchaklarning o‘xshash yoki o‘xshash emasligini aniqlang.

7.8. 4-rasmdagi uchburchaklar o‘xshash va yuzlari nisbati $25 : 9$ kabi bo‘lsa, noma’lum kesma uzunlini toping.

7.9. 5-rasmdagi uchburchaklar o‘xshash va $S_1 : S_2 = 49 : 25$ bo‘lsa, noma’lum tomonni toping.



**Fuollashtiruvchi mashq**

1-rasmda tasvirlangan uchburchaklar ichidan o'xshashlarini aniqlang. Ularning o'xshashligini qanday aniqladingiz?



Ta'rifga ko'ra, ikkita uchburchakning o'xshashligini aniqlash uchun ular burchaklarining tengligini va mos tomonlarining proporsional ekanligini tekshirish lozim bo'ladi. Uchburchaklar uchun bu ish ancha osonlashar ekan. Quyida keltiriladigan teoremlar shu xususda bo'lib, ular "uchburchaklar o'xshashligining alomatlari" deb nomlanadi.

Teorema. (Uchburchaklar o'xshashligining BB alomati). *Agar bir uchburchakning ikkita burchagi ikkinchi uchburchakning ikkita burchagiga mos ravishda teng bo'lsa, bunday uchburchaklar o'xshash bo'ladi (2-rasm).*



Isbot. 1. Uchburchak ichki burchaklari yig'indisi haqidagi teoremagaga ko'ra,

$$\left. \begin{array}{l} \angle B = 180^\circ - (\angle A + \angle C), \\ \angle B_1 = 180^\circ - (\angle A_1 + \angle C_1) \end{array} \right\} \Rightarrow \angle B = \angle B_1$$

Demak, ABC va $A_1B_1C_1$ uchburchaklarning burchaklari mos ravishda teng.

2. Shartga ko'ra, $\angle A = \angle A_1$, $\angle C = \angle C_1$. Teng burchakka ega bo'lgan uchburchaklar yuzlarining nisbati haqidagi teoremagaga ko'ra


$$\frac{S_{ABC}}{S_{A_1B_1C_1}} = \frac{AB \cdot AC}{A_1B_1 \cdot A_1C_1} \text{ va } \frac{S_{ABC}}{S_{A_1B_1C_1}} = \frac{CA \cdot CB}{C_1A_1 \cdot C_1B_1}.$$

Bu tengliklarning o'ng qismalarini tenglab, bir xil hadlar qisqartirilsa, $\frac{AB}{A_1B_1} = \frac{BC}{B_1C_1}$ tenglik hosil bo'ladi. Xuddi shu singari, $\angle A = \angle A_1$ va $\angle B = \angle B_1$ tengliklardan foydalanib, $\frac{BC}{B_1C_1} = \frac{CA}{C_1A_1}$ tenglikni olamiz. Shunday qilib, ABC va $A_1B_1C_1$ uchburchaklarning burchaklari teng va mos tomonlari proporsional, ya'ni bu uchburchaklar o'xshash. *Teorema isbotlandi.*

Masala. ABC uchburchakning ikki tomonini kesib o'tuvchi va uchinchi tomoniga parallel bo'lgan DE to'g'ri chiziq uchburchakdan unga o'xshash uchburchak ajratishini isbotlang (3-rasm).

Izbot. ABC va DBE uchburchaklarda $\angle B$ — umumiyligi, $\angle CAB = \angle EDB$ (AC va DE parallel to‘g‘ri chiziqlarni AB kesuvchi bilan kengsanda hosil bo‘lgan mos burchaklar teng bo‘lgani uchun) (3-rasm).

Demak, uchburchaklar o‘xshashligining BB alomatiga ko‘ra, $ABC \sim \triangle DBE$.




?

Masala va topshiriqlar


8.1. Uchburchaklar o‘xshashligining ta’rifi va BB alomatini o‘zaro solishtiring.

8.2. Uchburchaklar o‘xshashligining BB alomatini isbotlang.

8.3. Rasmdagi ma’lumotlar asosida x ni toping.



8.4. 5-rasmdagi ma’lumotlar asosida x ni toping.




8.5. $ABCD$ parallelogrammning CD tomonida E nuqta olingan. AE va BC nurlari F nuqtada kesishadi.

a) Agar $DE = 8 \text{ cm}$, $EC = 4 \text{ cm}$, $BC = 7 \text{ cm}$, $AE = 10 \text{ cm}$ bo‘lsa, EF va FC ni;

b) Agar $AB = 8 \text{ cm}$, $AD = 5 \text{ cm}$, $CF = 2 \text{ cm}$ bo‘lsa, DE va EC ni toping.

8.6. 6-rasmda $ABCD$ — trapetsiya. Rasmdagi ma’lumotlar asosida x ni toping.




8.7*. Bittadan o‘tkir burchaklari teng bo‘lgan ikkita to‘g‘ri burchakli uchburchaklar o‘xshash ekanligini isbotlang.

8.8*. ABC uchburchakning AC tomonida D nuqta olingan. Agar $\angle ABC = \angle BDC$ bo‘lsa, ABC va BDC uchburchaklar o‘xshash ekanligini isbotlang. Shuningdek, $3AB = 4BD$ va $BC = 9 \text{ cm}$ bo‘lsa, AC kesmani toping.


8.9. 7-rasmda berilganlarga asosan noma’lum kesmani toping.

a) $IJ \parallel FH$, HI -? b) $QR \parallel PS$, RS -? d) $XY \parallel UW$, VX -?



Teorema. (Uchburchaklar o'xshashligining TBT alomati). *Agar bir uchburchakning ikki tomoni ikkinchi uchburchakning ikki tomoniga proporsional va bu tomonlar hosil qilgan burchaklar teng bo'lsa, bunday uchburchaklar o'xshash bo'ladidi (1-rasm).*

$$\Delta ABC, \Delta A_1B_1C_1, \angle A = \angle A_1, \frac{AB}{A_1B_1} = \frac{AC}{A_1C_1} \Rightarrow \Delta ABC \sim \Delta A_1B_1C_1$$




Izbot. $\angle 1 = \angle A_1, \angle 2 = \angle B_1$ bo'ladigan qilib ΔABC_2 uchburchak yasaymiz (1-rasm). U BB alomat bo'yicha $A_1B_1C_1$ uchburchakka o'xshash bo'ladidi.

$$\Delta A_1B_1C_1 \sim \Delta ABC_2 : \frac{AB}{A_1B_1} = \frac{AC_2}{A_1C_1}$$

$$\text{Shartga ko'ra: } \frac{AB}{A_1B_1} = \frac{AC}{A_1C_1}$$

Bu ikki tenglikdan, $AC_2 = AC$ ekanligini aniqlaymiz. Unda, uchburchaklar tengligining TBT alomatiga ko'ra, $\Delta ABC = \Delta ABC_2$. Xususan, $\angle 2 = \angle B$. Lekin yasashga ko'ra, $\angle 2 = \angle B_1$ edi. Demak, $\angle B = \angle B_1$. U holda, $\angle A = \angle A_1$ va $\angle B = \angle B_1$ bo'lgani uchun, uchburchaklar o'xshashligining BB alomatiga ko'ra, $\Delta ABC \sim \Delta A_1B_1C_1$. **Teorema isbotlandi.**

Masala. AB va CD kesmalar O nuqtada kesishadi, $AO = 12 \text{ cm}, BO = 4 \text{ cm}, CO = 30 \text{ cm}, DO = 10 \text{ cm}$ bo'lsa, ΔAOC va ΔBOD uchburchaklar yuzlari nisbatini toping.



Yechish: Shartga ko'ra,

$$\left. \begin{array}{l} \frac{OA}{OB} = \frac{12}{4} = 3 \\ \frac{OC}{OD} = \frac{30}{10} = 3 \end{array} \right\} \Rightarrow \frac{OA}{OB} = \frac{OC}{OD} = 3.$$

Demak, ΔAOC uchburchakning ikki tomoni ΔBOD uchburchakning ikki tomoniga proporsional va bu tomonlar orasidagi mos burchaklar vertikal

burchaklar bo'lgani uchun: $\angle AOC = \angle BOD$. Shuning uchun, uchburchaklar o'xshashligining TBT alomatiga ko'ra, $\Delta AOC \sim \Delta BOD$ va o'xshashlik koeffitsiyenti $k = \frac{OA}{OB} = 3$. Endi o'xshash uchburchaklar yuzlarining nisbati haqidagi teoremani

qo'llaymiz:

$$\frac{S_{AOC}}{S_{BOD}} = k^2 = 9.$$

Javob: 9.

?

Masala va topshiriqlar

9.1. Uchburchaklar o'xshashligining ta'rifi va TBT alomatini o'zaro solishtiring.

9.2. Uchidagi burchaklari teng bo'lgan teng yonli uchburchaklarning o'xshashligini a) BB; b) TBT alomatdan foydalanib isbotlang.

9.3. 3-rasmda tasvirlangan OAB va OCD uchburchaklar o'xshash bo'ladimi? Agar o'xshash bo'lsa, bu uchburchaklar perimetringin nisbatini toping.

9.4. AC va BD nurlari O nuqtada kesishadi. Agar $AO:CO=BO:DO=3$, $AB=7\text{ cm}$ bo'lsa, CD kesmani hamda AOB va COD uchburchaklar yuzlari nisbatini toping.

9.5. ABC va $A_1B_1C_1$ uchburchaklarda $\angle A=\angle A_1$, $AB:A_1B_1=AC:A_1C_1=4:3$.

a) Agar AB kesma A_1B_1 dan 5 cm ortiq bo'lsa, AB va A_1B_1 tomonlarni toping.

b) Agar A_1B_1 kesma AB dan 6 cm kam bo'lsa, AB va A_1B_1 tomonlarini toping.





c) Agar berilgan uchburchaklarning yuzlari yig'indisi 400 cm^2 bo'lsa, har qaysi uchburchakning yuzini toping.

9.6. Agar bir to'g'ri burchakli uchburchakning katetlari ikkinchi to'g'ri burchakli uchburchakning mos katetlariga proporsional bo'lsa, bu uchburchaklar o'xshash bo'lishini isbotlang.

9.7. Katetlari 3 dm va 4 dm bo'lgan to'g'ri burchakli uchburchak bilan bir kateti 8 dm va gipotenuzasi 10 dm bo'lgan to'g'ri burchakli uchburchak o'xshash bo'lishini isbotlang.

9.8*. AB kesma va I to'g'ri chiziq O nuqtada kesishadi. I to'g'ri chiziqqa AA_1 va BB_1 perpendikularlar tushirilgan. Agar $AA_1=2\text{ cm}$, $OA_1=4\text{ cm}$ va $OB_1=3\text{ cm}$ bo'lsa, BB_1 , OA va AB kesmalarni toping.


9.9*. 4-rasmda berilgan ma'lumotlar asosida uchburchaklarning o'xshashligini asoslang.



Teorema. (Uchburchaklar o'xshashligining TTT alomati). Agar bir uchburchakning uchta tomoni ikkinchi uchburchakning uchta tomoniga mos ravishda proporsional bo'lsa, bunday uchburchaklar o'xshash bo'ladi.

$$\Delta ABC, \Delta A_1B_1C_1, \frac{AB}{A_1B_1} = \frac{BC}{B_1C_1} = \frac{CA}{C_1A_1} \quad (1-\text{rasm})$$

$$\Delta ABC \sim \Delta A_1B_1C_1$$



Isbot. ABC uchburchakning AB tomonida $AD = A_1B_1$ bo'ladigan qilib D nuqtani belgilaymiz. D nuqtadan BC tomonga parallel qilib o'tkazilgan to'g'ri chiziq AC tomonni E nuqtada kessin. Unda uchburchaklar o'xshashligining BB alomatiga ko'ra, ΔADE va ΔABC o'xshash bo'ladi. U holda bu o'xshashlik teorema shartiga ko'ra quyidagi tengliklar juftiga ega bo'lamiz:

$$\frac{AB}{A_1B_1} = \frac{BC}{B_1C_1} \text{ va } \frac{AB}{AD} = \frac{BC}{DE}, \quad (1) \quad \frac{AB}{A_1B_1} = \frac{AC}{A_1C_1} \text{ va } \frac{AB}{AD} = \frac{AC}{AE}. \quad (2)$$

U holda $AD = A_1B_1$ ekanligini hisobgaolsak, ularning birinchisidan $B_1C_1 = DE$, ikkinchisidan esa $A_1C_1 = AE$ ekanligi kelib chiqadi. Shunday qilib, uchburchaklar tengligining TTT alomatiga ko'ra, $\Delta ADE = \Delta A_1B_1C_1$. Unda $\Delta ADE \sim \Delta ABC$.

Demak, $\Delta ABC \sim \Delta A_1B_1C_1$. **Teorema isbotlandi.**

Masala. Agar ikkita teng yonli uchburchakdan birining asosi va yon tomoni ikkinchisining asosi va yon tomoniga proporsional bo'lsa, bu uchburchaklarning o'xshash ekanligini isbotlang.

$$\Delta ABC, \quad AB = BC, \quad \left| \begin{array}{l} \frac{AB}{A_1B_1} = \frac{AC}{A_1C_1} \\ A_1B_1 = B_1C_1 \end{array} \right.$$

$$\Delta ABC \sim \Delta A_1B_1C_1$$

Isbot. Berilgan $AB = BC$, $A_1B_1 = B_1C_1$ tengliklar va $\frac{AB}{A_1B_1} = \frac{AC}{A_1C_1}$ nisbatidan $\frac{AB}{A_1B_1} = \frac{AC}{A_1C_1} = \frac{BC}{B_1C_1}$ tengliklarni hosil qilamiz. Demak, uchburchaklar o'xshashligining TTT alomatiga ko'ra, $\Delta ABC \sim \Delta A_1B_1C_1$.

?

Masala va topshiriplar

- 10.1. Uchburchaklar o'xshashligining TTT alomatini ayting va isbotini bayon qiling.
- 10.2. $AC = 14 \text{ cm}$, $AB = 11 \text{ cm}$, $BC = 13 \text{ cm}$, $A_1C_1 = 28 \text{ cm}$, $A_1B_1 = 22 \text{ cm}$, $B_1C_1 = 26 \text{ cm}$ ekanligi ma'lum. ABC va $A_1B_1C_1$ uchburchaklar o'xshash bo'ladi mi?
- 10.3. 2-rasmdagi o'xshash uchburchaklar juftliklarini ko'rsating.
- 10.4. $ABCD$ trapetsiyaning AB va CD yon tomonlari davom ettirilsa, E nuqtada kesishadi. Agar $AB = 5 \text{ cm}$, $BC = 10 \text{ cm}$, $CD = 6 \text{ cm}$, $AD = 15 \text{ cm}$ bo'lsa, AED uchburchak yuzini toping.
- 10.5. Trapetsiyaning asoslari 6 cm va 9 cm , balandligi 10 cm . Trapetsiyaning diagonallari kesishgan nuqtadan asoslarigacha bo'lgan masofalarni toping.
- 10.6. Istalgan ikkita teng tomonli uchburchak o'xshash bo'lishini isbotlang.

10.7. Asosi 12 cm , balandligi 8 cm bo‘lgan teng yonli uchburchak ichiga kvadrat shunday ichki chizilganki, kvadratning ikkita uchi uchburchak asosida, qolgan ikki uchi esa yon tomonlarda yotadi. Kvadrat tomonini toping.





10.8*. O‘tkir burchakli ABC uchburchakning AA_1 va BB_1 balandliklari o‘tkazilgan. $\Delta ABC \sim \Delta A_1B_1C$ ekanligini isbotlang.

10.9. Ikkita o‘xhash uchburchak yuzlari 6 va 24 ga teng. Ulardan birining perimetri ikkinchisiniidan 6 ga ortiq. Katta uchburchakning perimetrini toping.


10.10.3- rasmdagi uchburchaklar qaysi alomatga ko‘ra o‘xhash?

10.11.4- rasmdagi JKI va JGH uchburchaklar qaysi alomatga ko‘ra o‘xhash?

10.12.5- rasmdagi uchburchaklarning qaysilari bir-biriga o‘xhash?



Tarixiy lavhalar. Bu voqealarni miloddan avvalgi VI asrda bo‘lgan. Bu vaqtida yunonlar geometriya bilan deyarli shug‘ullanishmas edi. Yunon faylasufi Fales misr fani bilan tanishish uchun tashrif buyurgan. Misrikilar unga qiyin masala beradi: ulkan piramidalardan birining balandligini qanday hisoblash mumkin? Fales bu masalaning sodda va jozibali yechimini topdi. U tayoqchani yerga qoqdi va shunday dedi: “Qachonki shu tayoqcha soyasining uzunligi tayoqchaning uzunligi bilan teng bo‘lsa, piramida soyasining uzunligi piramida balandligi bilan teng bo‘ladi” (6-rasm). Fales fikrini asoslashga harakat qiling!



Ma‘lumki, to‘g‘ri burchakli uchburchaklarning bittadan burchaklari to‘g‘ri burchakdan iborat bo‘ladi. Shuning uchun bunday uchburchaklarning o‘xshashlik alomatlari ancha soddalashadi.


1-teorema. *To‘g‘ri burchakli uchburchaklarning bittadan o‘tkir burchagi mos ravishda teng bo‘lsa, ular o‘xshash bo‘ladi.*

2-teorema. *To‘g‘ri burchakli uchburchaklarning katetlari mos ravishda proporsional bo‘lsa, ular o‘xshash bo‘ladi.*

3-Teorema. *To‘g‘ri burchakli uchburchaklardan birining gipotenuzasi va kateti ikkinchisining gipotenuzasi va katetiga mos ravishda proporsional bo‘lsa, ular o‘xshash bo‘ladi.*

Bu alomatlardan dastlabki ikkitasining to‘g‘riliqi o‘z-o‘zidan ravshan. Keling, uchinchi alomatni isbotlaylik.

$$\Delta ABC, \Delta A_1B_1C_1, \angle C = 90^\circ, \angle C_1 = 90^\circ, \frac{AB}{A_1B_1} = \frac{BC}{B_1C_1} \rightarrow \Delta ABC \sim \Delta A_1B_1C_1$$



Isbot. ABC uchburchakning BC tomoniga $CE = C_1B_1$ bo‘ladigan qilib CE kesmani qo‘yamiz va $DE \parallel AB$ ni o‘tkazamiz (1-rasm). Unda uchburchaklar o‘xshashligining BB alomatiga ko‘ra, ΔDEC va ΔABC o‘xshash bo‘ladi. O‘xshash uchburchaklar mos tomonlarining proporsionalligidan: $\frac{AB}{DE} = \frac{CB}{CE}$.

Yasashga ko‘ra, $CE = C_1B_1$. Demak,

$$\frac{AB}{DE} = \frac{CB}{C_1B_1} \quad (1)$$

tenglik o‘rinli. Boshqa tomondan, teorema shartiga ko‘ra, $\frac{AB}{A_1B_1} = \frac{CB}{C_1B_1}$ (2)

(1) va (2) tengliklardan $DE = A_1B_1$ ekanligini aniqlaymiz.

$A_1B_1C_1$ va DEC uchburchaklarni qaraymiz: 1. $CE = C_1B_1$ (yasashga ko‘ra);
2. $DE = A_1B_1$ (isbotlangan tenglik).

To‘g‘ri burchakli uchburchaklarning bittadan kateti hamda gipotenuzasi bo‘yicha tenglik alomatiga ko‘ra, $\Delta A_1B_1C_1 = \Delta DEC$.

Ikkinci tomondan esa $\Delta ABC \sim \Delta DEC$. U holda, $\Delta ABC \sim \Delta A_1B_1C_1$ bo‘ladi.

Teorema isbotlandi.

Masala. Agar ikkita teng yonli uchburchakdan birining yon tomoni va balandligi ikkinchisining yon tomoni va balandligiga proporsional bo‘lsa, bu uchburchaklarning o‘xshash ekanligini isbotlang (2-rasm).





Isbot. To‘g‘ri burchakli ABD va $A_1B_1D_1$ uchburchaklarni qaraymiz. Shartga ko‘ra, ularning bittadan kateti va gipotenuzasi o‘zaro proporsional. Demak,

3-teoremaga asosan $\Delta ABD \sim \Delta A_1B_1D_1$. Unda $\angle DBA = \angle D_1B_1A_1$. Teng yonli uchburchak asosiga tushirilgan balandlikning bissektrisa ham bo'lishini hisobga olsak, $\angle B = 2\angle DBA = 2\angle D_1B_1A_1 = \angle B_1$ bo'ladi.

Natijada, ABC va $A_1B_1C_1$ uchburchaklarda

$\angle B = \angle B_1$ va $\frac{AB}{A_1B_1} = \frac{BC}{B_1C_1}$ tengliklarga ega bo'lamiz.

Demak, uchburchaklar o'xshashligining TBT alo-matiga ko'ra, $\Delta ABC \sim \Delta A_1B_1C_1$. So'ralgan tasdiq isbotlandi.



2. Masala va topshiriqlar

11.1. 3-rasmdan o'xhash uchburchaklarni toping.

11.2. Katetlari 3 m va 4 m bo'lган то'г'и бурчакли учбурчакка о'xhash учбурчакнинг бир катети 27 m bo'lsa, иккинчи катети неча m bo'ladi?

11.3. Yuzlари 21 m^2 va 84 m^2 bo'lган иккита то'г'и бурчакли учбурчаклар о'xhash. Agar birinchi учбурчакнинг бир катети 6 m bo'lsa, иккинчи учбурчак катetlarini toping.

11.4. Bir aylanaga иккита о'xhash то'г'и бурчакли учбурчак ичki chizilgan. Bu учбурчаклarning tengligini isbotlang.

11.5*. Katetlari 10 cm va 12 cm bo'lган то'г'и бурчакли учбурчакка бitta бурчаги umumiy bo'lган kvadrat ichki chizilgan. Agar kvadratning bitta uchi gipotenuzada ekanligi ma'lum bo'lsa, kvadratning tomonini toping.


11.6*. ABC учбурчак berilgan. Unga $ADEF$ romb shunday ichki chizilganki, D , E va F nuqtalar mos ravishda учбурчакнинг AB , BC va CA tomonlarida yotadi. Agar $AB=c$, $AC=b$ bo'lsa, romb tomonini toping.

11.7. 4-rasmda berilgan ma'lumotlar asosida no-ma'lum kesma uzunligini toping.

11.8. Tol daraxtining balandligi 9 m , simyog'ochning balandligi esa 12 m (5-rasm). Agar tolning soyasi 12 m ni tashkil qilsa, simyog'ochning soyasi uzunligini toping.

11.9. Anor daraxti balandligi 3 m bo'lib uning soyasi kechga borib 6 m ni tashkil qildi. Balandligi $4,2\text{ m}$ bo'lган olma daraxtining soyasi bu paytda qanchani tashkil qiladi?

1



1-masala. Uchburchak bissektrisasi o'zi tushgan tomonni qolgan ikki tomonga proporsional kesmalarga ajratishini isbotlang.

$$\Delta ABC, AA_1 - \text{bissektrisa} \quad (1-\text{rasm})$$

$$\frac{AB}{A_1B} = \frac{AC}{A_1C}$$

Yechish. AA_1 to'g'ri chiziqqa BE va CF perpendikularlar tushiramiz. Unda $\angle CAF = \angle BAE$ bo'lgani uchun, to'g'ri burchakli CAF va BAE uchburchaklar o'xshash bo'ladi. O'xshash uchburchaklarning mos tomonlari proporsionalligidan


$$\Delta CAF \sim \Delta BAE \Rightarrow \frac{AC}{AB} = \frac{CF}{BE} . \quad (1)$$

Shunga o'xshash

$$\Delta CA_1F \sim \Delta BA_1E \Rightarrow \frac{CA_1}{BA_1} = \frac{CF}{BE} \quad (2)$$

(1) va (2) tengliklarni solishtirsak, $\frac{AC}{AB} = \frac{CA_1}{BA_1}$ yoki $\frac{AC}{AB} = \frac{CA_1}{BA_1}$ bo'ladi. Bu A_1B va A_1C kesmalar AB va AC kesmalarga proporsional ekanligini anglatadi.

2



2-masala. ABC uchburchakning BD bissektrisi uchburchakka tashqi chizilgan aylanani B va P nuqtalarda kesadi. $\Delta ABP \sim \Delta BDC$ ekanligini isbotlang (2-rasm).

Yechish. ΔABP va $\angle BDC$ da:




1. $\angle DBC = \angle ABP \Leftarrow$ shartga ko'ra;
2. $\angle DCB = \angle APB \Leftarrow$ chunki ular bitta yoyga tiralgan.

Demak, uchburchaklar o'xshashligining BB alomatiga ko'ra, $\Delta ABP \sim \Delta BDC$.

?

Masala va topshiriglar

- 12.1. Uchburchak bissektrisasi o'zi tushgan tomonda ajratgan kesmalarini va uchburchakning qolgan tomonlari orasidagi proporsionallikni yozib ko'rsating.
- 12.2. To'g'ri burchakli ABC uchburchakning C to'g'ri burchagidan CD balandlik o'tkazilgan. $\angle ACD = \angle CBD$ bo'lishini isbotlang. Hosil bo'lgan shaklda nechta o'zaro o'xshash uchburchaklarni ko'rsata olasiz?
- 12.3. 3-rasmdagi ma'lumotlar asosida x ni toping.
- 12.4. ABC uchburchaklarning AD bissektrisasi o'tkazilgan. Agar $CD = 4,5 \text{ m}$; $BD = 13,5 \text{ m}$ va ABC uchburchak perimetri 42 m bo'lsa, uning AB va AC tomonlarini toping.
- 12.5. ABC uchburchak medianalari N nuqtada kesishadi. Agar ABC uchburchak yuzi 87 dm^2 bo'lsa, ANB uchburchak yuzi nimaga teng?








12.6. *ABC* uchburchak medianalari kesishgan *N* nuqtadan *AB* va *BC* tomonlarga gacha bo‘lgan masofalar mos ravishda 3 dm va 4 dm. Agar *AB*=8 dm bo‘lsa, *BC* tomonni hisoblang.

12.7*. Trapetsiyaning asosiga parallel to‘g’ri chiziq yon tomonlaridan birini $m:n$ nisbatda bo‘lishi ma’lum. Bu to‘g’ri chiziq uning ikkinchi yon tomonini qanday nisbatda bo‘ladi?

12.8. 4-rasmida trapetsiya tasvirlangan. *AOD* va *COB* uchburchaklarning o‘xshashligini isbotlang.

12.9. 5-rasmida *AOC* va *DOB* uchburchaklar o‘xshashligini ko‘rsating.

12.10. 6-rasmida tasvirlangan uchburchaklar o‘xshashmi?



Qiziqarli masalalar

Geometriya va ingliz tili. Quyida ingliz tilida berilgan geometrik masalani yechib ko‘ring-chi! Bu bilan ham ingliz tilidan, ham geometriyadan nimaga qodirligingizni sinab olasiz.


1) *Dissection Puzzle:* Let *M* be the midpoint of the side *AB* of a given triangle *ABC*. The triangle has been dissected into parts *X*, *Y*, *Z* along the lines *MN* and *MK* passing through *M* such that *MN* is parallel while *MK* is perpendicular to the base *BC* (picture 7). Show how the three pieces can be fitted together to make a rectangle, respectively two different parallelograms.

2) Look at the picture 8 and proof

$$\angle 1 + \angle 2 + \angle 3 = 90^\circ.$$

1-masala. Uchburchaklarning o‘xshashligidan foydalaniib, uchburchak o‘rtalig‘i uchburchakning bir tomoniga parallel va shu tomonning yarmiga teng ekanligini isbotlang.

$\Delta ABC, MN - o‘rta chiziq$ (1-rasm):
 $MA = MB, NC = NB$



$$MN \parallel AC, MN = \frac{1}{2} AC$$

Yechish. ΔABC va ΔMBN uchun:

$$\angle B - \text{umumi}, \frac{BM}{AB} = \frac{BN}{BC} = \frac{1}{2}$$


Shuning uchun, uchburchaklar o‘xshashligining TBT alomatiga ko‘ra, bu ikki uchburchak o‘xshash. Endi mushohadani mana bunday davom ettiramiz:

$$\Delta MBN \sim \Delta ABC \Rightarrow \begin{cases} \angle BMN = \angle A, \\ \frac{MN}{AC} = \frac{1}{2} \end{cases} \Rightarrow \begin{cases} MN \parallel AC, \\ MN = \frac{1}{2} AC. \end{cases}$$

2-masala. Agar asoslari BC va AD bo‘lgan $ABCD$ trapetsiyaning AC diagonali uni ikkita o‘xshash uchburchakka ajratsa, $AC^2 = BC \cdot AD$ bo‘lishini isbotlang.

$ABCD - \text{trapetsiya}, BC \parallel AD,$
 $\Delta ABC \sim \Delta DCA$ (2-rasm)

$$AC^2 = BC \cdot AD$$



Yechish. **1-qadam.** ABC va ACD uchburchaklarning burchaklarini taqqoslaymiz. $\angle ACB = \angle CAD$, chunki bu burchaklar — ichki almashinuvchi burchaklar. $\angle B \neq \angle D$, chunki $ABCD$ — trapetsiya (aks holda, $\angle D + \angle A = \angle B + \angle C = 180^\circ$, ya’ni $AB \parallel CD$ bo‘lib, $ABCD$ trapetsiya bo‘lmay qolar edi). U holda, $\angle D = \angle BAC$ va $\angle ACD = \angle B$.

2-qadam. Endi ABC va DCA o‘xshash uchburchaklarning mos tomonlari nisbatini yozamiz: $\frac{AC}{BC} = \frac{AD}{AC}$ bundan $AC^2 = BC \cdot AD$.

?

Masala va topshiriqlar

- 13.1.a) Bo‘yi 170 cm bo‘lgan odam soyasining uzunligi 1 m bo‘lsa, balandligi 5,4 m bo‘lgan simyog‘och soyasining uzunligini toping.
 b) Ikkita teng yonli uchburchakning uchidagi burchaklari teng. Birinchi uchburchakning yon tomoni 17 cm, asosi 10 cm ga, ikkinchi uchburchakning asosi 8 cm ga teng. Ikkinchisi uchburchakning yon tomonini toping.

13.2.3-rasmdagi har bir chizmadan o‘xhash uchburchaklarni ko‘rsating.

13.3. ABC uchburchakning AP medianasi BC to‘monga parallel va uchlari AB va AC tomonlarda yotgan istalgan kesmani teng ikkiga bo‘lishini isbotlang.

13.4. Uchburchakning uchlari uning o‘rta chizig‘ini o‘z ichiga olgan to‘g‘ri chiziqdandan teng masofada yotishini isbotlang.

13.5. Aylanaga ichki chizilgan $ABCD$ to‘rburchak diagonallari O nuqtada kesishadi.

$\Delta AOB \sim \Delta COD$ ekanligini isbotlang.

13.6. ABC uchburchak ichki sohasida O nuqta va OA, OB, OC nurlarda mos ravishda E, F, K nuqtalar olingan (4-rasm). Agar $AB \parallel EF$ va $BC \parallel FK$ bo‘lsa, ABC va EFK uchburchaklar o‘xhash ekanligini isbotlang.









13.7*. Trapetsiyaning diagonallari kesishish nuqtasidan o‘tuvchi to‘g‘ri chiziq trapetsiya asoslaridan birini $m:n$ nisbatda bo‘ladi. Bu to‘g‘ri chiziq ikkinchi asosni qanday nisbatda bo‘ladi?

13.8. Agar ABC uchburchakning yuzi S ga teng bo‘lsa, 5-rasmda x bilan belgilangan soha yuzini toping.

13.9. 6-rasmda $EQ \parallel BC$. AQ ni toping.

13.10. 7- rasmda $AB \parallel EC$. QC ni toping.

13.11. 8-rasmda ABC uchburchakning balandliklari o‘tkazilgan. Natijada nechta o‘xhash uchburchaklar hosil bo‘ldi?





I. Testlar

1. Quyidagi ta'riflardan qaysi biri to'g'ri?
 - A) Ikkita uchburchakning burchaklari mos ravishda teng bo'lsa, ular o'xhash deyiladi;
 - B) Ikkita uchburchakning tomonlari mos ravishda teng bo'lsa, ular o'xhash deyiladi;
 - C) Ikkita uchburchakning mos tomonlari proporsional va mos burchaklari teng bo'lsa, ular o'xhash deyiladi;
 - D) Ikkita uchburchakning mos tomonlari va mos burchaklari teng bo'lsa, ular o'xhash deyiladi.
2. Ikkita o'xhash uchburchak yuzlarining nisbati nimaga teng?
 - A) O'xhashlik koeffitsiyentiga;
 - B) Ularning mos tomonlari nisbatiga;
 - C) Ularning perimetrlari nisbatiga;
 - D) O'xhashlik koeffitsiyentining kvadratiga.
3. Quyidagi tasdiqlardan qaysi biri to'g'ri?
 - A) Uchburchaklardan birining ikkita burchagi ikkinchisining ikkita burchagiga teng bo'lsa, ular o'xhash bo'ladi;
 - B) Uchburchaklardan birining ikkita tomoni ikkinchisining ikki tomoniga teng bo'lsa, ular o'xhash bo'ladi;
 - C) Ikkita uchburchakning bittadan burchaklari teng va ikkitadan tomonlari proporsional bo'lsa, ular o'xhash bo'ladi;
 - D) Ikkita uchburchakning bittadan burchaklari teng va bittadan tomonlari proporsional bo'lsa, ular o'xhash bo'ladi.
4. To'g'risini toping. Agar ikkita uchburchak o'xhash bo'lsa, ularning ...

A) Balandliklari teng bo'ladi;	B) Tomonlari proporsional bo'ladi;
D) Tomonlari teng bo'ladi;	E) Yuzlari teng bo'ladi.
5. O'xhash uchburchaklarning perimetrlari nisbati nimaga teng?

A) Mos tomonlar nisbatining kvadratiga;	B) O'xhashlik koeffitsiyentiga;
D) O'xhashlik koeffitsiyentining kvadratiga;	E) Yuzlari nisbatiga.
6. Qaysi bandda 1-rasmda tasvirlangan romblar o'xhashligi to'g'ri yozilgan?

A) $EHGF \sim PQRO$;	B) $HGFE \sim PQRO$;
D) $GFEH \sim QRQP$;	E) $EHGF \sim QRQP$.
7. 2- rasmdagi ko'pburchaklar o'xhashmi? Nega?
 - A) Ha, chunki bu ko'pburchaklarning mos burchaklari teng va mos tomonlari proporsional;
 - B) Ha, chunki bu ko'pburchaklarning mos burchaklari proporsional va mos tomonlari teng;
 - C) Ha, chunki bu ko'pburchaklarning mos burchaklari teng;
 - E) Ha, chunki bu ko'pburchaklarning mos tomonlari proporsional;



8. 3-rasmdagi SRQT va VWXU trapetsiyalar o‘xshashmi? Agar o‘xshash bo‘lsa, ularning o‘xshashlik koeffitsiyenti nimaga teng?

- A. Ha, $k=0,4$; B. Ha, $k=0,5$;
D. Ha, $k=0,8$; E. Yo‘q.

9. O‘xshash uchburchaklarning mos tomonlari 4 cm va 13 cm . Agar birinchi uchburchak yuzi 16 cm^2 ga teng bo‘lsa, ikkinchi uchburchak yuzini toping.

- A. 169 cm^2 ; B. 16 cm^2 ;
D. 52 cm^2 ; E. 189 cm^2 ;

10. Ikkita o‘xshash uchburchak yuzlarining nisbati 144 ga teng. Ularning mos tomonlari nisbati nimaga teng?

- A. 13 ga; B. 12 ga;
D. 14 ga; E. 16 ga;

11. 4-rasmdagi uchburchaklar o‘xshash. Rasmda berilgan kattaliklarga ko‘ra katta uchburchak yuzining kichik uchburchak yuziga nisbatini toping.

- A. $9:4$; B. $3:2$;
D. $4:9$; E. $2:3$;

12. Ikkita o‘xshash uchburchak yuzlarining nisbati a ga teng bo‘lsa, bu uchburchaklar o‘xshashlik koeffitsiyenti nimaga teng bo‘ladi?




- A. $1:a^2$; B. a^2 ; D. \sqrt{a} ; E. $1:a$;

13. 5-rasmda keltirilgan teng yonli uchburchaklar o‘xshashmi? Nega?

- A. Ha, chunki ularning ikkitadan tomonlari propotsional va ular orasidagi burchagi teng;
B. Yo‘q, chunki ularning ikkita burchagi o‘zaro teng emas;




D. Yo‘q, chunki ularning mos burchaklari teng emas;

E. Yo‘q, chunki ularning tomonlari proporsional emas;





II. Masalalar

- ABC* uchburchakning *AB* va *AC* tomonlari o‘rtalari mos ravishda *E* va *F* nuqtalar bo‘lsin. Agar *AEF* uchburchak yuzi 3 cm^2 bo‘lsa, *ABC* uchburchak yuzini toping.
- ABC* uchburchakning *AC* tomoniga parallel to‘g‘ri chiziq *AB* va *BC* tomonlarni mos ravishda *N* va *P* nuqtalarda kesadi. Agar $AN = 4$, $NB = 3$, $BP = 3,6$ bo‘lsa, *BC* tomonni toping.
- O‘tkir burchakli *ABC* uchburchakning *AB* tomonida *K* nuqta olingan. Agar $AK = 3$, $BK = 2$ va uchburchakning *BD* balandligi 4 ga teng bo‘lsa, *K* nuqtadan *AC* kesmagacha bo‘lgan masofani toping.
- ABCD* parallelogrammning *BC* tomoni o‘rtasidagi *K* nuqtadan o‘tkazilgan *DK* nur bilan *AB* nur *F* nuqtada kesishadi. Agar $AD = 4$, $DK = 5$ va $DC = 5$ bo‘lsa, *AFD* uchburchak perimetreni hisoblang.
- ABC* uchburchak ichki sohasida olingan *O* nuqtadan *AB* va *BC* tomonlarga parallel to‘g‘ri chiziqlar o‘tkazilgan. Bu to‘g‘ri chiziqlar *AC* tomonni mos ravishda *P* va *Q* nuqtalarda kesadi. Agar $PQ = 2$, $AC = 7$ va *ABC* uchburchak yuzi 98 ga teng bo‘lsa, *POQ* uchburchak yuzini aniqlang (6-rasm).
- ABCD* trapetsianing *BC* va *AD* asoslarida mos ravishda *K* va *L* nuqtalar olingan. *KL* kesma trapetsianing diagonallari kesishgan nuqtadan o‘tadi. Agar $AL = 4$, $LD = 5$ va $BK = 2$ bo‘lsa, *KC* kesmani toping (7-rasm).
- Ikkita o‘xhash uchburchaklardan birinchisining yuzi 15 mm^2 , ikkinchisining yuzi esa 135 mm^2 . Birinchi uchburchakning bitta tomoni 6 mm bo‘lsa, ikkinchi uchburchakning unga mos tomonini toping?
- 8-rasmda berilganlarga ko‘ra noma’lum kesmani toping.
- 9-rasmda keltirilgan uchburchak o‘xhashmi? Nega?




10. 10-rasmda $JIF \sim HJG$. IH kesma uzunligini toping
11. 11-rasmda tasvirlangan uchburchaklar o‘xhashmi? Agar o‘xhash bo‘lsa, ularning o‘xhashlik koeffitsiyentini toping.
12. Ikkita o‘xhash uchburchaklardan birinchisining yuzi 24 mm^2 , ikkinchisining yuzi esa 216 mm^2 . Birinchi uchburchakning balandliklaridan biri 8 mm bo‘lsa, ikkinchi uchburchakning mos balandligini toping.




13. 12-rasmida tasvirlangan ko‘pburchaklar o‘xhash. Berilgan ma’lumotlardan foydalanib, noma’lum kattalikni toping


12) a) $S_1 = ?$



b) $S_1 = ?$







$S_2 = 96 \text{ mm}^2$





14. 13-rasmida tasvirlangan ko‘pburchaklar o‘xhash. Berilgan ma’lumotlardan foydalanib, ularning o‘xhashlik koeffitsiyentini toping

13) a)





15. 14-rasmida tasvirlangan ko‘pburchaklar o‘xhash. Berilgan ma’lumotlar asosida noma’lumni toping.

14) a) $S_1 : S_2 = 49 : 25$, b - ?




b) $S_1 : S_2 = 36 : 49$, t - ?



16. Chinor daraxtining soyasi 12 m. Uning yonidagi ko‘p qavatli uyning soyasi esa 6 m. Agar chinor daraxti uydan 16 m baland bo‘lsa, uyning balandligi qanchani tashkil qiladi?

17. Haykalning balandligi 9 m bo‘lib, uning soyasi 12 m. Haykal yonida o‘sayotgan terakning balandligi qancha?

Tekislikda berilgan F shaklning har bir nuqtasi biror bir usulda ko‘chirilsa, yangi F_1 shakl hosil bo‘ladi (1- rasm). Agar bu ko‘chirishda (akslantirishda) birinchi shaklning har xil nuqtalari ikkinchi shaklning har xil nuqtalariga ko‘chsa (akslantirish o‘zaro bir qiymatli bo‘lsa), bu ko‘chirishga *geometrik shakl almashtirish* deb ataladi.



Agar shakl akslantirishda tekislikning barcha nuqtalari ko‘chsa, unda tekislikni o‘zini-o‘ziga akslantirish haqida ham gapirish mumkin. Quyida tekislikdagi ba‘zi bir geometrik almashtirishlar ustida to‘xtalamiz.

Nuqtalar orasidagi masofani saqlaydigan shakl almashtirish *harakat* deb ataladi.

Ta‘rifga ko‘ra, shakl almashtirishda F shaklning ixtiyoriy X va Y nuqtalari F_1 shaklning qandaydir X_1 va Y_1 nuqtalariga o‘tgan bo‘lib, $XY = X_1Y_1$ tenglik bajarilsa (ya‘ni masofa saqlansa), bunday shakl almashtirish harakat bo‘ladi (2-rasm).


Harakatning quyidagi xossalarni keltirish mumkin.

Harakatda to‘g‘ri chiziq – to‘g‘ri chiziqa, nur – nurga, kesma – unga teng kesmaga, burchak – unga teng burchakka, uchburchak – unga teng uchburchakka ko‘chadi (akslanadi).

Aytaylik, F shakl birinchi harakat natijasida F_1 shaklga, F_1 shakl esa ikkinchi harakat yordamida F_2 shaklga o‘tgan bo‘lsin. Natijada, F shakl bu ikki harakat yordamida F_2 shaklga ko‘chadi va bu ko‘chish o‘z navbatida yana harakat bo‘ladi (3-rasm).



Tekislikda biror harakat yordamida birini ikkinchisiga ko‘chirish mumkin bo‘lgan shakllar teng deyiladi.

Tekislikda biror \overrightarrow{AB} vektor va ixtiyoriy X nuqta berilgan bo‘lsin. Agar X_1 , nuqta uchun $XX_1 = AB$ shart bajarilsa, X nuqta X_1 nuqtaga AB vektor bo‘ylab *parallel ko‘chirigan* deb ataladi.



Agar tekislikda berilgan F shaklning har bir nuqtasi \overline{AB} vektor bo'ylab ko'chirilsa (5- rasm), yangi F_1 shakl hosil bo'ladi. Bu holda F shakl F_1 shaklga parallel ko'chirilgan deyiladi. Parallel ko'chirishda F shaklning har bir nuqtasi bir xil yo'nalişda bir xil masofaga ko'chirilgan bo'ladi.

5- rasmda tasvirlangan uchburghachning har bir nuqtasi boshlang'ich holatiga nisbatan 40 m ga parallel ko'chgan. 6-rasmdagi delfin ham \bar{a} vektor bo'ylab parallel ko'chirilgan.



Ravshanki, parallel ko'chirish harakatdir. Shuning uchun, parallel ko'chirishda to'g'ri chiziq - to'g'ri chiziqqa, nur - nurga, kesma - unga teng kesmaga ko'chadi va hokazo.

Aytaylik, $\overline{AB} = (a; b)$ vektor bo'ylab parallel ko'chirishda F shaklning nuqtasi $X(x; y)$ va F_1 shaklning nuqtasi $X_1(x_1; y_1)$ ga o'tsin. Unda ta'rifga ko'ra quyidagilarga egamiz:

$$x_1 - x = a, \quad y_1 - y = b \quad \text{yoki} \quad x_1 = x + a, \quad y_1 = y + b.$$

Bu tengliklar paralel ko'chirish formulalari deb ataladi.

1-masala. $\bar{p} = (3; 2)$ vektor bo'ylab parallel ko'chirishda $P(-2; 4)$ nuqta qaysi nuqtaga ko'chadi?

Yechish. Yuqoridagi parallel ko'chirish formulalardan foydalanamiz:

$$x_1 = -2 + 3 = 1, \quad y_1 = 4 + 2 = 6.$$

Javob: $P_1(1; 6)$.

?

Masala va topshiriqlar

15.1. $\bar{p} = (-2; 1)$ vektor bo'ylab parallel ko'chirishda a) $(3; -2)$; b) $(0; 2)$; c) $(2; -5)$ nuqta qaysi nuqtaga ko'chadi?

15.2. Parallel ko'chirishda $A(4; 2)$ nuqta $B(3; 7)$ nuqtaga ko'chdi. Parallel ko'chirish qaysi vektor bo'ylab amalga oshirilgan?

15.3. Parallel ko'chirishda a) to'g'ri chiziq - to'g'ri chiziqqa; b) nur - nurga; c) kesma - unga teng kesmaga ko'chishini isbotlang.

15.4. Parallel ko'chirishda $(1; 2)$ nuqta $(1; -1)$ nuqtaga o'tadi. Koordinata boshi bu almashtirishda qaysi nuqtaga o'tadi?

15.5. Parallel ko'chirishda $(3; 4)$ nuqta $(2; -4)$ nuqtaga o'tadi. Bu almashtirishda koordinata boshi qaysi nuqtaga o'tadi?



15.6. $A(2; 1)$ nuqta $B(1; 0)$ nuqtaga, $C(3; -2)$ nuqta esa $D(2; -3)$ nuqtaga o'tadigan parallel ko'chirish mavjudmi?

15.7. $A(-2; 3)$ nuqta $B(1; 2)$ nuqtaga, $C(4; -3)$ nuqta esa $D(7; -2)$ nuqtaga o'tadigan parallel ko'chirish mavjudmi?

15.8. $ABCDA_1B_1C_1D_1$, kub berilgan. Parallel ko'chirishda A_1D kesma B_1C kesmaga o'tadi. Bu ko'chirishda AA_1 kesma qaysi kesmaga o'tadi?



Tekislikda biror a to‘g‘ri chiziq va unda yotmaydigan ixtiyoriy M nuqta berilgan bo‘lsin. M nuqtadan a to‘g‘ri chiziqqa perpendikular tushiramiz va uning asosini O bilan belgilaymiz (1 - rasm). Perpendikularda yotgan M_1 nuqta uchun

$MO = M_1O$ bo‘lsa, M va M_1 nuqtalarga a to‘g‘ri chiziq yoki *o‘qqa nisbatan simmetrik* nuqtalar deyiladi,



Tekislikning ixtiyoriy M nuqtasiga a to‘g‘ri chiziq (*o‘qqa*) nisbatan unga simmetrik bo‘lgan M_1 nuqtani mos qo‘yamiz. Tekislikni bunday o‘zini-o‘ziga akslantirishga *o‘qqa nisbatan simmetriya* deymiz. To‘g‘ri chiziqni esa *simmetriya o‘qi* deb yuritamiz.

2-rasmda tasvirlangan delfinlar o‘zaro *o‘qqa* nisbatan simmetrik bo‘ladi.



O‘qqa nisbatan simmetriya harakatdir ya‘ni u nuqtalar orasidagi masofani saqlaydi.

Keling bu tasdigni isbotlaylik. 3- rasmda ixtiyoriy $A(x_1; y_1)$ va $B(x_2; y_2)$ nuqtalar bo‘lib, $A_1(-x_1; y_1)$ va $B_1(-x_2; y_2)$ nuqtalar esa ularning a to‘g‘ri chiziqqa (Oy *o‘qqa*) nisbatan mos ravishda simmetrik akslari bo‘lsin. $AB = A_1B_1$ ekanligini ko‘rsatamiz.

Haqiqatan, ikki nuqta orasidagi masofani hisoblash formulasiga ko‘ra


$$AB = \sqrt{(x_2 - x_1)^2 + (y_2 - y_1)^2},$$

$$A_1B_1 = \sqrt{(-x_2 - (-x_1))^2 + (y_2 - y_1)^2} = \sqrt{(x_2 - x_1)^2 + (y_2 - y_1)^2}$$


ya‘ni bu masofalar o‘zaro teng. Bundan *o‘qqa* nisbatan simmetriyada har bir kesma o‘ziga teng kesmaga o‘tishi ham kelib chiqadi.

Xuddi shunga o‘xshash, *o‘qqa* nisbatan simmetriyada burchak – o‘ziga teng burchakka o‘tishini ham ko‘rsatish mumkin. Bunda faqat burchakning yo‘nalishi o‘zgarib qoladi (4- rasm).


5




b)



c)



d)



Koordinatalar tekisligida berilgan $A(x; y)$ nuqta Ox o‘qiga nisbatan simmetriyada $A_1(x; -y)$ nuqtaga, Oy o‘qiga nisbatan simmetriyada esa $A_2(-x; y)$ nuqtaga o‘tadi.

Masala va topshiriqlar

16.1. $(1; 2), (0; 2), (2; 2)$ nuqtalar koordinata o‘qlariga nisbatan simmetriyalarda qaysi nuqtalarga o‘tadi? a) OX o‘qiga nisbatan; b) OY o‘qiga nisbatan.

16.2. $(2; 4)$ nuqta koordinata o‘qiga nisbatan simmetrik akslantirishda $(2; -4)$ nuqtaga o‘tdi. Akslantirish qaysi koordinata o‘qiga nisbatan amalga oshirilgan?

16.3. 5- rasmida tasvirlangan shakllarning qaysilarini simmetriya o‘qiga ega? Bu shakllarni daftaringizga ko‘chirib chizing va ularning simmetriya o‘qlarini yasang.

16.4. To‘g‘ri to‘rtburchak, kvadrat, romb, teng yonli trapetsiya va teng yonli uchburchakning nechta simmetriya o‘qi bor?

16.5. Ixtiyoriy ABC uchburchak chizing. Uning C uchidan o‘tuvchi to‘g‘ri chiziqqa nisbatan unga simmetrik bo‘lgan uchburchakni tasvirlang.

16.6. Koordinata tekisligida uchlari $A(3; 2), B(2; 7), C(6; 7)$ va $D(7; 2)$ nuqtalarda bo‘lgan $ABCD$ parallelogrammga Oy o‘qiga nisbatan simmetrik bo‘lgan $A_1B_1C_1D_1$ parallelogrammni tasvirlang.




16.7. Koordinata tekisligida $y = x + 4$ funksiya grafigini chizing. Bu grafikka Ox o‘qiga nisbatan simmetrik bo‘lgan to‘g‘ri chiziqni tasvirlang va u qaysi funksiya grafigi ekanligini aniqlang.

16.8. Chapdan o‘ngga ham, o‘ngdan chapga ham o‘qisa bo‘ladigan so‘zlarga polindromlar deyiladi. Quyidagi polindrom so‘zlarning qaysilarining simmetriya o‘qi bor?

KIYIK QOVOQ NON SOS KATAK BOB MUM RADAR

16.9. 6- rasmdagi koordinatalar tekisligida tasvirlangan shakllarni daftaringizga ko‘chirib chizing. Shu koordinatalar tekisligida bu shakllarga Ox hamda Oy o‘qlariga nisbatan simmetrik bo‘lgan shakllarni quring.

6




Tekislikda berilgan A va A_1 nuqtalar O nuqtaga nisbatan simmetrik deyiladi, agar $AO = OA_1$, ya'ni O nuqta AA_1 kesmaning o'rtasi bo'lsa (1- rasm).

Agar tekislikda berilgan F shaklning har bir nuqtasi O nuqtaga nisbatan simmetrik nuqtaga ko'chsa (2- rasm), yangi F_1 shakl hosil bo'ladi. Bunday almashtirishda F va F_1 shakllar ***O nuqtaga nisbatan simmetrik*** deyiladi. 3- rasmlardagi delfinlar rasmi O nuqtaga nisbatan simmetrik shakllar bo'ladi.

Nuqtaga nisbatan simmetriya – harakatdir.

Agar F shakl O nuqtaga nisbatan simmetrik almashtirishda o'ziga ko'chsa, u ***markaziy simmetrik shakl*** deb ataladi.


Masalan, parallelogramm (4- rasm) diagonallari kesishish nuqtasi O ga nisbatan markaziy simmetrik shakl hisoblanadi.



1-masala. $O(2; 4)$ nuqtaga nisbatan simmetriyada $A(1; 2)$ nuqta qaysi nuqtaga o'tadi?

Yechish. $A_1(x; y)$ izlanayotgan nuqta bo'lsin. Ta'rifga ko'ra, O nuqta AA_1 kesmaning o'rtasi. Demak, $2 = (x+1)/2$, $4 = (y+2)/2$.

Bu tengliklardan $x = 4 - 1 = 3$, $y = 8 - 2 = 6$. **Javob:** $A_1(3; 6)$.



Aytaylik, tekislikda O nuqta va φ burchak berilgan bo'lib, shakl almashtirishda tekislikning ixtiyoriy A nuqtasi shunday A_1 nuqtaga ko'chsinki, $OA = OA_1$ va $\angle AOA_1 = \varphi$ bo'lsin. Bunday shakl almashtirish tekislikni O nuqta atrofida φ burchakka ***burish*** deb ataladi (5-rasm).

Agar tekislikda berilgan F shaklning har bir nuqtasini O nuqtaga nisbatan φ burchakka bursak, yangi F_1 shakl hosil bo‘ladi. Bunda F shakl O nuqtaga nisbatan φ burchakka burishda F_1 shaklga o‘tdi deyiladi. 6-rasmda kalit rasmi va uni biror burchakka burishda hosil bo‘lgan shakl kerltirilgan.

Nuqtaga nisbatan burish ham harakat bo‘ladi.

O nuqtaga nisbatan 180° burchakka burish O nuqtaga nisbatan markaziy simmetriyadan iborat bo‘ladi.





Koordinatalari bilan berilgan $A(x; y)$ nuqta koordinata boshiga nisbatan simmetriyada $A_1(-x; -y)$ nuqtaga o‘tdi: $A(x; y) \longrightarrow A_1(-x; -y)$.

Tabiatda simmetriyani har qadamda uchratish mumkin. Masalan, jonli mavjudodlarning ko‘philigi, xususan, inson va hayvonlar gavdasi, o‘simliklarning barglari va gullari simmetrik tuzilgan (7- rasm). Shuningdek, jonsiz tabiat unsurlari ham borki, masalan qor zarralari, tuz kristallari, moddalarning molekulyar tuzilishi ham ajoyib simmetrik shakllardan iboratdir. Tabiatdagi bu go‘zallik va mukammallikdan andoza olgan quruvchi, injener va arxitektor kabi ijodkorlar yaratgan ko‘plab inshoot va binolar, qurulma va mexanizmlar, texnika va transport vositalari ham simmetrik yaratilgan.

7




8



Masala va topshiriqlar


- 17.1. $O(-2; 3)$ nuqtaga nisbatan markaziy simmetriyada $A(4; 2)$ nuqta qaysi nuqtaga o‘tdi?
- 17.2. 8- rasmda tasvirlangan shakllarda O nuqta simmetriya markazi ekanligini asoslang.
- 17.3. $(-2; 5)$, $(2; 2)$, $(-6; 12)$ nuqtalar koordinata boshiga nisbatan markaziy simmetriyada qaysi nuqtalarga o‘tdi?
- 17.4. Markaziy simmetriyaning harakat ekanligini isbotlang.
- 17.5. Parallelogrammning (4- rasm) diagonallari kesishish nuqtasi O ga nisbatan markaziy simmetrik shakl ekanligini isbotlang.

- 17.6.** To‘g‘ri to‘rtburchak, kvadrat, parallelogramm, burchak, to‘g‘ri chiziq va teng yonli uchburchaklarning qaysi birlari markazi simmetrik shakldan iborat bo‘ladi? Ularning simmetriya markazi qayerda joylashgan?
- 17.7.** Ixtiyoriy AB kesma va unda yotmagan M nuqta chizing. AB kesmaga M nuqtaga nisbatan simmetrik bo‘lgan A_1B_1 kesmani tasvirlang.
- 17.8.** Ixtiyoriy ABC uchburchak chizing. a) C uchiga nisbatan; b) medianalari kesishish nuqtasiga nisbatan simmetrik bo‘lgan uchburchakni tasvirlang.
- 17.9.** Koordinata tekisligida uchlari $A(3; 2)$, $B(2; 7)$, $C(6; 7)$ va $D(6; 2)$ nuqtalarda bo‘lgan $ABCD$ parallelogrammga koordinata boshi $O(0, 0)$ nuqtaga nisbatan simmetrik bo‘lgan $A_1B_1C_1D_1$ parallelogrammini tasvirlang.




17.10. 9- rasmdagi koordinatalar tekisligida tasvirlangan shakllarni daftaringizga ko‘chirib chizing. Shu koordinatalar tekisligida bu shakllarga koordinata boshiga nisbatan simmetrik bo‘lgan shakllarni yasang.

17.11. 10- rasmdagi koordinatalar tekisligida tasvirlangan shakllarni daftaringizga ko‘chirib chizing. Shu koordinatalar tekisligida kvadratni 90° ga, uchburchakni 180° ga va beshburchakni 120° ga buring.




17.12.11- rasmdagi ko‘pburchaklar qanday simmetriyaga ega ekanligini aniqlang. Ularning nechta simmetriya o‘qi bor?




17.13. M, N, S, X, Z, V, T, Y, U, W, D, B, H, K, C, I, E, A harflari qanday simmetriyaga ega ekanligini aniqlang.

17.14. 12- rasmdagi shakllar bir nechta bir xil yarim doirachalardan tuzilgan. Bu shakllarni o'zini-o'ziga o'tkazadigan burish bor yoki yo'qligini aniqlang. Agar bor bo'lsa, u qanday burish bo'ladi?




17.15. 13- rasmdagi shakllarning qaysilari simmetriya markaziga ega. Qanday burchakka burishda bu shakllar o'ziga-o'zi o'tadi?



17.16. Ikkita $ABCD$ va $MNPK$ tengdosh ya'ni teng yuzga ega bo'lgan to'rtburchaklar bir-birining ustiga 14-rasmda ko'rsatilgandek qilib qo'yilgan. Qizil rangdagi uchburchak yuzlari yig'indisi yashil rangga bo'yagan uchburchaklar yuzi yig'indisiga tengligini ko'rsating.

17.17. $ABCD$ to'g'ri to'rtburchak tomonlariga parallel to'g'ri chiziqlar bilan to'rtta to'g'ri to'rtburchakka bo'lingan. 15-rasmda berilganlardan foydalaniib, bo'yalmagan to'g'ri to'rtburchak yuzini toping.

17.18. 16-rasmdagi kvadratlarning tomonlari 10 cm , 9 cm , 7 cm va 4 cm . Qizil rangdagi kvadratlar yuzi yig'indisi 112 cm^2 ga teng. Ko'k rangdagi kvadratlar yuzi yig'indisini toping.




"Qor zarrachalari" loyiha ishi

Tabiatda barcha qor zarrachalari simmetrik shaklga ega bo'ladi va bir-biriga o'xshamaydi. Har bir qor zarrasi markaziga nisbatan 60° ga burishda o'ziga-o'zi o'tadi. 60° ga burishda o'ziga-o'zi o'tadigan shakllarni qog'ozdan qanday qilib qirqib olish mumkin? Bir nechta turli shakldagi qor zarrachalarini qog'ozdan qirqib oling.



17.19. 17-rasmida tasvirlangan shakllarni daftaringizga chizib oling va berilgan o'qqa nisbatan simmetrik aksini yasang.




17.20. 18-rasmida tasvirlangan avtomobil kompaniyalarining logotiplari qanday simmetriyaga ega ekanligini aniqlang.



"Gulzorga geometriya" loyiha ishi.

Uch o'rtoq Ali, Vali va Soli kvadrat shaklidagi gulzor yaratmoqchi. Ali kvadrat shaklidagi gulzorni 4 ta qoziqqa 4 ta bir xil uzunlikdagi iplarni tortib ajratmoqchi (19.a-rasm). Vali kvadrat shaklidagi gulzorni 2 ta bir xil uzunlikdagi iplarni qoziqlarga tortib, ularni parallel holda oralaridagi masofani ip uzunligiga teng qilib o'rnatib ajratmoqchi (19.b-rasm). Soli esa 2 ta bir xil uzunlikdagi iplarning o'rtalarini tugib, ularning o'rtalari ustma-ust tushadigan va bir-biriga perpendikular qilib tortib qoziqlarga bog'lab ajratmoqchi (19.c-rasm). Ayting-chi, ularning qaysi biri qo'yilgan masalani to'g'ri hal qilgan? Nega?



"Geometriya va optika" loyiha ishi.

XVII asrda buyuk fransuz matematik olimi Pyer Ferma quyidagi qonuniyatni kashf etdi: yorug'lik nuri bir nuqtadan ikkinchi nuqtaga eng qisqa vaqt davomida yetib boradi.

1. Oynaning bir tomonidagi A va B nuqtalar berilgan. Yorug'lik nuri A nuqtadan chiqib, oynaga urilib B nuqtadan o'tdi (20-rasm). Ferma prinsipidan foydalanib, ACM (tushish burchagi) va BCN (qaytish burchagi) orasidagi munosabatni toping.

2. Daryoning qirg'og'idagi A nuqtada fermerning uyi va B nuqtada uning fermasi joylashgan (21-rasm). Fermer har kuni daryoga borib, idishlarga suv to'ldirib fermasiga olib boradi. U bu ishni eng qisqa yo'l bilan amalga oshirishi uchun qanday yo'ldan yurgani ma'qul?

Qiziqarli geometriya

a) 22-rasmida ixtiyoriy qavariq to'rtburchak tasvirlangan. To'rtburchakning diagonallari uni to'rtta uchburchakka ajratadi. Bu uchburchaklar yuzi uchun $S_1 \cdot S_2 = S_3 \cdot S_4$ bo'lishini isbotlang.







Ko'rsatma: o'xhash shakllar xossalaridan foydalaning.

b) 23-rasmida berilganlardan foydalanib, noma'lum yuzani toping.


c) 24-rasmida ixtiyoriy qavariq to'rtburchak tasvirlangan. To'rtburchak qarama-qarshi tomonlari ning o'rtalari tutashtirilgan. Natijada to'rtburchak to'rtta to'rtburchakka ajralgan. Bu to'rtburchaklar yuzi uchun $S_1 + S_2 = S_3 + S_4$ bo'lishini isbotlang.

Ko'rsatma: isbotlash uchun 25-rasmdagi yordamchi shakldan foydalaning.

d) 26-rasmida berilganlardan foydalanib, noma'lum yuzani toping.



1




Oldingi darslarda ko'pburchaklarning o'xhashligi tushunchasi bilan tanishdik. Bu tushunchani faqat ko'pburchaklar uchun emas, balki istalgan geometrik shakllar uchun ham kiritish mumkin.

Agar F va F^* shakllar berilgan bo'lib, F shaklning har bir nuqtasiga F^* shaklning biror nuqtasi mos qo'yilgan bo'lsa va bunda F^* shaklning har bir nuqtasiga F shaklning faqat bitta nuqtasi mos kelsa, (1-rasm) **F shakl F^* shaklga almashtirilgan** deyiladi.



Ta'rif. Agar F shaklni F^* shaklga almashtirishda nuqtalar orasidagi masofalar bir xil son marta o'zgarsa, bunday almashtirishga ***o'xshashlik almashtirishi*** deyiladi (2-rasm).

2



Bu ta'rifni quyidagicha talqin qilish mumkin: Aytaylik, biror almashtirish natijasida F shaklning ixtiyoriy X , Y nuqtalariga F^* shaklning X^* , Y^* nuqtalari mos qo'yilgan bo'lsin. Agar $X^*Y^* = k \cdot XY$, $k > 0$ bo'lsa, bunday almashtirishga ***o'xshashlik almashtirishi*** deyiladi. Bunda k — barcha X va Y nuqtalar uchun bir xil son bo'lib, u ***o'xshashlik koeffitsiyenti*** deb yuritiladi.


Agar F va F^* shakllar berilgan bo'lib, bu shakllardan birining ikkinchisiga o'tkazadigan ***o'xshashlik almashtirishi*** mavjud bo'lsa, F va F^* shakllar o'zaro ***o'xshash*** deyiladi. Shakllarning o'xshashligi $F \sim F^*$ kabi yoziladi. Agar o'xshashlik koeffitsiyenti k ni ham ko'rsatish lozim bo'lsa, $F \sim F^*$ tarzda ham belgilanadi.

Agar o'xshashlik almashtirishida X nuqtaga X^* nuqta mos qo'yilgan bo'lsa, ***X nuqta X* nuqtaga almashti*** yoki ***o'tdi*** deyiladi.



Teorema. *O'xshashlik almashtirishi a) to'g'ri chiziqni to'g'ri chiziqa; b) nurni nurga; d) burchakni (uning kattaligini saqlagan holda) burchakka; e) kesmani (uzunligi bu kesmadan k marta uzun bo'lgan) kesmaga o'tkazadi.*

3



Izbot. a) O'xshashlik koeffitsiyenti k bo'lgan almashtirishda bir to'g'ri chiziqda yotgan turli X , Y va Z nuqtalar mos ravishda X^* , Y^* va Z^* nuqtalarga almashtsin (3-rasm).

X , Y , Z nuqtalardan biri, aytaylik, Y qolgan ikkitasining orasida yotsin. U holda $XZ = XY + YZ$. O'xshashlik almashtirishi ta'rifiga ko'ra:

$$X^*Z^* = k \cdot XZ = k \cdot (XY + YZ) = k \cdot XY + k \cdot YZ = X^*Y^* + Y^*Z^*.$$

Bu tenglikdan X^* , Y^* va Z^* nuqtalarining bir to‘g‘ri chiziqda yotishi kelib chiqadi.

Teoremaning isbotini faqat a) tasdiq uchun keltirdik. Qolgan tasdiqlarda isbotlashni sizga mashq tariqasida qoldiramiz.

Masala va topshiriqlar

18.1. O‘xshashlik almashtirishi nima?


18.2. Qanday shakllar o‘xshash deyiladi?

18.3. Eni 3 cm, bo‘yi 4 cm bo‘lgan to‘g‘ri to‘rburchakka o‘xshash, o‘xshashlik koefitsiyenti 2 ga teng bo‘lgan to‘rtburchak yasang.

18.4. 4-rasmda maktab hovlisining tarxi 1:1000 masshtabda tasvirlangan.

O‘lhash ishlarini bajarib,

- a) hovlining; b) maktab binosining;
- d) gulzorlarning; e) sport maydonining;
- f) bog‘ning haqiqiy o‘lchamlarini toping.





18.5. Agar xarita 1:50000 masshtabda tasvirlangan bo‘lsa (5-rasm), Obod va Ozod qishloqlari markazlari orasidagi masofani toping.

18.6. O‘xshashlik almashtirishida nurlar orasidagi burchak saqlanishini isbotlang.

18.7*. O‘xshashlik almashtirishida a) parallelogramm parallelogramma; b) kvadrat kvadratga; d) to‘g‘ri to‘rtburchak to‘g‘ri to‘rburchakka; e) trapetsiya trapetsiyaga almashishini isbotlang.

18.8*. ABC uchburchak o‘xshashlik almashtirishida $A^*B^*C^*$ uchburchakka almashti. Agar o‘xshashlik koefitsiyenti 0,6 ga va ABC uchburchak perimetri 12 cm ga teng bo‘lsa, $A^*B^*C^*$ uchburchak perimetrini toping.

18.9. 6-rasmdan o‘xshash to‘g‘ri to‘rtburchaklar juftliklarini toping va o‘xshashlik koefitsiyentlarini aniqlang.




 **1-teorema.** O'xshash ko'pburchaklar perimetrlarining nisbati o'xshashlik koeffitsiyentiga teng.

Isbot. Haqiqatan ham, $A_1A_2\dots A_n$ va $B_1B_2\dots B_n$ ko'pburchaklar o'xshash va o'xshashlik koeffitsiyenti k bo'lsa, $B_1B_2=k\cdot A_1A_2$, $B_2B_3=k\cdot A_2A_3$, ..., $B_nB_1=k\cdot A_nA_1$ bo'ladi. Bundan

$P=B_1B_2+B_2B_3+\dots+B_nB_1=k\cdot A_1A_2+k\cdot A_2A_3+\dots+k\cdot A_nA_1=k\cdot(A_1A_2+A_2A_3+\dots+A_nA_1)=k\cdot P_1$ tenglikni hosil qilamiz. *Teorema isbotlandi.*

 **2-teorema.** O'xshash ko'pburchaklarni bir xil sondagi o'xshash uchburchaklarga ajratish mumkin.



1

Isbot. Aytaylik, $ABCDE$ va $A_1B_1C_1D_1E_1$ ko'pburchaklar o'xshash bo'lib, o'xshashlik koeffitsiyenti k bo'lsin.

O'zaro mos C va C_1 uchlardan CA , CE va C_1A_1 , C_1E_1 diagonallarni o'tkazamiz (1-rasm). Natijada, ko'pburchaklar bir xil sondagi uchburchaklarga ajraldi. Hosil bo'lgan uch juft mos uchburchaklarning o'xshashligini ko'rsatamiz.

1. $\Delta ABC \sim \Delta A_1B_1C_1$. Chunki, bu uchburchaklarda, shartga ko'ra, $\angle B = \angle B_1$, $\frac{AB}{A_1B_1} = \frac{BC}{B_1C_1} = k$. Uchburchaklar o'xshashligining TBT alomatiga ko'ra,

$\Delta ABC \sim \Delta A_1B_1C_1$.

2. $\Delta CDE \sim \Delta C_1D_1E_1$. Bu o'xshashlik 1-banddag'i kabi isbotlanadi.

3. $\Delta ACE \sim \Delta A_1C_1E_1$. Haqiqatan, $\angle CAE$ va $\angle C_1A_1E_1$ burchaklarni qaraymiz:

$$\angle CAE = \angle BAE - \angle CAB, \quad \angle C_1A_1E_1 = \angle B_1A_1E_1 - \angle C_1A_1B_1.$$

Bu yerda, $\angle BAE = \angle B_1A_1E_1$ (berilgan o'xshash beshburchaklarning mos burchaklari). $\angle CAB = \angle C_1A_1B_1$ (o'xshash ABC va $A_1B_1C_1$ uchburchaklarning mos burchaklari).

Demak, $\angle CAE = \angle C_1A_1E_1$.

AC va AE hamda A_1C_1 va A_1E_1 tomonlarni qaraymiz: $AC = kA_1C_1$, chunki ular o'zaro o'xshash ABC va $A_1B_1C_1$ uchburchaklarning mos tomonlari, $AE = kA_1E_1$, chunki ular ham berilgan o'xshash beshburchaklarning mos tomonlari. Demak, uchburchaklar o'xshashligining TBT alomatiga ko'ra, $\Delta ACE \sim \Delta A_1C_1E_1$. Ixtiyoriy o'xshash ko'pburchaklar uchun ham shu kabi mushohadalar o'rinali bo'lishi ravshan.

Teorema isbotlandi.

 **3-Teorema.** O'xshash ko'pburchaklar yuzlarining nisbati o'xshashlik koeffitsiyentining kvadratiga teng.

Isbot. Aytaylik, $A_1A_2\dots A_n$ va $B_1B_2\dots B_n$ ko'pburchaklar o'xhash va $k = \frac{P_{B_1B_2\dots B_n}}{P_{A_1A_2\dots A_n}}$ o'xshashlik koeffitsiyenti bo'lsin. U holda $A_1A_2A_3$, $A_1A_3A_4$, ..., $A_1A_{n-1}A_n$ uchburchaklar mos ravishda, $B_1B_2B_3$, $B_1B_3B_4$, ..., $B_1B_{n-1}B_n$ uchburchaklarga o'xhash bo'lib, o'xhash uchburchaklar yuzlarining nisbati k^2 ga teng bo'ladi (2-rasm):

$$S_{A_1A_2A_3} = k^2 S_{B_1B_2B_3}, \quad S_{A_1A_3A_4} = k^2 S_{B_1B_3B_4}, \dots, \quad S_{A_1A_{n-1}A_n} = k^2 S_{B_1B_{n-1}B_n}.$$

Bu tengliklarning mos qismlarini qo'shsak,

$$S_{A_1A_2\dots A_n} = k^2 S_{B_1B_2\dots B_n} \text{ bo'ladi.}$$

Teorema isbotlandi.

Masala. Perimetrlari 18 cm va 24 cm bo'lgan ikkita o'xhash ko'pburchak yuzlarining nisbatini toping.

Yechish. 1) O'xhash ko'pburchaklar perimetrlarining nisbati o'xshashlik koeffitsiyentiga teng ekanligidan foydalanib, $k = 24 : 18 = 4 : 3$ ekanligini topamiz.

2) O'xhash ko'pburchaklar yuzlarining nisbati o'xshashlik koeffitsiyentining kvadratiga teng bo'lgani uchun izlangan nisbat $k^2 = \frac{16}{9}$ ga teng. **Javob:** $\frac{16}{9}$.

Masala va topshiriglar

19.1. O'xhash ko'pburchaklar perimetrlarining nisbati nimaga teng?

19.2. O'xhash ko'pburchaklar yuzlarining nisbati haqidagi teoremani sharhlang.

19.3. Uchburchak bilan to'rtburchak o'xhash bo'lishi mumkinmi?

19.4. Yuzlari 6 m^2 va 24 m^2 bo'lgan ikkita to'rtburchak o'xhash. O'xshashlik koeffitsiyentini toping.


19.5. Ikkita ko'pburchakning perimetrlari 18 cm va 36 cm ga, yuzlarining yig'indisi esa 30 cm^2 ga teng. Ko'pburchaklar yuzlarini toping.

19.6. Perimetri 84 cm bo'lgan uchburchakning bir tomoniga parallel qilib o'tkazilgan to'g'ri chiziq undan perimetri 42 cm ga va yuzi 26 cm^2 ga teng uchburchak ajratdi. Berilgan uchburchak yuzini toping.


19.7. O nuqtaga nisbatan simmetrik shakllar o'xhash bo'ladimi? O'qqa nisbatan simmetrik shakllar-chi? Ularning o'xshashlik koeffitsiyenti nimaga teng?

19.8. To'rtburchak shaklidagi paxta maydoni xaritada yuzi 12 cm^2 bo'lgan to'rtburchak bilan tasvirlanadi. Agar xarita mashtabi $1:1000$ bo'lsa, maydonning haqiqiy yuzini hisoblang.


19.9*. Yuzlari 8 cm^2 va 32 cm^2 bo'lgan ikkita o'xhash uchburchak perimetrlarining yig'indisi 48 cm ga teng. Uchburchaklarning perimetrlarini toping.




1



2



3



Eng sodda o'xshash almashtirishlardan biri gomotetiyadir. Aytaylik, F — shakl, O — nuqta va k — musbat son berilgan bo'lsin. F shaklning istalgan X nuqtasi orqali OX nur o'tkazamiz va bu nurda uzunligi $k \cdot OX$ bo'lgan OX_1 kesmani qo'yamiz (1-rasm). Shu usul bilan F shaklning har bir X nuqtasiga X_1 nuqtani mos qo'yadigan almashtirish **gomotetiya** deyiladi. Bunda, O nuqta gomotetiya markazi, k soni gomotetiya koeffitsiyenti, F va gomotetiya natijasida F shakl al mashadigan F_1 shakllar esa **gomotetik shakllar** deyiladi.

Teorema. *Gomotetiya o'xshashlik almashtirishi bo'ladi.*

Izbot. Ixtiyoriy O markazli, k koeffitsiyentli gomotetiyada F shaklning X va Y nuqtalari X_1 va Y_1 nuqtalarga o'tsin (2-rasm). U holda, gomotetiya ta'rifiga ko'ra, XOY va X_1OY_1 uchburchaklarda $\angle O$ — umumiy va $\frac{OX_1}{OX} = \frac{OY_1}{OY} = k$ bo'ladi.

Demak, XOY va X_1OY_1 uchburchaklar ikki tomoni va ular orasidagi burchagi bo'yicha o'xshash.

Shuning uchun $\frac{X_1Y_1}{XY} = \frac{OX_1}{OX}$, xususan, $X_1Y_1 = k \cdot XY$

Teorema isbotlandi.

Masala. AOB burchak tomonlariga urinuvchi ixtiyoriy ikki aylana gomotetik bo'lishini va O nuqta bu gomotetiya uchun markaz ekanligini isbotlang.

Izbot. Markazlari O_1 va O_2 bo'lgan aylanalar AOB burchak tomonlariga urinsin (3-rasm). Bu aylanalarning gomotetik ekanligini isbotlaymiz.

Aylanalar OA nurga mos ravishda X_1 va X_2 nuqtalarda uringan bo'lsin (3-rasm).


U holda, $\Delta OX_1O_1 \sim \Delta OX_2O_2$, chunki

$$\angle X_1O_1O = \angle X_2O_2O \quad \text{va} \quad \angle OX_1O_1 = \angle OX_2O_2 = 90^\circ.$$

Bundan, $\frac{O_2X_2}{O_1X_1} = \frac{OO_2}{OO_1}$.

O'ng tomondagi nisbatni k bilan belgilaymiz va koeffitsiyenti $k = \frac{O_2X_2}{O_1X_1}$, markazi O bo'lgan gomotetiyani qaraymiz. Aytaylik, bu gomotetiyada O_1 markazli aylananing istagan M_1 nuqtasi M_2 nuqtaga o'tgan bo'lzin. U holda, $O_2M_2 = k O_1M_1$ yoki $O_2M_2 = \frac{O_2X_2}{O_1X_1} \cdot O_1M_1$.

Bundan, $O_1X_1 = O_2M_1$ bo'lgani uchun $O_2M_2 = O_2X_2$ tenglikni hosil qilamiz. Bu M_2 nuqta markazi O_2 nuqtada, radiusi O_2X_2 ga teng bo'lgan aylanada yotishini bildiradi. Demak, qaralayotgan aylanalar o'zaro gomotetik ekan.




Faollashtiruvchi mashq

4-rasmda gomotetiya koeffitsiyenti a) $0 < k < 1$; b) $k \geq 1$ bo'lgan gomotetik shakllar tasvirlangan. Gomotetiya koeffitsiyentining qiymatiga qarab gomotetik shakllarning "siqlishi" yoki "cho'zilishi" haqida qanday xulosa chiqarish mumkin?


Masala va topshiriqlar

- 20.1. Gomotetiya nima? Gomotetiya markazi, koeffitsiyenti-chi?
- 20.2. Gomotetiya o'xshashlik almashtirishi ekanligini izohlang.
- 20.3. Uchburchak chizing. Uchburchak a) ichki sohasida; b) tashqi sohasida O nuqta belgilang va koeffitsiyenti 2 ga teng bo'lgan O markazli gomotetiyani qarab, berilgan uchburchakka gomotetik uchburchak yasang.
- 20.4. Perimetrlari 18 cm va 27 cm bo'lgan ikkita romb o'zaro gomotetik. Bu romblar tomonlari va yuzlarining nisbatlarini toping.
- 20.5. Gomotetiyada X nuqta X_1 nuqtaga, Y nuqta Y_1 nuqtaga o'tadi. Agar X, X_1, Y, Y_1 nuqtalar bir to'g'ri chiziqdida yotmasa, shu gomotetiya markazini toping.
- 20.6. Koeffitsiyenti 2 ga teng bo'lgan gomotetiyada X nuqta X_1 nuqtaga o'tishi ma'lum. Shu gomotetiya markazini yasang.
- 20.7. Aylanaga gomotetik shakl aylana bo'lishini isbotlang.
- 20.8. Aylana chizing. Markazi aylana markazida va koeffitsiyenti a) $\frac{1}{2}$; b) 2; d) 3; e) $\frac{1}{3}$ ga teng bo'lgan gomotetiyada chizilgan aylanaga gomotetik bo'lgan shakllarni quring.
- 20.9. Burchak va uning ichki sohasida A nuqta berilgan. Burchak tomonlariga urinib, A nuqtadan o'tuvchi aylana yasang.


1



2



3



Shu paytgacha teoremlarni isbotlashda va masalalarni yechishda turli o'xshash uchburchaklarni yasab keldik. O'xshash ko'pburchaklar qanday yasaladi? Quyida shu bilan tanishasiz.

Masala. Berilgan $ABCD$ to'rtburchakka o'xshash, o'xshashlik koeffitsiyenti 3 ga teng bo'lgan $A_1B_1C_1D_1$ to'rtburchak yasang (1-rasm).

Yasash. Tekislikda ixtiyoriy O nuqtani olamiz. Undan va to'rtburchakning uchlariidan o'tuvchi OA , OB , OC va OD nurlarini o'tkazamiz. Bu nurlarda O nuqtadan $OA_1 = 3OA$, $OB_1 = 3OB$, $OC_1 = 3OC$ va $OD_1 = 3OD$ kesmalarni qo'yamiz. Hosil bo'lgan $A_1B_1C_1D_1$ to'rtburchak izlangan to'rtburchakdir.

Asoslash. $ABCD \sim A_1B_1C_1D_1$ ekanligini isbotlaymiz.

1. Mos tomonlarning proporsionalligi.

$$a) \Delta AOD \sim \Delta A_1OD_1 \Rightarrow \frac{A_1D_1}{AD} = \frac{O_1D_1}{OD} = \frac{OA_1}{OA} = 3; \quad (1)$$

$$b) \Delta DOC \sim \Delta D_1OC_1 \Rightarrow \frac{OD_1}{OD} = \frac{D_1C_1}{DC} = \frac{OC_1}{OC} = 3. \quad (2)$$

(1) va (2) tenglikidan $\frac{A_1D_1}{AD} = \frac{D_1C_1}{DC}$ ekanligini hosil qilamiz.

To'rtburchaklarning boshqa mos tomonlari proporsionalligini xuddi shunga o'xshash isbotlash mumkin.

2. Mos burchaklarning tengligi.

O'xshash uchburchaklarning mos burchaklari teng bo'lgani uchun, $\angle A_1D_1O = \angle ADO$, $\angle C_1D_1O = \angle CDO$. U holda,

$$\begin{aligned} \angle A_1D_1C_1 &= \angle A_1D_1O + \angle C_1D_1O = \\ &= \angle ADO + \angle CDO = \angle ADC, \end{aligned}$$

ya'ni to'rtburchaklarning mos $A_1D_1C_1$ va ADC burchaklari teng.

Xuddi shunga o'xshash to'rtburchaklarning boshqa mos burchaklari tengligi isbotlanadi.

Demak, $ABCD$ va $A_1B_1C_1D_1$ to'rtburchaklar o'xshash. Tomonlari ixtiyoriy sonda bo'lgan ko'pburchakka o'xshash ko'pburchak ham xuddi shu kabi yasaladi.



Gomotetiya markazini bu masalada to'rtbur-

chak tashqi sohasidan tanladik. Umuman olganda, gomotetiya markazini to‘rtburchakning ichki sohasida (*2-rasm*), biror uchida (*3-rasm*) yoki biror tomonida (*4-rasm*) yotadigan qilib tanlashimiz ham mumkin edi. Gomotetiya markazini qayerda olmaylik, berilgan $ABCD$ to‘rtburchakka o‘xhash va o‘xhashlik koefitsiyenti 3 ga teng bo‘lgan to‘rtburchaklar o‘zaro teng bo‘ladi.


Masala va topshiriglar

- 21.1.** Berilgan ko‘pburchakka o‘xhash ko‘pburchakni yasash ketma-ketligini aiting.
- 21.2.** Daftaringizga biror $ABCDE$ beshburchak chizing. Gomotetiya yordamida bu beshburchakka o‘xhash, o‘xhashlik koefitsiyenti 0,5 ga teng bo‘lgan beshburchak yasang. Gomotetiya markazi a) C nuqtada; b) beshburchak ichida; d) AB tomonda bo‘lgan hollarni alohida ko‘ring.
- 21.3.** Kataklarni inobatga olgan holda, 5-rasmda berilgan shakllarni daftaringizga chizing: a) yaproqqa o‘xhashlik koefitsiyenti 3 ga teng bo‘lgan yaproqni; b) baliqchaga o‘xhashlik koefitsiyenti 0,8 ga teng bo‘lgan baliqchani c)sabziga o‘xhashlik koefitsiyenti 1,8 ga teng bo‘lgan sabzini gomotetiya yordamida chizing.
- 21.4.** F_1 ko‘pburchak F_2 ko‘pburchakka o‘xhash, k – o‘xhashlik koefitsiyenti. P_1 , P_2 , S_1 , S_2 harflar bilan mos ravishda bu ko‘pburchaklarning perimetrlari va yuzlari belgilangan. Quyidagi jadvalni daftaringizga ko‘chiring va uni to‘ldiring.

	P_1	P_2	S_1	S_2	k
a)	84		100	25	
b)	14	28		48	
d)		150	200	100	
e)		30	24		3



1




1. Balandlikni aniqlash.

Yerda turib, Toshkent teleminorasining balandligini topaylik. Minoraning uchi — A nuqtaning soyasi B nuqta bo'lsin. EF tayoqni vertikal tarzda shunday qoqamizki (*1-rasm*), tayoqning E uchi soyasi ham B nuqtada bo'lsin. Minoraning asosini C bilan belgilaymiz. Hosil bo'lган, to'g'ri burchakli ABC va EBF uchburchaklar o'xshash bo'ladi. Shuning uchun,

$$\frac{AC}{EF} = \frac{BC}{BF} \quad \text{yoki} \quad AC = \frac{AC \cdot EF}{BF}$$

2




BC , BF masofalarni va EF tayoq uzunligini o'lchab, hosil bo'lган formuladan telemirora balandligi — AC kesma uzunligini topamiz. Masalan, agar $EF=1 \text{ m}$, $BC=750 \text{ m}$, $FB=2 \text{ m}$ ekanı ma'lum bo'lsa, u holda $AC=375 \text{ m}$ bo'ladi.

2. Borib bo'lmaydigan joygacha bo'lган masofani o'lchash.

Aytaylik, A nuqtadan borish mumkin bo'lмаган B nuqtagacha bo'lган masofani aniqlash lozim bo'lsin (*2-rasm*). A nuqtadan borib bo'lдиган shunday C nuqtani belgilaymizki, undan qaraganda A va B nuqtalar ko'rinishib tursin hamda AC masofani o'lchab bo'lsin.

Asboblar yordamida BAC va ACB burchaklarni o'lchaymiz. Aytaylik, $\angle BAC=\alpha$ va $\angle ACB=\beta$ bo'lsin. Qog'ozga $\angle A_1=\alpha$, $\angle C_1=\beta$ bo'lган $A_1B_1C_1$ uchburchak yasaymiz. Unda

3



ABC va $A_1B_1C_1$ uchburchaklar ikki burchagi bo'yicha o'xhash bo'ladi (2- va 3-rasmlar). Bundan,

$$\frac{AB}{A_1B_1} = \frac{AC}{A_1C_1} \quad \text{yoki} \quad AB = \frac{AC \cdot A_1B_1}{A_1C_1}.$$

AC masofa va A_1B_1 , A_1C_1 kesmalarni o'lchab, natijada hosil bo'lgan formula yordamida AB kesma hisoblanadi. Hisoblash ishlarini osonlashtirish maqsadida $AC:A_1C_1$ nisbatni $100:1$, $1000:1$ kabi nisbatda olish mumkin. Masalan, $AC=130\text{ m}$, $\angle A=73^\circ$, $\angle C=58^\circ$ bo'lsa, qog'ozda $A_1B_1C_1$ uchburchakni $\angle A_1=73^\circ$, $\angle C_1=58^\circ$, $A_1C_1=130\text{ mm}$ qilib chizamiz. A_1B_1 kesmani o'lchab, uning 153 mm ekanligini topamiz. Unda, izlangan masofa 153 m bo'ladi.

3. Ko'l haqida amaliy ish.

4-rasmda suv havzasining kosmik kemadan olingan surati tasvirlangan. U asosida tegishli o'lchash va hisoblash ishlarini bajarib, suv havzasi yuzining taqribiy qiymatini toping.

?

Masala va topshiriglar





22.1. Agar bo'yi $1,7\text{ m}$ bo'lgan odam soyasining uzunligi $2,5\text{ m}$ bo'lsa, soyasining uzunligi $10,2\text{ m}$ bo'lgan daraxt balandligi qancha bo'ladi?

22.2. 5-rasmda tasvirlangan minora balandligini aniqlang.

22.3. 6-rasmdagi ikkita o'xhash AB_1C_1 va ABC uchburchaklar yordamida daryoning kengligini (enini) aniqlash zarur. Agar $AC=100\text{ m}$, $AC_1=32\text{ m}$ va $AB_1=34\text{ m}$ bo'lsa, daryoning eni (BB_1) ni toping.

22.4. Anhor qirg'og'idagi DE daraxtning suvdagi aksi A nuqtadagi odamga ko'rinyapti. Agar $AB=165\text{ cm}$, $AC=120\text{ cm}$, $CD=4,8\text{ m}$ bo'lsa, daraxt balandligini toping (7-rasm).

22.5. Hovlida biror daraxtni tanlang va uning balandligini aniqlang. Bu ishni qanday bajarganingiz haqida hisobot tayyorlang.



1-masala. $ABCD$ trapetsiyaning AB va CD yon tomonlarida M va N nuqtalar olingan. Bunda MN kesma trapetsiya asoslariga parallel va trapetsiya diagonallari kesishgan O nuqtadan o'tadi. Agar $BC = a$, $AD = b$ bo'lsa, a) MO ; b) ON ; d) MN kesmalarini toping (1-rasm).


Yechish. 1) AOD va BOC uchburchaklar BB alomatga ko'ra o'xshash, chunki $\angle BOC = \angle AOD$, $\angle OBC = \angle ADO$. Bundan,

$$\frac{OC}{OA} = \frac{BC}{AD} \quad \text{yoki} \quad \frac{OC}{OA} = \frac{a}{b} \quad (1)$$

2) ABC va AOM uchburchaklar ham BB alomatga ko'ra o'xshash, chunki $\angle AMO = \angle ABC$, $\angle ACB = \angle AOM$. Bundan,

$$\frac{AC}{OA} = \frac{BC}{MO} \quad \text{yoki} \quad \frac{OA+OC}{OA} = \frac{a}{MO} \Rightarrow 1 + \frac{OC}{OA} = \frac{a}{MO}, \quad \frac{OC}{OA} = \frac{a}{MO} - 1. \quad (2)$$

3) (1) va (2) tengliklarning o'ng qismlarini tenglashtirib,



$$\frac{a}{MO} - 1 = \frac{a}{b}$$

tenglikni va undan

$$MO = \frac{ab}{a+b} \quad (3)$$

ekanligini topamiz. Yuqoridagidek yo'l tutib


$$ON = \frac{ab}{a+b} \quad (4)$$

tenglikni, keyin esa (3) va (4) tengliklarning mos tomonlarini qo'shib

$$MN = \frac{2ab}{a+b}$$

tenglikni hosil qilamiz.

$$\text{Javob: a)} \frac{ab}{a+b} ; \quad \text{b)} \frac{ab}{a+b} ; \quad \text{d)} \frac{2ab}{a+b} .$$



Eslatma. Bu masala yechimidan $MO = ON$ ekanligi kelib chiqadi.

Masala va topshiriglar

23.1. ABC uchburchakning AB va BC yon tomonlarida D va E nuqtalar olingan.

Agar $AC \parallel DE$, $AC = 6$, $DB = 3$ va $DE = 2$ bo'lsa, AB tomonni toping.

23.2. Ikkita o'xshash ko'pburchakning yuzlari 8 dm^2 va 72 dm^2 ga teng, ulardan birining perimetri ikkinchisiniidan 26 dm ga kam. Katta ko'pburchakning perimetrini toping.

23.3. Perimetri 1 m bo'lgan $A_1B_1C_1$ uchburchak $A_2B_2C_2$ uchburchakning tomonlari o'rtalarini, $A_2B_2C_2$ uchburchak $A_3B_3C_3$ uchburchak tomonlari o'rtalarini,

$A_3B_3C_3$ uchburchak esa $A_4B_4C_4$ uchburchak tomonlari o'rtalarini tutashtirishdan hosil qilingan bo'lsa, $A_4B_4C_4$ uchburchakning perimetri qancha bo'ladi?

23.4. Ikkita o'xhash uchburchakning perimetrlari 18 dm va 36 dm ga, yuzlarining yig'indisi 30 dm^2 ga teng. Katta uchburchakning yuzini toping.

23.5. Romb tomonlarining o'rtalari to'g'ri to'rtburchak uchlari bo'lishini isbotlang.

23.6. ABC uchburchak yasang. Bu uchburchakka o'xhash va yuzi ABC uchburchak yuzidan 9 marta kichik bo'lgan $A_1B_1C_1$ uchburchakni yasang.




3

23.7*. E va F nuqtalar mos ravishda $ABCD$ parallelogramning CD va BC tomonlari o'rtalari. AF va AE to'g'ri chiziqlar BD diagonalni teng uch qismga bo'lishini isbotlang (*2-rasm*).

23.8. 3-rasmda Toshkent shahridagi Xalqlar do'stligi saroyi oldida o'rnatilgan eng katta O'zbekiston bayrog'i tasvirlangan. Bayroqning o'lchamlari $20 \text{ m} \times 30 \text{ m}$ ekani ma'lum bo'lsa, chizmadan tegishli kesmalar uzunligini o'lchab aniqlab, bayroq ustuning haqiqiy balandligini toping.

23.9. Teng yonli uchburchakning asosidagi burchak bissektrisasi bu uchburchakdan o'ziga o'xhash uchburchak ajratadi. Uchburchak burchaklarini aniqlang (*4-rasm*, $AB = BC$, $\Delta ABC \sim \Delta CAD$).

23.10. Aylanaga unda O nuqta belgilang. Markazi O nuqtada va koeffitsiyenti 2 ga teng bo'lgan gomotetiyada berilgan aylanaga gomotetik bo'lgan aylanaga yasang.



4

23.11. Ikkita o'xhash ko'pburchak perimetrlarining nisbati $2:3$ kabi. Katta ko'pburchakning yuzi 27 bo'lsa , kichik ko'pburchakning yuzini toping.

23.12. 5-rasmda Quyoshning to'la tutilgan holati tasvirlangan. Agar Quyosh radiusi 686784 km , Oy radiusi 1760 km va Yerdan Oygacha bo'lgan masofa 384400 km bo'lsa, Yerdan Quyoshgacha bo'lgan masofani toping.




5




23.13. a) Bitta aylanaga ikkita o'xhash ko'pburchak ichki chizilgan. Bu ko'pburchaklar teng bo'ladimi?

b) Bitta aylanaga ikkita o'xhash ko'pburchak tashqi chizilgan. Bu ko'pburchaklar teng bo'ladimi?

23.14*. Bir kvadratning tomonlari ikkinchi kvadrat tomonlariga parallel. Agar kvadratlar bir-biriga teng bo'lmasa, ular gomotetik bo'lishini isbotlang (*6-rasm*).




6



Geometriya va harbiy ish

1. Harbiylar chizg'ich va cho'zilgan qo'l yordamida nishongacha masofani aniqlay olishadi. Agar 10-rasmdagi chizg'ichning tankni qoplaydigan uzunligi 5 cm , elkadan chizg'ichgacha bo'lgan masofa 50 cm va tankning uzunligi $6,86 \text{ m}$ bo'lsa, tankgacha bo'lgan masofani toping.
2. 12 km balandlikda uchib borayotgan samolyot uchuvchisi undan 13 km uzoqlikda suzib borayotgan kemani va yana undan 20 km uzoqlikda birinchi kemani ta'qib qilib borayotgan boshqa kemani ko'rdi (11-rasm). Bu kemalar orasidagi masofani aniqlang.




23.15. ABC uchburchakning AB va BC tomonlari to'rtta teng kesmalarga bo'lindi va bo'linish nuqtalari AC tomonga parallel kesmalar bilan tutashtirildi. Agar $AC=24 \text{ cm}$ bo'lsa, hosil bo'lgan kesmalar uzunliklarini toping.

23.16. Agar rasmlar ayni bir paytda suratga olingen bo'lsa, berilgan ma'lumotlar asosida ikkinchi binoning balandligini toping (7-rasm).

23.17. 8-rasmda berilganlardan foydalanib biror ob'ekt balandligini topish yo'lini tushuntiring. "Xalqlar do'stligi" saroyi oldida ko'tarilgan vatanimiz bayrog'i ustuning balandligini toping.

23.18. 9-rasmda berilganlardan foydalanib daryo kengligini aniqlashning 3xil yo'lini tushuntiring. Ularda geometriyaning qaysi teoremlaridan foydalaniyatotganini aniqlang. O'r-gangan usullaringizni amalda boshqa vaziyatlarda qo'llab ko'ring.



I. Testlar

1. Ikkita o'xhash uchburchak uchun noto'g'ri tasdiqni toping:

- A. Yuzlari nisbati o'xhashlik koeffitsiyentiga teng;
- B. Mos medianalari nisbati o'xhashlik koeffitsiyentiga teng;
- C. Mos bissektrisalari nisbati o'xhashlik koeffitsiyentiga teng;
- D. Mos balandliklari nisbati o'xhashlik koeffitsiyentiga teng.

2. Ikkita gomotetik ko'pburchak uchun to'g'ri tasdiqni toping:

- A. Ular teng; B. Ular o'xhash;
- C. Ular tengdosh; D. To'g'ri javob yo'q.

3. Uchburchak medianalari uchun noto'g'ri tasdiqni ko'rsating:

- A. Bir nuqtada kesishadi; B. Kesishish nuqtasida 2:1 nisbatda bo'linadi;
- C. Bir-biriga teng; D. Har biri uchburchakni ikkita tengdosh qismga ajratadi.

4. Uchburchak bissektrisalari uchun noto'g'ri tasdiqni ko'rsating:

- A. Bir nuqtada kesishadi; B. Kesishish nuqtasida 2:1 nisbatda bo'linadi;
- C. O'zi tushgan tomonni qolgan ikki tomonga proporsional kesmalarga ajratadi;
- E. O'zi chiqqan uchdag'i burchakni teng ikkiga bo'ladi.

5. Ikkita o'xhash ko'pburchak uchun noto'g'ri tasdiqni toping:

- A. Ularning tomonlari soni teng; B. Ularning burchaklari soni teng;
- C. Mos tomonlari proporsional; D. Yuzlarining nisbati o'xhashlik koeffitsiyentiga teng.

II. Masalalar

24.1. Asoslari 6 m va 12 m bo'lgan trapetsiya diagonallari kesishgan nuqtadan asoslarga parallel to'g'ri chiziq o'tkazilgan. To'g'ri chiziqning trapetsiya ichidagi qismi uzunligini toping.





24.2. ABC uchburchakda $BC = BA = 10$, $AC = 8$. Agar AA_1 va CC_1 uchburchak bissektrisalari bo'lsa, A_1C_1 kesmani toping.

24.3. A nuqtadan borib bo'lmaydigan B nuqtagacha bo'lgan masofani aniqlash uchun tekis joyda C nuqta tanlandi. Keyin AC masofa, BAC va ACB burchaklar o'lchandi va ABC uchburchakka o'xhash $A_1B_1C_1$ uchburchak yasaldi. Agar $AC = 42\text{ m}$, $A_1C_1 = 6,3\text{ cm}$, $A_1B_1 = 7,2\text{ cm}$ bo'lsa, AB masofani toping.

24.4. Koeffitsiyenti $k=3$ bo'lgan gomotetiyada F ko'pburchak F_1 ko'pburchakka almashadi. Agar F_1 ko'pburchakning perimetri 12 cm va yuzi $4,5\text{ cm}^2$ bo'lsa, F ko'pburchakning perimetri va yuzini toping.

24.5. Bo'yi 180 cm bo'lgan odam soyasining uzunligi $2,4\text{ m}$ bo'lgan paytda balandligi 4 m bo'lgan simyog'och soyasining uzunligi necha metr bo'ladi?

24.6. Xaritada Toshkent va Urganch shaharlari orasidagi masofa $8,67\text{ cm}$. Agar xarita mashtabi $1:10\,000\,000$ bo'lsa, Toshkent va Urganch shaharlari orasidagi masofani toping.



III. O'zingizni sinab ko'ring (namunaviy nazorat ishi)

24.7. 1-rasmida berilgan ma'lumotlar asosida daraxt balandligini toping.

24.8. ABC uchburchakning tomonlari $AB = 5 \text{ cm}$, $AC = 6 \text{ cm}$, $BC = 7 \text{ cm}$. Bu uchburchakning AC tomoniga parallel to'g'ri chiziq AB tomonini P nuqtada, BC tomonini esa K nuqtada kesadi. Agar $PK = 2 \text{ cm}$ bo'lsa, PBK uchburchak perimetreni toping.

24.9. 2-rasmda $AD \parallel BC \parallel MN$. Agar $BC = 6 \text{ cm}$, $AD = 10 \text{ cm}$ bo'lsa, MN kesmani toping.

24.10. (*Qo'shimcha*). Romb tomonlarining o'rtalari to'g'ri to'rtburchakning uchlari bo'lishini isbotlang.

Qiziqarli masalalar

1. 4 marta kattalashtirib ko'rsatilgan ko'zgu-lupa bilan qaralganda 2° li burchak kattaligi qanchaga o'zgaradi?

2. a) Uchburchakli chizg'ich rasmida tasvirlangan ichki va tashqi uchburchaklar o'xshashmi (*3-a rasm*)?
b) 3-b rasmdagi romning ichki va tashqi qirralarini tasvirlovchi to'rtburchaklar o'xshashmi?

3. Quyidagi chet tilida berilgan masalani yechib ko'ring. Bu bilan ham rus va ingлиз tilidan, ham geometriyadan nimaga qodirligingizni bilib olasiz.

a) На 4-рисунке изображена русская игрушка "матрёшка". Выполнив соответствующие измерения, найти коэффициент подобия игрушек:

a) A и B ; b) A и D ; d) C и F ; e) B и E .

b) Darnell is curious about the height of a flagpole that stands in front of his school. (pic.5) Darnell, who is 6 ft tall, casts a shadow that he paces off at 9 ft. He walks the length of the shadow of the flagpole, a distance of 30 ft. How tall is the flagpole?

c) The distance across a pond is to be measured indirectly by using similar triangles. (pic.6) If $XY=160$ ft, $YW=40$ ft, $TY=120$ ft, and $WZ=50$ ft, find XT .



Geometrik modellashtirish

1. Ixtiyoriy to'rtburchak chizing va qaychi bilan qirqib oling.

2. Uning qarama-qarshi tomonlari o'ttalarini belgilang va kesmalar bilan tutashtiring (7.a- rasm) hamda shu kesmalar bo'yab to'rtburchakni kesing (7.b- rasm).

3. Hosil bo'lgan bo'laklardan 7.c- rasmda ko'rsatilgandek qilib parallelogramm tuzing.

4. Bu ishni bajarishda haqiqatdan ham parallelogramm hosil bo'lishini asoslang.




Naqshlar, panjaralar (bordyurlar) va parketlar



Uyimiz devorlaridagi gulqog'ozlarga e'tibor berib qarasangiz, ularda bir xil shakl qayta-qayta takrorlanib butun devorni to'ldirganini ko'rish mumkin. Bitta shakl qayta-qayta takrorlanib butun tekislikni to'ldirsa, bunday yig'ma shakllarga naqsh deymiz. Mashhur golland rassomi Moris Esher qalamiga mansub mana bu ajabtovor rasmlar naqshlarga misol bo'ladi (8-rasm). Bu naqshlarda aynan qaysi shakl qanday qaytarilayotganini aniqlang



Agar bitta shakl qayta-qayta takrorlanib ikki parallel to'g'ri chiziqlar orasidagi tasmani to'ldirsa, bunday yig'ma tasma shakllarga panjara yoki bordyur deymiz. Gulqog'oz o'rami, rasm solingan matolar va parklardagi panjaralar chekli uzunlikdagi bordyurlarga misol bo'ladi (9-rasm).




Muntazam ko‘pburchaklar bilan qoplangan naqshlarni parket deb ataymiz. Parketlar bilan uyimiz pollari bezatiladi. Eng oddiy parketlar 10-rasmida keltirilgan. Ravshanki ular parallel ko‘chirishda o‘ziga-o‘zi o‘tadi.



Geometrik modellashtirish. Pazl shakllari qanday tuzilgan?

Pazl o‘yinchoqlarini yaxshi bilasiz? (11-rasm) Keling, ularni qanday yasash mumkinligini ko‘rib chiqaylik.

1. O‘lchamlari $5\text{ cm} \times 5\text{ cm}$ bo‘lgan kvadrat chizing.
2. Uning pastki asosi o‘rtasidan doirasimon bo‘lakni kesib oling (12.a-rasm).
3. Kesib olingen bo‘lakni kvadratning yuqori asosi o‘rtasiga birlashtiring (12.b-rasm).
4. Endi kvadratning yon tomoni o‘rtasidan yana o‘shanday kattalikdagi doirasimon bo‘lakni kesib oling (12.c-rasm).
5. Kesib olingen bo‘lakni kvadratning ikkinchi yon tomoni o‘rtasiga birlashtiring (12.d-rasm).
6. Natijada pazl o‘yinchog‘ining bitta donasi tayyor bo‘ldi.
7. Bu pazl donalari bilan butun tekislikni qoplash mumkinligini asoslang.
8. Kvadrat tomonlaridan doirasimon emas boshqacha shakldagi bo‘laklarni qirqib, birlashtirish orqali boshqa ko‘rinishdagi pazl donalarini ham hosil qilish mumkin.
9. Marhamat, biror yangi pazl donasining chizmasini yarating. Bir nechta rangli pazl donalarini qirqib olib, ulardan turli naqshlar tuzing.



Geometrik tadqiqot.

73-betdagи "Geometrik modellashtirish" ruknida keltirilgan ma’lumotlar asosida ixtiyoriy qavariq to‘rburchak bilan butun tekislikni qoplash mumkinligini isbotlang.

II BOB

UCHBURCHAK TOMONLARI VA BURCHAKLARI ORASIDAGI MUNOSABATLAR



Ushbu bobni o‘rganish natijasida siz quyidagi bilim, ko‘nikma va malakaga ega bo‘lasiz:


Bilimlar:

- ✓ ixtiyoriy burchakning sinusi, kosinusi, tangensi va kotangensi ta‘riflarini bilish;
- ✓ burchakning radian o‘lchovini bilish;
- ✓ asosiy trigonometrik ayniyatlarni bilish;
- ✓ uchburchakning yuzini burchak sinusi yordamida hisoblash formulasini bilish;
- ✓ sinuslar va kosinuslar teoremasini bilish.


Amaliy ko‘nikmalar:

- ✓ ba‘zi burchaklarning sinusi, kosinusi, tangensi va kotangensini hisoblay olish;
- ✓ asosiy trigonometrik ayniyatlarni misollar yechishda qo‘llay olish;
- ✓ uchburchak yuzini uning ikki tomoni va ular orasidagi burchagi bo‘yicha hisoblay olish;
- ✓ sinuslar, kosinuslar teoremasidan foydalanib hisoblashga va isbotlashga doir masalalarni yechish.


1



2 a)



b)



$$\sin^2 \alpha + \cos^2 \alpha = 1 \quad (2)$$

Tarifga ko'ra, $\operatorname{tg} \alpha = \frac{y}{x}$, $\operatorname{ctg} \alpha = \frac{x}{y}$, $x = \cos \alpha$, $y = \sin \alpha$ bo'lgani uchun,

$$\operatorname{tg} \alpha = \frac{\sin \alpha}{\cos \alpha} \quad (\alpha \neq 90^\circ)$$

$$\operatorname{ctg} \alpha = \frac{\cos \alpha}{\sin \alpha} \quad (\alpha \neq 0, \alpha \neq 180^\circ),$$

$$\operatorname{tg} \alpha \cdot \operatorname{ctg} \alpha = 1 \quad (\alpha \neq 0, \alpha \neq 90^\circ, \alpha \neq 180^\circ)$$

Ayniyatlar o'rindilidir.

(2) tenglikning har ikki qismini oldin $\cos^2 \alpha$ ga, keyin esa $\sin^2 \alpha$ ga bo'lib,

$$1 + \operatorname{tg}^2 \alpha = \frac{1}{\cos^2 \alpha} \quad (\alpha \neq 90^\circ),$$

$$1 + \operatorname{ctg}^2 \alpha = \frac{1}{\sin^2 \alpha}, \quad (\alpha \neq 0, \alpha \neq 180^\circ) \quad (3)$$

Ayniyatlarni hosil qilamiz.

To'g'ri burchakli ABC uchburchakda $\angle C = 90^\circ$ bo'lsin. Ma'lumki, unda A o'tkir burchakning sinusni, kosinusni, tangensi va kotangensi 1- rasmdagidek aniqlanar edi. Endi 0° dan 180° gacha bo'lgan burchakning sinusni, kosinusni, tangensi va kotangensini aniqlaymiz.

Radiusi birlik kesmaga teng, markazi koordinatalar boshida bo'lgan yarim aylanani qaraymiz (2-rasm). Aylanani $M(x; y)$ nuqtada kesuvchi OP nurni o'tkazamiz. Bu nuring Ox nur bilan hosil qilgan burchagini α bilan belgilaymiz. OP nuring Ox nur bilan ustma-ust tushgan holdagi burchakni 0° li burchak sifatida qabul qilamiz.

Ma'lumki, α o'tkir burchak bo'lganda (2-a rasm), bu burchakning sinusni, kosinusni, tangensi va kotangensi to'g'ri burchakli ODM uchburchakdan $\sin \alpha = \frac{BC}{AB}; \cos \alpha = \frac{OD}{MO}; \operatorname{tg} \alpha = \frac{DM}{OD}; \operatorname{ctg} \alpha = \frac{OD}{DM}$. tengliklar yordamida aniqlanadi. Agar $MO = 1$, $DM = y$, $OD = x$ ekanligini hisobga olsak,

$$\sin \alpha = y, \cos \alpha = x, \operatorname{tg} \alpha = \frac{y}{x}, \operatorname{ctg} \alpha = \frac{x}{y} \quad (1)$$

Tengliklarga ega bo'lamiz.

Umumiy holda, 0° dan 180° gacha bo'lgan burchakning sinusni, kosinusni, tangensi va kotangensini ham (1) formula orqali aniqlaymiz (2.b-rasm):

ODM uchburchakda $OD^2 + DM^2 = MO^2$ yoki $x^2 + y^2 = 1$. $\sin \alpha = y$ va $\cos \alpha = x$ ekanligini hisobga olsak, istalgan α ($0^\circ \leq \alpha \leq 180^\circ$) burchak uchun *asosiy trigonometrik ayniyat*ni hosil qilamiz.

Yuqoridagi (1) tengliklar asosida har bir α ($0^\circ \leq \alpha \leq 180^\circ$) burchakka bu burchak sinusining (kosinusni, tangensi va kotangensining) bitta qiymati mos qo'yilayapti. Bu mosliklar burchakning "sinus", "kosinus", "tangens" va "kotangens" deb nomlanuvchi funksiyalarini aniqlaydi. Ular trigonometrik funksiyalar deb ataladi.

"Trigonometriya" so'zi — yunoncha "uchburchaklarni yechish" degan ma'noni anglatadi.



Har qanday o'tkir α burchak uchun:

$$\sin(90^\circ - \alpha) = \cos\alpha, \quad \cos(90^\circ - \alpha) = \sin\alpha. \quad (2)$$

Har qanday α ($0^\circ \leq \alpha \leq 180^\circ$) burchak uchun:

$$\sin(180^\circ - \alpha) = \sin\alpha, \quad \cos(180^\circ - \alpha) = -\cos\alpha \quad (3)$$

(2) va (3) formulalarga **keltirish formulalari** deyiladi. Ular algebra kursida isbotlanadi.



25.1. Agar $90^\circ < \alpha < 180^\circ$ bo'lsa, $\sin\alpha$, $\cos\alpha$, $\tg\alpha$ va $\ctg\alpha$ qiymatlarining ishorasini aniqlang.

25.2. 4-rasmdagi α burchakni o'lchang va uning sinusni, kosinusni, tangensi va kotangensini tegishli o'lhashlar yordamida aniqlang.

25.3. $\tg(90^\circ - \alpha) = \ctg\alpha$ ($\alpha \neq 0^\circ$) va $\ctg(90^\circ - \alpha) = \tg\alpha$ ($\alpha \neq 0^\circ$) ayniyatlarni isbotlang.

25.4. $\tg(180^\circ - \alpha) = -\tg\alpha$ ($\alpha \neq 90^\circ$) va $\ctg(180^\circ - \alpha) = -\ctg\alpha$ ($\alpha \neq 0^\circ$ va $\alpha \neq 180^\circ$) ayniyatlarni isbotlang.

25.5. Soddalashtiring:

a) $\cos^2(180^\circ - \alpha) + \cos^2(90^\circ - \alpha);$

b) $\sin^2(180^\circ - \alpha) + \sin^2(90^\circ - \alpha);$

d) $\tg\alpha \cdot \tg(90^\circ - \alpha); \quad e) \ctg\alpha \cdot \ctg(90^\circ - \alpha).$

25.6. ABC uchburchakda $\angle A = 150^\circ$ va $AC = 7 \text{ cm}$ bo'lsa, uchburchakning C uchidan tushirilgan balandligini toping.




25.7. Agar a) $\sin\alpha = \frac{\sqrt{3}}{2}$; b) $\sin\alpha = \frac{1}{4}$; d) $\sin\alpha = 1$ bo'lsa, $\cos\alpha$ ni toping.

25.8*. Agar a) $\sin\alpha = \frac{1}{2}$; b) $\tg\alpha = -1$; d) $\cos\alpha = -\frac{\sqrt{3}}{2}$ bo'lsa, α ni toping.


25.9. Jadvalni to'ldiring.

α	0°	30°	45°	60°	90°	120°	135°	150°	180°
$\sin\alpha$									
$\cos\alpha$									
$\tg\alpha$									
$\ctg\alpha$									


1



2







3



26.11. 4-rasmida tasvirlangan burchaklarning sinusi, kosinusini, tangensi va kotangensini toping.

4



26.1. Balandligi 3 cm va o'tkir burchagi 30° bo'lgan rombning perimetri va yuzini hisoblang.

26.2. Teng yonli to'g'ri burchakli uchburchakning gipotenuzasi 12 cm . Uning yuzini hisoblang.

26.3. Balandligi $4\sqrt{3} \text{ cm}$ bo'lgan teng tomonli uchburchak perimetrini toping.

26.4. 1-rasmda berilganlarga ko'ra teng yonli trapetsiyalar yuzini toping.

26.5. To'g'ri burchakli trapetsiyaning o'tkir burchagi 30° ga, balandligi 4 cm ga va kichik asosi 6 cm ga teng. Trapetsiyaning perimetri va yuzini toping.

26.6. Aylana vatari 120 gradusli yoyni tortib turadi. Agar aylana radiusi 10 cm bo'lsa, vatar uzunligini toping.

26.7*. Teng yonli uchburchakning uchidagi burchagi a) 120° ; b) 90° ; d) 60° . Uchburchak balandligining asosiga nisbatini hisoblang.

26.8*. 2-rasmida tasvirlangan paxta xirmonining yon yoqlari teng yonli trapetsiya, usti esa kvadrat shaklida. Rasmda berilganlardan foydalanib, xirmonni to'liq yopish uchun qancha mato zarurligini aniqlang.

26.9. Yengil mashina dovonning yuqoriga ko'tarilish qismida 340 m yo'l bosdi. Agar yo'lning gorizontga nisbatan ko'tarilish burchagi 15° bo'lsa, yengil mashina necha metr balandlikka ko'tarilgan (3-rasm)?

26.10. Ashrafjon uyidan sharq tomonga qarab 800 m , so'ng shimol tomonga qarab 600 m yo'l yurdi. U uyidan necha metr uzoqlikka keldi? Endi u uyiga to'g'ri chiziq bo'ylab yetib olishi uchun g'arbg'a nisbatan qanday burchak ostida yurishi kerak?

- 26.12.** Poyezd har 30 m yo'l yurganda 1 m tepaga ko'tariladi. Temir yo'lning gorizontga nisbatan ko'tarilish burchagini toping.
- 26.13.** Agar balandligi 30 m bo'lgan bino soyasining uzunligi 45 m bo'lsa, quyosh nurining shu bino joylashgan maydonga tushish burchagini toping.
- 26.14.** To'g'ri burchakli uchburchakning bir burchagi 60° ga, katta kateti esa 6 cm ga teng. Uning kichik kateti va gipotenuzasini toping.
- 26.15.** O markazli aylananing A nuqtasidan o'tkazilgan urinmada B nuqta olingan. Agar $AB=9\text{ cm}$, $\angle ABO=30^\circ$ bo'lsa, aylana radiusini va BO kesma uzunligini toping.
- 26.16.** m to'g'ri chiziq va uni kesib o'tmaydigan AB kesma berilgan. Bunda $AB=10\text{ cm}$, AB va m to'g'ri chiziqlar orasidagi burchak 60° . AB kesma uchlaridan m to'g'ri chiziqqa AC va BD perpendikularlar tushirilgan. CD kesmani toping.
- 26.17.** Rombning o'tkir burchagi 60° ga, balandligi esa 6 cm ga teng. Rombning katta diagonali uzunligini va yuzini toping.
- 26.18.** Radiusi 5 cm bo'lgan aylanaga teng yonli trapetsiya tashqi chizilgan. Agar trapetsiyaning o'tkir burchagi 30° bo'lsa, uning yon tomoni va yuzini toping.
- 26.19.** Agar $ABCD$ to'g'ri to'rtburchakda $AB = 4\text{ cm}$, $\angle CAD = 30^\circ$ bo'lsa, unga tashqi chizilgan aylana radiusini va to'g'ri to'rtburchak yuzini hisoblang.
- 26.20.** To'g'ri to'rtburchakning tomonlari 3 cm va $\sqrt{3}\text{ cm}$. Uning bir diagonali bilan tomonlari hosil qilgan burchaklarini toping.
- 26.21.** Agar a) $\sin A = \frac{4}{7}$; b) $\cos A = \frac{4}{7}$; d) $\cos A = -\frac{4}{7}$ bo'lsa, A burchakni yasang.
- 26.22.** To'g'ri burchakli uchburchakning bir burchagi 30° , gipotenuzasiga tushirilgan balandligi 6 cm . Uchburchak tomonlarini toping.
- 26.23.** O'tkir burchagi 30° ga, balandligi esa 4 cm ga teng bo'lgan rombning yuzini hisoblang.

Tarixiy lavhalar. "Oltin" uchburchak

Yunonlar burchaklari 36° , 72° va 72° bo'lgan teng yonli uchburchakni — **"oltin uchburchak"** deb atashgan. Sababi - u mana bunday ajoyib xossaga ega ekan: **asosidagi burchak bissek-trisasi AD uni ikkita teng yonli uchburchakka bo'ladi** (5-rasm).



Haqiqatan, AD bissektrisa bo'lgani uchun, BAD va DAC burchaklar ham 36° dan. Demak, ABD uchburchak teng yonli. ADC uchburchakda ADC burchak $180^\circ - 36^\circ - 72^\circ = 72^\circ$ bo'lib, ACD burchakka teng. Demak, ADC uchburchak ham teng yonli.

Natija. ABC uchburchak ACD uchburchakka o'xshash va

$$\frac{AC}{AB} = \frac{CD}{AC}. \quad (1)$$

Agar ABC uchburchakning yon tomonlari $AB = BC = 1$ deb olsak, uning asosi quyidagicha topiladi (6-rasm): $AC = a$ bo'lsin.

U holda, 1. $AD = a$ bo'ladi, chunki ΔACD teng yonli.



2. $BD = a$ bo‘ladi, chunki ΔABD teng yonli.

3. $CD = BC - BD = 1 - a$.

(1) tenglikka ko‘ra: $\frac{a}{1} = \frac{1-a}{a}$


Bundan $a^2 + a - 1 = 0$. Bu kvadrat tenglamani yechib, $a = \frac{\sqrt{5}-1}{2}$ ekanligini topamiz.

 **Masala.** $\sin 18^\circ$, $\cos 18^\circ$, $\sin 72^\circ$, $\cos 72^\circ$ qiymatlarni hisoblang.

Yechish: Yon tomoni $AB = BC = 1$ va asosi $AC = a = \frac{\sqrt{5}-1}{2}$ ga teng bo‘lgan

ABC “oltin uchburchak”ni qaraymiz (7-rasm). Uning BE balandligini o’tkazamiz.

To‘g‘ri burchakli ABE uchburchakda: $\sin 18^\circ = \frac{AE}{AB} = \frac{a}{2} = \frac{\sqrt{5}-1}{4}$



Bundan foydalanib, topilishi talab qilingan boshqa qiymatlarni hisoblaymiz:

$$\cos 18^\circ = \sqrt{1 - \sin^2 18^\circ} = \frac{\sqrt{5} + 1}{4};$$

$$\sin 72^\circ = \sin(90^\circ - 18^\circ) = \cos 18^\circ = \frac{\sqrt{10 + 2\sqrt{5}}}{4};$$

$$\cos 72^\circ = \sin 18^\circ = \frac{\sqrt{5} - 1}{2}.$$

Javob: $\sin 18^\circ = \cos 72^\circ = \frac{\sqrt{5} - 1}{4}$; $\cos 18^\circ = \sin 72^\circ = \frac{\sqrt{10 + 2\sqrt{5}}}{4}$.



Tarixiy lavhalar

Mirzo Ulug‘bek (1394–1449) — buyuk o‘zbek olimi va davlat arbobi. Asl ismi Muhammad Tarag‘ay. U sohibqiron Amir Temurning nabirasi. Ulug‘bekning otasi Shohruh ham davlat arbobi bo‘lgan. Ulug‘bek taxminan 1425–1428-yillari Samarqand yaqinidagi Obi Rahmat tepaligida o‘zining mashhur rasadxonasini quradi. Rasadxonaning binosi uch qavatli bo‘lib, uning asosiy asbobi — kvadratning balandligi 50 metr edi. Ulug‘bekning eng mashhur asari “Ziji ko‘ragoniy” deb ataluvchi astronomik jadvaldir. U 1018 ta yulduzni o‘z ichiga olgan.

Shu bilan bir qatorda Ulug‘bekning trigonometrik jadvallari ham diqqatga sazovordir. Ulug‘bekning trigonometrik jadvallari 10 ta o‘nli xona aniqligida hisoblangan. Hisoblash vositalari deyarli bo‘lmagan bir davrda bu ishlarni bajarish uchun chuqur mushohadaga asoslangan nazariy salohiyat va aniq formulalar hamda anchagini hisobchilar talab qilingan bo‘lsa kerak. Zijda Ulug‘bek 1 gradusning sinusini hisoblash uchun alohida risola yozganligi qayd qilinadi.



Geometriya va astronomiyaga doir loyiha ishi

Qadimgi yunon olimi Eratosfen (miloddan avvalgi 276–194- yillar) Yer aylanasini birinchi bo‘lib o‘lchagan. U Sien (hozirgi Assuan) shahrida miloddan avvalgi 240-yil 19-iyun kuni, yozgi teng kunlikning tush paytida Quyosh qoq tikkada (zenitda) bo‘lishi va chuqur quduqning tagini ham yoritishini payqagan. Lekin, shu bilan birga, u yilning bu kuni va paytida Iskandariyada Quyosh qoq tikkadadan (zenitdan) aylana yoyining 1/50 qismi qadar og‘ishini ham aniqlagan.

Bundan Eratosfen qanday xulosaga kelgan? Uning fikrini davom ettiring va quyidagi 8-rasmida berilganlar asosida Yer radiusi uzunligini toping.

Zarur bo‘lishi mumkin bo‘lgan ba’zi ma’lumotlar va hisob-kitoblar:

Sien va Iskandariya shaharlari orasidagi masofa $787,5 \text{ km}$.

Aylana yoyining 1/50 qismi - $\alpha = 7,2^\circ$.



C - Yer aylanasining uzunligi.

$$\frac{\alpha^\circ}{360^\circ} = \frac{787,5}{C}$$

Bundan $C = 360 \cdot 787,5 : 7,2 = 39\,375 \text{ km}$.

Bugungi kungi hisob-kitoblarga ko‘ra, Yerning ekvator bo‘ylab aylanasining uzunligi $40\,075,017 \text{ km}$, nolinchi metridan bo‘ylab aylanasining uzunligi esa $40\,007,86 \text{ km}$ ni tashkil qiladi. Ko‘rib turganingizdek, qadimgi olim ozgina adashgan, xolos.

Topshiriq. 9 -rasmdan foydalanib, Yer aylanasi uzunligini topishning ixtiyoriy paytida qo‘llash mumkin bo‘lgan amaliy usulini ishlab chiqing va asoslang.



 **1-teorema.** Uchburchak yuzi uning ikki tomoni bilan shu ikki tomon orasidagi burchak sinusi ko‘paytmasining yarmiga teng.



ΔABC , $BC = a$, $AC = b$, $\angle C$ (1-rasm)




$$S_{ABC} = \frac{1}{2}ab \sin C$$

Isbot. ABC uchburchakning BD balandligini tushiramiz. U holda 1-rasmida ko‘rsatilgan uch hol bo‘lishi mumkin.

Birinchi holni qaraymiz (1.a-rasm). BCD uchburchakda $\sin C = \frac{BD}{BC}$. Bundan $BD = BC \cdot \sin C = a \cdot \sin C$. Shunday qilib,

$$S_{ABC} = \frac{1}{2} \cdot AC \cdot BD = \frac{1}{2} \cdot b \cdot a \cdot \sin C = \frac{1}{2} ab \sin C.$$

Ikkinchisi va uchunchisi hollarning isbotini mustaqil bajaring. **Teorema isbotlandi.**



1-teoremaga ko‘ra, uchburchak yuzi uchun

$$S_{ABC} = \frac{1}{2} bc \sin A \quad \text{va} \quad S_{ABC} = \frac{1}{2} ac \sin B$$

formulalar ham o‘rinli bo‘ladi.



1-masala. ABC uchburchakning yuzi 24 cm^2 . Agar $AC = 8 \text{ cm}$ va $\angle A = 30^\circ$ bo‘lsa, AB tomonni toping.

Yechish. Uchburchak yuzini burchak sinusi orqali topish formulasiga ko‘ra,

$$S_{ABC} = \frac{1}{2} AB \cdot AC \cdot \sin A$$


Bundan,

$$AB = \frac{2S_{ABC}}{AC \cdot \sin A} = \frac{2 \cdot 24}{8 \cdot \sin 30^\circ} = \frac{2 \cdot 24}{8 \cdot 0,5} = 12 \text{ (cm)}.$$

Javob: 12 cm .



2- masala Parallelogramm yuzi uning ikkita qo‘sni tomoni va shu tomonlar orasidagi burchagi sinusining ko‘paytmasiga teng ekanligini isbotlang.



 $ABCD$ parallelogramm,
 $AB = a$, $AD = b$, $\angle A = \alpha$
(2-rasm)



$$S_{ABCD} = ab \sin \alpha$$

Yechish. BE balandlik tushiramiz. ABE uchburchakda $\sin A = \frac{BE}{AB}$ yoki $BE = AB \sin A = a \sin \alpha$.

U holda, $S_{ABCD} = AD \cdot BE = ab \sin \alpha$.

2-teorema. To'rtburchak yuzi uning diagonallari bilan diagonallar orasidagi burchak sinusi ko'paytmasining yarmiga teng.

Isbot. Diagonallar kesishishidan hosil bo'lgan burchaklarni qaraymiz (3-rasm):

shartga ko'ra $\angle AOB = \alpha$

$\angle AOB$ ga vertikal bo'lgani uchun $\angle COD = \alpha$,

$\angle AOB$ ga qo'shni bo'lgani uchun $\angle BOC = 180^\circ - \alpha$,

$\angle BOC$ ga vertikal bo'lgani uchun $\angle DOA = 180^\circ - \alpha$

Uchburchak yuzini burchak sinusi yordamida hisoblash formulasiga ko'ra:

$$S_{AOB} = \frac{1}{2} AO \cdot OB \sin \alpha;$$

$$S_{BOC} = \frac{1}{2} BO \cdot OC \sin(180^\circ - \alpha) = \frac{1}{2} BO \cdot OC \sin \alpha;$$

$$S_{COD} = \frac{1}{2} CO \cdot OD \sin \alpha; \quad S_{DOA} = \frac{1}{2} DO \cdot OA \sin(180^\circ - \alpha) = \frac{1}{2} DO \cdot OA \sin \alpha.$$

Yuzning xossasiga ko'ra:

$$S_{ABCD} = S_{AOB} + S_{BOC} + S_{COD} + S_{DOA} =$$

$$= \frac{1}{2} AO \cdot OB \sin \alpha + \frac{1}{2} BO \cdot OC \sin \alpha + \frac{1}{2} CO \cdot OD \sin \alpha + \frac{1}{2} DO \cdot OA \sin \alpha =$$

$$= \frac{1}{2} (AO \cdot OB + BO \cdot OC + CO \cdot OD + DO \cdot OA) \sin \alpha = \frac{1}{2} \{(OB \cdot (AO + OC) +$$

$$+ OD \cdot (CO + OA)\} \sin \alpha = \frac{1}{2} (OB \cdot AC + OD \cdot AC) \sin \alpha = \frac{1}{2} AC \cdot BD \sin \alpha.$$

Teorema isbotlandi.

Masala va topshiriqlar

27.1. 1-teoremani 1-b va 1-c rasmida tasvirlangan hollar uchun isbotlang.

27.2. Agar a) $AB = 6 \text{ cm}$, $AC = 4 \text{ cm}$, $\angle A = 30^\circ$; b) $AC = 14 \text{ cm}$, $BC = 7\sqrt{3} \text{ cm}$, $\angle C = 60^\circ$;

d) $BC = 3 \text{ cm}$, $AB = 4\sqrt{2} \text{ cm}$, $\angle B = 45^\circ$ bo'lsa, ABC uchburchak yuzini toping.

27.3. Diagonali 12 cm va diagonallari orasidagi burchagi 30° bo'lgan to'g'ri to'rtburchak yuzini toping.


27.4. Tomoni $7\sqrt{2} \text{ cm}$ va o'tmas burchagi 135° bo'lgan romb yuzini toping.

27.5. Rombning katta diagonali 18 cm va bir burchagi 120° . Romb yuzini toping.

27.6. Yuzi $6\sqrt{2} \text{ cm}^2$ ga teng bo'lgan ABC uchburchakda $AB = 9 \text{ cm}$, $\angle A = 45^\circ$. Uchburchakning AC tomonini va shu tomonga tushirilgan balandligini toping.

27.7*. ABC uchburchakda $\angle A = \alpha$, uning B va C uchlaridan tushirilgan balandliklari esa mos ravishda h_b va h_c bo'lsa, uchburchak yuzini toping.

27.8*. ABC uchburchakda $AB = 8 \text{ cm}$, $AC = 12 \text{ cm}$ va $\angle A = 60^\circ$ bo'lsa, uning AD bissektrisasini toping (ko'rsatma: $S_{ABC} = S_{ABD} + S_{ADC}$).





 **Teorema.** (Sinuslar teoremasi). *Uchburchakning tomonlari qarshisidagi burchaklarning sinuslariga proporsional.*

 ΔABC , $AB=c$, $BC=a$, $CA=b$ (1-rasm)




$$\frac{a}{\sin A} = \frac{b}{\sin B} = \frac{c}{\sin C}$$



Izbot. Uchburchak yuzini burchak sinusi orqali topish formulasiga ko'ra,

$$S = \frac{1}{2}ab \sin C, \quad S = \frac{1}{2}bc \sin A, \quad S = \frac{1}{2}ac \sin B. \quad (\diamond)$$

Bu tengliklarning dastlabki ikkitasiga ko'ra,

$$\frac{1}{2}ab \sin C = \frac{1}{2}bc \sin A, \text{ demak } \frac{a}{\sin A} = \frac{c}{\sin C}$$

Shuningdek, (\diamond) tengliklarning birinchi va uchinchidan $\frac{c}{\sin C} = \frac{b}{\sin B}$ tenglikni hosil qilamiz.

Shunday qilib, $\frac{a}{\sin A} = \frac{b}{\sin B} = \frac{c}{\sin C}.$

Teorema isbotlandi.

 **1-masala.** ABC uchburchakda $AB=14 \text{ dm}$, $\angle A=30^\circ$, $\angle C=65^\circ$ (1-rasm). BC tomonni toping.

Yechish: Sinuslar teoremasiga ko'ra,

$$\frac{AB}{\sin C} = \frac{BC}{\sin A} \quad \text{Undan,}$$

$$BC = \frac{AB \cdot \sin A}{\sin C} = \frac{14 \cdot \sin 30^\circ}{\sin 65^\circ} \approx \frac{14 \cdot 0,5}{0,9} \approx 7,78 \text{ (dm)}.$$

Eslatma: Trigonometrik funksiyalarning qiymatlari maxsus kalkulator yoki jadvallar yordamida topiladi. Bu yerda $\sin 65^\circ \approx 0,9$ ekanligini darslikning 153-betidagi jadvaldan aniqladik.

Javob: $7,78 \text{ dm}.$

 **2-masala.** Uchburchak tomonining shu tomon qarshisidagi burchagi sinusiga nisbati uchburchakka tashqi chizilgan aylana diametriga teng, ya'ni

$$\frac{a}{\sin A} = \frac{b}{\sin B} = \frac{c}{\sin C} = 2R$$

ekanligini isbotlang (2-rasm).

Istbot. Ravshanki, sinuslar teoremasiga ko'ra, $\frac{a}{\sin A} = 2R$ tenglikni isbotlash kifoya. Uch hol bo'lishi mumkin:

- 1-hol: $\angle A$ — o'tkir burchak (*2-a rasm*); 2-hol: $\angle A$ — o'tmas burchak (*2-b rasm*);
- 3-hol: $\angle A$ — to'g'ri burchak (*2-c rasm*).

1-holni qaraymiz: C va D nuqtalarni tutashtiramiz. BCD — to'g'ri burchakli uchburchak, chunki $\angle BCD$ burchak BD diametrga tiralgan.

ΔBCD da: $BC = BD \cdot \sin D = 2R \sin D$. Lekin, $\angle D = \angle A$, chunki ular bitta BC yoyga tiralgan ichki chizilgan burchaklar. Unda,

$$BC = 2R \sin A \quad \text{yoki} \quad \frac{a}{\sin A} = 2R.$$

Qolgan hollarni mustaqil isbotlang (*ko'rsatma*: 2-holda $\angle D = 180^\circ - \angle A$ ekanligidan, 3-holda $a = 2R$ ekanligidan foydalaning).

?

Masala va topshiriqlar

28.1. Uchburchak istalgan tomonining shu tomon qarshisidagi burchak sinusiga nisbati uchburchakka tashqi chizilgan aylana diametriga teng ekanligini 2-masalada keltirilgan 2- va 3-hollar uchun isbotlang.


28.2. 3-rasmda berilganlarga ko'ra, so'ralgan kesmalarni toping.

28.3. Agar ABC uchburchakda:

a) $\sin A = 0,4$; $BC = 6 \text{ cm}$ va $AB = 5 \text{ cm}$ bo'lsa, $\sin C$ ni;

b) $\sin B = \frac{1}{2}$; $AC = 8 \text{ dm}$ va $BC = 7 \text{ dm}$ bo'lsa, $\sin A$ ni;

d) $\sin C = \frac{1}{2}$; $AB = 6 \text{ m}$ va $AC = 8 \text{ m}$ bo'lsa, $\sin B$ ni toping.



28.4. Uchburchakning bir burchagi 30° ga teng. Uning qarshisidagi tomon $4,8 \text{ dm}$. Uchburchakka tashqi chizilgan aylana radiusini hisoblang.

28.5. Uchburchakning bir tomoni uchburchakka tashqi chizilgan aylana radiusiga teng. Uchburchakning shu tomoni qarshisidagi burchagini toping. Bunda, ikki holni qarashga to'g'ri kelishiga e'tibor qiling.

28.6. ABC uchburchak uchun $AB:BC:CA = \sin C : \sin A : \sin B$ tenglik o'rinni bo'lishini asoslang. $\sin A : \sin B : \sin C = 3 : 5 : 7$ tenglik to'g'ri bo'lishi mumkinmi?

28.7. Agar ABC uchburchakda $BC = 20 \text{ m}$, $AC = 13 \text{ m}$ va $\angle A = 67^\circ$ bo'lsa, uchburchakning AB tomonini, B va C burchaklarini toping.


28.8*. Agar ABC uchburchakda $BC = 18 \text{ dm}$, $\angle A = 42^\circ$, $\angle B = 62^\circ$ bo'lsa, uchburchakning C burchagini, AB va AC tomonlarini toping.

To‘g‘ri burchakli uchburchakda to‘g‘ri burchak qarshisidagi tomon (gipotenuza) kvadrati qolgan tomonlar (katetlar) kvadratlari yig‘indisiga teng.

Xo‘sish, to‘g‘ri bo‘lmaidan burchak uchun-chi? Quyidagi teorema shu xususda.

Teorema. (Kosinuslar teoremasi). Uchburchak istalgan tomonining kvadrati qolgan ikki tomoni kvadratlari yig‘indisi shu ikki tomon bilan ular orasidagi burchak kosinusini ko‘paytmasining ikkilangani ayirmasiga teng.

ΔABC , $AB=c$, $BC=a$, $CA=b$ (1-rasm) $a^2 = b^2 + c^2 - 2bc \cos A$



Izbot. ABC uchburchakning BD balandligini o‘tkazamiz. D nuqta AC tomonda (1-a rasm) yoki uning davomida (1-b va 1-d rasmlar) bo‘lishi mumkin. Birinchi holni qaraymiz. To‘g‘ri burchakli BCD uchburchakda Pifagor teoremasiga ko‘ra,

$$BC^2 = BD^2 + DC^2.$$

$DC = AC - AD$ bo‘lgani uchun:

$$BC^2 = BD^2 + (AC - AD)^2 = BD^2 + AC^2 - 2 \cdot AC \cdot AD + AD^2.$$


To‘g‘ri burchakli ABD uchburchakda $BD^2 + AD^2 = AB^2$ va $AD = AB \cos A$ ekanligini hisobga olib, oxirgi tenglikdan

$$BC^2 = AB^2 + AC^2 - 2AB \cdot AC \cdot \cos A,$$

ya’ni $a^2 = b^2 + c^2 - 2bc \cos A$ tenglikka ega bo‘lamiz.

Teorema isbotlandi.

1-b rasmda tasvirlangan holda $DC = AD - AC$, 1-d rasmda tasvirlangan holda $DC = AD + AC$ va $\cos(180^\circ - A) = -\cos A$ tengliklardan foydalanib, kosinuslar teoremasini mustaqil isbotlang.



Eslatma. Kosinuslar teoremasi Pifagor teoremasining umumlashganidir. $\angle A = 90^\circ$ bo‘lganda ($\cos 90^\circ = 0$ bo‘lgani uchun) kosinuslar teoremasidan Pifagor teoremasi kelib chiqadi.

1-masala. ABC uchburchakda $AB = 6 \text{ cm}$, $AC = 7 \text{ cm}$, $\angle A = 60^\circ$ (2-rasm). BC tomonni toping.


Yechish. Kosinuslar teoremasiga ko‘ra, $a^2 = b^2 + c^2 - 2bc \cos A$ yoki $BC^2 = AC^2 + AB^2 - 2AC \cdot AB \cdot \cos A$ bo‘lgani uchun

$$BC^2 = 7^2 + 6^2 - 2 \cdot 7 \cdot 6 \cdot \cos 60^\circ = 49 + 36 - 84 \cdot \frac{1}{2} = 43,$$

ya’ni $BC = \sqrt{43}$ cm. **Javob:** $\sqrt{43}$ cm.

Kosinuslar teoremasidan foydalanib, tomonlari ma’lum bo‘lgan uchburchakning burchaklarini topish mumkin:

$$\cos A = \frac{b^2 + c^2 - a^2}{2bc}. \quad (1)$$




2-masala. ABC uchburchakning tomonlari $a=5$ m, $b=6$ m va $c=4$ m. Kichik tomonning katta tomon-dagi proyeksiyasini toping (3-rasm).

Yechish. (1) formula asosida $\cos A$ ni topamiz:

$$\cos A = \frac{b^2 + c^2 - a^2}{2bc} = \frac{6^2 + 4^2 - 5^2}{2 \cdot 6 \cdot 4} = \frac{9}{16}.$$

To‘g‘ri burchakli ABD uchburchakda $AD = AB \cdot \cos A$ bo‘lgani uchun $AD = 4 \cdot \frac{9}{16} = 2,25$ (m).

Javob: 2,25 m.



Masala va topshiriqlar

- 29.1. Kosinuslar teoremasini 1-b va 1-d rasmida tasvirlangan hollarda isbotlang.
- 29.2. ABC uchburchakda
 - a) $AC=3$ cm, $BC=4$ cm va $\angle C=60^\circ$ bo‘lsa, AB ni;
 - b) $AB=4$ m, $BC=4\sqrt{2}$ m va $\angle B=45^\circ$ bo‘lsa, AC ni;
 - d) $AB=7$ dm, $AC=6\sqrt{3}$ dm va $\angle A=150^\circ$ bo‘lsa, BC ni toping.
- 29.3. Tomonlari 5 cm, 6 cm, 7 cm bo‘lgan uchburchak burchaklari kosinuslarini toping.
- 29.4. ABC uchburchakda $AB=10$ cm, $BC=12$ m va $\sin B=0,6$ bo‘lsa, AC tomonni toping.
- 29.5. Parallelogrammning diagonallari 10 cm va 12 cm, ular orasidagi burchagi 60° ga teng. Parallelogramm tomonlarini toping.
- 29.6. Tomonlari 5 cm va 7 cm bo‘lgan parallelogrammning bir burchagi 120° ga teng. Uning diagonallarini toping.
- 29.7*. Tomonlari a , b , c bo‘lgan ABC uchburchakning BD medianasi $BD = \frac{1}{2}\sqrt{2a^2+2c^2-b^2}$ formula bilan hisoblanishini isbotlang (4-rasm).
- 29.8*. Tomonlari 6 m, 7 m va 8 m bo‘lgan uchburchak medianalarini toping.
- 29.9. Tomonlari 5 cm, 6 cm, 7 cm bo‘lgan uchburchak bissektrisalarini toping.
- 29.10. Tomonlari 5 cm, 6 cm, 7 cm bo‘lgan uchburchak balandliklarini toping.

Oldingi darslarda isbotlangan sinuslar va kosinuslar teoremalaridan uchburchaklarga oid turli-tuman masalalarni yechishda samarali foydalanish mumkin. Bu darsda bu teoremalarning ba'zi bir tatbiqlariga to'xtalamiz.

1. Kosinuslar teoremasi uchburchak burchaklarini topmasdan, uning burchaklar bo'yicha turini (o'tkir, o'tmas yoki to'g'ri burchakli ekanligini) aniqlashga imkon beradi. Haqiqatan,

$$\cos A = \frac{b^2 + c^2 - a^2}{2bc}$$

formulada

- 1) agar $b^2 + c^2 > a^2$ bo'lsa, $\cos A > 0$. Demak, A – o'tkir burchak;
- 2) agar $b^2 + c^2 = a^2$ bo'lsa, $\cos A = 0$. Demak, A – to'g'ri burchak;
- 3) agar $b^2 + c^2 < a^2$ bo'lsa, $\cos A < 0$. Demak, A – o'tmas burchak.

$b^2 + c^2 = a^2$ tenglik yoki $b^2 + c^2 < a^2$ tengsizlik a – uchburchakning eng katta tomoni bo'lgan holdagina bajariladi. Demak, uchburchakning to'g'ri yoki o'tmas burchagi uning eng katta tomoni qarshisida yotadi.

Uchburchakning eng katta tomoni qarshisidagi burchakning kattaligiga qarab, bu uchburchakning qanday (o'tkir, o'tmas, to'g'ri burchakli) uchburchak ekanligi haqida xulosaga kelish mumkin.

 **1-masala.** Tomonlari 5 m , 6 m va 7 m bo'lgan uchburchak burchaklarini topmasdan uning turini aniqlang.

Yechish. Eng katta burchak qarshisida eng katta tomon yotadi. Shuning uchun, agar $a=7$, $b=6$, $c=5$ bo'lsa, $\angle A$ eng katta burchak bo'ladi.

$$\cos A = \frac{b^2 + c^2 - a^2}{2bc} = \frac{36 + 25 - 49}{2 \cdot 6 \cdot 5} = \frac{12}{60} = \frac{1}{5} > 0.$$

Demak, A – o'tkir burchak, berilgan uchburchak esa o'tkir burchakli.

2. Uchburchak yuzini uning ikki tomoni va ular orasidagi burchagi orqali hisoblash formulasi

$$S = \frac{1}{2} b c \sin A$$

va $\sin A = \frac{a}{2R}$ formulalardan uchburchak yuzini hisoblash uchun

$$S = \frac{abc}{4R}$$

formulani va uchburchakka tashqi chizilgan aylana radiusini hisoblash uchun

$$R = \frac{abc}{4S}$$

formulani hosil qilamiz.



2-masala. Tomonlari $a=5$, $b=6$, $c=10$ bo‘lgan uchburchakka tashqi chizilgan aylana radiusini toping.

Yechish. Geron formulasidan foydalanim, uchburchak yuzini topamiz:

$$p = \frac{a+b+c}{2} = \frac{5+7+10}{2} = 11,$$

$$S = \sqrt{p(p-a)(p-b)(p-c)} = \sqrt{11(11-5)(11-7)(11-10)} = \sqrt{11 \cdot 6 \cdot 4} = \sqrt{264} \approx 16,3.$$


Unda, $R = \frac{abc}{4S} \approx \frac{5 \cdot 7 \cdot 10}{4 \cdot 16,3} \approx 5,4$.

Javob: $\approx 5,4$.


?

Masala va topshiriqlar

- 30.1.** Agar $AB=7\text{ cm}$, $BC=8\text{ cm}$, $CA=9\text{ cm}$ bo‘lsa, ABC uchburchakning eng katta va eng kichik burchagini toping.
- 30.2.** Agar ABC uchburchakda $\angle A=47^\circ$, $\angle B=58^\circ$ bo‘lsa, uchburchakning eng katta va eng kichik tomonlarini aniqlang.
- 30.3.** Uchburchakning uchta tomoni berilgan:
a) $a=5$, $b=4$, $c=4$; b) $a=17$, $b=8$, $c=15$; d) $a=9$, $b=5$, $c=6$.
Uchburchak o‘tkir burchakli, to‘g‘ri burchakli yoki o‘tmas burchakli ekanligini aniqlang.
- 30.4.** Tomonlari a) 13, 14, 15; b) 15, 13, 4; d) 35, 29, 8; e) 4, 5, 7 bo‘lgan uchburchakka tashqi chizilgan aylana radiusini toping.
- 30.5.** ABC uchburchakning AB tomonida D nuqta belgilangan. CD kesma AC va BC kesmalarining kamida bittasidan kichik ekanligini isbotlang.
- 30.6.** Uchburchakning katta burchagi qarshisida katta tomoni yotishini isbotlang.
- 30.7.** Uchburchakning katta tomoni qarshisida katta burchagi yotishini isbotlang.
- 30.8*.** ABC uchburchakning CD medianasi o‘tkazilgan. Agar $AC > BC$ bo‘lsa, ACD burchak BCD burchakdan kichik bo‘lishini isbotlang.
- 30.9*.** 1-rasmida berilganlarga asoslanib, qadimda yunonlar qirg‘oqdan kemagacha bo‘lgan masofani qanday o‘lchaganlarini aniqlang.



1



Nol vektordan farqli \bar{a} vaa \bar{b} vektorlar orasidagi burchak deb O nuqtadan chiquvchi $\overline{OA} = \bar{a}$ va

$\overline{OB} = \bar{b}$ vektorlarning yo'naltiruvchi kesmalari orasidagi AOB burchakka aytildi (1- rasm).

Bir xil yo'nalgan vektorlar orasidagi burchak 0° ga teng deb hisoblanadi. Agar ikkita vektor orasidagi burchak 90° ga teng bo'lsa, ular *perpendikular* deyiladi.

\bar{a} vaa \bar{b} vektorlarning *skalar ko'paytmasi* deb, bu vektorlar uzunliklarining ular orasidagi burchak kosinusini ko'paytmasiga aytildi.


Agar vektorlarning biri nol vektor bo'lsa, ularning skalar ko'paytmasi nolga teng bo'ladi.

Skalar ko'paytma $\bar{a} \cdot \bar{b}$ yoki (\bar{a}, \bar{b}) tarzda belgilanadi. Ta'rifga ko'ra

$$(\bar{a}, \bar{b}) = |\bar{a}| \cdot |\bar{b}| \cos\varphi. \quad (1)$$

Ta'rifdan ko'rindaniki, \bar{a} va \bar{b} vektorlarning skalar ko'paytmasi nolga teng bo'lsa, ular *perpendikular* bo'ladi va aksincha.

2



Fizikada jismni \bar{F} kuch ta'siri ostida \bar{s} masofaga siljishda bajarilgan A ish \bar{F} va \bar{s} vektorlarning skalar ko'paytmsiga teng bo'ladi:

$$A = (\bar{F}, \bar{s}) = |\bar{F}| \cdot |\bar{s}| \cos\varphi.$$

Xossa. $\bar{a}(a_1; a_2)$ va $\bar{b}(b_1; b_2)$ vektorlar uchun $(\bar{a}; \bar{b}) = a_1 b_1 + a_2 b_2$.

Isbot. \bar{a} va \bar{b} vektorlarni koordinata boshi O nuqtaga qo'yamiz (2- rasm).

Unda $\overline{OA} = (a_1; a_2)$ va $\overline{OB} = (b_1; b_2)$ bo'ladi. Agar berilgan vektorlar kollinear bo'lmasa, ABO uchburchakdan iborat bo'ladi va uning uchun kosinuslar teoremasi o'rinni bo'ladi: $AB^2 = OA^2 + OB^2 - 2OA \cdot OB \cdot \cos\varphi$.

Unda $OA \cdot OB \cdot \cos\varphi = \frac{1}{2} (OA^2 + OB^2 - AB^2)$ bo'ladi.

Lekin, $OA^2 = a_1^2 + a_2^2$, $OB^2 = b_1^2 + b_2^2$ va $AB^2 = (b_1 - a_1)^2 + (b_2 - a_2)^2$.

Demak, $(\bar{a}, \bar{b}) = |\bar{a}| \cdot |\bar{b}| \cos\varphi = OA \cdot OB \cdot \cos\varphi = \frac{1}{2} (OA^2 + OB^2 - AB^2) = \frac{1}{2} (a_1^2 + a_2^2 + b_1^2 + b_2^2 + (b_1 - a_1)^2 + (b_2 - a_2)^2) = a_1 b_1 + a_2 b_2$.

Berilgan vektorlar kollinear bo'lgan ($\varphi = 0^\circ$, $\varphi = 180^\circ$) holda ham bu tenglik o'rinni bo'lishini mustaqil ko'rsating. □

Vektorlar skalar ko‘paytmasining xossalari

1. $\bar{a} \cdot \bar{b} = \bar{b} \cdot \bar{a}$ o‘rin almashtirish xossasi.
2. $(\bar{a} + \bar{b}) \cdot \bar{c} = \bar{a} \cdot \bar{c} + \bar{b} \cdot \bar{c}$ taqsimot xossasi.
3. $\lambda \cdot (\bar{a} \cdot \bar{b}) = (\lambda \cdot \bar{a}) \cdot \bar{b} = \bar{a} \cdot (\lambda \cdot \bar{b})$ guruhlash xossasi.
4. Agar a va b vektorlar bir xil yo‘nalishdagi kollinear vektorlar bo‘lsa, $\bar{a} \cdot \bar{b} = |\bar{a}| |\bar{b}|$ bo‘ladi, chunki $\cos 0^\circ = 1$.
5. Agar qarama-qarshi yo‘nalgan bo‘lsa, $\bar{a} \cdot \bar{b} = -|\bar{a}| |\bar{b}|$, chunki $\cos 180^\circ = -1$.
6. $\bar{a} \cdot \bar{a} = |\bar{a}| |\bar{a}| \cos 0^\circ = |\bar{a}|^2 \Rightarrow \bar{a}^2 = |\bar{a}|^2$.
7. \bar{a} va \bar{b} vektorlar o‘zaro perpendikular bo‘lsa, $\bar{a} \cdot \bar{b} = 0$ bo‘ladi.

Natijalar:

a) $\bar{a} = (a_1; a_2)$ vektoring uzunligi: $|\bar{a}| = \sqrt{a_1^2 + a_2^2}$; (1)

b) $\bar{a} = (a_1; a_2)$ va $\bar{b} = (b_1; b_2)$ vektorlar orasidagi burchak kosinusni:

$$\cos \varphi = \frac{\bar{a} \cdot \bar{b}}{|\bar{a}| \cdot |\bar{b}|} \quad \text{yoki} \quad \cos \varphi = \frac{a_1 b_1 + a_2 b_2}{\sqrt{a_1^2 + a_2^2} \cdot \sqrt{b_1^2 + b_2^2}}$$


 **Masala.** $\bar{a}(1;2)$ va $\bar{b}(4;-2)$ vektorlar orasidagi burchakni toping.

Yechish. Berilgan vektorlar orasidagi burchakni α deb belgilasak, formulaga ko‘ra, $\cos \alpha = \frac{1 \cdot 4 + 2 \cdot (-2)}{\sqrt{1^2 + 2^2} \cdot \sqrt{4^2 + (-2)^2}} = \frac{4 - 4}{\sqrt{5} \cdot \sqrt{20}} = 0$. Demak, $\alpha = 90^\circ$. **Javob:** 90° .

?


Masala va topshiriqlar

- 31.1. Agar \bar{a} va \bar{b} vektorlar uchun a) $|\bar{a}|=4$, $|\bar{b}|=5$, $\alpha=30^\circ$; b) $|\bar{a}|=8$, $|\bar{b}|=7$, $\alpha=45^\circ$; d) $|\bar{a}|=2.4$, $|\bar{b}|=10$, $\alpha=60^\circ$; e) $|\bar{a}|=0.8$, $|\bar{b}|=\frac{1}{2}$, $\alpha=40^\circ$ bo‘lsa, bu vektorlarning skalar ko‘paytmasini toping (bu yerda — \bar{a} va \bar{b} vektorlar orasidagi burchak).
- 31.2. a) $\bar{a}(\frac{1}{2}; -1)$ va $\bar{b}(2; 3)$; b) $\bar{a}(-5; 6)$ va $\bar{b}(6; 5)$; d) $\bar{a}(1,5; 2)$ va $\bar{b}(4; -2)$ vektorlarning skalar ko‘paytmasini hisoblang va ular orasidagi burchakni toping.
- 31.3. ABCD rombning diagonallari O nuqtada kesishadi va bunda $\overline{BD} = \overline{AB} = 4 \text{ cm.a}$) \overline{AB} va \overline{AD} ; b) \overline{AB} va \overline{AC} ; d) \overline{AD} va \overline{DC} ; e) \overline{OC} va \overline{OD} vektorlarning skalar ko‘paytmasini va bu vektorlar orasidagi burchakni toping.
- 31.4. Nol vektordan farqli \bar{a} va \bar{b} vektorlar berilgan bo‘lsin. $\bar{a} \cdot \bar{b} = 0$ bo‘lganda bu vektorlar perpendikular bo‘lishini va aksincha, \bar{a} va \bar{b} vektorlar perpendikular bo‘lsa, $\bar{a} \cdot \bar{b} = 0$ bo‘lishini isbotlang.
- 31.5*. x ning qanday qiymatida a) $\bar{a}(4; 5)$ va $\bar{b}(x; 6)$; b) $\bar{a}(x; 1)$ va $\bar{b}(3; 2)$; d) $\bar{a}(0; -3)$ va $\bar{b}(5; x)$ vektorlar o‘zaro perpendikular bo‘ladi?
- 31.6. $\bar{a}(3; 3)$, $\bar{b}(2; -2)$, $\bar{c}(-1; -4)$ va $\bar{d}(-4; 1)$ vektorlar orasidan o‘zaro perpendikular juftlarini toping.




31.7*. Bilyard o'yinida A nuqtada turgan shar zarbadan keyin bilyard stoli tomoniga B nuqtada urildi va yo'nalishini o'zgartirib C nuqtadagi savatchaga tushdi (3-rasm).

Agar $AB=40\text{ cm}$, $BC=150\text{ cm}$ va $ABD=120^\circ$ bo'lsa, $AB \cdot BC$ skalar ko'paytmani toping.




31.8. $F(-3, 4)$ kuch ta'siri ostida nuqta $A(5, -1)$ holatdan $B(2, 1)$ holatga o'tdi. Bu jarayonda qanday ish bajarildi?

31.9. Lola ko'p qavatlari uying 3-qavatida yashaydi. Uning oynasidan uyidan 40 m masofada turgan boshqa bir uy ko'rinish turadi (4-rasm). Agar ro'paradagi uying tomi Lolaga 47° burchak ostida, partki asosi esa 33° burchak ostida ko'rinsa, ro'paradagi uying balandligini toping.



31.10. 2500 m balandlikda uchib bora-yotgan samolyotdan birinchi kema ufqqa nisbatan 44° burchak ostida, ikkinchi kema esa 32° burchak ostida ko'rindi (5-rasm). Kemalar orasidagi masofani toping.

31.11. Baliqchilar qayig'idan balandligi 200 m bo'lgan mayoq 11° burchak ostida ko'rindi (6-rasm). Qayiqdan qirg'oqqacha bo'lgan masofani toping.





Geometriya va geografiyadan loyiha ishi

Geografiya fanidan ma'lumki, Yer shari sirtidagi joylar geografik koordinatalar yordamida aniqlanadi. 7-rasmida bu koordinatalar keltirilgan. Unda

1 - nolinchi (Grinvich) meridiani;

2- nolinchi meridiandan o'ngda (sharqda) joylashgan meridianlar;

3- ekvatoridan pastda (janubda) joylashgan parallellar;

4 - ekvator.

Nolinchi (Grinvich) meridiani (1) ning ekvator (4) bilan kesishish nuqtasi geografik koordinatalarning sanoq boshi hisoblanadi.

Ekvatoridan shimolga tomon meridian bo'ylab chorak aylana yoyi 90° shimoliy kenglikni, ekvatoridan janubga tomon ham 90° janubiy kenglikni o'z ichiga oladi.



Nolinchi meridiandan sharqqa tomon ekvator bo'ylab yarim aylana yoyi 180° sharqiy uzoqlikni, nolinchi meridiandan garbga tomon ham 180° g'arbiy uzoqlikni o'z ichiga oladi.

1. Toshkent shahrining geografik koordinatalarini toping.

2. Vatanimiz poytaxti bilan yana qaysi katta shaharlar taxminan bir xil meridianda joylashgan.

3. Toshkent shahridan Tokio, Pekin, Seul, Vashington va Nyu-York shaharlarigacha (meridian bo'ylab) bo'lgan masofalarni aniqlang (yetishmayotgan ma'lumotlarni o'zingiz qidirib toping).

4. Shahar 60° shimoliy kenglikda joylashgan. Agar Yerning radiusi $6400\ km$ bo'lsa, bu shahar joylashgan parallel radiusini toping.




Qiziqarli geometriya

Ovchi ovga chiqdi. Dastlab u janubga tomon $1\ km$ yurdi. So'ng sharqqa tomon $1\ km$, so'ng esa shimolga tomon $1\ km$ yo'l yurdi va boshlang'ich holatiga kelib qoldi. Qarasa, ayiq turibdi. Uni otdi.

1. Ovlangan ayiq rangi qanaqa?

2. Yer sharining yana qaysi joylaridan yo'lga chiqib, yuqorida tasvirlanganidek 3 tomonga yurib yana boshlang'ich nuqtaga kelib qolish mumkin? U joylarda ayiq yashaydimi?



Uchburchakning tomonlarini a , b , c bilan, bu tomonlar qarshisidagi burchaklarni mos ravishda α , β , γ bilan belgilaymiz (*1-rasm*). Uchburchakning tomonlari va burchaklarini bitta nom bilan — uning *elementlari* deb atashadi.

Uchburchakni aniqlovchi berilgan elementlariga ko‘ra, uning qolgan elementlarini topish *uchburchakni yechish deb yuritiladi*.

1-masala. (*Uchburchakni berilgan bir tomoni va unga yopishgan burchaklari bo‘yicha yechish*). Agar uchburchakda $a=6$, $\beta=60^\circ$ va $\gamma=45^\circ$ bo‘lsa, uning uchinchi burchagi va qolgan ikki tomonini toping.

Yechish. 1. Uchburchak burchaklari yig‘indisi 180° bo‘lgani uchun

$$\alpha = 180^\circ - \beta - \gamma = 180^\circ - 60^\circ - 45^\circ = 75^\circ.$$

Sinuslar teoremasidan foydalanib, qolgan ikki tomonni topamiz:

$$2. \frac{a}{\sin \alpha} = \frac{b}{\sin \beta} \text{ tenglikdan } b = a \cdot \frac{\sin \beta}{\sin \alpha} = 6 \cdot \frac{\sin 60^\circ}{\sin 75^\circ} \approx 6 \cdot \frac{0,8660}{0,9659} \approx 5,3794 \approx 5,4.$$

($\sin 60^\circ$ va $\sin 75^\circ$ qiymatlari mikrokalkulatororda topib qo‘yildi, ularni darslikning 153-betidagi jadvaldan ham topishingiz mumkin).

$$3. \frac{a}{\sin \alpha} = \frac{c}{\sin \gamma} \text{ tenglikdan } c = a \cdot \frac{\sin \gamma}{\sin \alpha} = 6 \cdot \frac{\sin 45^\circ}{\sin 75^\circ} \approx 6 \cdot \frac{0,7071}{0,9659} \approx 4,3924 \approx 4,4.$$

Javob: $\alpha=75^\circ$; $\beta \approx 5,4$; $c \approx 4,4$.

2-masala. (*Uchburchakni berilgan ikki tomoni va ular orasidagi burchagi bo‘yicha yechish*). Agar uchburchakda $a=6$, $b=4$ va $\gamma=120^\circ$ bo‘lsa, uning uchinchi tomoni va qolgan burchaklarini toping.

Yechish. 1. Kosinuslar teoremasidan foydalanib, uchburchakning uchinchi c tomonini topamiz.

$$c = \sqrt{a^2 + b^2 - 2ab \cos \gamma} = \sqrt{36 + 16 - 2 \cdot 6 \cdot 4 \cdot (-0,5)} = \sqrt{76} \approx 8,7.$$

2. Endi, uchburchakning uchta tomonini bilgan holda, kosinuslar teoremasidan foydalanib, uchburchakning qolgan burchaklarini topamiz:

$$\cos \alpha = \frac{b^2 + c^2 - a^2}{2bc} = \frac{4^2 + 76 - 6^2}{2 \cdot 4 \cdot \sqrt{76}} \approx 0,8046.$$

$\cos \alpha \approx 0,8046$ tenglik asosida α burchakning qiymatini 153-betidagi jadvaldan aniqlaymiz (α — o‘tkir burchak): $\alpha \approx 36^\circ$.

$$3. \beta = 180^\circ - \alpha - \gamma \approx 180^\circ - (36^\circ + 120^\circ) = 24^\circ.$$

Javob: $c \approx 8,7$; $\alpha \approx 36^\circ$, $\beta \approx 24^\circ$.

3-masala. (*Uchburchakni berilgan uch tomoni bo‘yicha yechish*). Agar uchburchakda $a=10$, $b=6$ va $c=13$ bo‘lsa, uning burchaklarini toping.

Yechish: 1. Uchburchak o'tmas burchakli bo'lishi yoki bo'lmasligini katta tomon qarshisidagi burchak kosinusining ishorasiga qarab aniqlaymiz:

$$\cos C = \frac{a^2 + b^2 - c^2}{2ab} = \frac{100 + 36 - 169}{2 \cdot 10 \cdot 6} = -\frac{33}{120} \approx -0,275 < 0.$$

Demak, C — o'tmas burchak ekan. Buni 153-betdag'i jadvaldan C burchakning kattaligini aniqlashda hisobga olamiz. Jadvaldan kosinusi $0,275$ ga teng burchak $\angle C=74^\circ$ ekanligini topamiz. Unda $\cos(180^\circ - \alpha) = -\cos\alpha$ formulaga ko'ra,

$$\angle C = 180^\circ - \angle C_1 = 180^\circ - 74^\circ = 106^\circ.$$

2. Sinuslar teoremasiga ko'ra,

$$\frac{a}{\sin A} = \frac{c}{\sin C}. \text{ Bundan, } \sin A = \frac{a \cdot \sin C}{c} = \frac{10 \cdot \sin 106^\circ}{13} = \frac{10 \cdot \sin 74^\circ}{13} \approx \frac{10 \cdot 0,9615}{13} \approx 0,7396.$$

A — o'tkir burchak bo'lgani uchun 153-betdag'i jadvaldan $\angle A \approx 47^\circ$ ekanligini aniqlaymiz.

$$3. \angle B \approx 180^\circ - (106^\circ + 47^\circ) = 26^\circ.$$

Javob: $\angle A \approx 47^\circ$, $\angle B \approx 26^\circ$, $\angle C \approx 106^\circ$.

2. **Masala va topshiriqlar**

32.1. Uchburchakning bir tomoni va unga yopishgan ikkita burchagi berilgan:

- a) $a=5 \text{ cm}$, $\beta=45^\circ$, $\gamma=45^\circ$; b) $c=20 \text{ cm}$, $\alpha=75^\circ$, $\beta=60^\circ$;
 d) $a=35 \text{ cm}$, $\beta=40^\circ$, $\gamma=120^\circ$; e) $c=12 \text{ cm}$, $\alpha=36^\circ$, $\beta=25^\circ$.

Uchburchakning uchinchi burchagi va qolgan ikki tomonini toping.

32.2. Uchburchakning ikki tomoni va ular orasidagi burchagi berilgan:

- a) $a=6$, $b=4$, $\gamma=60^\circ$; b) $a=14$, $b=43$, $\gamma=130^\circ$;
 d) $b=17$, $c=9$, $\alpha=85^\circ$; e) $b=14$, $c=10$, $\alpha=145^\circ$.

Uchburchakning qolgan burchaklarini va uchinchi tomonini toping.

32.3. Uchburchakning uchta tomoni berilgan:


- a) $a=2$, $b=3$, $c=4$; b) $a=7$, $b=2$, $c=8$;
 d) $a=4$, $b=5$, $c=7$; e) $a=15$, $b=24$, $c=18$.

Uchburchakning burchaklarini toping.

32.4. Uchburchakning ikki tomoni va bu tomonlardan birining qarshisidagi burchagi berilgan. Uchburchakning qolgan tomoni va burchaklarini toping:

- a) $a=12$, $b=5$, $\alpha=120^\circ$; b) $a=27$, $b=9$, $\alpha=138^\circ$;
 d) $b=2$, $c=2$, $\alpha=60^\circ$; e) $b=6$, $c=8$, $\alpha=30^\circ$.

32.5. 2-rasmida berilgan ma'lumotlar asosida uchburchakni yeching.




1-masala. Parallelogramm diagonallari kvadratlarining yig'indisi tomonlari kvadratlari yig'indisining ikkilanganiga teng ekanligini isbotlang.



ABCD – parallelogramm, AB=a, AD=b, BD=d₁, AC=d₂ (1-rasm).



$$d_1^2 + d_2^2 = 2(a^2 + b^2)$$



Yechish. ABCD parallelogrammning A burchagi α ga teng bo'lzin. Unda $\angle B=180^\circ-\alpha$. ABD va ABC uchburchaklarga kosinuslar teoremasini qo'llaymiz (1-rasm):

$$d_1^2 = a^2 + b^2 - 2ab \cos \alpha, \quad (1)$$


$$d_2^2 = a^2 + b^2 - 2ab \cos(180^\circ - \alpha).$$

$$\cos(180^\circ - \alpha) = -\cos \alpha \text{ tenglikni hisobga olsak,}$$

$$d_2^2 = a^2 + b^2 + 2ab \cos \alpha. \quad (2)$$

(1) va (2) tengliklarning mos qismlarini qo'shib, $d_1^2 + d_2^2 = 2(a^2 + b^2)$ tenglikni hosil qilamiz.

2-masala. ABC uchburchakda $\angle A=30^\circ$, $AB=4$, $AC=\sqrt{3}$ bo'lsa, uchburchakning A uchidan tushirilgan AD balandligini toping (2-rasm).



Yechish. 1) Kosinuslar teoremasidan foydalanib, uchburchakning BC tomonini topamiz:

$$BC^2 = AB^2 + AC^2 - 2AB \cdot AC \cdot \cos A = \\ = 4^2 + (\sqrt{3})^2 - 2 \cdot 4 \cdot \sqrt{3} \cdot \cos 30^\circ = 7, \quad BC = \sqrt{7}.$$

2) Endi uchburchakning yuzini topamiz:

$$S = \frac{1}{2} \cdot AB \cdot AC \cdot \sin A = \frac{1}{2} \sqrt{3} \cdot 4 \cdot \sin 30^\circ = \sqrt{3}.$$

3) Topilganlardan foydalanib, uchburchakning AD balandligini topamiz:

$$S = \frac{1}{2} \cdot BC \cdot AD \quad \text{formuladan} \quad AD = \frac{2S}{BC} = \frac{2\sqrt{3}}{\sqrt{7}} = \frac{2\sqrt{21}}{7}. \quad \text{Javob: } \frac{2\sqrt{21}}{7}.$$

3-masala. Haydovchi yo'l harakati qoidasini buzib, soat 12^{00} da shohko'chaning A nuqtasidan Olmazor ko'chasi tomon burildi va $140 \text{ km}/\text{soat}$ tezlikda harakatini davom ettirdi (3-rasm). Soat 12^{00} da DAN xodimi B nuqtadan toshloq yo'l bo'ylab $70 \text{ km}/\text{soat}$ tezlikda qoidabuzar haydovchi yo'lini kesib chiqish uchun yo'liga

chiqdi. DAN xodimi chorrahada, ya’ni C nuqtada qoidabuzar haydovchini to’xtatib qola oladimi?

Yechish: ABC uchburchakda

$$\angle C = 180^\circ - (\angle A + \angle B) = 180^\circ - (20^\circ + 50^\circ) = 180^\circ - 70^\circ = 110^\circ.$$

1. Olmazor ko’chasiidagi yo’lning AC qismi uzunligini topamiz: sinuslar teoremasiga ko’ra,

$$\frac{AC}{\sin B} = \frac{AB}{\sin C}. \text{ Bu tenglikdan } AC = \frac{AB \cdot \sin B}{\sin C} = \frac{2 \cdot \sin 50^\circ}{\sin 110^\circ} = \frac{2 \cdot \sin 50^\circ}{\sin(90^\circ + 20^\circ)} = \frac{2 \cdot \sin 50^\circ}{\cos 20^\circ} \approx$$

$$\approx \frac{2 \cdot 0,766}{0,940} = \frac{1,532}{0,94} \approx 1,630 \text{ (km). Bu yo’lni qoidabuzar haydovchi } \frac{1,630 \text{ km}}{140 \text{ km/h}} \approx$$

$$\approx 0,0116 \text{ soat} = 0,012 \cdot 3600 \text{ sekund} \approx 42 \text{ sekundda bosib o’tadi.}$$

2. Endi toshloq yo’lning BC qismi uzunligini topamiz: sinuslar teoremasiga ko’ra, $\frac{BC}{\sin A} = \frac{AC}{\sin B}$. Bu tenglikdan $BC = \frac{AC \cdot \sin A}{\sin B} = \frac{2 \cdot \sin 20^\circ}{\sin 50^\circ} = \frac{2 \cdot 0,342}{0,766} \approx 0,893 \text{ (km).}$

$$\text{Bu yo’lni DAN xodimi } \frac{0,893 \text{ km}}{70 \text{ km/h}} \approx 0,0128 \text{ soat} = 0,0128 \cdot 3600 \text{ sekund} \approx$$

≈ 46 sekundda bosib o’tadi. Demak, C chorrahaga DAN xodimi haydovchidan kechroq yetib kelar ekan. **Javob:** Yo’q.

?

Masala va topshiriglar

33.1. 4-rasmdagi ma’lumotlar bo‘yicha x ning qiymatini toping.

33.2. ABC uchburchakning CD balandligi 4 m .

Agar $\angle A = 45^\circ$, $\angle B = 30^\circ$ bo’lsa, uchburchak tomonlarini toping.



33.3. Bir nuqtaga kattaligi bir xil bo’lgan ikkita kuch qo’yilgan. Agar bu kuchlar yo’nalishlari orasidagi burchak 60° va kuchlarning teng ta’sir etuvchisi 150 kg bo’lsa, bu kuchlar kattaligini toping.




33.4. Uchburchakning ikki tomoni 7 dm va 11 dm , uchinchi tomoniga tushirilgan medianasi esa 6 dm . Uchburchakning uchinchi tomonini toping.

33.5. Tomonlari 6 cm va 8 cm bo’lgan parallelogrammning bir diagonalini 12 cm bo’lsa, uning ikkinchi diagonalini toping.

33.6. Uchburchakning 18 cm ga teng tomoni qarshisidagi burchagi 60° ga teng. Uchburchakka tashqi chizilgan aylana radiusini toping.

33.7. Teng yonli trapetsiyaning kichik asosi yon tomoniga teng, katta asosi esa 20 cm . Agar trapetsiyaning bir burchagi 120° bo’lsa, uning perimetrini toping.





1. Balandlikni o'lchash. Aytaylik, daraxtning AH balandligini o'lchash zarur bo'lsin (1-rasm).

a) Buning uchun B nuqtani belgilaymiz va BH masofa a ni va HBA burchak α ni o'lchaymiz. Unda, to'g'ri burchakli ABH uchburchakda

$$AH = BH \operatorname{tg} \alpha = a \operatorname{tg} \alpha.$$

b) Agar balandlikning asosi H nuqta borib bo'lmaydigan nuqta bo'lsa (2-rasm), yuqoridagi usul bilan AH balandlikni aniqlay olmaymiz. Unda quyidagicha yo'l tutamiz:

1) H nuqta bilan bir to'g'ri chiziqda yotgan B va C nuqtalarni belgilaymiz;

2) BC masofani o'lchab a ni topamiz;

3) ABH va ACH burchaklarni o'lchab $\angle ABH = \alpha$ va $\angle ACH = \beta$ larni topamiz;

4) ABC uchburchakka sinuslar teoremasini qo'llasak ($\angle BAC = \alpha - \beta$)

$$\frac{AB}{\sin \beta} = \frac{a}{\sin(\alpha - \beta)}, \text{ ya'ni } AB = \frac{a \sin \beta}{\sin(\alpha - \beta)}.$$

5) to'g'ri burchakli ABH uchburchakda AH balandlikni topamiz:

$$AH = AB \sin \alpha = \frac{a \sin \alpha \cdot \sin \beta}{\sin(\alpha - \beta)}.$$

2. Borib bo'lmaydigan nuqttagacha bo'lgan masofani hisoblash. Aytaylik, A nuqtadan borib bo'lmaydigan B nuqttagacha bo'lgan masofani hisoblash kerak (3-rasm). Bu masalani uchburchaklarning o'xshashlik alomatlaridan foydalanib javobini topganimizni eslatib o'tamiz.

Endi bu masalani sinuslar teoremasidan foydalanib yechamiz.

- 1) A va B nuqtalardan ko'rinish turgan tekis joyda C nuqtani belgilaymiz.
- 2) AC masofani o'lchaymiz: $AC = a$.
- 3) Asboblar yordamida ACB va BCA burchaklarni o'lchaymiz: $\angle BAC = \alpha$, $\angle BCA = \gamma$.
- 4) ABC uchburchakda $\angle B = 180^\circ - \alpha - \gamma$ bo'lgani uchun,

$$\sin B = \sin(180^\circ - \alpha - \gamma) = \sin(\alpha + \gamma).$$

Sinuslar teoremasiga ko'ra, $\frac{AB}{\sin C} = \frac{AC}{\sin B}$ yoki $AB = \frac{a \sin \gamma}{\sin(\alpha + \gamma)}$.

?

Masala va topshiriqlar

34.1. 1-rasmida $a = 12 \text{ m}$, $\alpha = 42^\circ$ bo'lsa, daraxt balandligini hisoblang.

34.2. 2-rasmida $a = 8 \text{ m}$, $\alpha = 43^\circ$, $\beta = 32^\circ$ bo'lsa, daraxt balandligini hisoblang.




34.3. 3-rasmida $a = 60 \text{ m}$, $\alpha = 62^\circ$, $\gamma = 44^\circ$ bo'lsa, AB masofani toping.

34.4. Futbol o'yinida 11 metrlik jarima to'pini darvozaga yo'naltirish burchagi α ni toping (4-rasm). Darvozaning kengligi 7 m .

34.5. 5-rasmida Xiva shahridagi Kaltaminor tasvirlangan. Agar $\beta = 30,7^\circ$, $\gamma = 45^\circ$, $BC = 50 \text{ m}$ bo'lsa, Kaltaminor balandligini toping.

34.6. Sayohatchi Shahrabz shahridagi Oqsaroyni undan 47 m masofada tomosha qilyapti (6-rasm). Agar u Oqsaroy asosini gorizontga nisbatan $2,5^\circ$ ga teng burchak ostida, tepa qismini esa 45° ga teng burchak ostida ko'rayotgan bo'lsa, Oqsaroy balandligini toping.

34.7. Uchta yo'l ABC uchburchakni tashkil qiladi. Bu uchburchakda $\angle A = 20^\circ$, $\angle B = 150^\circ$. A nuqtadan yo'lga chiqqan haydovchi C nuqtaga imkon boricha tezroq yetib bormoqchi. AC va CB yo'llar toshloq, AB asfalt yo'l bo'lib, asfalt yo'lda toshloq yo'lga qaraganda 2 baravar tezroq harakatlanish mumkin. Haydovchiga qaysi yo'ldan yurishni maslahat berasiz?



Qiziqarli masala

Pifagor teoremasining yana bir "isboti"

To'g'ri burchakli ABC uchburchakda $a = c \sin \alpha$, $b = c \cos \alpha$. Bu ikki tenglikni kvadratga oshirib, hadma-had qo'shsak va $\sin^2 \alpha + \cos^2 \alpha = 1$ ekanligini hisobga olsak,

$$a^2 + b^2 = c^2 \sin^2 \alpha + c^2 \cos^2 \alpha = c^2 (\sin^2 \alpha + \cos^2 \alpha) = c^2.$$

Demak, $a^2 + b^2 = c^2$. Bu "isbot" mantiqan noto'g'ri ekanligini asoslang.




I. Testlar

1. Tomonlari a , b , c , mos burchaklari α , β , γ , yuzi S bo'lgan uchburchak uchun qaysi tenglik noto'g'ri?
- A. $a^2 = b^2 + c^2 - 2bc \cos\alpha$; B. $\frac{a}{\sin\alpha} = \frac{b}{\sin\beta} = \frac{c}{\sin\gamma}$;
 D. $S = \frac{1}{2}ab \sin\gamma$; E. $S = \frac{1}{2}ab \sin\alpha$.
2. Noto'g'ri tenglikni toping:
- A. $\sin^2\alpha + \cos^2\alpha = 1$; B. $\sin(180^\circ - \alpha) = \sin\alpha$;
 D. $\cos(180^\circ - \alpha) = \cos\alpha$; E. $\sin(90^\circ - \alpha) = \cos\alpha$.
3. Uchburchakning uchta tomoni ma'lum bo'lsa, qaysi teoremadan foydalanib uning burchaklarini topish mumkin?
- A. Sinuslar teoremasi; B. Kosinuslar teoremasi;
 D. Fales teoremasi; E. Geron formulasi.
4. Uchburchakning bir burchagi 137° ga, ikkinchi burchagi 15° ga teng. Agar bu uchburchakning katta tomoni 22 ga teng bo'lsa, uning kichik tomonini toping.
- A. $8,3$; B. $9,3$; D. $3,8$; E. $6,5$.
5. Uchburchakning 14 va 19 ga teng bo'lgan tomonlari orasidagi burchagi 26° . Shu uchburchakning uchinchi tomonini toping.
- A. $1,2$; B. $5,4$; D. $6,9$; E. $19,7$.
6. Agar ikki vektoring uzunliklari $|\bar{a}|=2$, $|\bar{b}|=5$ va ular orasidagi burchak 45° bo'lsa, \bar{a} va \bar{b} vektorlarning skalar ko'paytmasini toping.
- A. 52 ; B. 32 D. 102 ; E. 2 .
7. $\bar{a}(4; -1)$ va $\bar{b}(2; 3)$ vektorlarning skalar ko'paytmasini toping.
- A. 5 ; B. 3 ; D. 4 ; E. 9 .
8. $\bar{a}(-\frac{1}{2}; \frac{\sqrt{3}}{2})$ va $\bar{b}(\sqrt{3}; 1)$ vektorlar orasidagi burchakni toping.
- A. 30° ; B. 60° ; D. 90° ; E. 45° .
9. Uchburchak burchaklarining nisbati $3:2:1$ kabi bo'lsa, uning tomonlari nisbatini toping.
- A. $3:2:1$; B. $1:2:3$; D. $2:\sqrt{3}:1$; E. $\sqrt{3}:\sqrt{2}:1$.
10. Tomoni 3 cm bo'lgan muntazam uchburchakka tashqi chizilgan aylana radiusini toping.
- A. $\sqrt{3}$; B. $\frac{\sqrt{3}}{3}$ D. $2\sqrt{3}$; E. $\frac{\sqrt{3}}{2}$

II. Masalalar

1. ABC uchburchakka $AB=6\text{ cm}$, $\angle A=60^\circ$, $\angle B=75^\circ$. BC tomonni hamda ABC uchburchakka tashqi chizilgan aylananing radiusini toping.
2. Tomonlari 5 cm , 6 cm va 10 cm bo'lgan uchburchak burchaklarining kosinuslarini toping.

3. ABC uchburchakda $\angle B=60^\circ$, $AB=6\text{ cm}$, $BC=4\text{ cm}$. AC tomonni hamda ABC uchburchakka tashqi chizilgan aylananing radiusini toping.
4. Tomonlari 51 cm , 52 cm va 53 cm bo‘lgan uchburchakka tashqi chizilgan aylananing radiusini toping.
5. Uchburchakning ikkita tomoni 14 cm va 22 cm , uchinchi tomoniga o‘tkazilgan medianasi esa 12 cm . Uchburchakning uchinchi tomonini toping.
6. Parallelogrammning diagonallari 4 cm , $4\sqrt{2}\text{ cm}$ va ular orasidagi burchak 45° . Parallelogrammning a) yuzini; b) perimetrini; d) balandliklarini toping.
7. Tomonlari 3 va 5 bo‘lgan parallelogrammning bir diagonali 4 ga teng. Uning ikkinchi diagonalini toping.
8. Tomonlari a) 2 , 2 va $2,5$; b) 24 , 7 va 25 ; d) 9 , 5 va 6 bo‘lgan uchburchak turini aniqlang.
9. Parallelogrammning tomonlari $7\sqrt{3}$ va 6 cm . Agar uning o‘tmas burchagi 120° bo‘lsa, uning yuzini toping.
10. ABC uchburchakning AB , BC tomonlarida N , K nuqtalar olingan. Unda $BN=2AN$, $3BK=2KC$. Agar $AB=3$, $BC=5$, $CA=6$ bo‘lsa, NK kesmani toping.
11. ABC uchburchakda $\angle A=30^\circ$, $BC=7\text{ cm}$. Uchburchakka tashqi chizilgan aylana radiusini toping.
12. ABC uchburchakning BE bissektrisasi o‘tkazilgan. E nuqtadan BC tomonga EF perpendikular tushirilgan. Agar $EF=3$, $\angle A=30^\circ$ bo‘lsa, AE ni toping.
13. $ABCD$ to‘g‘ri to‘rtburchak AD tomonining o‘rtasi N nuqtada. Agar $AB=3$, $BC=6$ bo‘lsa, $\overline{NB} \cdot \overline{NC}$ skalar ko‘paytmani toping.
14. $\bar{a}(2;x)$, $\bar{b}(-4;1)$ bo‘lib, $\bar{a}+\bar{b}$ va \bar{b} vektorlar perpendikular. x ni toping.
15. $\bar{m}(7;3)$ va $\bar{n}(-2;-5)$ vektorlar orasidagi burchakni toping.
16. 1- rasmda berilganlardan foydalanib, rasmdagi eng katta kesmani aniqlang.
17. $ABCD$ to‘g‘ri to‘rtburchakning diagonallari O nuqtada kesishadi(2-rasm). Agar $AO=12\text{ cm}$, $\angle AOD=120^\circ$ bo‘lsa, to‘rtburchak perimetrini toping.
18. To‘g‘ri burchakli ABC uchburchak bissektrisalari O nuqtada kesishadi ($\angle C=90^\circ$). Agar $OA=\sqrt{10}$, $OB=\sqrt{5}$ bo‘lsa, AB gipotenuzani toping (3-rasm).



III. O‘zingizni sinab ko‘ring (namunaviy nazorat ishi)

1. Tomonlari $a=45$, $b=70$, $c=95$ bo‘lgan uchburchakning eng katta burchagini toping.
2. Uchburchakda $b=5$, $\alpha=30^\circ$, $\beta=50^\circ$ bo‘lsa, uchburchakni yeching.
3. PKH uchburchakda $PK=6$, $KH=5$, $\angle PKH=100^\circ$. HF mediana uzunligini va PFH uchburchak yuzini toping.
4. ($Qo’shimcha$). Uchburchakda $a=\sqrt{3}$, $b=1$, $\alpha=135^\circ$ bo‘lsa, β burchakni toping.



Tarixiy lavhalar. Sinus haqida

Sinus haqidagi ma’lumot dastlab IV–V asrlardagi hind astronomlarining asarlarida uchraydi.

O‘rtal Osiyolik olimlar al-Xorazmiy, Beruniy, Ibn Sino, Abdurahmon al-Haziniy (XII asr) sinus uchun «*al-jayb*» atamasini ishlatishgan.

Hozirgi sinus belgisini Simpson, Eyler, D’alamber, Lagranj (XVII asr) va boshqalar qo’llagan.

«*Kosinus*» atamasi lotincha «komplimenti sinus» atamasining qisqartirilgani, u «qo’shimcha sinus», aniqrog‘i «qo’shimcha yoyning sinus» demakdir.

Kosinuslar teoremasini yunonlar ham bilgan, uning isboti Yevklidning “Negizlar” asarida keltirilgan. Sinuslar teoremasining o‘ziga xos isbotini Abu Rayhon Beruniy bayon qilgan.



Tarixiy lavhalar.



**BERUNIY
(973-1048)**

Beruniy (to‘liq ismi – Abu Rayhon Muhammad ibn Ahmad) (973 – 1048) – o‘rtal asrning buyuk qomusiy olimi. U Xorazm o‘lkasining Qiyot shahrida tug‘ilgan. Qiyot Amudaryoning o‘ng qirg‘og‘i – hozirgi Beruniy shahrining o‘rnida bo‘lgan, u yaqin vaqtlargacha Shabboz deb atalgan. Beruniyning matematika va fanning boshqa sohalariga qo’shgan hissasini yozib qoldirgan 150 dan ortiq asaridan ham ko‘rish mumkin. Ulardan eng yiriklari – “Hindiston”, “Yodgorliklar”, “Mas’ud qonunlari”, “Geodeziya”, “Mineralogiya” va “Astronomiya”.

Beruniyning shoh asari “Mas’ud qonunlari”, asosan, astronomiyaga oid bo‘lsa ham, uning matematikaga oid anchagina kashfiyotlari shu asarda bayon etilgan.

Bu asarda Beruniy ikki burchak yig‘indisi va ayirmasining sinuslari, ikkilangan va yarim burchakning sinuslari haqidagi teoremlar bilan teng kuchli bo‘lgan vatarlar haqidagi teoremlarni isbotlagan, ikki gradusli yoyning vatarlarini hisoblab topgan, sinuslar va tangenslar jadvallarini tuzgan, sinuslar teoremasini o‘ziga xos usulda isbotlagan.

AYLANA UZUNLIGI VA DOIRA YUZI



Ushbu bobni o'rganish natijasida siz quyidagi bilim va amaliy ko'nikmalarga ega bo'lasiz:


Bilimlar:

- ✓ ko'pburchakka tashqi va ichki chizilgan aylanalarining xossalarini bilish;
- ✓ muntazam ko'pburchaklarning xossalarini bilish;
- ✓ muntazam ko'pburchakning yuzini hisoblash formulalarini bilish;
- ✓ aylana va uning yoyi uzunligini hisoblash formulalarini bilish;
- ✓ doira va uning bo'laklari yuzini topish formulalarini bilish;
- ✓ burchakning radian o'lchovini bilish.

Amaliy ko'nikmalar:


- ✓ muntazam ko'pburchaklarni tasvirlay olish;
- ✓ muntazam ko'pburchakka tashqi va ichki chizilgan aylanalarining radiuslarini topa olish;
- ✓ aylana va yoy uzunligini hisoblay olish;
- ✓ doira va uning bo'laklari yuzini hisoblay olish.

1




Aylanaga ichki chizilgan beshburchak yoki beshburchakka tashqi chizilgan aylana.


2



3



4



Ta'rif. Agar ko'pburchakning barcha uchlari aylanada yotsa, bu ko'pburchak aylanaga *ichki chizilgan*, aylana esa ko'pburchakka *tashqi chizilgan* deyiladi (*1-rasm*).

Istalgan uchburchakka tashqi aylana chizish mumkinligi va bu aylana markazi uchburchak tomonlarining o'rta perpendikularlari kesishgan nuqtada yotishini 8-sinfda o'rgangansiz.

Agar ko'pburchak burchaklari soni uchtadan ortiq bo'lsa, ko'pburchakka har doim ham tashqi aylana chizib bo'lavermaydi. Masalan, to'g'ri to'rtburchakdan farqli parallelogramm uchun tashqi chizilgan aylana mavjud emas (*2-rasm*).

8-sinf geometriya kursidan ma'lumki, to'rtburchakka qarama-qarshi burchaklari yig'indisi 180° ga teng bo'lganda va faqat shu holda unga tashqi aylana chizish mumkin (*3-rasm*).



1-masala. O'tkir burchakli ABC uchburchakning AA_1 va BB_1 balandliklari H nuqtada kesishadi. A_1HB_1C to'rtburchakka tashqi aylana chizish mumkinligini isbotlang.

Yechish. $AA_1 \perp BC$ va $BB_1 \perp AC$ bo'lgani uchun (*4-rasm*)
 $\angle HB_1C + \angle HA_1C = 180^\circ$.

Unda $\angle HB_1C + \angle HA_1C = 180^\circ$. To'rtburchak ichki burchaklari yig'indisi 360° bo'lgani uchun:

$$\angle B_1CA_1 + \angle B_1HA_1 = 180^\circ.$$

Demak, A_1HB_1C to'rtburchakka tashqi aylana chizish mumkin.

Aylanaga ichki chizilgan ko'pburchak uchlari aylana markazidan teng uzoqlikda yotgani uchun aylana markazi ko'pburchak tomonlarining o'rta perpendikularlarida yotadi (*5-rasm*). Demak, aylanaga ichki chizilgan ko'pburchak tomonlarining o'rta perpendikularlari bir nuqtada kesishishi shart.



2-masala. Asosiga tushirilgan balandligi 16 cm bo'lgan teng yonli uchburchak radiusi 10 cm bo'lgan aylanaga ichki chizilgan. Uchburchak tomonlarini toping.

Yechish. ABC uchburchakka tashqi chizilgan aylana markazi O nuqta AC tomonning o'rta perpendikulari bo'lgan BD balandlikda yotadi (6-rasm). Unda,

$$OD = BD - OB = 16 - 10 = 6 \text{ (cm)}$$



bo'ladi va Pifagor teoremasiga ko'ra,

$$AD = \sqrt{OA^2 - OD^2} = \sqrt{10^2 - 6^2} = 8 \text{ (cm)}, AC = 2AD = 16 \text{ (cm)}.$$

Shuningdek, to'g'ri burchakli ABD uchburchakda

$$AB = \sqrt{AD^2 + BD^2} = \sqrt{8^2 + 16^2} = 8\sqrt{5} \text{ (cm)}.$$

Javob: $8\sqrt{5}$ cm, $8\sqrt{5}$ cm, 16 cm.



?

Masala va topshiriqlar

- 36.1. Agar ko'pburchak aylanaga ichki chizilgan bo'lsa, uning tomonlari o'rta perpendikularlari bir nuqtada kesishishini isbotlang.
- 36.2. Qanday uchburchak aylanaga ichki chizilgan bo'lishi mumkin? To'rtburchak-chi?
- 36.3. $ABCDE$ beshburchak aylanaga ichki chizilgan bo'lsa, $\angle ACB = \angle AEB$ bo'lishini isbotlang.
- 36.4. Katetlari 16 cm va 12 cm bo'lgan to'g'ri burchakli uchburchakka tashqi chizilgan aylana radiusini toping.
- 36.5. Radiusi 25 cm bo'lgan aylanaga bir tomoni 14 cm bo'lgan to'g'ri to'rtburchak ichki chizilgan. To'g'ri to'rtburchak yuzini toping.
- 36.6. Radiusi 10 cm bo'lgan aylanaga ichki chizilgan a) teng tomonli uchburchak; b) kvadrat; d) teng yonli to'g'ri burchakli uchburchak tomonlarini toping.
- 36.7. Tomonlari 16 cm, 10 cm va 10 cm bo'lgan uchburchakka tashqi chizilgan aylana radiusini toping.
- 36.8. Aylanaga ichki chizilgan $ABCDEF$ oltiburchakda $\angle BAF + \angle AFB = 90^\circ$ bo'lsa, aylana markazi AF tomonda yotishini isbotlang.
- 36.9. Istalgan teng yonli trapetsiya aylanaga ichki chizilishi mumkinligini isbotlang.
- 36.10. Teng yonli trapetsiya chizing. Unga tashqi chizilgan aylana yasang.




Qiziqarli masala

O'n olti yoshli Galua (E.Galua — fransuz matematigi, 1811—1832) kollejda o'qib yurgan chog'larida, unga o'qituvchisi bir soat ichida uchta masalani yechib berishni so'ragan. Galua yechimi uncha oson bo'lmagan bu masalalarni 15 daqiqada yechib, hammani hayron qoldirgan. Mana, shu masalalardan biri. Uni siz ham yechib ko'ring-chi!


Masala. Aylanaga ichki chizilgan to'rtburchakning to'rtta tomoni a , b , c va d ga teng. Uning diagonallarini toping.

1




Aylanaga tashqi chizilgan ABCDE beshburchak yoki ABCDE beshburchakka ichki chizilgan aylana.

2




3



$$AB + CD = AD + BC$$

4



Tarif. Agar ko'pburchakning barcha tomonlari aylanaga urinsa, u holda ko'pburchak aylanaga *tashqi chizilgan*, aylana esa ko'pburchakka *ichki chizilgan* deyiladi (*1-rasm*).

Istalgan uchburchakka ichki aylana chizish mumkinligi va bu aylana markazi uchburchak bissektrisalari kesishgan nuqtada ekanligi bilan 8-sinfda tanishgansiz.

Agar ko'pburchak burchaklari soni uchtadan ortiq bo'lса, bu ko'pburchakka har doim ham ichki aylana chizib bo'lavermaydi. Masalan, kvadratdan farqli to'g'ri to'rtburchakka ichki aylana chizib bo'lmaydi (*2-rasm*).

Yana 8-sinf geometriya kursidan ma'lumki, to'rtburchakka faqat va faqat qarama-qarshi tomonlari yig'indisi teng bo'lganda ichki aylana chizish mumkin (*3-rasm*).

Aylanaga tashqi chizilgan ko'pburchak tomonlari aylanaga uringani uchun aylana markazi shu ko'pburchak burchaklari bissektrisasida yotadi (*4-rasm*). Demak, aylanaga tashqi chizilgan ko'pburchak burchaklarining bissektrisalari bir nuqtada kesishadi.

Teorema. Agar r radiusli aylanaga tashqi chizilgan ko'pburchakning yuzi S , yarim perimetri p bo'lса, $S = pr$ bo'ladi.

Isbot. Teorema isbotini aylanaga tashqi chizilgan ABCDEF oltiburchak uchun keltiramiz. Aylana markazi O nuqtani ko'pburchak uchlari bilan tutashtirib, ko'pburchakni uchburchaklarga ajratamiz. Bu uchburchaklarning balandliklari r ga teng (*5-rasm*). Unda,



$$\begin{aligned} S &= S_{AOB} + S_{BOC} + \dots + S_{FOA} = \\ &= \frac{1}{2} AB \cdot r + \frac{1}{2} BC \cdot r + \dots + \frac{1}{2} FA \cdot r = \\ &= \frac{AB + BC + \dots + FA}{2} \cdot r = pr. \end{aligned}$$

Teorema isbotlandi.

Masala. Aylanaga tashqi chizilgan to‘rtburchakning yuzi 21 cm^2 ga, perimetri esa 7 cm ga teng. Aylana radiusini toping.

Yechish. $S=pr$ formulaga ko‘ra,

$$r = \frac{S}{p} = \frac{21}{3,5} = 6 \text{ (cm)}. \quad \text{Javob: } 6 \text{ cm.}$$



37.1. Tomoni 6 cm bo‘lgan a) teng tomonli uchburchakka; b) kvadratga ichki chizilgan aylana radiusini toping.

37.2. Radiusi 5 cm bo‘lgan aylanaga tashqi chizilgan ko‘pburchak yuzi 18 cm^2 . Ko‘pburchak perimetрini toping.

37.3. 6-rasmdagi to‘rtburchaklarning perimetрini toping.

37.4. 7-rasmdagi ma’lumotlar asosida so‘ralgan kesmani toping.

37.5. Aylanaga tashqi chizilgan parallelogramm romb bo‘lishini isbotlang.

37.6. To‘g‘ri burchakli uchburchakka ichki chizilgan aylana radiusi katetlar yig‘indisi bilan gipotenuza ayirmasining yarmiga tengligini isbotlang.


37.7. Aylanaga tashqi chizilgan teng yonli trapetsiyaning o‘rta chizig‘i uning yon tomoniga teng ekanligini isbotlang.


37.8. Asoslari 9 cm va 16 cm bo‘lgan teng yonli trapetsiya aylanaga tashqi chizilgan. Aylana radiusini toping.

37.9*. $ABCD$ to‘rtburchak O markazli aylanaga tashqi chizilgan. AOB va COD uchburchaklar yuzlarining yig‘indisi to‘rtburchak yuzining yarmiga tengligini isbotlang.

37.10*. Aylanaga tashqi chizilgan teng yonli trapetsiyaning asoslari a va b bo‘lsa, uning balandligi $\frac{\sqrt{ab}}{2}$ ga teng ekanligini isbotlang.

37.11*. Uchlari $ABCD$ to‘rtburchak bissektrisalarining kesishgan nuqtalarda bo‘lgan $EFPQ$ to‘rtburchakka tashqi aylana chizish mumkinligini isbotlang.





Faollashtiruvchi mashq

- Qanday shakllar ko'pburchak deyiladi?
- Ko'pburchak burchaklari, qo'shni tomonlari, diagonal-lari deb nimaga aytildi?
- Qavariq ko'pburchak deb qanday ko'pburchakka aytiladi?
- Qavariq ko'pburchak ichki burchaklari yig'indisi haqidagi teoremani aytинг.

Ta'rif. Hamma tomonlari teng va hamma burchaklari teng bo'lgan qavariq ko'pburchakka *muntazam ko'pburchak* deyiladi.

Teng tomonli uchburchak, kvadrat muntazam ko'pburchakka misol bo'ladi. 1-rasmda muntazam beshburchak, oltiburchak va sakkizburchaklar tasvirlangan.

Teorema. Muntazam n burchakning har bir burchagi

$$\frac{n-2}{n} \cdot 180^\circ \text{ ga teng.}$$

Ibot. Muntazam n burchakning burchaklari yig'indisi $(n-2) \cdot 180^\circ$ ga teng (8-sinf). Demak, uning har bir burchagi $\frac{n-2}{n} \cdot 180^\circ$ ga teng. **Teorema isbotlandi.**

Masala. Muntazam $A_1A_2A_3A_4A_5$ beshburchakda A_1A_3 va A_1A_4 diagonallar teng ekanligini ko'rsating (2-rasm).

$A_1A_2A_3A_4A_5$ – muntazam beshburchak



$A_1A_3 = A_1A_4$

Yechish. Uchburchaklar tengligining *TBT* alomatiga ko'ra, $A_1A_2A_3$ va $A_1A_5A_4$ uchburchaklar o'zaro teng. Haqiqatan ham, muntazam ko'pburchakning tomonlari teng va burchaklari teng bo'lgani uchun,

$$A_1A_2 = A_1A_5, A_2A_3 = A_5A_4 \text{ va } \angle A_1A_2A_3 = \angle A_1A_5A_4.$$

Demak, $\Delta A_1A_2A_3 = \Delta A_1A_5A_4$. Bundan

$$A_1A_3 = A_1A_4 \text{ ekanligi kelib chiqadi.}$$

Natija. Muntazam beshburchakning barcha diagonallari o‘zaro teng.

2 Masala va topshiriqlar

38.1. Muntazam bo‘limgan ko‘pburchaklarga misollar aytin va nima uchun muntazam emasligini tushuntiring.

38.2. Quyidagi tasdiqlardan to‘g‘rilarini toping:

- a) barcha tomonlari teng bo‘lgan uchburchak muntazam bo‘ladi;
- b) barcha tomonlari teng to‘rtburchak muntazam bo‘ladi;
- c) barcha burchaklari teng to‘rtburchak muntazam bo‘ladi;
- d) barcha burchaklari teng romb muntazam bo‘ladi;
- e) barcha burchaklari teng to‘g‘ri to‘rtburchak muntazam bo‘ladi.

38.3. Agar a) $n=3$; b) $n=5$; d) $n=6$; e) $n=10$;

f) $n=18$ bo‘lsa, muntazam n burchak burchaklarini toping.

38.4. Muntazam n burchakning tashqi burchagi nimaga teng bo‘ladi? Agar a) $n=3$; b) $n=5$; d) $n=6$; e) $n=10$; f) $n=12$ bo‘lsa, muntazam n burchakning tashqi burchagini toping.

38.5. Muntazam n burchakning har uchidan bittadan olingan tashqi burchaklari yig‘indisi 360° ga teng ekanligini isbotlang.

38.6. Agar muntazam ko‘pburchakning har bir burchagi a) 60° ; b) 90° ; d) 135° ; e) 150° bo‘lsa, bu ko‘pburchak tomonlari sonini toping.



38.7. Muntazam $ABCDEF$ oltiburchak berilgan.

- a) AC va BD diagonallar tengligini isbotlang.
- b) ACE — muntazam uchburchak bo‘lishini isbotlang.
- d) AD , BE va CF diagonallar o‘zaro tengligini isbotlang.

38.8. Tomoni 10 cm bo‘lgan muntazam a) beshburchakning; b) oltiburchakning; d) sakkizburchakning; e) o‘n ikkiburchakning; f) o‘n sakkizburchakning kichik diagonalini hisoblang.

38.9. Muntazam to‘rtburchakning kvadrat bo‘lishini isbotlang.

38.10*. Kvadratning tomoni a ga teng. Uning tomonlariga har bir uchidan boshlab diagonalining yarmiga teng kesmalar qo‘yildi. Natijada, 3-rasmida tasvirlangan sakkizburchak hosil bo‘ldi. Uning turini aniqlang va yuzini toping.






Faollashtiruvchi mashq

1. Qanday ko‘pburchak aylanaga ichki chizilgan ko‘pburchak deyiladi?
2. Qanday ko‘pburchak aylanaga tashqi chizilgan ko‘pburchak deyiladi?
3. Istalgan ko‘pburchak aylanaga ichki (tashqi) chizilgan bo‘lishi mumkinmi?




Teorema. *Har qanday muntazam ko‘pburchakka ichki aylana ham, tashqi aylana ham chizish mumkin.*


1



2



3



Izbot. Aytaylik, $A_1A_2 \dots A_n$ — muntazam ko‘pburchak, O — A_1 va A_2 burchaklari bissektrisalarining kesishish nuqtasi bo‘lsin. Bu muntazam ko‘pburchakning burchagini α bilan belgilaylik.

1. $OA_1=OA_2=\dots=OA_n$ ekanligini izbotlaymiz (1-rasm). Burchak bissektrisasining ta’rifiga ko‘ra,

$$\angle OA_1A_2=\angle OA_2A_1=\frac{\alpha}{2}.$$

Demak, A_1OA_2 — teng yonli uchburchak. Bundan, $OA_1=OA_2$ kelib chiqadi. ΔA_1A_2O va ΔA_3A_2O uchburchaklar tengligining TBT alomatiga ko‘ra teng, chunki $A_1A_2=A_3A_2$, A_2O — tomon umumiy hamda

$$\angle OA_1A_2=\angle OA_2A_1=\frac{\alpha}{2}.$$

Shuning uchun $OA_3=OA_1$. Xuddi shunday yo‘l tutib, $OA_4=OA_2$, $OA_5=OA_3$ va hokazo tengliklar o‘rinli bo‘lishi ko‘rsatiladi.

Shunday qilib, $OA_1=OA_2=\dots=OA_n$, ya’ni markazi O va radiusi OA_1 bo‘lgan aylana ko‘pburchakka tashqi chizilgan aylanadan iborat bo‘ladi (2-rasm).


2. Yuqorida aytilganlarga ko‘ra, teng yonli A_1OA_2 , A_2OA_3 , ..., A_nOA_1 uchburchaklar teng. Shuning uchun bu uchburchaklarning O uchidan tushirilgan balandliklari ham teng bo‘ladi (3-rasm):

$$OH_1=OH_2=\dots=OH_n.$$

Demak, O markazli va radiusi OH_1 kesmaga teng bo‘lgan aylana ko‘pburchakning barcha tomonlariga urinadi. Ya’ni, bu aylana ko‘pburchakka ichki chizilgan aylana bo‘ladi. **Teorema izbotlandi.**


Natija. Muntazam ko‘pburchakka ichki chizilgan va tashqi chizilgan aylanalar ning markazlari bitta nuqtada bo‘ladi.

Bu nuqta muntazam ko‘pburchakning *markazi* deyiladi. Muntazam ko‘pburchak markazini uning ikki qo‘shni uchlari bilan tutashtiruvchi nurlardan iborat burchak (1-rasmdagi A_1OA_2 , A_2OA_3 ... burchaklar) uning *markaziy burchagi* deyiladi. Muntazam ko‘pburchakning markazidan tomonlariga tushirilgan perpendikularlar (3-rasmdagi OH_1 , OH_2 , ... kesmalar) uning *apofemasi* deyiladi.



Masala. Agar muntazam n burchakning tomoni a , unga ichki chizilgan aylananing radiusi r bo‘lsa, uning yuzi $S = \frac{1}{2} nar$ formula-bilan hisoblashini isbotlang. (4-rasm).

Isbot. Ko‘pburchakning yarim perimetri $p = \frac{1}{2} na$ bo‘lgani uchun, aylanaga tashqi chizilgan ko‘pburchak yuzini topish formulasi $S = pr$ ga ko‘ra, $S = \frac{1}{2} nar$ bo‘ladi.



?


Masala va topshiriqlar

- 39.1. Yuzi 36 cm^2 bo‘lgan kvadratga ichki va tashqi chizilgan aylanalar radiuslarini toping.
- 39.2. Perimetri 18 cm bo‘lgan muntazam uchburchakka ichki va tashqi chizilgan aylanalar radiuslarini hisoblang.
- 39.3. Muntazam oltiburchakka tashqi chizilgan aylana radiusi uning tomoniga teng bo‘lishini isbotlang.
- 39.4. Muntazam ko‘pburchak tomonlarining o‘rtalari boshqa bir muntazam ko‘pburchak uchlari bo‘lishini isbotlang (5-rasm).
- 39.5. Muntazam uchburchakka ichki chizilgan aylana radiusi tashqi chizilgan aylana radiusidan ikki marta kichik ekanligini isbotlang.
- 39.6*. Muntazam ko‘pburchakning istalgan ikkita tomonining o‘rta perpendikularlari bir nuqtada kesishishi yoki bir to‘g‘ri chiziqda yotishini isbotlang.
- 39.7. Aylanaga ichki chizilgan muntazam ko‘pburchakning bir tomoni aylanadan a) 60° ; b) 30° ; d) 36° ; e) 18° ; f) 72° ga teng yoy ajratadi. Ko‘pburchakning nechta tomoni bor?
- 39.8. Qog‘ozdan oltita teng muntazam uchburchak qirqib oling. Ulardan foydalanib, muntazam oltiburchak yasang. Tomonlari teng bo‘lgan muntazam oltiburchak va uchburchak yuzlari nisbatini toping.

**Faollashtiruvchi mashq**

To'g'ri burchakli uchburchak o'tkir burchagini a) sinusi; b) kosinusi; d) tangensi deb nimaga aytildi?

Tomoni a_n ga teng bo'lgan muntazam n burchakka tashqi chizilgan aylanining R radiusi va ichki chizilgan aylananing r radiusini hisoblash uchun formulalar topamiz. Buning uchun to'g'ri burchakli ACO uchburchakdan foydalanamiz. Bu yerda O – ko'pburchakning markazi, C – ko'pburchakning AB tomoni o'rtasi (*1-rasm*). Unda,



$$\beta = \angle AOC = \frac{1}{2} \angle AOB = \frac{1}{2} \cdot \frac{360^\circ}{n} = \frac{180^\circ}{n};$$

$$R = OA = \frac{AC}{\sin \beta} = \frac{a_n}{2 \sin \frac{180^\circ}{n}}; \quad r = OC = \frac{AC}{\tan \beta} = \frac{a_n}{2 \tan \frac{180^\circ}{n}};$$

$$r = OC = OA \cdot \cos \beta = R \cos \frac{180^\circ}{n}.$$

Bu formulalardan foydalaniib, ayrim muntazam ko'pburchaklar tomoni, ichki va tashqi chizilgan aylanalar radiuslari orasidagi bog'lanishlarni topamiz.

1. Muntazam uchburchak uchun ($n=3$):

$$\beta = \frac{180^\circ}{3} = 60^\circ; \quad R = \frac{a_3}{2 \sin 60^\circ} = \frac{a_3}{\sqrt{3}}; \quad r = \frac{a_3}{2 \tan 60^\circ} = \frac{a_3}{2\sqrt{3}}; \quad R = 2r.$$

2. Kvadrat uchun ($n=4$):

$$\beta = \frac{180^\circ}{4} = 45^\circ; \quad R = \frac{a_4}{2 \sin 45^\circ} = \frac{a_4}{\sqrt{2}}; \quad r = \frac{a_4}{2 \tan 45^\circ} = \frac{a_4}{2}; \quad R = r\sqrt{2}.$$

3. Muntazam oltiburchak uchun ($n=6$):

$$\beta = \frac{180^\circ}{6} = 30^\circ; \quad R = \frac{a_6}{2 \sin 30^\circ} = a_6; \quad r = \frac{a_6}{2 \tan 30^\circ} = \frac{a_6\sqrt{3}}{2}; \quad R = \frac{2r}{\sqrt{3}}.$$



Masala. Muntazam n burchakning a_n tomonini shu ko'pburchakka tashqi chizilgan aylananing R radiusi va ichki chizilgan aylananing r radiusi orqali ifodalang.

Yechish. $R = \frac{a_n}{2 \sin \frac{180^\circ}{n}}$ va $r = \frac{a_n}{2 \tan \frac{180^\circ}{n}}$ formulalardan $a_n = 2R \sin \frac{180^\circ}{n}$ va $a_n = 2r \tan \frac{180^\circ}{n}$

formulalarni hosil qilamiz. Xususan, $n=3$ bo'lsa, $a_3 = R\sqrt{3} = 2r\sqrt{3}$.

**Masala va topshiriqlar**

40.1. Tomoni 15 cm bo'lgan a) muntazam uchburchakka; b) muntazam to'rburchakka; d) muntazam oltiburchakka ichki va tashqi chizilgan aylanalar radiuslarini hisoblang.




40.2.2-rasmda R radiusli aylanaga ichki chizilgan kvadrat, muntazam uchburchak va muntazam oltiburchak tasvirlangan. Daftaringizga berilgan jadvallarni ko‘chirib, uning bo‘sh kataklarini to‘ldiring (a_n — ko‘pburchak tomoni, P — ko‘pburchak perimetri, S — uning yuzi, r — unga ichki chizilgan aylana radiusi).

40.3. Radiusi 8 cm bo‘lgan aylanaga ichki chizilgan muntazam o‘n ikkiburchakning bir uchidan chiqqan diagonallarini toping.

40.4. Aylanaga ichki chizilgan muntazam uchburchak perimetri 24 cm . Shu aylanaga ichki chizilgan kvadrat tomonini toping.

40.5. Silindr shaklidagi yog‘ochdan asosining tomoni 20 cm bo‘lgan: a) kvadrat; b) muntazam oltiburchak bo‘lgan prizma shaklidagi ustun tayyorlash kerak.

2



	R	r	a_4	P	S
1.			6		
2.		2			
3.	4				
4.			28		
5.				16	

	R	r	a_3	P	S
1.	3				
2.					10
3.		2			
4.			5		
5.				6	

	R	r	a_6	P	S
1.	4				
2.		5			
3.			6		
4.				42	
5.					$24\sqrt{3}$


Yog‘och ko‘ndalang kesimining diametri kamida qancha bo‘lishi zarur?

40.6.3-a rasmda tasvirlangan, rang-barang naqshlarni tomosha qilsa bo‘ladigan “Kaleydoskop” deb nomlangan o‘yinchoq sizga tanish bo‘lsa kerak. O‘yinchoq quvur va 3 ta oyna bo‘laklaridan iborat. 3-b rasmda uning ko‘ndalang kesimi tasvirlangan va o‘lchamlari berilgan. Kaleydoskop ko‘ndalang kesimining radiusini toping.

3 a)




b)



I. Testlar

- Quyidagi ko'pburchaklarning qaysi biriga ichki chizilgan aylana mavjud emas?**
 - A) Uchburchakka;
 - B) Kvadratga;
 - C) Kvadratda;
 - D) Kvadratdan farqli rombga;
 - E) Rombdan farqli to'g'ri to'rtburchakka.
- Quyidagi ko'pburchaklarning qaysi birida tashqi chizilgan aylana mavjud emas?**
 - A) Uchburchakda;
 - B) Kvadratda;
 - C) Kvadratda;
 - D) Kvadratdan farqli rombda;
 - E) Rombdan farqli to'g'ri to'rtburchakda.
- Aylanaga ichki chizilgan barcha $ABCD$ to'rtburchaklar uchun noto'g'ri tenglikni toping.**
 - A) $\angle A + \angle B + \angle C + \angle D = 360^\circ$;
 - B) $\angle A + \angle C = 180^\circ$;
 - C) $AB + CD = BC + AD$;
 - D) $AB - BC = AD - CD$;
 - E) $\angle B + \angle D = 180^\circ$.
- Aylanaga tashqi chizilgan barcha $ABCD$ to'rtburchaklar uchun noto'g'ri tenglikni toping.**
 - A) $\angle A + \angle B + \angle C + \angle D = 360^\circ$;
 - B) $\angle A + \angle C = 180^\circ$;
 - C) $AB + CD = BC + AD$;
 - D) $AB - BC = AD - CD$;
 - E) $\angle B + \angle D = 180^\circ$.
- Tomonlari 5 cm va 12 cm bo'lgan to'g'ri to'rtburchakka tashqi chizilgan aylana radiusini toping.**
 - A) 6 cm ;
 - B) $6,5\text{ cm}$;
 - C) 7 cm ;
 - D) $7,5\text{ cm}$;
 - E) 8 cm .
- Muntazam 24 burchakning ichki burchagini toping.**
 - A) 120° ;
 - B) 135° ;
 - C) 150° ;
 - D) 165° ;
 - E) 180° .
- Har bir tashqi burchagi 60° bo'lgan muntazam ko'pburchakning ichki burchaklari yig'indisini toping.**
 - A) 540° ;
 - B) 360° ;
 - C) 180° ;
 - D) 90° ;
 - E) 720° .

**II. Yasashga doir masalalar.**





1. Tomoni berilgan kesmaga teng muntazam oltiburchak yasang. Bunda muntazam oltiburchakka tashqi chizilgan aylananing radiusi oltiburchakning tomoniga teng ekanligidan va 1-rasmdan foydalaning.

2. 2–4-rasmlardagi ma'lumotlardan foydalaniib, berilgan aylanaga ichki chizilgan a) muntazam uchburchak; b) kvadrat; d) muntazam sakkizburchak yasang.

3. 5-rasmdan foydalaniib, berilgan aylanaga tashqi chizilgan muntazam oltiburchak yasang (5-rasmda tasvirlangan aylanaga tashqi chizilgan oltiburchak tomonlari shu aylanaga ichki chizilgan muntazam oltiburchak uchlaridan aylanaga o'tkazilgan urinmalarda yotadi).

III. Hisoblashga doir masalalar.

- Muntazam uchburchak, kvadrat va muntazam oltiburchaklarning tomonlari bir-biriga teng. Ularning yuzlari nisbatini toping.
- Bitta aylanaga ichki chizilgan muntazam oltiburchak va tashqi chizilgan oltiburchak yuzlari nisbatini toping.
- Muntazam a) oltiburchak; b) sakkizburchak; d) o'n ikkiburchakning parallel tomonlari orasidagi masofa 10 cm ga teng. Ko'pburchak tomonini toping.
- Radiusi R bo'lgan aylanaga $A_1A_2 \dots A_8$ muntazam sakkizburchak ichki chizilgan. $A_3A_4A_7A_8$ to'rtburchakning to'g'ri to'rtburchak ekanini isbotlang va uning yuzini toping.
- Aylanaga tashqi chizilgan to'g'ri burchakli uchburchakning gipotenuzasi shu aylanaga urinish nuqtasida 4 cm va 6 cm uzunlikdagi kesmalarga bo'linadi. Uchburchak yuzini toping.
- Muntazam o'nburchakning bir uchidan chiqqan eng katta va eng kichik diagonallari orasidagi burchakni toping.



IV. O'zingizni sinab ko'ring (namunaviy nazorat ishi).

- Katetlari 10 cm va 24 cm bo'lgan to'g'ri burchakli uchburchakka ichki chizilgan va tashqi chizilgan aylanalarning radiuslarini toping.
- Radiusi 5 cm bo'lgan aylanaga tashqi chizilgan rombning bir burchagi 150° ga teng. Rombning a) perimetrini; b) diagonallarini; d) yuzini toping.
- Tomoni 4 cm bo'lgan muntazam oltiburchakning bir uchidan chiqqan diagonallarini toping.
- (Qo'shimcha). Radiusi 3 cm bo'lgan aylanaga ichki chizilgan muntazam oltiburchak va muntazam uchburchaklar yuzlarining ayirmasini toping.

 **Tarixiy lavhalar.** Istalgan muntazam ko'pburchakni ham sirkul va chizg'ich yordamida yasab bo'lavermaydi. Buni 1801-yilda nemis matematigi Karl Gauss (1777–1855) algebraik usulda isbotlagan. U agar n sonning $2^m p_1 p_2 \dots p_n$ yoyilmasidagi p_1, p_2, \dots, p_n turli tub sonlar $2^{2^k} + 1$ ko'rinishida bo'lsagina muntazam n burchakni sirkul va chizg'ich yordamida yasash mumkinligini isbotladi. Bu yerda m va k manfiy bo'lмаган butun sonlar.



Faollashtiruvchi mashq

1. Odadta quvur bo‘lagining ko‘ndalang kesimi aylanadan iborat bo‘ladi. Ingichka ipni bir uchidan boshlab, quvurga bir marta o‘rang. Bir marta o‘rashga ketgan ip bo‘lagi quvur ko‘ndalang kesimi, ya’ni aylananing uzunligi bo‘ladi. Uni 1-rasmida ko‘rsatilgandek qilib chizg‘ich yordamida o‘lchang.
2. Yuqoridagi usul bilan quvur ko‘ndalang kesimi diametrini aniqlang.
3. Aniqlangan aylana uzunligini uning diametriga nisbatini hisoblang.
4. Yuqorida keltirilgan o‘lhash va hisoblash ishlarini yana bir nechta turli o‘lchamdagagi quvur bo‘laklari uchun ham bajarib, aylana uzunligini uning diametriga nisbatini toping.
5. Mashq natijasiga ko‘ra, aylana uzunligining uning diametriga nisbati haqida qanday xulosa chiqarish mumkin?

Teorema. Aylana uzunligining aylana diametriga nisbati aylana radiusiga bog‘liq emas, ya’ni har qanday aylana uchun bu nisbat o‘zgarmas sondir.

Izbot. Ikkita ixtiyoriy aylana olamiz. Ularning radiuslari R_1 va R_2 , uzunliklari esa mos ravishda C_1 va C_2 bo‘lsin. $\frac{C_1}{2R_1} = \frac{C_2}{2R_2}$ tenglikni izbotlashimiz kerak. Har ikki aylanaga ichki muntazam n -burchakni chizamiz. Ularning perimetrlarini mos ravishda P_1 va P_2 deb belgilaylik. Unda,

$$P_1 = n \cdot 2R_1 \sin \frac{180^\circ}{n}, P_2 = n \cdot 2R_2 \sin \frac{180^\circ}{n} \text{ bo‘lgani uchun } \frac{P_1}{P_2} = \frac{2R_1}{2R_2} (*) \text{ bo‘ladi.}$$

Bu tenglik istalgan n uchun to‘g‘ri. n soni kattalashib borsa, berilgan aylanaga ichki chizilgan n -burchak perimetri P_1 shu aylana uzunligi C_1 ga yaqinlashib boradi. Shu singari P_2 ham C_2 ga yaqinlashib boradi.

Shuning uchun $\frac{P_1}{P_2}$ nisbat $\frac{C_1}{C_2}$ nisbatga teng bo‘ladi (buning to‘liq isboti matematikaning yuqori bosqichlarida o‘rganiladi). Shunday qilib, $(*)$ tenglikdan $\frac{C_1}{C_2} = \frac{2R_1}{2R_2}$, bundan esa $\frac{C_1}{2R_1} = \frac{C_2}{2R_2}$ tenglik kelib chiqadi. **Teorema izbotlandi.**

Aylana uzunligini uning diametriga nisbatini yunon alifbosining π harfi bilan belgilash qabul qilingan (“ pi ” deb o‘qiladi). Aylana uzunligining uning diametriga nisbatini “ π ” harfi bilan belgilashni buyuk matematik Leonard Eyler (1707–1783) fanga kiritgan. Yunonchada “aylana” so‘zi shu harf bilan boshlanadi. π irrational son bo‘lib, amaliyotda uning $3,1416$ ga teng bo‘lgan taqrifiy qiymatidan foydalaniлади.

Shunday qilib, $\frac{C}{2R} = \pi$. Bu tenglikdan radiusi R ga teng aylana uzunligi uchun $C=2\pi R$ formulani hosil qilamiz.

 **Masala.** Tomoni 6 cm bo‘lgan muntazam uchburchakka tashqi chizilgan aylana uzunligini toping.

Yechish. Muntazam uchburchakka tashqi chizilgan aylana radiusini topish formulasi $R = \frac{a_3}{\sqrt{3}}$ ga ko‘ra, $R = \frac{6}{\sqrt{3}} = 2\sqrt{3}\text{ (cm)}$. Endi, aylana uzunligini topish formulasidan

$$C = 2\pi R = 2\pi \cdot 2\sqrt{3} = 4\pi\sqrt{3}\text{ (cm)}.$$

Javob: $4\pi\sqrt{3}\text{ cm}$.

Masala va topshiriglar

42.1. Qanday son π bilan belgilanadi? Radiusi R ga teng aylana uzunligini topish formulasidan foydalaniб, jadvalni to‘ldiring ($\pi \approx 3,14$ deb hisoblang).

C			82	18π		$6,28$	
R	4	3			$0,7$		$101,5$

42.2. Agar aylana radiusi a) 3 marta oshsa; b) 3 cm ga oshsa; d) 3 marta kamaysa; e) 3 cm ga kamaysa, aylana uzunligi qanchaga o‘zgaradi?


42.3. Agar Yer shari ekvatorining 40 milliondan bir qismi 1 m ga teng bo‘lsa, Yer sharining radiusini toping.

42.4.a) Tomoni a ga teng bo‘lgan muntazam uchburchakka; b) katetlari a va b bo‘lgan to‘g‘ri burchakli uchburchakka; d) asosi a va yon tomoni b bo‘lgan teng yonli uchburchakka tashqi chizilgan aylana uzunligini toping.


42.5.a) Tomoni a ga teng kvadratga; b) gipotenuzasi c ga teng bo‘lgan teng yonli to‘g‘ri burchakli uchburchakka; d) gipotenuzasi c , o‘tkir burchagi α bo‘lgan to‘g‘ri burchakli uchburchakka ichki chizilgan aylana uzunligini toping.

42.6. Teplovoz 1413 m yo‘l yurdi. Bunda uning g‘ildiragi 300 marta aylanadi. Teplovoz g‘ildiragining diametrini toping.

42.7. Yengil avtomobil g‘ildiragi aylanasining radiusi 24 cm ga teng. Avtomobil 100 km yo‘l yursa, uning g‘ildiragi necha marta aylanadi (2-rasm)?




1



$$l = \frac{\pi R}{180^\circ} \cdot n^\circ$$

2



$$\alpha = 1 \text{ radian} \approx 57^\circ 17' 45''$$

1. n° li markaziy burchak tiralgan yoy uzunligi.

Aytaylik, radiusi R ga teng bo'lgan aylanada n° li AOB markaziy burchak berilgan bo'lsin (1-rasm). Bunda aylananing AOB markaziy burchakka tiralgan AB yoyining gradus o'lchovini n° yoki n° li yoy deb yuritilishini eslatib o'tamiz.

Radiusi R ga teng butun aylana, ya'ni o'lchovi 360° bo'lgan yoy uzunligi $2\pi R$ ga teng bo'lgani uchun,

$$1^\circ \text{ li yoy uzunligi } \frac{2\pi R}{360^\circ} = \frac{\pi R}{180^\circ} \text{ ga teng bo'ladi.}$$

U holda, n° li yoy uzunligi $l = \frac{\pi R}{180^\circ} \cdot n^\circ$ formula bilan aniqlanadi (1-rasm).

2. Burchakning radian o'lchovi.

Burchakning gradus o'lchovi bilan bir qatorda uning radian o'lchovi ham ishlataladi.

Aylana yoyi uzunligining radiusga nisbatini yuqoridagi formulaga asosan: $\frac{l}{R} = \frac{\pi}{180^\circ} \cdot n^\circ$ ga teng.

Demak, aylana yoyi uzunligining radiusiga nisbati faqat shu yoya tiralgan markaziy burchak kattaligiga bog'liq ekan. Bu xossaladan foydalanib, burchakning radian o'lchovi sifatida xuddi shu nisbatni olamiz:

$$\alpha = \frac{l}{R} = \frac{\pi}{180^\circ} \cdot n^\circ.$$

Odatda, radian so'zi yozilmaydi. Masalan: 5 radian o'rniga 5 deb yoziladi.

Bir radian $\frac{180^\circ}{\pi}$ gradusga teng: $1 \text{ radian} = \frac{180^\circ}{\pi} \approx 57^\circ 17' 45''$.

Burchakning gradus o'lchovidan radian o'lchoviga o'tish uchun

$$\alpha = \frac{\pi}{180^\circ} \cdot n^\circ$$

formuladan foydalaniladi.

Shunday qilib, n° li burchakning radian o'lchovini topish uchun uning gradus o'lchovini $\frac{\pi}{180^\circ}$ ga ko'paytirish kifoya ekan. Xususiy holda, 180° li burchakning radian o'lchovi π ga teng, 90° li, ya'ni to'g'ri burchakning radian o'lchovi $\frac{\pi}{2}$ ga teng bo'ladi.

α radianga teng markaziy burchakka mos yoyining uzunligi $l = \alpha R$ formula bilan hisoblanadi.



Masala. Ikkita burchagi mos ravishda 30° va 45° bo‘lgan uchburchak burchaklarining radian o‘lchovlarini toping.

Yechish. Uchburchakning 30° li burchagi radian o‘lchovi $30^\circ \cdot \frac{\pi}{180^\circ} = \frac{\pi}{6}$, 45° li burchagi radian o‘lchovi $45^\circ \cdot \frac{\pi}{180^\circ} = \frac{\pi}{4}$. Uchburchak ichki burchaklari yig‘indisi 180° ga, ya’ni π ga tengligi haqidagi teoremagaga asosan uchburchakning uchinchi burchagini radian o‘lchovini topamiz

$$\pi - \frac{\pi}{6} - \frac{\pi}{4} = \frac{7\pi}{12}.$$

Javob: $\frac{\pi}{6}; \frac{\pi}{4}$ va $\frac{7\pi}{12}$.



Masala va topshiriqlar

43.1. Radiusi 6 cm bo‘lgan aylananing gradus o‘lchovi a) 30° ; b) 45° ; c) 90° ; d) 120° bo‘lgan yoyi uzunligini toping.

43.2. a) 40° ; b) 60° ; d) 75° ga teng burchakning radian o‘lchovini toping.

43.3. a) $1,2$; b) $\frac{2\pi}{3}$; c) $\frac{5\pi}{6}$ radianga teng burchakning gradus o‘lchovini toping.

43.4. Agar aylana radiusi 5 cm bo‘lsa, uning a) $\frac{\pi}{8}$; b) $\frac{2\pi}{5}$; c) $\frac{3\pi}{4}$ radianga teng markaziy burchagi tiralgan yoy uzunligini toping.


43.5. Radiusi 12 cm bo‘lgan aylanaga ABC uchburchak ichki chizilgan. Agar a) $\angle A=30^\circ$; b) $\angle A=120^\circ$ bo‘lsa, A nuqtani o‘z ichiga olmagan BC yoy uzunligini toping.

43.6. Aylananing teng vatarlari aylanadan teng yoynar ajratishini isbotlang.


43.7*. Ikkita aylana bir-birining markazidan o‘tadi. Bu aylanalarning umumiy vatari har ikki aylanadan ajratgan yoynar uzunliklari nisbatini toping.

43.8*. Radiuslari teng bo‘lgan uchta aylanalar bir-biriga tashqaridan va radiusi R ga teng bo‘lgan aylanaga ichkaridan urinadi (3-rasm): a) aylanalar radiusini toping; b) bo‘yagan shaklni chegaralovchi yoynar uzunliklari yig‘indisini toping.

3



4




Qiziqarli masala

4-rasmda tasvirlangan ikkita tishli g‘ildiraklar bir-biriga “tishlatilgan”. G‘ildiraklar radiusi R_1 va R_2 . Birinchi g‘ildirak n marta aylanganda ikkinchi g‘ildirak necha marta aylanadi?

Ta'rif. Tekislikning berilgan O nuqtasidan berilgan R masofadan katta bo'limgan masofada yotuvchi barcha nuqtalaridan tashkil topgan shaklga *doira* deb ataladi.

Bunda O nuqta doiraning markazi, R esa doiraning radiusi deb ataladi. Mazkur doiraning chegarasi markazi O nuqtada, radiusi esa R ga teng bo'lgan aylanadan iborat bo'ladi.




Faollashtiruvchi mashq

Bir varaq qog'ozga yo'g'on chiziq bilan aylana chizing va 1-a rasmda ko'rsatilgandek, uning bir nechta diametrlarini o'tkazib, doirani teng bo'laklarga bo'ling. So'ng bu bo'laklarni qiyib oling va 1-b rasmda ko'rsatilgandek terib, F shaklni hosil qiling. Agar doira istalgancha ko'p teng bo'laklarga bo'linib, bu bo'laklar rasmda ko'rsatilgan tartibda terilsa, natijada to'g'ri to'rtburchakka juda yaqin F shakl paydo bo'ladi.

a) F shaklni to'g'ri to'rtburchak shakliga juda yaqinligini hisobga olib, uning AB tomoni taxminan nimaga teng bo'lishini toping (ko'rsatma: AB tomonni doira radiusi bilan taqqoslang).

b) F shaklning BC "tomon" taxminan nimaga teng bo'ladi? (Ko'rsatma: BC va AD tomonlar yo'g'on chiziq bilan chizilganiga, ya'ni aylana yoychalaridan iborat ekanligiga e'tibor bering).

d) F shaklning $ABCD$ to'g'ri to'rtburchak shakliga juda yaqin ekanligini hisobga olib, uning yuzini taqriban hisoblang. F shakl yuzi doira yuziga juda yaqin ekanligini nazarda tutib, doira yuzi haqida xulosa chiqaring.



Teorema. Radiusi R ga teng bo'lgan doiraning yuzi πR^2 ga teng.

Isbot. Radiusi R va markazi O nuqtada bo'lgan aylanani qaraymiz.

Aylanaga tashqi chizilgan $A_1A_2 \dots A_n$ va ichki chizilgan $B_1B_2 \dots B_n$ muntazam n burchaklarning yuzlari mos ravishda S'_n va S''_n bo'lsin (2-rasm).

A_1OA_2 va B_1OB_2 uchburchaklar yuzlarini topamiz:

$$S'_{A_1OA_2} = \frac{1}{2} A_1A_2 \cdot OD = \frac{1}{2} A_1A_2 \cdot R; \quad S'_{B_1OB_2} = \frac{1}{2} B_1B_2 \cdot OC = \frac{1}{2} B_1B_2 \cdot OB_1 \cos\alpha = \frac{1}{2} B_1B_2 \cdot R \cos\alpha.$$

$$\text{Unda, } S''_n = n \cdot \frac{1}{2} A_1A_2 \cdot R = \frac{1}{2} P_n R, \quad S'_n = n \cdot \frac{1}{2} B_1B_2 \cdot R \cos\alpha = \frac{1}{2} P_n R \cos\alpha \quad (1)$$

Bu yerda P'_n va P''_n mos ravishda $A_1A_2\dots A_n$ va $B_1B_2\dots B_n$ ko‘pburchaklarning perimetrlari. $\alpha = \frac{180^\circ}{n}$ bo‘lgani uchun n ning yetarlicha katta qiymatlarida cosə ning qiymati birdan, P'_n va P''_n larning qiymatlari aylana uzunligi, ya’ni $2\pi R$ dan istalgancha kam farq qiladi. Unda, (1) tengliklarga ko‘ra, n ning yetarlicha katta qiymatlarida ko‘pburchaklarning yuzi πR^2 ga yaqinlashib boradi. Bundan, doira ning yuzi uchun $S=\pi R^2$ formula kelib chiqadi.

Teorema isbotlandi.


 **Masala.** Sirk arenasi aylanasining uzunligi 41 m. Arena radiusi va yuzini toping.

Yechish. 1) Aylana uzunligini topish formulasidan radiusni topamiz (3-rasm):

$$R = \frac{C}{2\pi} \approx \frac{41}{2 \cdot 3,14} \approx 6,53 \text{ (m)}.$$

2) Doira yuzini hisoblash formulasidan arenaning yuzini topamiz: $S=\pi R^2 \approx 3,14 \cdot 6,53^2 \approx 133,84 \text{ (m}^2)$.

Javob: $R \approx 6,53 \text{ m}; S \approx 133,84 \text{ m}^2$.



Masala va topshiriglar

44.1. Doira yuzini hisoblash formulasini asoslang.

44.2. Radiusi R ga teng bo‘lgan doiraning S yuzini topish formulasidan foydalanim jadvalni to‘ldiring ($\pi=3,14$ deb oling).


R	2	5		$\frac{2}{7}$		54,3		6,25
S			9		49π		$\sqrt{3}$	

44.3. Agar doira radiusi a) k marta oshsa; b) k marta kamaysa, doira yuzi qanday o‘zgaradi?

44.4. Tomoni 5 cm bo‘lgan kvadratga ichki chizilgan va tashqi chizilgan doiralarning yuzini toping.

44.5. Tomoni $3\sqrt{3}$ cm bo‘lgan muntazam uchburchakka ichki va tashqi chizilgan doiralarning yuzini toping.

44.6. Radiusi R bo‘lgan doiradan eng katta kvadrat qirqib olindi. Doiraning qolgan qismi yuzini toping.




44.7. Tomonlari 6 cm va 7 cm bo‘lgan to‘g‘ri to‘rtburchakka tashqi chizilgan doira yuzini toping.

44.8. Tomoni 10 cm va o‘tkir burchagi 60° bo‘lgan rombga ichki chizilgan doira yuzini toping.

44.9*. To‘g‘ri burchakli uchburchak tomonlarini diametr qilib yarim doiralar chizilgan. Gipotenuzaga chizilgan yarim doira yuzi katetlarga chizilgan yarim doiralar yuzlari yig‘indisiga teng bo‘lishini ko‘rsating (4-rasm).

1



Ta'rif. Doiraning yoyi va bu yoy oxirlarini doira markazi bilan tutashtiruvchi ikkita radiusi bilan chegaralangan qismi **sektor** deyiladi. Sektorning chegarasi bo'lgan yoy **sektor yoyi** deyiladi.


1-rasmda AKB va BLA yoyli ikkita sektor tasvirlangan (ulardan birinchisi bo'yagan).

Radiusi R ga va yoyining gradus o'lchovi n° ga teng bo'lgan sektorning S yuzini topish uchun formula keltirib chiqaramiz. Yoyi 1° ga teng sektorning yuzi doira (ya'ni yoyi 360° ga teng sektor) yuzining $\frac{1}{360}$ qismiga teng bo'lani uchun, yoyi n gradus bo'lgan sektorning yuzi


$$S = \frac{\pi R^2}{360} \cdot n \quad \text{yoki} \quad S = \frac{1}{2} R \cdot l$$

formula orqali topiladi. Bu yerda $l - n^\circ$ li sektor yoyining uzunligi.

2



3



$$S = \frac{\pi R^2}{360} \cdot n - S_{AOB}$$


Ta'rif. Doiraning yoyi va bu yoy oxirlarini tutashtiruvchi vatari bilan chegaralangan qismi **segment** deyiladi.

2-rasmda AKB va BLA yoyli ikkita segment tasvirlangan (ulardan birinchisi bo'yagan). Yarim doiradan farqli segmentning S yuzi

$$S = S_{\text{sektor}} \pm S_{\Delta} = \frac{\pi R^2}{360} \cdot n \pm S_{AOB}$$

formula bo'yicha hisoblanadi (3- va 4-rasmrlarga qarang).

4



$$S = \frac{\pi R^2}{360} \cdot n + S_{AOB}$$

Masala. Yoning gradus o'lchovi 72° bo'lgan sektorning yuzi 45π ga teng. Sektor radiusini toping.

Yechish. Sektor yuzini topish formulasiga ko'ra,

$$\frac{\pi R^2}{360} \cdot 72 = 45\pi.$$

$$\text{Bundan, } R^2 = \frac{45\pi \cdot 360}{72\pi} = 225, \text{ demak, } R = 15.$$

Javob: 15.

Masala va topshiriqlar

45.1. Sektor yuzini topish formulasini keltirib chiqaring.

45.2. Segment yuzini topish formulasini keltirib chiqaring.

45.3. Yoyining gradus o‘lchovi a) 30° ; b) 45° ; d) 120° ; e) 90° va radiusi 7 cm bo‘lgan sektor va segment yuzlarini toping.

45.4. 5-rasmda tomoni a ga teng bo‘lgan muntazam uchburchak, kvadrat va muntazam oltiburchak tasvirlangan. Bo‘yagan shakllar yuzini toping. Bunda sektorlarning radiuslari ko‘pburchak tomonining yarmiga teng.


45.5. Nishonda radiuslari 1, 2, 3, 4 ga teng bo‘lgan to‘rtta aylana bor. Eng kichik doira yuzini va har bir halqa yuzini toping (*6-rasm*).

45.6. Radiusi 10 cm ga teng bo‘lgan doirada radiusga teng vatar o‘tkazilgan. Hosil bo‘lgan segmentlar yuzini hisoblang.


45.7. Radiuslari 15 cm dan bo‘lgan ikkita doira markazlari orasidagi masofa 15 cm. Doiralalar umumiy qismining yuzini toping.

45.8. Radiusi 10 cm bo‘lgan doiraga ichki va tashqi chizilgan muntazam o‘n ikkiburchaklar yuzini hisoblang. Natijalarni doira yuzi bilan solishtiring.


5



6



7



Oziqarli masala

7-rasmda tasvirlangan guldon rasmini:


a) uchta to‘g‘ri chiziq bilan shunday to‘rt bo‘lakka bo‘lingki, ulardan to‘g‘ri to‘rburchak yig‘ish mumkin bo‘lsin;

b) ikkita to‘g‘ri chiziq bilan shunday uch qismga bo‘lingki, ulardan kvadrat yig‘ish mumkin bo‘lsin.



Tarixiy lavhalar. Uzoq vaqtlar mobaynida dunyoning ko‘plab matematiklari “doira kvadraturasi” deb nom olgan quyidagi masalani yechishga harakat qilganlar: sirkul va chizg‘ich yordamida yuzi berilgan doira yuziga teng bo‘lgan kvadrat yasash. Faqat XIX asrning oxirida bu masala yechimiga ega emasligi isbotlangan.

1-masala. C va D nuqtalar aylananing AB diametrini uchta AC , CD va DB kesmalarga ajratadi. AC , CD va DB diametrli aylanalar uzunliklarining yig'indisi AB diametrli aylana uzunligiga teng ekanligini isbotlang (1-rasm).



Yechish. Aylana uzunligini topish formulasidan foydalanib, AC , CD va DB diametrli aylanalarning C_1 , C_2 , C_3 uzunliklari yig'indisini topamiz:


$$C_1 + C_2 + C_3 = AC \cdot \pi + CD \cdot \pi + DB \cdot \pi = \pi(AC + CD + DB).$$

$AC + CD + DB = AB$ va AB diametrli aylananing C uzunligi $AB \cdot \pi$ ga teng bo'lgani uchun

$$C_1 + C_2 + C_3 = C.$$

Shu tenglikni isbotlash talab qilingan edi.

2-masala. $ABCD$ to'rtburchakning uchlarini markaz qilib bir xil radiusli sektorlar yasalgan (2-rasm). Bu sektorlardan ixtiyoriy ikkitasi umumiy nuqtaga ega emas hamda barchasining radiusi 1 cm . Sektorlar yuzlarining yig'indisini toping.



Yechish. 1) To'rtburchakning A , B , C , D burchaklari mos ravishda α_1 , α_2 , α_3 , α_4 bo'lsin. Unda, ko'pburchak ichki burchaklarining yig'indisini haqidagi teoremagaga ko'ra,

$$\alpha_1 + \alpha_2 + \alpha_3 + \alpha_4 = 360^\circ.$$


2) Sektor yuzini topish formulasiga ko'ra ($R = 1\text{ cm}$), $S_1 = \frac{\pi}{360^\circ} \cdot \alpha_1$, $S_2 = \frac{\pi}{360^\circ} \cdot \alpha_2$, $S_3 = \frac{\pi}{360^\circ} \cdot \alpha_3$, $S_4 = \frac{\pi}{360^\circ} \cdot \alpha_4$. (1)

3) (1) tengliklarning mos tomonlarini qo'shamiz. Unda,

$$S_1 + S_2 + S_3 + S_4 = \frac{\pi}{360^\circ} (\alpha_1 + \alpha_2 + \alpha_3 + \alpha_4) = \frac{\pi}{360^\circ} \cdot 360^\circ =$$

$$= \pi (\text{cm}^2).$$

Javob: $\pi \text{ cm}^2$.



?

Masala va topshiriqlar

46.1. Perimetri 1 m bo'lgan kvadrat va uzunligi 1 m bo'lgan aylana berilgan. Bu aylana bilan chegaralangan doira yuzi bilan kvadrat yuzini taqqoslang.

46.2. Radiusi 8 cm bo'lgan doiradan 60° li sektor qirqib olingan. Doiraning qolgan qismi yuzini toping.

46.3. Diagonallari 6 cm va 8 cm bo'lgan rombga ichki chizilgan doira yuzini hisoblang.

46.4.3-rasmda bo'yab ko'rsatilgan shakl yuzini toping. Unda $ABCD$ – kvadrat, $AB = 4 \text{ cm}$.

46.5*.4-rasmda "Arximed pichog'i" deb ataluvchi shakl bo'yab ko'rsatilgan. Uning yuzi $\frac{\pi \cdot CD^2}{4}$ formula bilan hisoblanishini isbotlang (bunda, $\angle ACB = 90^\circ$ va $CD^2 = AD \cdot DB$ ekanligidan foydalaning).

46.6. Agar $AD = 6 \text{ cm}$, $BD = 4 \text{ cm}$ bo'lsa, 4-rasmda bo'yab ko'rsatilgan shaklning yuzi va perimetrini (uni o'rabi turgan yoyslar uzunligi yig'indisini) toping.




Tarixiy lavhalar. Gippokrat oychalari.

a) Gippokrat oychasi – ikki aylana yoyslari bilan chegaralangan va quyidagi xossaga ega bo'lgan shakldir: agar aylanalar radiuslari va oycha yoyslari tiralgan vatar berilgan bo'lsa, oychaga tengdosh kvadrat yasash mumkin.

Pifagor teoremasi qo'llanilsa, 5-a rasmda tasvirlangan gipotenuzaga qurilgan yarim doira yuzi katetlarga qurilgan yarim doiralar yuzlari yig'indisiga teng bo'ladi (121-betdagি 44.9- masalaga qarang). Shuning uchun 5-b rasmdagi oychalar yuzlarining yig'indisi uchburchak yuziga teng (mushohada qilib ko'ring!). Agar rasmdagi uchburchak o'rniga teng yonli to'g'ri burchakli uchburchak olsak, hosil bo'lgan ikki oychadan har birining yuzi uchburchak yuzining yarmiga teng bo'ladi. Doira kvadraturasi haqidagi masalani yechishga urinib, yunon matematigi Gippokrat (miloddan avvalgi V asr) ko'pburchak bilan tengdosh bir necha xil oychalarni ixtiro qilgan.

Gippokrat oychalarining to'la jadvali faqat XIX–XX asrlarda tuzilgan.

b) 6-rasmda bo'yab ko'rsatilgan shakllarning yuzini toping.







I. Testlar

1. 45 gradusli burchakning radian o'lchovi nimaga teng?
A. 1 ga teng; B. $\frac{\pi}{2}$ ga teng; C. $\frac{\pi}{4}$ ga teng; D. $\sqrt{2}$ ga teng.
2. Radiusi 3 cm bo'lgan aylananing gradus o'lchovi 150° bo'lgan markaziy burchagi tiralgan yoy uzunligini toping.
A. $\frac{5\pi}{2} \text{ cm}$; B. $\frac{5\pi}{3} \text{ cm}$; C. $\frac{10\pi}{3} \text{ cm}$; D. $\frac{5\pi}{4} \text{ cm}$.
3. Radiusi 6 cm bo'lgan aylanada $\frac{5\pi}{4}$ radianga teng markaziy burchak tiralgan yoy uzunligini toping.
A. $\frac{15\pi}{2} \text{ cm}$; B. $\frac{5\pi}{6} \text{ cm}$; C. $\frac{4\pi}{3} \text{ cm}$; D. $\frac{5\pi}{2} \text{ cm}$.
4. Tomoni 5 cm ga teng bo'lgan kvadratga tashqi chizilgan aylana uzunligini toping.
A. $5\sqrt{2}\pi$; B. $\sqrt{2}\pi$; C. $3\sqrt{2}\pi$; D. 5π .
5. Diametri 6 ga teng doira yuzini toping.
A. 9π ; B. 6π ; C. $3\sqrt{2}\pi$; D. 12π .
6. Yoyining gradus o'lchovi 150° , radiusi 6 cm bo'lgan doiraviy sektorning yuzini toping.
A. $15\pi \text{ cm}^2$; B. $6\pi \text{ cm}^2$; C. $30\sqrt{2}\pi \text{ cm}^2$; D. $24\pi \text{ cm}^2$.
7. Yoyining uzunligi 12 cm va radiusi 6 cm bo'lgan doiraviy sektorning yuzini toping.
A. $15\pi \text{ cm}^2$; B. $6\pi \text{ cm}^2$; C. $30\sqrt{2}\pi \text{ cm}^2$; D. $24\pi \text{ cm}^2$.
8. Yoyining gradus o'lchovi 120° , radiusi 3 ga teng bo'lgan doiraviy segmentning yuzini toping.
A. $6\pi - 4\sqrt{3}$; B. $6\pi + 4\sqrt{3}$; C. $3\pi - 4\sqrt{3}$; D. $3\pi + 4\sqrt{3}$.

II. Masalalar

1. ABCDEFKL muntazam sakkizburchakning tomoni 6 cm. Uning AC diagonalini toping.
2. Kvadrat radiusi 4 dm bo'lgan aylanaga ichki chizilgan. Kvadrat qo'shni tomonlarining o'ttalaridan o'tuvchi vatarni aylanadan ajratgan yoylarning uzunligini toping.
3. Aylananing 90° li yoyi uzunligi $15\pi \text{ cm}$. Aylana radiusini toping.
4. Radiusi 20 ga teng aylanadan uzunligi 10π ga teng yoy ajratildi. Bu yoyga mos markaziy burchakni toping.
5. Ikkita doiraning umumiy vatari bu doiralarni chegaralovchi aylanalardan 60° li va 120° li yoylarni ajratadi. Doiralar yuzlarining nisbatini toping.
6. Tomonlari 3, 4, 5 bo'lgan uchburchakka ichki va tashqi chizilgan doiralar yuzlarini toping.
7. Doira vatari 60° li yoyni tortib turadi. Bu vatar ajratgan segmentlar yuzlari nisbatini toping.
8. Muntazam oltiburchak yuzining unga ichki chizilgan doira yuziga nisbatini toping.

9. Tomoni a ga teng bo‘lgan $ABCDEF$ muntazam oltiburchak berilgan. Markazi A nuqtada va radiusi a bo‘lgan aylana bu oltiburchakni ikki qismga ajratadi. Har bir qism yuzini toping.
10. To‘g‘ri burchakli ABC uchburchakda $\angle A=72^\circ$, $\angle C=90^\circ$, $BC=15\text{ cm}$. BC diametrli aylananing ABC uchburchak ichida yotgan yoyi uzunligini toping.
11. Doiraga ichki chizilgan muntazam sakkizburchak berilgan. Uning ikki qo‘shni uchlariga o‘tkazilgan radiuslar doirani ikkita sektorga ajratadi. Bu sektorlar yuzlarining nisbatini toping.
12. To‘g‘ri burchakli ABC uchburchakda $\angle A=20^\circ$, $\angle C=90^\circ$, $AB=18\text{ cm}$. BC kesma uchburchakka tashqi chizilgan doirani ikki segmentga ajratadi. Bo‘yab ko‘rsatilgan segment yuzini toping (*1-rasm*).
13. Kichik aylana katta aylanaga hamda uning AB diametriga urinadi. Agar diametrga urinish nuqtasi aylana markazi va $AB=4$ bo‘lsa, rasmda bo‘yagan shakl yuzini toping (*2-rasm*).
14. Muntazam $ABCDEF$ oltiburchakning tomoni 6 ga teng va markazi O nuqtada. Markazlari A va D nuqtada va radiuslari teng bo‘lgan aylanalar O nuqtada urinadi. Bo‘yagan soha yuzini toping (*3-rasm*).
15. To‘g‘ri burchakli ABC uchburchakda $\angle C=90^\circ$, $AC=4$, $CB=2$. Markazi gipotenuzada bo‘lgan aylana uchburchak katetlariga urinadi. Bu aylana uzunligini toping.
16. 4-rasmda bo‘yab ko‘rsatilgan shakllarning yuzini toping. Ular qanday chizilganligini aniqlang.



III. O‘zingizni sinab ko‘ring (namunaviy nazorat ishi)

- Tomoni 6 cm bo‘lgan kvadratga tashqi chizilgan aylana uzunligini va ichki chizilgan doira yuzini toping.
- Tomoni 24 cm bo‘lgan muntazam ko‘pburchakka ichki chizilgan aylana radiusi $4\sqrt{3}\text{ cm}$ ga teng bo‘lsa, unga tashqi chizilgan aylana radiusini toping.
- 240° li aylana yoyining uzunligi 24 cm bo‘lsa,
 - aylana radiusini;
 - yoyi 240° bo‘lgan sektor yuzini;
 - yoyi 240° bo‘lgan segmentning yuzini toping.




Qiziqarli masala

In va Yan

5-rasmida tabiatdagи qarama-qarshiliklarni ifodalovchi “In va Yan” deb nomlangan xitoy ramzi tasvirlangan.

- a) In va Yan ramzlari yuzlari tengligini ko‘rsating;
- b) bitta to‘g‘ri chiziq bilan bu ramzlarning har birini yuzlari teng bo‘lgan ikki bo‘lakka bo‘ling.
- c) In va Yan ramzlar perimetrlarini (ularni o‘rab turgan yoyslar uzunliklari yig‘indisini) toping.

1



Tarixiy lavhalar.

Aylana uzunligini hisoblash juda qadimdan dolzarb muammo bo‘lgan. Aylana uzunligini unga ichki chizilgan ko‘pburchak perimetriga almashtirish usuli keng tarqalgan.

O‘rta Osiyolik matematiklar ham doiraga ichki chizilgan muntazam ko‘pburchaklarni yasash, ularning tomonlarini doiraning radiusi orqali ifodalash masalalari bilan shug‘ullanganlar. Abu Rayhon Beruniy “Qonuni Mas‘udiy” asarida doiraga ichki chizilgan ko‘pburchaklarning tomonini aniqlash bilan shug‘ullanib, ichki chizilgan beshburchak, oltiburchak, yettiburchak,..., o‘nburchak tomonlarini aniqlash usulini ko‘rsatadi. Bu hisoblash natijasida u $\pi \approx 3,14$ qiymatga ega ekanligini aniqlaydi.


Qadimgi Bobil va Misr qo‘lyozmalari va mixxatlarida π uchga teng deb olingan. Bu o‘sha davr aniqlik talabi uchun yetarli bo‘lgan. Keyinchalik rimliklar π uchun 3,12 ni ishlatishgan. π soni uchun Arximed bergan qiymat 3,14 bo‘lib, bu amaliy masalalarni hal qilishda juda ma’qul edi.

Xitoy matematiklarida $\pi \approx 3,155 \dots$ va $22/7$. Hindlarning “Sulva Sutra” (“Arqon qoidasi”) asarida π uchun 3,008 va 3,1416 ... va $\sqrt{10} \approx 3,162 \dots$ qiymatlar uchraydi.

Mirzo Ulug‘bekning “Astronomiya maktabi” namoyandalaridan biri Jamshid G‘iyosiddin al-Koshiy 1424-yilda yozgan “Aylana uzunligi haqida kitob” nomli risolasida aylanaga ichki va tashqi chizilgan muntazam ko‘pburchak tomonlari sonini ikkilantirish yo‘li bilan $3 \cdot 2^{28} = 800\ 335\ 168$ tomonli muntazam ko‘pburchaklar perimetrini hisoblab, π uchun $\pi = 3,1\ 415\ 826\ 535\ 897\ 932$ qiymatni hosil qilgan. Bu 16 ta o‘nli raqamgacha aniqdir.

Ammo al-Koshiyning asari uzoq vaqtgacha Yevropada noma’lum bo‘lgan. Yevropaliklardan belgiyalik Van Romen 1597- yilda 2^{30} tomonli muntazam ko‘pburchakka Arximed usulini tatbiq etib, π uchun 17 ta o‘nli raqamlari aniq bo‘lgan qiymat topgan. Gollandiyalik Rudolf van Seylon (1540–1610) bu aniqlikni 35 ta o‘nli raqamlargacha olib borgan. Hozirgi davrda elektron hisoblash mashinalari yordamida π uchun milliondan ortiq o‘nli raqamlari aniq bo‘lgan qiymatlar topilgan. Kundalik hisoblashlar uchun 3,14 qiymat, matematik hisoblashlar uchun 3,1416 qiymat, hatto astronomiya va kocmonavtika uchun 3,1415826 qiymat kifoyadir.

UCHBURCHAK VA AYLANADAGI METRIK MUNOSABATLAR



Ushbu bobni o‘rganish natijasida siz quyidagi bilim va amaliy ko‘nikmalarga ega bo‘lasiz:


Bilimlar:

- ✓ proporsional kesmalarning xossalari bilish;
- ✓ to‘g‘ri burchakli uchburchakda gipotenuzaga tushirilgan balandlikning xossalari bilish;
- ✓ o‘zaro kesishuvchi vatarlar kesmalari to‘g‘risidagi hamda aylanani kesuvchi to‘g‘ri chiziq kesmalari to‘g‘risidagi xossalarni bilish.


Ko‘nikmalar:

- ✓ kesmalarning nisbati va proporsional kesmalarga doir masalalarni yechalish;
- ✓ to‘g‘ri burchakli uchburchakda gipotenuzaga tushirilgan balandlikning xossalardan foydalanib, masalalar yechalish;
- ✓ kesuvchi vatarlar kesmalarining va kesuvchi to‘g‘ri chiziq kesmalarining xossalardan foydalanib, masalalar yechish.

1





b)



A_1 — A nuqtanining,
 B_1 — B nuqtanining,
 A_1B_1 — AB kesmaning m to‘g‘ri chiziqdagi proyeksiyasi

2



Faollashtiruvchi mashq

1. Kesmalar nisbati nimani anglatadi?
2. Qanday kesmalar proporsional deyiladi?
3. Fales teoremasini ayting.

Tekislikda m to‘g‘ri chiziq va AB kesma berilgan bo‘lsin. A va B nuqtalardan m to‘g‘ri chiziqqa AA_1 va BB_1 perpendikularlar tushiramiz (1-rasm). A_1B_1 kesma AB kesmaning m to‘g‘ri chiziqdagi *proyeksiyasi (soyasi)* deyiladi.

AB kesmaning m to‘g‘ri chiziqdagi A_1B_1 proyeksiyasini qurish amali AB kesmani m to‘g‘ri chiziqqa *proyeksiyalash* deyiladi.

Teorema. Bir to‘g‘ri chiziqda yoki parallel to‘g‘ri chiziqlarda yotadigan kesmalar berilgan bo‘lsin. Ularning ayni bir to‘g‘ri chiziqqa proyeksiyalari berilgan kesmalarga proporsional bo‘ladi.

$a \parallel b$,
 $A_1B_1 = AB$ ning,
 $C_1D_1 = CD$ ning,
 $E_1F_1 = EF$ ning
 m to‘g‘ri chiziqdagi proyeksiyalar (2-rasm)

$$\frac{A_1B_1}{AB} = \frac{C_1D_1}{CD} = \frac{E_1F_1}{EF} \quad (1)$$

Izbot. a) Agar a va b to‘g‘ri chiziqlar m to‘g‘ri chiziqqa parallel bo‘lsa, $AB = A_1B_1$, $CD = C_1D_1$, $EF = E_1F_1$ bo‘lishi hamda (1) tengliklar o‘rinli ekanligi ravshan.

b) Bordi-yu a va b to‘g‘ri chiziqlar m to‘g‘ri chiziqqa perpendikular bo‘lsa, A_1 va B_1 , C_1 va D_1 , E_1 va F_1 nuqtalar ustma-ust tushadi. Shuning uchun A_1B_1 , C_1D_1 , E_1F_1 kesmalarning uzunligi nolga teng bo‘ladi va (1) tengliklar bajariladi.

d) Endi boshqa holni qaraymiz. 2-rasmida tasvirlanganidek, to‘g‘ri burchakli ABP , CDQ , EFR uchburchaklarni qoramiz. Unda $a \parallel b$ bo‘lgani uchun, $\angle BAP = \angle DCQ = \angle FER$.

Demak, ABP , CDQ va EFR to‘g‘ri burchakli uchburchaklar o‘xshash.

Bundan $\frac{A_1B_1}{AB} = \frac{C_1D_1}{CD} = \frac{E_1F_1}{EF}$ tengliklarni hosil qilamiz.

Teorema isbotlandi.

Masala. AB va CD kesmalar parallel to‘g‘ri chiziqlarda yotadi. Agar $AB=12\text{ cm}$, $CD=15\text{ cm}$ va AB kesmaning biror m to‘g‘ri chiziqdagi proyeksiyasi 8 cm bo‘lsa, CD kesmaning shu m to‘g‘ri chiziqdagi proyeksiyasini toping.

Yechish. CD kesmaning m to‘g‘ri chiziqdagi proyeksiyasi x bo‘lsin. Unda, isbotlangan teorema va masala shartidan foydalanib, proporsiya tuzamiz:

$$\frac{x}{15} = \frac{8}{12}.$$

Bu tenglikdan $x=10$ bo‘lishini topamiz.

Javob: 10 cm .

?

Masala va topshiriqlar

48.1. Kesmaning berilgan to‘g‘ri chiziqdagi proyeksiyasi nima?

48.2. Bir to‘g‘ri chiziqda yoki parallel to‘g‘ri chiziqlarda yotgan kesmalarning ayni boshqa bir to‘g‘ri chiziqqa proyeksiylari berilgan kesmalarga proporsional ekanligini isbotlang.

48.3.a va **b** to‘g‘ri chiziqlar orasidagi burchak 45° ga teng. **a** to‘g‘ri chiziqda uzunligi 10 cm bo‘lgan AB kesma olingan. AB kesmaning **b** to‘g‘ri chiziqdagi proyeksiyasini toping.

48.4. AB kesmaning uchlari l to‘g‘ri chiziqdan 9 cm va 14 cm uzoqlikda yotadi. Agar AB kesma l to‘g‘ri chiziqni kesib o‘tmasa va $AB=13\text{ cm}$ bo‘lsa, AB kesmaning l to‘g‘ri chiziqdagi proyeksiyasini toping.



48.5. 3- va 4-rasmlardagi ma’lumotlar asosida binolarning balandliklarini toping.

48.6. To‘g‘ri chiziq va unga parallel bo‘limgan kesma chizing. Kesmaning to‘g‘ri chiziqdagi proyeksiyasini yasang.

48.7. Koordinatalar tekisligida $A(2;3)$ va $B(3;-4)$ nuqtalar belgilangan. AB kesmaning koordinata o‘qlaridagi proyeksiyalarining uzunliklarini toping.

48.8.a va **b** to‘g‘ri chiziqlar orasidagi burchak α ekanligi ma’lum. **a** to‘g‘ri chiziqda AB kesma olingan. AB kesmaning **b** to‘g‘ri chiziqdagi proyeksiyasini toping.

48.9*. AB va CD kesmalarining l to‘g‘ri chiziqdagi proyeksiyalarini o‘zaro teng. AB va CD kesmalarining uzunliklari haqida nima deyish mumkin? Misollar keltiring.




Fales teoremasining umumlashmasi bo‘lgan muhim xossani isbotlaymiz.

Teorema. *Burchakning har ikkala tomonini kesib o‘tgan parallel to‘g‘ri chiziqlar uning tomonlaridan proporsional kesmalar ajratadi.*

$\angle BAC, B_1C_1 \parallel B_2C_2 \parallel B_3C_3$ (1-rasm)

$$\frac{AB_1}{AC_1} = \frac{B_1B_2}{C_1C_2} = \frac{B_2B_3}{C_2C_3}$$

Isbot. C_1 va C_2 nuqtalardan AB ga parallel C_1A_1 va C_2A_2 to‘g‘ri chiziqlarni o‘tkazamiz. U holda, birinchidan, $\angle 1 = \angle 2 = \angle 3$ bo‘ladi, chunki ular o‘zaro parallel bo‘lgan AB , C_1A_1 va C_2A_2 to‘g‘ri chiziqlarni AC to‘g‘ri chiziq kesganda hosil bo‘lgan mos burchaklardir. Ikkinchidan, $\angle 4 = \angle 5 = \angle 6$, chunki ular tomonlari parallel bo‘lgan burchaklardir.



Demak, uchburchaklar o‘xshashligining BB alomatiga ko‘ra, $\Delta AB_1C_1 \sim \Delta C_1A_1C_2 \sim \Delta C_2A_2C_3$ bo‘ladi.

U holda, $\frac{AB_1}{AC_1} = \frac{C_1A_1}{C_1C_2} = \frac{C_2A_2}{C_2C_3}$ (1) tengliklarni hosil qilamiz.

Bundan tashqari, $B_1C_1A_1B_2$ va $B_2C_2A_2B_3$ to‘rtburchaklar parallelogramm, chunki

$B_1C_1 \parallel B_2C_2 \parallel B_3C_3$ — shartga ko‘ra;

$AB \parallel C_1A_1 \parallel C_2A_2$ — yasashga ko‘ra.

Shuning uchun, bu parallelogrammlarning qarama-qarshi tomonlari o‘zaro teng bo‘ladi:

$$C_1A_1 = B_1B_2 \text{ va } C_2A_2 = B_2B_3. \quad (2)$$

(1) va (2) tengliklardan $\frac{AB_1}{AC_1} = \frac{B_1B_2}{C_1C_2} = \frac{B_2B_3}{C_2C_3}$ bo‘lishi kelib chiqadi.

Teorema isbotlandi.

Amaliy mashq. Kesmani berilgan nisbatda bo‘lish.

Berilgan a kesmani to‘rt bo‘lakka shunday bo‘lingki, bo‘laklarning o‘zaro nisbati $m:n:l:k$ kabi bo‘lsin.

Buning uchun quyidagilarni qadam-baqadam bajaramiz:

1-qadam. Ixtiyoriy o‘tkir burchak chizib, uning bir tomoniga uzunliklari $OA = m$, $AB = n$, $BC = l$ va $CD = k$ ga teng bo‘lgan kesmalarni 2-rasmida ko‘rsatilgandek qilib, ketma-ket qo‘yib chiqamiz.

2-qadam. Burchakning ikkinchi tomoniga berilgan a kesmaga teng OD_1 kesmani qo‘yamiz.

3-qadam. D va D_1 nuqtalarni tutashtiramiz.

4-qadam. A , B , C nuqtalar orqali DD_1 ga parallel AA_1 , BB_1 va CC_1 kesmalarni o'tkazamiz.

Yuqoridagi teoremaga ko'ra, berilgan $a=OD_1$ kesma A_1 , B_1 , C_1 va D_1 nuqtalar bilan $m:n:l:k$ nisbatda bo'lingan bo'ladi.

Topshiriq: Bu tasdiqni mustaqil ravishda asoslang.

Amaliy topshiriq. To'rtinchi proporsional kesmani yasash.

a , b va c kesmalar berilgan. a va b kesmalar c va d kesmalarga proporsional, ya'ni $a:b=c:d$ ekanligi ma'lum. d kesmani yasang (3-rasm).



1-qadam. Ixtiyoriy o'tkir burchak chizib, uning bir tomoniga $OA=a$ va $AB=b$ kesmalarni 3-rasmida ko'rsatilgandek qo'yamiz.

2-qadam. Ikkinchini tomoniga esa $OC=c$ kesmani qo'yamiz.

3-qadam. A va C nuqtalarni tutashtiramiz.

4-qadam. B nuqtadan AC ga parallel BD to'g'ri chiziq o'tkazamiz.

Topshiriq: CD izlanayotgan d kesma bo'lishini asoslang.



Masala va topshiriqlar

49.1. Uzunligi 42 cm bo'lgan kesma berilgan. Uni a) $5:2$; b) $3:4:7$; d) $1:5:1:7$ nisbatdagi bo'lakchalarga bo'ling.

49.2. Rasmda har bir bo'lak birlik kesmadan iborat bo'lsa, AB va CD , EF va MN , AC va DF , AN va CE , EN va BM kesmalarning nisbatlarini toping.



49.3. m , n kesmalar l va k kesmalarga proporsional. Agar a) $m=4\text{ cm}$, $n=3\text{ cm}$ va $l=8\text{ cm}$; b) $m=2\text{ cm}$, $n=3\text{ cm}$ va $l=7\text{ cm}$ bo'lsa, k – to'rtinchi kesmani quring va uzunligini toping.

49.4. To'rburchakning perimetri 54 cm va tomonlari $3:4:5:6$ kabi nisbatda bolsa, uning har bir tomonini aniqlang.

49.5. To'rburchakning burchaklari o'zaro $3:4:5:6$ kabi nisbatda bo'lsa, uning kichik burchagi nimaga tengligini toping.

49.6. Uzunligi 4 , 5 va 6 bo'lgan kesmalar berilgan. Uzunligi $4,8$ ga teng kesma yasang.

49.7*. Perimetri 60 cm bo'lgan to'rburchakning bir tomoni 15 cm , qolgan tomonlari esa $2:3:4$ nisbatda ekanligi ma'lum. Uning katta tomonini toping.




Xossa. To‘g‘ri burchakli uchburchakning to‘g‘ri burchagi uchidan tushirilgan balandligi uni o‘ziga o‘xhash ikkita uchburchakka ajratadi.

$$\Delta ABC, \angle C = 90^\circ, \\ CD - \text{balandlik} \quad (1\text{-rasm})$$

$$\Delta ABC \sim \Delta ACD, \Delta ABC \sim \Delta CBD$$

1



Isbot. ABC va ACD uchburchaklar to‘g‘ri burchakli bo‘lib, A burchak esa ular uchun umumiy. Demak, $\Delta ABC \sim \Delta ACD$. Shu singari, ΔABC va ΔCBD to‘g‘ri burchakli bo‘lib, ular uchun $\angle B$ umumiy. Demak, $\Delta ABC \sim \Delta CBD$.

1-rasmda tasvirlangan AD va DC kesmalar mos ravishda AC va BC katetlarning gipotenuzadagi proyeksiyalari deb yuritiladi.

Ta’rif. Agar a , b va c kesmalar uchun $a:b = b:c$ bo‘lsa, b kesma a va c kesmalar orasidagi *o‘rta proporsional kesma* deb ataladi.

O‘rta proporsionallik shartini $b^2 = ac$ yoki $b = \sqrt{ac}$ ko‘rinishda yozish mumkin.

Yuqorida isbotlangan xossaga asoslanadigan bo‘lsak, o‘rta proporsional kesmalar haqidagi quyidagi teoremlar osonlikcha isbotlanadi:



1-teorema. To‘g‘ri burchakli uchburchakning to‘g‘ri burchagi uchidan tushirilgan balandlik katetlarning gipotenuzadagi proyeksiyalari orasida o‘rta proporsional bo‘ladi.

Haqiqatan ham, isbotlangan xossaga ko‘ra, $\Delta ACD \sim \Delta CBD$. Bundan,

$$\frac{AD}{CD} = \frac{CD}{BD} \Rightarrow CD^2 = AD \cdot BD \Rightarrow CD = \sqrt{AD \cdot BD}.$$



2-teorema. To‘g‘ri burchakli uchburchakning kateti gipotenuza bilan shu katetning gipotenuzadagi proyeksiyasi orasida o‘rta proporsionaldir (1-rasm).

Haqiqatan ham, isbotlangan xossaga ko‘ra, $\Delta ABC \sim \Delta ACD$. Bundan,

$$\frac{AB}{AC} = \frac{AC}{AD} \Rightarrow AC^2 = AB \cdot AD \Rightarrow AC = \sqrt{AB \cdot AD}.$$

Xuddi shunga o‘xhash $BC = \sqrt{BD \cdot AB}$ ekanligini isbotlash mumkin.



Masala. Katetlari 15 cm va 20 cm bo‘lgan to‘g‘ri burchakli uchburchak kichik katetining gipotenuzadagi proyeksiyasini toping.

$$\Delta ABC, \angle C = 90^\circ, CD - \text{balandlik}, AC = 15 \text{ cm}, \\ BC = 20 \text{ cm} \quad (1\text{-rasm})$$

$$AD = ?$$

Yechish. 1) Pifagor teoremasidan foydalanib, uchburchak gipotenuzasini topamiz: $AB^2 = AC^2 + BC^2 = 15^2 + 20^2 = 625$, ya'ni $AB = 25 \text{ cm}$.

2) Ikkinchchi teoremadan foydalanib, AD ni topamiz:

$$AC^2 = AB \cdot AD \Rightarrow AD = \frac{AC^2}{AB} = \frac{15^2}{25} = 9 \text{ (cm).} \quad \text{Javob: } 9 \text{ cm.}$$

Ikkinchchi teoremadan natija sifatida Pifagor teoremasining **Pifagorning o'zi yozib qoldirgan isboti** kelib chiqadi (*1-rasm*). 2-teoremaga ko'ra,


$$\left. \begin{array}{l} AC^2 = AD \cdot AB \\ BC^2 = BD \cdot AB \end{array} \right\} \Rightarrow AC^2 + BC^2 = AD \cdot AB + BD \cdot AB = AB \cdot (\underbrace{AD + BD}_{AB}) = AB \cdot AB = AB^2.$$

Shunday qilib, $AC^2 + BC^2 = AB^2$.

2 Masala va topshiriqlar

50.1. Isbotlang (*2-rasm*):

- a) $\Delta ACD \sim \Delta CBD \sim \Delta ABC$;
- b) $b^2 = b_c \cdot c$, $a^2 = a_c \cdot c$; d) $h_c^2 = a_c \cdot b_c$.




50.2. To'g'ri burchakli uchburchakning gipotenuzasiga tushirilgan balandligi gipotenuzani 9 cm va 16 cm ga teng kesmalarga bo'ladi. Uchburchak tomonlarini toping.


50.3. To'g'ri burchakli uchburchakning gipotenuzasi 15 cm ga, bir kateti esa 9 cm ga teng. Ikkinchchi katetning gipotenuzadagi proyeksiyasini toping.

50.4. 3-rasmdagi ma'lumotlar asosida ABC uchburchakning tomonlarini toping.


50.5*. Katetlarining nisbati $4:5$ kabi bo'lgan to'g'ri burchakli uchburchak katetlarining gipotenuzadagi proyeksiyalari nisbatini toping.



50.6*. Katetlarining nisbati $3:2$ kabi bo'lgan to'g'ri burchakli uchburchak berilgan. Katetlarning gipotenuzasidagi proyeksiyalariidan biri ikkinchisidan 6 cm ga uzun. Uchburchak yuzini toping.




50.7. Katetlarining gipotenuzasidagi proyeksiyalari 2 cm va 18 cm bo'lgan to'g'ri burchakli uchburchak yuzini toping.



50.8*. ABC uchburchakda $\angle C = 90^\circ$, CD — balandlik, CE — bissektrisa va $AE : EB = 2 : 3$. a) $AC : BC$; b) $S_{ACE} : S_{BCE}$; d) $AD : BD$ nisbatlarni toping.


1




2




3



4



5



Masala va topshiriglar

- 51.1.** Uzunliklari a va b bo'lgan kesmalar berilgan. Uzunligi \sqrt{ab} bo'lgan kesmani yasang.
- 51.2.** Uzunligi a va b ga teng kesmalar berilgan. Pifagor teoremasidan foydalanib, uzunligi a) $\sqrt{a^2 + b^2}$; b) $\sqrt{a^2 - b^2}$ bo'lgan kesmalarni yasang.
- 51.3.** Uzunligi 1 ga teng kesma berilgan. Uzunligi a) $\sqrt{2}$; b) $\sqrt{3}$; d) $\sqrt{5}$; e) $\sqrt{6}$; f) $\sqrt{18}$; g) $\sqrt{30}$ bo'lgan kesmalarni yasang.
- 51.4.** 6-rasmdagi ma'lumotlar asosida ABC uchburchakning yuzini toping.

To'g'ri burchakli uchburchakning to'g'ri bur-chagidan tushirilgan balandligi gipotenuzani a va b kesmalarga bo'lsa, balandlik \sqrt{ab} ga teng bo'lishini ko'rgan edik (1-rasm).

Demak, berilgan ikki kesmaga o'rtta proporsional kesmani yasash uchun:

1) gipotenuzasining uzunligi $a+b$ ga teng (2-rasm);

2) to'g'ri burchagidan tushirilgan balandligi shu gipotenuzani a va b bo'laklarga bo'ladigan to'g'ri burchakli uchburchak yasash kifoya.

Buning uchun to'g'ri burchakli uchburchakka tashqi chizilgan aylana markazi gipotenuzaning o'rtasida joylashganidan foydalanamiz (3-rasm).

Yasash:

1) To'g'ri chiziq chizamiz va unda $AB=a$ va $BC=b$ bo'ladigan qilib A , B va C nuqtalarni belgilaymiz (3-rasm).

2) AC kesmaning o'rtasi — O nuqtani topamiz. Markazi O nuqtada bo'lgan AC diametri yarim aylana yasaymiz (3-rasm).

3) B nuqtadan AC to'g'ri chiziqqa perpendikular to'g'ri chiziq o'tkazamiz (4-rasm). Bu to'g'ri chiziq yarim aylanani D nuqtada kesib o'tgan bo'lsin. Unda $\triangle ADC$ — to'g'ri burchakli uchburchak, $BD=\sqrt{ab}$ — biz yasashimiz zarur bo'lgan kesma bo'ladi.

Yasash bajarildi.

O'rtta proporsional kesmani yassashda to'g'ri burchakli uchburchakning kateti gipotenuza bilan shu katetning gipotenuzadagi proyeksiyasi orasida o'rta proporsional ekanligidan foydalanish ham mumkin (5-rasm).

51.5. Aylanadagi C nuqtadan AB diametrga CD perpendikular tushirilgan. Agar $CD=12\text{ cm}$, $AD=24\text{ cm}$ bo'lsa, doira yuzini toping.

51.6. Oldingi masaladagi ABC uchburchak yuzini toping.

51.7. To'g'ri burchakli uchburchak to'g'ri burchagini bissektrisasi gipotenuzani $5:3$ kabi nisbatda bo'ladi. To'g'ri burchak uchidan tushirilgan balandlikning gipotenuzadan ajratgan kesmalari nisbatini toping.




51.8. Radiusi 8 cm ga teng doiraga bir burchagi 30° bo'lgan to'g'ri burchakli uchburchak ichki chizilgan. Doiraning uchburchakdan tashqaridagi qismi 3 ta segmentdan iborat. Ana shu segmentlar yuzlarini toping.

51.9*. 7-rasmida $AD = a$, $DB = b$, demak, $OC = \frac{a+b}{2} =$ (O —aylana markazi). Rasmdan foydalаниб, $\frac{a+b}{2} \geq \sqrt{ab}$ tengsizlikni isbotlang.

Qiziqarli masalalar

1. Aylananing AB diametri to'rtta teng bo'lakka bo'lindi va 8-rasmida ko'rsatilgandek yarim aylanalar yasaldi. Agar $AB=d$ bo'lsa, rasmda bo'yab ko'rsatilgan har bir shakl yuzini hisoblang.


2. 9-rasmida AB va CD kesmalar teng. O nuqta AD kesmaning o'rtasi. AB, CD, AD va BC kesmlari yarimdoiralarning diametri. Bu yarimdoiralar bilan chegaralangan shaklning yuzi diametri PH ga teng doira yuziga tengligini isbotlang. Bu yerda PH kesma AD kesmaning o'rtasi O nuqtaga o'r kazilgan perpendikular.





1-teorema. Aylananing AB va CD vatarlari O nuqtada kesishsa, $AO \cdot OB = CO \cdot OD$ tenglik o'rinni bo'ladi.

1




Isbot. AB va CD vatarlar (1-rasm) ko'rsatilgan tartibda joylashgan bo'lzin. Uchlarini AD va BC vatarlar bilan tutashtiramiz. Shunda BAD va BCD burchaklar bitta yoyga tiraladi, demak, $\angle BAD = \angle BCD$. Yana ravshanki, $\angle AOD = \angle BOC$. Bu ikki tenglikdan, BB alomatga ko'ra, AOD va COB uchburchaklarning o'xshashligi kelib chiqadi. O'xshash uchburchaklar mos tomonlari esa proporsional: $\frac{OD}{OB} = \frac{AO}{CO}$ yoki $AO \cdot OB = CO \cdot OD$.

Teorema isbotlandi.



2-teorema. Aylana tashqi sohasidagi P nuqtadan aylanaga PA urinma (A – urinish nuqtasi) va aylanani B va C nuqtalarda kesib o'tuvchi to'g'ri chiziq o'tkazilgan bo'lsa, $PA^2 = PB \cdot PC$ bo'ladi.

2



Isbot. ABP va CPA uchburchaklarni qaraymiz (2-rasm). Unda,

$\angle C = \frac{\angle ADB}{2} = \angle BAP$ hamda $\angle P$ – bu uchburchaklar uchun umumiy burchak. Demak, ABP va CPA uchburchaklar ikki burchagi bo'yicha o'xshash.


Bundan, $\frac{PA}{PC} = \frac{PB}{PA}$ yoki $PA^2 = PB \cdot PC$.

Teorema isbotlandi.



Masala. A , B , C va D nuqtalar aylanani AB , BC , CD va AD yoylarga ajratadi. Agar AB va DC nurlar O nuqtada kesishsa, u holda $OA \cdot OB = OC \cdot OD$ tenglik o'rinni bo'lishini isbotlang.

3



Yechish. Masala shartiga mos chizma chizamiz (3-rasm) va O nuqtadan OE urinma o'tkazamiz. Unda, 2-teoremagaga ko'ra,

$$\left. \begin{aligned} OB \cdot OA &= OE^2 \\ OC \cdot OD &= OE^2 \end{aligned} \right\} \Rightarrow OA \cdot OB = OC \cdot OD.$$

? Masala va topshiriqlar

52.1. 4-rasmida x bilan belgilangan noma'lum kesmani toping.

52.2. A nuqtadan aylanaga AB urinma (B — urinish nuqtasi) va aylanani C va D nuqtalarida kesadi-gan kesuvchi o'tkazilgan. Agar

- $AB = 4 \text{ cm}$, $AC = 2 \text{ cm}$ bo'lsa, AD kesmani;
- $AB = 5 \text{ cm}$, $AD = 10 \text{ cm}$ bo'lsa, AC kesmani;
- $AC = 3 \text{ cm}$, $AD = 2,7 \text{ cm}$ bo'lsa, AB kesmani toping.

52.3. Aylanaga $ABCD$ to'rtburchak ichki chizilgan.

AB va DC nurlar O nuqtada kesishadi. Agar

- $AO = 10 \text{ dm}$, $BO = 6 \text{ dm}$, $DO = 15 \text{ dm}$ bo'lsa, OC kesmani;
- $CD = 10 \text{ dm}$, $OD = 8 \text{ dm}$, $AB = 4 \text{ dm}$ bo'lsa, OB kesmani toping.

52.4. Aylananing AB diametri va bu diametrga perpendikular CD vatari E nuqtada kesishadi. Agar $AE = 2 \text{ cm}$, $EB = 8 \text{ cm}$ bo'lsa, CD vatarni toping.

52.5. AB va CD kesmalar O nuqtada kesishadi.

Agar $AO \cdot OB = BO \cdot OD$ bo'lsa, A, B, C va D nuqta larning bir aylanada yotishini isbotlang.




52.6. Radiusi 13 dm bo'lgan aylana markazidan 5 dm uzoqlikda P nuqta olingan. P nuqtadan uzunligi 25 dm bo'lgan AB vatar o'tkazilgan. AP va PB kesmalarni toping.

52.7. 3-rasmida $AO \cdot OB = CO \cdot OD$ tenglikni AOD va BOC uchburchaklarning o'xshash ekanligidan foydalanib isbotlang.



52.8*. 5-rasmlardagi ma'lumotlar asosida $AO \cdot OB = CO \cdot OD$ tenglikni isbotlang.

52.9*. Ikki aylana C nuqtada urinadi. AB to'g'ri chiziq birinchi aylanaga A nuqtada, ikkinchi aylanaga esa B nuqtada urinadi. $\angle ACB = 90^\circ$ ekanligini isbotlang.


4



5



Oldingi darsda aylana kesuvchilari va vatarlarining xossalarnini isbotlagan edik. Endi shu xossalarning ayrim xususiy hollari bilan tanishamiz.



1-masala. R radiusli aylananing ichki sohasidagi P nuqta aylana markazidan p masofada joylashgan bo'lsin. Unda P nuqtadan o'tuvchi ixtiyoriy AB vatar uchun

$$AP \cdot PB = R^2 - p^2 \quad (1)$$

tenglik o'rinni bo'lishini isbotlang.

Yechish. P nuqta orqali aylananing CD diametrini o'tkazamiz. Unda, $PC = R - p$, $PD = R + p$ (1-rasm). Kesuvchi vatarlar haqidagi teorema ko'ra,


$$AP \cdot PB = CP \cdot PD = (R - p)(R + p) = R^2 - p^2.$$

(1) tenglik isbotlandi.

2-masala. Radiusi 6 cm bo'lган aylananing O markazidan 4 cm uzoqlikda P nuqta olindi. P nuqta orqali AB vatar o'tkazildi. Agar $AP = 2\text{ cm}$ bo'lsa, PB kesmani toping.

Yechish. Masala shartiga ko'ra, $R = 6\text{ cm}$, $d = 4\text{ cm}$, $AP = 2\text{ cm}$. U holda (1) tenglikka ko'ra, $2 \cdot PB = 6^2 - 4^2 = 36 - 16 = 20$. Bundan, $PB = 10\text{ cm}$.

Javob: $PB = 10\text{ cm}$.



3-masala. R radiusli aylananing tashqi sohasidagi P nuqta aylana markazidan p masofada joylashgan bo'lsin. Unda P nuqta orqali o'tuvchi va aylanani A va B nuqtalarda kesuvchi ixtiyoriy to'g'ri chiziq uchun

$$PA \cdot PB = p^2 - R^2 \quad (2)$$

tenglik o'rinni bo'lishini isbotlang.

Yechishi. Aylananing O markazi orqali o'tuvchi PO to'g'ri chiziq aylana bilan C va D nuqtalarda kesishsin (2-rasm). Unda, shartga ko'ra, $PC = p - R$, $PD = p + R$. Aylana tashqi sohasidagi nuqtadan o'tkazilgan kesuvchilar haqidagi teorema ko'ra,

$$PA \cdot PB = PC \cdot PD = (p - R)(p + R) = p^2 - R^2.$$

Shunday qilib (2) tenglik isbotlandi.



4-masala. Radiusi 7 cm bo‘lgan aylananing markazidan 13 cm uzoqlikdagi P nuqtadan o‘tuvchi to‘g‘ri chiziq aylanani A va B nuqtalarda kesadi. Agar $PA=10 \text{ cm}$ bo‘lsa, AB vatarni toping.

Yechish. Shartga ko‘ra, $R=7 \text{ cm}$, $p=13 \text{ cm}$. U holda (2) formulaga ko‘ra,

$$PA \cdot PB = p^2 - R^2 = 13^2 - 7^2 = 169 - 49 = 120.$$

$$\text{Bundan, } PB = \frac{120}{PA} = \frac{120}{10} = 12 \text{ (cm). Demak,}$$

$$AB = PB - PA = 12 - 10 = 2 \text{ (cm). Javob: } 2 \text{ cm.}$$



Masala va topshiriqlar

53.1. Radiusi 5 cm bo‘lgan aylana markazidan 3 cm uzoqlikda P nuqta olingan. AB vatar P nuqta orqali o‘tadi. Agar $PA=2 \text{ cm}$ bo‘lsa, AB vatar uzunligini toping.

53.2. Radiusi 5 m bo‘lgan aylana markazidan 7 m uzoqlikda P nuqta olingan. P nuqta orqali o‘tuvchi to‘g‘ri chiziq aylanani A va B nuqtada kesadi. Agar $PA=4 \text{ m}$ bo‘lsa, AB vatar uzunligini toping.

53.3. 3-rasmdagi ma’lumotlar asosida x bilan belgilangan kesmani toping (O – aylana markazi).

53.4. 4-rasmdan foydalanib, masalani yeching. Unda,
 a) $PC=5 \text{ dm}$, $OD=7 \text{ dm}$, $AB=2 \text{ dm}$, $PA=?$
 b) $PA=5 \text{ dm}$, $AB=4 \text{ dm}$, $PC=3 \text{ dm}$, $OD=?$


53.5. Aylananing $AB=7 \text{ cm}$ va $CD=5 \text{ cm}$ vatarlari P nuqtada kesishadi. Agar $CP:PD=2:3$ bo‘lsa, P nuqta AB vatarni qanday nisbatda bo‘ladi?

53.6. Aylanining C nuqtasidan AB diametrga CD perpendikular tushirilgan. Agar $AD=2 \text{ cm}$, $DB=18 \text{ cm}$ bo‘lsa, CD kesmani toping.


53.7*. Aylanaga ichki chizilgan $ABCD$ to‘rtburchakning diagonallari K nuqtada kesishadi. Agar $AB=2$, $BC=1$, $CD=3$ va $CK:KA=1:2$ bo‘lsa, AD kesmani toping.

53.8*. Aylanaga ichki chizilgan $ABCD$ to‘rtburchakda $AB:DC=1:2$ va $BD:AC=2:3$ bo‘lsa, $DA:BC$ nisbatni toping.


3




b)



c)



4



I. Testlar

- To'g'ri burchakli uchburchakning gipotenuzasiga tushirilgan balandligi haqida noto'g'ri tasdiqni ko'rsating:**
 - Katetlaridan kichik;
 - Uchburchakni ikkita o'xhash uchburchaklarga ajratadi;
 - Katetlarining gipotenuzadagi proyeksiyalari orasida o'rta proporsional;
 - Gipotenuzaning yarmiga teng.
- AB va CD vatarlar O nuqtada kesishadi. Noto'g'ri tasdiqni toping:**
 - $\angle DAB = \angle DCB$;
 - AOD va COB uchburchaklar o'xhash;
 - $AO \cdot OB = CO \cdot OD$;
 - $AO = CO$.
- To'g'ri tasdiqni toping:**
 - Teng kesmalarning proyeksiyalari ham teng bo'ladi;
 - Katta kesmaning proyeksiyasi katta bo'ladi;
 - Bir to'g'ri chiziqdagi teng kesmalarning proyeksiyalari teng bo'ladi;
 - Proyeksiya uzunligi proyeksiyanuvchi kesma uzunligiga teng bo'ladi.
- To'g'ri burchakli uchburchakning gipotenuzasiga tushirilgan balandlik uni ikkita uchburchakka ajratadi. Bu uchburchaklar:**
 - Teng;
 - Tengdosh;
 - O'xhash;
 - Teng yonli.
- Uzunligi a va b bo'lgan kesmalarning o'rta proporsionali nimaga teng?**
 - $a + b$;
 - \sqrt{ab} ;
 - $\frac{a+b}{2}$;
 - $a : b$.
- ABCD to'rburchak O markazli aylanaga ichki chizilgan. Noto'g'ri tasdiqni ko'rsating:**
 - $\Delta AOB \sim \Delta COD$;
 - $\angle A + \angle C = \angle B + \angle D$;
 - $AO \cdot OB = CO \cdot OD$;
 - $AB \cdot CD = BC \cdot AD$.


II. Masalalar.

- To'g'ri burchakli uchburchak katetlarining nisbati $3:4$ ga teng. Bu uchburchakning gipotenuzasi 50 cm . Uchburchakning to'g'ri burchagi uchidan tushirilgan balandligi gipotenuzadan qanday uzunlikdagi kesmalar ajratadi?
- Aylananing AB va CD vatarlari E nuqtada kesishadi. Agar $AE = 5\text{ cm}$, $BE = 2\text{ cm}$ va $EC = 2,5\text{ cm}$ bo'lса, ED ni toping.
- Radiusi 6 m bo'lgan aylananing markazidan 10 m uzoqlikda K nuqta olindi va K nuqtadan aylanaga urinma o'tkazildi. Urinmaning urinish nuqtasi P bilan K nuqta orasidagi masofani toping.
- ABC uchburchakda $\angle C = 90^\circ$ va CD balandlik $4,8\text{ dm}$. Agar $AD = 3,6\text{ dm}$ bo'lса, AB tomonni toping.
- Aylananing AB va CD vatarlari O nuqtada kesishadi. Agar $AO = 6$, $OB = 4$ va $CO = 3$ bo'lса, OD kesmani toping.

6. Aylanada A, B, C, D nuqtalar belgilangan, BA va CD nurlar O nuqtada kesishadi. Agar $OA=5$, $AB=4$, $OD=6$ bo'lsa, DC vatarni toping.
7. Aylanaga B nuqtada urinuvchi to'g'ri chiziq ustida A nuqta olindi. Agar $AB=12$ va A nuqtadan aylanagacha bo'lган eng qisqa masofa 8 bo'lsa, aylana radiusini toping.
8. Yarim aylanadagi C nuqtadan AB diametrغا tushirilgan CD perpendikular AB kesmada 4 va 9 ga teng kesmalar ajratadi. CD kesmani toping.
9. To'g'ri burchakli uchburchakning balandligi gipotenuzani $3\ dm$ va $12\ dm$ ga teng kesmalarga bo'ladi. Uchburchak yuzini toping.
10. Radiusi $5\ cm$ bo'lган O markazli aylananing AB vatarida D nuqta olingan. Agar $AD=2\ cm$, $DB=4,5\ cm$ bo'lsa, OD kesmani toping.
11. Radiusi $5\ m$ bo'lган O markazli aylanani A va B nuqtalarda kesuvchi to'g'ri chiziqda P nuqta olindi. Agar $PA=5\ m$, $AB=2,8\ m$ bo'lsa, OP masofani toping.
12. To'rtta parallel to'g'ri chiziq berilgan. Ular burchak tomonlarini A va A_1 , B va B_1 , C va C_1 hamda D va D_1 nuqtalarda kesadi. Bunda A, B, C, D nuqtalar burchakning bitta tomonida yotadi. Agar $AB=8$, $CD=12$ va $C_1D_1=9$ bo'lsa, A_1B_1 kesmani toping.
13. Aylana burchakka ichki chizilgan. Agar burchak uchidan aylanagacha bo'lган masofa radiusga teng bo'lsa, burchak kattaligini toping.
14. Aylanaga AB diametrning B uchidan BC urinma va AC kesuvchi o'tkazilgan. AC aylana bilan D nuqtada kesishadi. Agar $AD=DC$ bo'lsa, CBD burchakni toping.
15. To'g'ri burchakli uchburchakning katetlari nisbati $2:3$ kabi. Uchburchakning gipotenuzasiga tushirilgan balandlik uni ikkita uchburchakka bo'ladi. Ular yuzlarining nisbatini toping.

III. O'zingizni sinab ko'ring (namunaviy nazorat ishi)

1. Aylana tashqarisidagi nuqtadan aylanaga urinma o'tkazilgan. Bu nuqtadan aylanagacha bo'lган eng qisqa masofa $2\ cm$ ga, urinish nuqtasigacha bo'lган masofa esa $6\ cm$ ga teng. Aylananing radiusini toping.
2. ΔABC to'g'ri burchakli, $AD=9\ dm$, $DC=16\ dm$ bo'lsa, shu uchburchakka ichki chizilgan aylana radiusini hisoblang.(1-rasm)
3. Nuqtadan to'g'ri chiziqqa ikkita og'ma o'tkazilgan. Agar og'malar $1:2$ nisbatda bo'lib, ularning proyeksiyalari $1\ m$ va $7\ m$ bo'lsa, og'malarning uzunliklarini toping.
- 4.* (Qo'shimcha masala) PQ va undan uzun ET kesmalar berilgan. Shunday $ABCD$ to'rtburchak yasangki, $AB=BC=PQ$; $BD=ET$



bo‘lib, diagonallari kesishadigan O nuqta uchun $AO \cdot OC = BO \cdot OD$ tenglik o‘rinli bo‘lsin.





Qiziqarli masala

Uchburchak 2-a rasmida ko‘rsatilganidek qilib to‘rtta bo‘lakka bo‘lingan va 2-b rasmida ko‘rsatilganidek qilib qayta yig‘ilgan. Ayting-chi, ortiqcha kvadrat qayerdan paydo bo‘lib qoldi?


Yunon xochi

Eramizdan avvalgi 500-yillarda paydo bo‘lgan bu shaklni (3-rasm) hayotning ramzi sifatida non ustiga chizganlar.

Bu shaklni qalin qog‘ozga chizib olib, uni rasmida ko‘rsatilgan chiziqlar bo‘ylab qirqing. Hosil bo‘lgan bo‘laklardan kvadrat yasash mumkinligiga ishonch hosil qiling.



1



1. $ABCD$ parallelogrammda $\angle A = 45^\circ$, $AD = 4$. Parallelogramm AB tomonining davomiga $\angle PDA = 90^\circ$ ga teng bo‘ladigan BP kesma qo‘yildi. BC va PD kesmalar T nuqtada kesishadi, bunda $PT : TD = 3 : 1$.
- $\Delta BPT \sim \Delta CDT$ ekanligini isbotlang, bu uchburchaklar yuzlari nisbatini toping.
 - $ABCD$ parallelogramm yuzini toping.
 - AB va TD kesmalarning o‘rtalarini tutashtiruvchi kesmaning uzunligini toping.
 - \overline{AB} vektorni \overline{CA} va \overline{TB} vektorlar orqali ifodalang.
 - CAD burchakning sinusini toping.
2. (*Qo‘sishimcha*) 1-rasmda $BC \perp AC$, $MH \perp BC$, $2MC = BC$, $MH = 0,5AC$ bo‘lsa, $AB \parallel CH$ ekanligini isbotlang.


II. Nazorat ishi uchun namunaviy testlar

- Agar to‘g‘ri burchakli uchburchakning balandligi gipotenuzasini 6 cm va 54 cm kesmalarga ajratsa, bu uchburchakning yuzini toping:
A) 648 cm^2 ; B) 324 cm^2 ; D) 1080 cm^2 ; E) 540 cm^2 .
- C nuqtadan o‘tkazilgan bir kesuvchi aylanani A va B , ikkinchisi esa D va E nuqtalarda kesadi. Agar $CA = 18\text{ cm}$, $CB = 8\text{ cm}$, $CD = 8\text{ cm}$ bo‘lsa, DE kesma uzunligini toping:
A) 17 cm ; B) 1 cm ; D) 9 cm ; E) to‘g‘ri javob ko‘rsatilmagan.
- Agar $A(-5; 2\sqrt{3})$, $B(-4; 2)$, $C(-2; \sqrt{3})$, $D(0; 2)$ bo‘lsa, $ABCD$ to‘rburchakning diagonallari orasidagi burchakni toping:
A) 30° ; B) 60° ; D) 90° ; E) to‘g‘ri javob ko‘rsatilmagan.
- Agar parallelogrammning diagonallari 10 cm va $8\sqrt{2}\text{ cm}$ ga teng va ular orasidagi burchak 45° bo‘lsa, parallelogrammning tomonlarini toping:
A) $\sqrt{17}\text{ cm}$ va $\sqrt{97}\text{ cm}$; B) 5 cm va 6 cm ;
D) $\sqrt{34}\text{ cm}$ va $\sqrt{63}\text{ cm}$; E) to‘g‘ri javob ko‘rsatilmagan.
- Radiusi 8 cm bo‘lgan aylanaga ichki chizilgan muntazam oltiburchakning yuzini toping:
A) $48\sqrt{3}\text{ cm}^2$; B) $192\sqrt{3}\text{ cm}^2$; D) $96\sqrt{2}\text{ cm}^2$; E) to‘g‘ri javob yo‘q.
- Markaziy burchagi 140° , yuzi $31,5\pi\text{ cm}^2$ bo‘lgan doiraviy sektorning radiusini aniqlang:

- A) 9 cm ; B) 18 cm ; D) $9\pi \text{ cm}$; E) to‘g‘ri javob ko‘rsatilmagan.
7. Asosining uzunligi 15 cm bo‘lgan uchburchak asosiga parallel kesmao‘tkazilgan. Agar hosil bo‘lgan trapetsiyaning yuzi uchburchak yuzining $\frac{3}{4}$ qismini tashkil qilishi ma’lum bo‘lsa, kesmaning uzunligini toping:
A) 6,5; B) 7; D) 7,5; E) 5.
8. Yon tomoni $2\sqrt{39} \text{ cm}$ bo‘lgan teng yonli uchburchak balandligining asosiga nisbati $3:4$ ga teng bo‘lsa, uchburchakning yuzini toping:
A) 260; B) 245; D) 310; E) 72.
9. $\bar{a}(4; 4\sqrt{3})$ va $\bar{b}(8\sqrt{3}; 8)$ vektorlar orasidagi burchakni toping:
A) 45° ; B) 90° ; D) 30° ; E) 60° .
10. Teng yonli trapetsiyaning asoslari 10 cm va 16 cm , yon tomoni esa 5 cm . Trapetsiyaning yuzini toping:
A) 45; B) 50; D) 48; E) 52.
11. To‘g‘ri burchakli uchburchakning gipotenuzasi 13 cm bo‘lib, katetlaridan biri ikkinchisidan 7 cm katta. Uchburchakning yuzini toping:
A) 30 cm^2 ; B) 25 cm^2 ; D) 45 cm^2 ; E) 40 cm^2 .
12. Tomoni 5 cm bo‘lgan rombning bitta diagonali 6 cm ga teng. Rombning yuzini toping:
A) 24 cm^2 ; B) 30 cm^2 ; D) 29 cm^2 ; E) 40 cm^2 .
13. Diagonali $6\sqrt{2} \text{ cm}$ bo‘lgan kvadratga ichki chizilgan aylana uzunligini toping:
A) 10π ; B) 8π ; D) 9π ; E) 6π .
14. Tomoni $6\sqrt{2} \text{ cm}$ bo‘lgan kvadratga tashqi chizilgan doira yuzini toping:
A) 9π ; B) 12π ; D) 15π ; E) 18π .
15. Balandliklari 4 cm va 6 cm bo‘lgan parallelogramm yuzi 36 cm^2 ga teng. Uning perimetrini toping:
A) 26 cm ; B) 30 cm ; D) 29 cm ; E) 36 cm .
16. Perimetri 30 cm bo‘lgan parallelogrammning tomonlari $2:3$ nisbatda. Agar parallelogrammning o‘tkir burchagi 30° bo‘lsa, uning yuzini toping:
A) 26 cm^2 ; B) 27 cm^2 ; D) 29 cm^2 ; E) 30 cm^2 .
17. Agar ABC uchburchakda $AB=6\sqrt{3} \text{ cm}$, $BC=12 \text{ cm}$ va $\angle C=60^\circ$ bo‘lsa, uchburchakning A burchagini toping:
A) 45° ; B) 90° ; D) 30° ; E) 60° .

1

UCHBURCHAKLAR



1°. Asosiy tushunchalar

Tekislikda bir to‘g‘ri chiziqda yotmagan uchta nuqta berilgan bo‘lsin. Shu nuqtalarning har ikkitasini kesmalar bilan tutashtiramiz. Hosil bo‘lgan shakl *uchburchak* deyiladi. Nuqtalar uchburchakning *uchlari*, kesmalar esa *tomonlari* deyiladi. Belgilanishi: A , B , C – uchlар, a , b , c – tomonlar (1-rasm).

Uchburchak uchta ichki burchakka ega: $\angle BAC$, $\angle CBA$, $\angle ACB$. Belgilanishi: α , β , γ .

Mediana – uchburchak uchini uning qarshisidagi tomon o‘rtasi bilan tutashtiruvchi kesma. Uchburchakda 3 ta mediana bo‘lib, ular m_a , m_b , m_c kabi belgilanadi.

Bissektrisa – uchburchak uchini uning qarshisidagi tomon bilan tutashtiruvchi va shu uchdagи burchak bissektrisasida yotuvchi kesma. Uchburchakda uchta bissektrisa bo‘lib, ular l_a , l_b , l_c kabi belgilanadi.

Balandlik – uchburchak uchidan uning qarshisidagi tomon yotgan to‘g‘ri chiziqqa tushirilgan perpendikular.

Uchburchakda uchta balandlik bo‘lib, ular h_a , h_b , h_c kabi belgilanadi.

O‘rta chiziq – ikki tomon o‘rtalarini tutashtiruvchi kesma.

O‘rta chiziqlar soni ham 3 ta.

Perimetр – uchala tomon uzunliklari yig‘indisi. Belgilanishi: P .

Uchburchaklar tomonlariga qarab uch turga ajratiladi:

- teng tomonli ($a=b=c$);
- teng yonli (a , b , c larning qaysidir ikkisi teng);
- turli tomonli (a , b , c larning hech qaysi ikkisi teng emas).

Uchburchakning uchala tomoniga urinib o‘tuvchi aylana unga ichki chizilgan *aylana* deyiladi (bunday aylana mavjud va yagona). Ichki chizilgan aylana radiusi r orqali belgilanadi.

Uchburchakning uchala uchidan o‘tuvchi aylana unga *tashqi chizilgan aylana* deyiladi va uning radiusi R orqali belgilanadi (bunday aylana mavjud va yagona).

2°. Asosiy munosabatlar

1) $\alpha + \beta + \gamma = 180^\circ$. Uchburchak ichki burchaklari yig‘indisi 180° ga teng.

2) Uchala mediana bir nuqtada kesishadi. Bu nuqta medianani 2:1 nisbatda bo‘ladi.

Mediana uchburchakni ikkita yuzlari teng uchburchaklarga ajratadi. Medianalar

$$\text{uzunliklari } m_a = \frac{1}{2}\sqrt{2b^2 + 2c^2 - a^2}; \quad m_b = \frac{1}{2}\sqrt{2a^2 + 2c^2 - b^2}; \quad m_c = \frac{1}{2}\sqrt{2a^2 + 2b^2 - c^2}$$

formulalardan topiladi.

3) Uchala bissektrisa bir nuqtada kesishadi. Bu nuqta ichki chizilgan aylana markazi bo‘ladi. Bissektrisa o‘zi tushirilgan tomonni qolgan tomonlarga proporsional bo‘laklarga ajratadi (2-rasm).

BD bissektrisa bo‘lsa, $\frac{AB}{AD} = \frac{BC}{DC}$.

$$l_a = \frac{2\sqrt{bc}}{b+c} \sqrt{p(p-a)}; \quad l_b = \frac{2\sqrt{ac}}{a+c} \sqrt{p(p-b)};$$

$$l_c = \frac{2\sqrt{ab}}{a+b} \sqrt{p(p-c)}, \quad p = (a+b+c)$$

Bissektrisa uzunliklarini ushbu formulalardan topish mumkin.

4) Uchburchak balandliklari yoki ularning davomlari bir nuqtada kesishadi.

Balandlik uzunliklarini

$$h_a = \frac{2S}{a}; \quad h_b = \frac{2S}{b}; \quad h_c = \frac{2S}{c}$$

formulalardan topish mumkin. Bu yerda

S — uchburchak yuzi.

5) Uchburchak tomonlarining o'rta perpendikulari bir nuqtada kesishadi. Bu nuqta uchburchakka *tashqi chizilgan aylana markazi* bo'ladi.

6) Uchburchakning o'rta chizig'i uchinchi tomonga parallel va uning yarmiga teng.

7) Sinuslar teoremasi:

$$\frac{a}{\sin\alpha} = \frac{b}{\sin\beta} = \frac{c}{\sin\gamma} = 2R.$$

8) Kosinuslar teoremasi:

$$a^2 = b^2 + c^2 - 2bc \cos\alpha, \quad b^2 = a^2 + c^2 - 2ac \cos\beta, \quad c^2 = a^2 + b^2 - 2ab \cos\gamma$$

9. Uchburchak yuzini hisoblash formulalari:

$$S = \frac{1}{2}ah_a = \frac{1}{2}bh_b = \frac{1}{2}ch_c; \quad S = \frac{1}{2}abs\infty\gamma = \frac{1}{2}bcs\infty\alpha = \frac{1}{2}acs\infty\beta;$$

10. Geron formulasi:

$$S = \sqrt{p(p-a)(p-b)(p-c)}, \quad p = \frac{a+b+c}{2}; \quad S = \frac{abc}{4R}, \quad S = pr.$$

3°. Muhim xususiy hollar

a) *To'g'ri burchakli uchburchak* (3-rasm).

$\angle\gamma = 90^\circ$, $\alpha + \beta = 90^\circ$, AC va BC — katetlar, AB — gipotenuza. Pifagor teoremasi: $a^2 + b^2 = c^2$.



$$S = \frac{1}{2}ab; \quad R = \frac{c}{2}; \quad r = \frac{a+b+c}{2};$$

$$\frac{a}{c} = \sin\alpha; \quad \frac{a}{c} = \cos\beta; \quad \frac{b}{c} = \sin\beta; \quad \frac{b}{c} = \cos\alpha.$$


$$\frac{a}{b} = \operatorname{tg}\alpha; \quad \frac{a}{b} = \operatorname{ctg}\beta; \quad \frac{b}{a} = \operatorname{ctg}\alpha; \quad \frac{b}{a} = \operatorname{tg}\beta.$$

b) *Teng tomonli uchburchak*

$$\alpha = \beta = \gamma = 60^\circ, \quad S = \frac{a^2\sqrt{3}}{4}, \quad r = \frac{a\sqrt{3}}{6}, \quad R = \frac{a\sqrt{3}}{3}.$$



TO'RTBURCHAKLAR



1°. Parallelogramm

Qarama-qarshi tomonlari parallel bo'lgan to'rtburchak *parallelogramm* deyiladi (*1-rasm*).

Qo'shni bo'limgan uchlarni tutashtiruvchi kesma *diagonal* deyiladi.

AB va CD ; AD va BC parallel tomonlar;
 BD va AC diagonallar.

Asosiy xossalar va munosabatlar

- 1) Diagonallar kesishish nuqtasi parallelogrammning simmetriya markazi bo'ladi.
- 2) Qarama-qarshi tomonlarning uzunliklari o'zaro teng:

$$AB = CD \text{ va } AD = BC.$$

- 3) Parallelogrammning qarama-qarshi burchaklari o'zaro teng:

$$\angle BAD = \angle BCD \text{ va } \angle ABC = \angle ADC.$$

- 4) Qo'shni burchaklar yig'indisi 180° ga teng.

- 5) Diagonallar kesishish nuqtasida teng ikkiga bo'linadi: $BO = OD$ va $AO = OC$

- 6) Tomonlari kvadratlarining yig'indisi diagonallari kvadratlarining yig'indisiga teng:

$$AB^2 + BC^2 + CD^2 + DA^2 = AC^2 + BD^2 \text{ yoki } 2(AB^2 + BC^2) = AC^2 + BD^2.$$

- 7) Parallelogramm yuzi: a) $S = ah_a$, bu yerda: $a = AD$ tomon, $h_a = BK$ — balandlik; b) $S = ab \sin \alpha$, bu yerda: $b = AB$ — tomon, $\alpha = \angle BAD$ — AB va AD tomonlar orasidagi burchak.

2°. Romb

Barcha tomonlari o'zaro teng bo'lgan parallelogramm *romb* deyiladi.

Parallelogramm uchun o'rini bo'lgan barcha xossalari romb uchun ham o'rini.

Rombning qo'shimcha xossalari.

- 1) Romb diagonallari o'zaro perpendikular.

- 2) Romb diagonallari ichki burchaklarning bissektrisalari bo'ladi.

- 3) Romb yuzi $S = \frac{1}{2}d_1 d_2$, bu yerda: d_1 , d_2 — romb diagonallari.

3°. To'g'ri to'rtburchak

Barcha burchaklari 90° ga teng bo'lgan parallelogramm *to'g'ri to'rtburchak* deyiladi.

- 1) To'g'ri to'rtburchak diagonallari o'zaro teng.

- 2) To'g'ri to'rtburchak yuzi $S = ab$, bu yerda: a va b — to'g'ri to'rtburchakning qo'shni tomonlari.

4°. Kvadrat

Barcha tomonlari o'zaro teng bo'lgan to'g'ri to'rtburchak *kvadrat* deyiladi.

Romb va to'g'ri to'rtburchaklar uchun o'rini bo'lgan barcha xossalari kvadrat uchun ham o'rini.

Agar a — kvadrat tomoni, d esa diagonali bo'lsa: $S = a^2$; $S = \frac{d^2}{2}$; $d = a\sqrt{2}$.

5°. Trapetsiya

Asoslar deb ataluvchi ikki tomoni o'zaro parallel va yon tomonlar deb ataluvchi, qolgan ikki tomoni esa parallel bo'limgan to'rtburchak trapetsiya deyiladi.

Yon tomonlar o'rtalarini tutashtiruvchi kesma trapetsiyaning o'rta chizig'i deyiladi.

Asosiy xossalari

1) Trapetsiya o'rta chizig'i asoslarga parallel va asoslar yig'indisining yarmiga teng bo'ladi.

2) Trapetsiya yuzi $S = \frac{a+b}{2} h$, bu yerda a va b – asoslar, h esa balandlik (2-rasm).

AYLANA, DOIRA

1°. Musbat son R va tekislikda O nuqta berilgan bo'lsin. O nuqtadan R masofada joylashgan nuqtalardan tashkil topgan shakl aylana deyiladi. O nuqta aylana markazi, markaz bilan aylanadagi nuqtani tutashtiruvchi kesma radius, R son esa radius uzunligi deyiladi. Aylanadagi ikki nuqtani tutashtiruvchi kesma vatar, markazdan o'tuvchi vatar esa diametr deyiladi.

Tekislikning aylana bilan chegaralangan chekli qismi doira deb ataladi.

Asosiy munosabatlar

1) $D=2R$, bu yerda: D – diametr uzunligi.

2) $l=2\pi R$ – aylana uzunligi.

3) $S=\pi R^2$ – doira yuzi.

4) AB va CD vatarlar K nuqtada kesishsa (3-rasm), $AK \cdot KB = CK \cdot KD$ munosabat bajariladi.

5) Vatarni teng ikkiga bo'lувчи diametr shu vatarga perpendikulardir.

6) Teng vatarlar markazdan teng masofalarda joylashgan va aksincha, markazdan teng masofada joylashgan vatarlar o'zaro teng.

2°. Urinma

Aylana (yoki doira) bilan yagona umumiy nuqtaga ega bo'lган to'g'ri chiziq urinma deyiladi. Nuqta esa urinish nuqtasi deyiladi (4-rasm).




Aylana bilan 2 ta umumiy nuqtaga ega bo'lган to'g'ri chiziq kesuvchi deb ataladi.

Urinmaning xossalari


1) Urinish nuqtasiga o'tkazilgan radius urinmaga perpendikulardir.

2) Doira tashqarisidagi nuqtadan shu doiraga ikkita urinma o'tkazish mumkin. Bu urinmalarning kesmalari o'zaro teng (5-rasm): $AB=AC$.


3) Agar AC kesuvchi bo'lib, aylanani C va D nuqtalarda kesib o'tsa, AB esa urinma bo'lsa, $AB^2=AD \cdot AC$ tenglik o'rinnli (6-rasm).



5



6



3°. Markaziy va ichki chizilgan burchaklar


Aylanadagi ikki nuqta yordamida aylanaga ikki bo'lakka ajraladi. Bu bo'laklar *yoylar* deb ataladi. Belgilanishi: ADB ; ACB .

AOB burchak ADB yoga tiralgan *markaziy burchak* (7-rasm), ACB burchak esa ADB yoga tiralgan va aylanaga *ichki chizilgan burchak* deyiladi. Bu burchaklar orasida

$$\angle ACB = \frac{1}{2} \angle AOB$$

munosabat o'rinli.

7



Xususan, yarim aylanaga tiralgan ichki burchak to'g'ri burchak bo'ladi (8-rasm). Bitta yoga tiralgan aylanaga ichki chizilgan burchaklar o'zaro teng bo'ladi.

4°. Sektor va segment


Doiraning ikki radius bilan chegaralangan bo'lagi *sektor* deyiladi (9-rasm). Sektor yoyining uzunligi:

$$l = \frac{\pi R \alpha}{180^\circ}, \text{ bu yerda } \alpha - \text{markaziy burchakning gradus o'lchovi.}$$


$$\text{Sektor yuzi: } S = \frac{\pi R^2 \alpha}{360^\circ}; S = \frac{1}{2} R l.$$

Segment — doiraning vatar va shu vatar tiralgan yoy bilan chegaralangan bo'lagi (10-rasm).


8



9



10



$$\text{Segment yuzi: } S = S_{\text{sektor}} \pm S_{\Delta} = \frac{\pi R^2}{360^\circ} \cdot \alpha \pm \frac{1}{2} R^2 \sin \alpha$$


MUNTAZAM KO'PBURCHAKLAR

Muntazam n burchakning tomoni a_n , perimetri P_n , yuzi S_n , ichki chizilgan aylana radiusi r_n , tashqi chizilgan aylana radiusi R_n , ichki burchagi α_n bo'lsa,

$$P_n = n a_n, \quad S_n = \frac{1}{2} P_n r_n = \frac{1}{2} n a_n r_n, \quad \alpha_n = \frac{(n-2) \cdot 180^\circ}{n}$$

$$R_n = \frac{a_n}{2 \sin \frac{180^\circ}{n}}, \quad r_n = \frac{a_n}{2 \operatorname{tg} \frac{180^\circ}{n}}$$

Aylanaga tashqi va ichki chizilgan to'rtburchaklar (11- rasm).



10 dan 99 gacha bo'lgan natural sonlar kvadratlarining jadvali

<i>o'nlik birlik</i>	1	2	3	4	5	6	7	8	9
0	100	400	900	1600	2500	3600	4900	6400	8100
1	121	441	961	1681	2601	3721	5041	6561	8281
2	144	484	1024	1764	2704	3844	5184	6724	8464
3	169	529	1089	1849	2809	3969	5329	6889	8649
4	196	576	1156	1936	2916	4036	5476	7056	8836
5	225	625	1225	2025	3025	4225	5625	7225	9025
6	256	676	1296	2116	3136	4356	5776	7396	9216
7	289	729	1369	2209	3249	4489	5929	7569	9409
8	324	784	1444	2304	3364	4624	6084	7744	9604
9	361	841	1521	2401	3481	4761	6241	7921	9801

Ayrim kattaliklar jadvali

$\pi \approx 3,1416$	$\sqrt{8} \approx 2,8284$
$\sqrt{2} \approx 1,4142$	$\sqrt{10} \approx 3,1623$
$\sqrt{3} \approx 1,7320$	$\frac{1}{\sqrt{2}} \approx 0,7071$
$\sqrt{5} \approx 2,2360$	$\frac{1}{\sqrt{3}} \approx 0,5774$
$\sqrt{6} \approx 2,4495$	$\frac{1}{\sqrt{\pi}} \approx 0,3183$
$\sqrt{7} \approx 2,6457$	

Trigonometrik funksiyalar qiyomatlarining jadvali

α°	sin α	cos α	tg α	ctg α	α°	sin α	cos α	tg α	ctg α
1	0,0175	1,000	0,0175	57,3	46	0,719	0,695	1,036	0,966
2	0,0349	0,999	0,0349	28,6	47	0,731	0,682	1,072	0,933
3	0,0523	0,999	0,0524	19,1	48	0,743	0,669	1,111	0,900
4	0,0698	0,998	0,0699	14,3	49	0,755	0,656	1,150	0,869
5	0,0872	0,996	0,0875	11,4	50	0,766	0,643	1,192	0,839
6	0,1045	0,995	0,1051	9,51	51	0,777	0,629	1,235	0,810
7	0,1219	0,993	0,1228	8,14	52	0,788	0,616	1,280	0,781
8	0,139	0,990	0,141	7,11	53	0,799	0,602	1,327	0,754
9	0,156	0,988	0,158	6,31	54	0,809	0,588	1,376	0,727
10	0,174	0,985	0,176	5,67	55	0,819	0,574	1,428	0,700
11	0,191	0,982	0,194	5,145	56	0,829	0,559	1,483	0,675
12	0,208	0,978	0,213	4,507	57	0,839	0,545	1,540	0,649
13	0,225	0,974	0,231	4,331	58	0,848	0,530	1,600	0,625
14	0,242	0,970	0,249	4,011	59	0,857	0,515	1,664	0,601
15	0,259	0,966	0,268	3,732	60	0,866	0,500	1,732	0,577
16	0,276	0,961	0,287	3,487	61	0,875	0,485	1,804	0,554
17	0,292	0,956	0,306	3,271	62	0,883	0,469	1,881	0,532
18	0,309	0,951	0,325	3,078	63	0,891	0,454	1,963	0,510
19	0,326	0,946	0,344	2,904	64	0,899	0,438	2,050	0,488
20	0,342	0,940	0,364	2,747	65	0,906	0,423	2,145	0,466
21	0,358	0,934	0,384	2,605	66	0,914	0,405	2,246	0,445
22	0,375	0,927	0,404	2,475	67	0,921	0,391	2,356	0,424
23	0,391	0,921	0,424	2,356	68	0,927	0,375	2,475	0,404
24	0,405	0,914	0,445	2,246	69	0,934	0,358	2,605	0,384
25	0,423	0,906	0,466	2,145	70	0,940	0,342	2,747	0,364
26	0,438	0,899	0,488	2,050	71	0,946	0,326	2,904	0,344
27	0,454	0,891	0,510	1,963	72	0,951	0,309	3,078	0,325
28	0,469	0,883	0,532	1,881	73	0,956	0,292	3,271	0,306
29	0,485	0,875	0,554	1,804	74	0,961	0,276	3,487	0,287
30	0,500	0,866	0,577	1,732	75	0,966	0,259	3,732	0,268
31	0,515	0,857	0,601	1,664	76	0,970	0,242	4,011	0,249
32	0,530	0,848	0,625	1,600	77	0,974	0,225	4,331	0,231
33	0,545	0,839	0,649	1,540	78	0,978	0,208	4,507	0,213
34	0,559	0,829	0,675	1,483	79	0,982	0,191	5,145	0,194
35	0,574	0,819	0,700	1,428	80	0,985	0,174	5,67	0,176
36	0,588	0,809	0,727	1,376	81	0,988	0,156	6,31	0,158
37	0,602	0,799	0,754	1,327	82	0,990	0,139	7,11	0,141
38	0,616	0,788	0,781	1,280	83	0,993	0,1219	8,14	0,1228
39	0,629	0,777	0,810	1,235	84	0,995	0,1045	9,51	0,1051
40	0,643	0,766	0,839	1,192	85	0,996	0,0872	11,4	0,0875
41	0,656	0,755	0,869	1,150	86	0,998	0,0698	14,3	0,0699
42	0,669	0,743	0,900	1,111	87	0,999	0,0523	19,1	0,0524
43	0,682	0,731	0,933	1,072	88	0,999	0,0349	28,6	0,0349
44	0,695	0,719	0,966	1,036	89	1,000	0,0175	57,3	0,0175
45	0,707	0,707	1,000	1,000	90	1,000	0,0000	-	0,0000

JAVOBLAR VA KO'RSATMALAR

- 1-mavzu.** 5. $50^\circ; 130^\circ; 133^\circ; 97^\circ$. 6. $65^\circ; 70^\circ; 45^\circ$. 7. $105^\circ; 130^\circ; 125^\circ$. 8. $35^\circ; 35^\circ; 110^\circ$. 9. $94^\circ; 56^\circ; 30^\circ$. 10. $110^\circ; 130^\circ; 120^\circ$. 11. Ko'rsatma: to'rtta uchburchakning har birining tomonlari dastlabki uchburchakning mos tomonlarining yarmiga teng. 12. Ko'rsatma: DF kesma ABH uchburchakning ham, CEB uchburchakning ham o'rta chizig'i bo'ladi. 13. Ko'rsatma: ANC va CKA uchburchaklarning hamda ichki almashinuchi burchaklarning tengligidan foydalaning.
- 2-mavzu.** 2. a) $\sqrt{34}$ yoki $\approx 5,8 \text{ cm}$; b) $14\sqrt{2} \text{ m}$; c) $\approx 21,5 \text{ cm}$; d) $\frac{\sqrt{5}}{2} \text{ cm}$; e) $\sqrt{2} \text{ cm}$; f) $\sqrt{13} \text{ cm}$.
4. a) $\sqrt{21} \text{ cm}$, $\sqrt{5} \text{ cm}$; b) $\sqrt{21} \text{ cm}, \sqrt{22} \text{ cm}$; c) $\sqrt{2} \text{ cm}$, $\sqrt{3} \text{ cm}$. 5. 12 cm. 6. a) $\sqrt{10} \text{ cm}$; b) $2\sqrt{5} \text{ cm}$; c) $\sqrt{33} \text{ m}$. 8. b), e) va. f) 9. hammasi. 10. 225. 11. 5 cm.
12. $\sqrt{27} \text{ m}$. 14. b) $\approx 4,3 \text{ m}$; c). $\approx 2,23$. 15. a) $8,62 \text{ m}$; b) $\approx 5,97 \text{ m}$.
16. $\approx 1,84 \text{ m}^2$. 17. $\approx 105,6 \text{ m}$. 18. $\approx 102,5 \text{ km}$. 19. $\approx 48,4 \text{ km}$.
- 3-mavzu.** 1. a) $11,7 \text{ m}$; b) 35 mm ; c) $6,2 \text{ km}$; d) 172 cm ; e) $4(x-1) \text{ cm}$; f) $(4x+2) \text{ m}$; g) $(13x+2) \text{ km}$; h) $(6y-8) \text{ cm}$; i) $8x \text{ km}$. 2. a). $\approx 7,967 \text{ cm}$; b) $\approx 44,329 \text{ m}$; c) $\approx 409,86 \text{ mm}$. 3. a) Ha; b) Yo'q; c) Ha; d) Ha. 4. $0,8 \text{ m}$; $24,64 \text{ m}^2$; $21,12 \text{ m}^2$. 5. ≈ 50 marta. 7. $17,5 \text{ cm}$; $10,5 \text{ cm}$; $38,1 \text{ cm}$; $59,1 \text{ cm}$. 8. $91,5 \text{ m}$.
- 4-mavzu.** 1. c. 2. a) C; b) A ; 3. 8 ta, $2,4 \text{ m}$. 5. $\approx 53,4 \text{ m}$. 6. $\approx 19,25 \text{ m}^2$. 9. 12 ta 10. Birinchisida . 11. 80 ta. 12. 7 dm^2 . 14. a) 180 dm^3 ; b) 105 cm^3 c) 1364 cm^3 .
15. $1,8 \text{ m}^3$. 16. a) 22 cm ; b) 20 cm va 24 cm^2 ; c) 96 cm^3 . 20. a) $4\sqrt{2}$; b) $2\sqrt{21}$; c) $h=2\sqrt{7}$. 21. a) $(384+80\sqrt{5}) \text{ cm}^2$, 640 cm^3 ; b) 84 cm^2 , 36 cm^3 .
c) $(12\sqrt{34}+156)\text{m}^2$, 180 m^3 . d) $36564+306\sqrt{97} \text{ cm}^2$, 404838 cm^3 .
- 6-mavzu.** 2. Uchburchaklar o'xshash. 4. 5; $8; \frac{1}{2}$. 5. 72; 162; 90.
- 7-mavzu.** 3. 12 m . 4. $7,5 \text{ cm}$; $12,5 \text{ cm}$; 15 cm . 6. $73,5 \text{ m}^2$; $37,5 \text{ m}^2$. 7. Uchburchaklar o'xshash.
- 8-mavzu.** 3. a) 4,5; b) 10,5; c) 4,5. 4. a) 10; b) 6; c) 4,5. 5. a) 5 cm , $3,5 \text{ cm}$; b) $5\frac{5}{7} \text{ cm}$, $2\frac{2}{7} \text{ cm}$. 6. a) 8; b) 3,5; c) 12,5. 8. 12 cm .
- 9-mavzu.** 3. a) ha; b) yo'q; c) yo'q. 4. $2\frac{1}{3} \text{ cm}$, 9. 5. a) 15 cm ; 20 cm ; b) 24 cm ; 18 cm ; c) 144 cm^2 ; 256 cm^2 .
- 10-mavzu.** 2. ha. 3. a) va c); d) va e). 4. 108 cm^2 . 5. 4 cm ; 6 cm . 7. $4,8 \text{ cm}$. 9. 12.
- 11-mavzu.** 1. a) va d); b) va e); g) va f). 2. 36 m yoki $20,25 \text{ m}$. 3. 12 cm ; 14 cm . 5. $5\frac{5}{11} \text{ cm}$.
7. 4 m . 8. 16 m 9. $8,4 \text{ m}$.
- 12-mavzu.** 3. a) 15; b) $3\frac{2}{11}$; c) $3\frac{5}{17}$ 4. 18 cm ; 6 cm . 5. 29 dm^2 . 6. 6 dm . 7. m:n. 10. Ha .
- 13-mavzu.** 1. $3\frac{3}{17} \text{ m}$; $13,6 \text{ cm}$. 7. n:m. 8. a) S:4; b) S:2; c) S:4. 9. 30. 10. 57,75.
- 14-mavzu.** II. 1. 12 cm^2 . 2. 8,4. 3. 2,4. 4. 24. 5. 8. 6. 1,6. 7. 18 mm . 8. a)4; b)10; c)32.
9. Ha.Uchburchaklar o'xshashligining 2-alomatigako'ra. 10. 16. 11. Ha, k=2.
12. 24 mm . 13. a) 36 cm^2 ; b) 54 mm^2 . 14. a) ; b) . 15. a) 7; b) 7. 16. 6m. 17. 12 m .

15-mavzu. 1. a)(1;-1); b)(-2;3); c)(0;-4). 2. (-1;5). 4.(0;-3). 5. (-1;-8). 6. Ha. 7. Yo‘q.
8. BB_1 ga.

16-mavzu. 1. a) Ox o‘qiga nisbatan simmetriyada: (1;-2), (0;-2), (2;-2). b) Oy o‘qiga nisbatan simmetriyada: (-1;2), (0;2), (-2;2). 2. Ox o‘qiga nisbatan. 4. Mos ravishda: 2ta, 4ta, 2ta, 1ta, 1ta. 8. BOB, MUM

17-mavzu. 1. (8;3). 3. (2;-5), (-2;-2), (6;-12). 6. To‘g‘ri to‘rtburchak, kvadrat, parallelogrammning simmetriya markazi - diagnallari kesishish nuqtasida, to‘g‘ri chiziqning simmetriya markazi - uning ixtiyoriy nuqtasida.

12. a) o‘qqa nisbatan simmetriya (bitta).
b) markaziy simmetriya, o‘qqa nisbatan simmetriya (4ta).
c) markaziy simmetriya.
d) o‘qqa nisbatan simmetriya (5ta).
e) markaziy simmetriya, o‘qqa nisbatan simmetriya (6ta)

13. a) o‘qqa nisbatan simmetriya:

M, X, V, T, Y, V, W, D, B, H, K, C, I, E, A. b) markaziy simmetriya:
N, S, Z, X, H, I.

14. a) 180° ga; b) Yo‘q; c) Yo‘q; d) 90° ga; e) Yo‘q; f) 120° ga.

15. a) $\frac{360}{7}$; b) 60° ; c) 360° . 17. 15

18-mavzu. 5. 1 km 750 m. 8. 7,2 cm. 9. $k=\frac{1}{2}$ yoki $k=2$.

19-mavzu. 4. $k=2$. 5. 6 cm^2 ; 24 cm^2 . 6. 104 cm^2 . 7. Har ikki holda $k=1$. 8. $1,2 \text{ m}^2$. 9. 16 cm , 32 cm .

20-mavzu. 4. $\frac{2}{3}; \frac{4}{9}$. 5. X_1X va Y_1Y nurlarning kesishish nuqtasi gomotetiya markazidir.

6. $OX_1=2\cdot OX$. 7. Ko‘rsatma: Mavzuda yechilgan masaladan foydalaning.

21-mavzu. 4. a) $P_2=42$; $k=\frac{1}{2}$; b) $S_1=12$, $k=2$; d) $P_1=150\sqrt{2}$, $k=\sqrt{2}$; e) $P_1=10$, $S_2=216$.

22-mavzu. 1. $\approx 6,94 \text{ m}$. 2. 300 m . 3. $\approx 72 \text{ m}$. 4. $6,6 \text{ m}$.

23-mavzu. 1. 9. 2. $P_2=39 \text{ dm}$. 3. 8 m. 4. 24 dm^2 . 6. Ko‘rsatma: ABC uchburchak chizing, ko‘pburchaklar yashash mavzusidagi 1-masaladan foydalaniib, chizilgan uchburchak tomonlaridan uch marta kichik uchburchak yasang.

9. $72^\circ; 72^\circ; 36^\circ$. 11. 12 cm^2 . 12. $150\ 000\ 000 \text{ km}$. 13. a) Ha; b) Ha. 15. 6 cm, 12 cm, 18 cm. 16. 84 m.

24-mavzu. II. 1. 8 cm. 2. $4\frac{4}{9} \text{ cm}$. 3. 48 m. 4. 4 cm; $0,5 \text{ cm}^2$. 5. $5\frac{1}{3} \text{ m}$. 6. 867 km. III. 7. 7,5 m.

8. 6 cm. 9. a) 7,5 cm; b) 6 cm; d) 16,2 cm. Qiziqarli masalalar: 1. O‘zgarmaydi.

2. a) Ha; b) Yo‘q. 3. Ko‘rsatma: Chizg‘ich bilan har bir qo‘g‘irchoqning bo‘yini o‘lchang va ularning nisbatini toping.

25-mavzu. 1. $\sin\alpha>0$, $\cos\alpha<0$, $\operatorname{tg}\alpha<0$, $\operatorname{ctg}\alpha<0$. 5. a) 1; b) 1; d) 1. 6. $3,5 \text{ cm}$. 7. a) $\frac{1}{2}; -\frac{1}{2}$; b) $\pm\frac{\sqrt{15}}{4}$; d) 0. 8*. a) 30° ; b) 135° ; d) 150° .

26-mavzu. 2. 36 cm^2 . 3. 24 cm . 4. a) $6\sqrt{3}$; b) 30; d) $\frac{105\sqrt{3}}{4}$. 5. $(24+4\sqrt{3}) \text{ cm}$; $(24+8\sqrt{3}) \text{ cm}^2$.

- 6.** $10\sqrt{3} \text{ cm}$. **7.** a) $\frac{\sqrt{3}}{6}$; b) $\frac{1}{2}$; d) $\frac{\sqrt{3}}{2}$. **8.** $\approx 807 \text{ m}^2$. **9.** $\approx 88 \text{ m}$.
- 10.** 1000 , 37° . **12.** 2° . **13.** 34° . **14.** $2\sqrt{3}$; $4\sqrt{3}$. **15.** $R = 3\sqrt{3} \text{ cm}$; $BO = 6\sqrt{3}$.
- 16.** 5 cm . **17.** 12 , $24\sqrt{3}$. **18.** 20 cm , 200 cm^2 . **19.** 4 , $16\sqrt{3}$. **20.** 30° ; 60° . **22.** 12 cm ; $4\sqrt{3} \text{ cm}$; $8\sqrt{3} \text{ cm}$. **23.** 32 cm^2 .
- 27-mavzu** **2.** a) 6 cm^2 ; b) $73,5 \text{ cm}^2$; d) 6 cm^2 . **3.** 36 cm^2 . **4.** $49\sqrt{2} \text{ cm}^2$. **5.** $54\sqrt{3} \text{ cm}^2$.
6. $2\frac{2}{3} \text{ cm}$; $4,5\sqrt{2} \text{ cm}$. **7.** $S = \frac{h_b \cdot h_c}{2\sin\alpha}$ **8.** $4,8\sqrt{3} \text{ cm}$.
- 28-mavzu.** **2.** a) $BC=6$; b) $AB=8\sqrt{2}$; d) $AC=7\sqrt{2}$. **3.** a) $\sin C=\frac{1}{3}$; b) $\sin A=\frac{7}{16}$; d) $\sin B=\frac{2}{3}$.
4. $4,8 \text{ dm}$. **5.** 30° yoki 150° . **6.** Mumkin. **7.** $AB \approx 21,1 \text{ m}$; $\angle B \approx 37^\circ$, $\angle C \approx 76^\circ$.
8. 76° ; $26,1 \text{ cm}$; $23,8 \text{ cm}$.
- 29-mavzu.** **2.** a) $\sqrt{13} \text{ cm}$; b) 4 m ; d) $\sqrt{283} \text{ dm}$. **3.** $\frac{1}{5}; \frac{19}{35}; \frac{5}{7}$. **4.** $2\sqrt{13} \text{ cm}$ yoki $2\sqrt{109} \text{ cm}$.
5. $\sqrt{31} \text{ cm}$, $\sqrt{91} \text{ cm}$. **6.** $\sqrt{109} \text{ cm}$, $\sqrt{39} \text{ cm}$.
7. Ko'rsatma: ADB va BDC uchburchaklarga kosinuslar teoremasini qo'llab, a^2 va c^2 ni toping, so'ngra bu tengliklarni hadma-had qo'shing. **8.** $\frac{\sqrt{106}}{2} \text{ cm}$; $\frac{\sqrt{151}}{2} \text{ cm}$; $\frac{\sqrt{190}}{2} \text{ cm}$.
- 30-mavzu.** **1.** $\angle B$ va $\angle C$. **2.** AB va BC . **3.** a) o'tkir burchakli; b) to'g'ri burchakli;
d) o'tmas burchakli. **4.** a) $8\frac{1}{8}$; b) $8\frac{1}{8}$; d) $24\frac{1}{6}$; e) $\frac{35\sqrt{6}}{24}$. **6.** Ko'rsatma: Sinuslar teoremasidan foydalaning. **7.** Ko'rsatma: 6-masalaga o'xshash yechiladi.
8. Ko'rsatma: Sinuslar teoremasidan foydalaning.
- 31-mavzu.** **1.** a) $10\sqrt{3}$; b) $28\sqrt{2}$; d) 12 ; e) $\approx 0,3064$. **2.** a) -2 ; b) 0 ; d) 2 . **3.** a) 8 ; b) 24 ;
d) 8 ; e) 0 . **5.** a) $-7,5$; d) 0 . **6.** $a \perp b$, $c \perp d$.
- 32-mavzu.** **1.** a) $\alpha=90^\circ$, $c=\frac{5\sqrt{2}}{2}$. b) $\gamma \approx 45^\circ$; $a \approx 27,3$, $b \approx 24,5$; d) $\alpha=20^\circ$; $b \approx 65,8$; $c \approx 88,6$; e)
 $\gamma=119^\circ$; $a \approx 8,1$; $b \approx 5,8$. **2.** a) $c \approx 5,29$; $\alpha \approx 79^\circ 6'$; $\beta \approx 138^\circ 21'$; b) $c \approx 53,09$; $\alpha \approx 11^\circ 39'$;
 $\beta \approx 38^\circ 21'$; d) $\alpha \approx 19,9$; $\beta \approx 58^\circ 19'$; $\gamma \approx 936^\circ 41'$; e) $\alpha \approx 22,9$; $\beta \approx 21^\circ$; $\gamma \approx 15^\circ$. **3.** a)
 $\alpha \approx 29^\circ$; $\beta \approx 47^\circ$; $\gamma \approx 104^\circ$; b) $\alpha \approx 54^\circ$; $\beta \approx 13^\circ$; $\gamma \approx 113^\circ$; d) $\alpha \approx 34^\circ$; $\beta \approx 44^\circ$; $\gamma \approx 102^\circ$;
e) $\alpha \approx 39^\circ$; $\beta \approx 93^\circ$; $\gamma \approx 48^\circ$.
- 33-mavzu.** **1.** a) $2\sqrt{3} \text{ cm}$; b) 16 cm ; d) $\frac{ab\sqrt{2}}{4}$. **2.** $4\sqrt{2} \text{ m}$; 8 m va $4+4\sqrt{3} \text{ m}$. **3.** $50\sqrt{3} \text{ kg}$.
4. 14 cm . **5.** $2\sqrt{14} \text{ cm}$. **6.** $6\sqrt{3} \text{ cm}$. **7.** 50 cm .
- 34-mavzu.** **1.** $\approx 10,8 \text{ m}$. **2.** $\approx 15 \text{ m}$. **3.** $\approx 43,4 \text{ m}$. **4.** $\approx 35^\circ$. **5.** $\approx 73,2 \text{ m}$. **6.** $\approx 49 \text{ m}$. **7.** Asfalt yo'lidan.
- 35-mavzu.** **II.** **1.** $3\sqrt{6}$, $3\sqrt{2}$. **2.** $\frac{111}{120}$; $0,89$; $-0,65$. **3.** $2\sqrt{7} \text{ cm}$; $\frac{2\sqrt{21}}{3} \text{ cm}$. **4.** $30\frac{1}{30} \text{ cm}$. **5.** 28 cm .
6. 8 cm^2 ; $(4+4\sqrt{5}) \text{ cm}$; $h_a=4 \text{ cm}$, $h_b=0,8\sqrt{5} \text{ cm}$. **7.** $2\sqrt{13}$. **8.** a) o'tkir burchakli;
b) to'g'ri burchakli, d) o'tmas burchakli. **9.** 63 cm^2 . **10.** $\approx 3,7 \text{ cm}$. **11.** 7 cm . **12.** 6 .
13. 0 . **14.** -9 . **15.** 135° . **16.** $OC \approx 9,6$. **17.** $(24+24\sqrt{3}) \text{ cm}$. **18.** 5 . **III.** **1.** $\approx 109^\circ$.
2. $\gamma=100^\circ$, $a \approx 3,25$; $c \approx 6,43$. **3.** $6,25$; $14,76$.
- 36-mavzu.** **2.** a) Har qanday uchburchak aylanaga ichki chizilishi mumkin; b) Qarama-qarshi burchaklari yig'indisi 180° bo'lgan to'rtburchaklar. **3.** Bitta yoyga tiralgan burchaklar teng. **4.** 10 cm . **5.** 672 cm^2 . **6.** a) $10\sqrt{3} \text{ cm}$; b) $10\sqrt{2} \text{ cm}$;
d) $10\sqrt{2} \text{ cm}$; $10\sqrt{2} \text{ cm}$; 20 cm . **7.** $8\frac{1}{3} \text{ cm}$. **8.** ΔABF da, $\angle BAF+\angle AFB=90^\circ$,
 $\angle ABF=90^\circ$. Demak, AF – diametr. **9.** Qarama-qarshi burchaklari yig'indisi

180°, ya’ni aylanaga ichki chizish mumkin. **10.** Ko ‘rsatma: Bitta asos va bir yon tomonning o‘rta perpendikulari kesishgan nuqta aylana markazi bo‘ladi.

37-mavzu. **2.** 7,2 cm. **3.** a) 16,6; b) 22; d) 22,6. **4.** a) 2,5; b) 3,5; d) 2. **8.** 6 cm.

38-mavzu. **3.** a) 60°; b) 108°; d) 120°; e) 144°; f) 160°. **4.** a) 120°; b) 72°; d) 120°; e) 36°; f) 30°. **5.** a) 3; b) 4; d) 8; e) 12.

39-mavzu. **1.** 3 cm va $3\sqrt{2}$ cm. **2.** $\sqrt{3}$ va $2\sqrt{3}$. **7.** a) 6; b) 12; d) 10; e) 20; f) 5.

40-mavzu. **3.** 8 cm; $8\sqrt{2}$ cm; $8\sqrt{3}$ cm; $8\sqrt{2+\sqrt{3}}$ cm; 16 cm.

$$\text{4. } \frac{8\sqrt{6}}{3} \text{ cm}; \text{ 5. a) } 20\sqrt{2} \text{ cm; b) } 40 \text{ cm. 6. } \frac{5\sqrt{3}}{3} \text{ cm.}$$

41-mavzu. **I.** 1. E; 2. D; 3. D; **4.** B; 5. B; **6.** E; **7.** E. **III.** 1. $\sqrt{3}:4:6\sqrt{3}$. **2.** 3:4. **3.** a) $\approx 5,780$ cm; b) $\approx 4,142$ cm; d) $\approx 2,679$ cm. **4.** $S=\sqrt{2R^2}$. **5.** 24 cm². **IV.** 1. 4 cm; 13 cm. **2.** a) 80 cm; b) $20\sqrt{2}-\sqrt{3}$ cm; $40\sqrt{2}-\sqrt{3}$ cm; d) 200 cm². **3.** $4\sqrt{3}$ cm; 8 cm. **4.** $\frac{27\sqrt{3}}{4}$ cm².

42-mavzu. **2.** a) 3 marta ortadi; b) 6π cm ga ortadi; d) 3 marta kamayadi; e) 6π cm ga kamayadi. **3.** 6369 km. **4.** a) $\frac{2\pi\sqrt{3}a}{3}$; b) $\pi\sqrt{a^2+b^2}$; d) $\frac{2\pi b^2}{\sqrt{4b^2-a^2}}$. **5.** a) πa ; b) $\pi c(\sqrt{2}-1)$; d) $\pi c(\sin\alpha + \cos\alpha - 1)$. **6.** 1,5 m. **7.** 66348 marta.

43-mavzu. **1.** a) π cm; b) $1,5\pi$ cm; d) 3π cm; e) 4π cm. **2.** a) $\frac{2\pi}{9}$; b) $\frac{\pi}{3}$; d) $\frac{5\pi}{12}$. **3.** a) $\approx 69^\circ$; b) 120° ; d) 150° . **4.** a) $\frac{5\pi}{8}$ cm; b) 2π cm; d) $\frac{15\pi}{4}$ cm; **5.** a) 4π ; b) 16π . **7.** 2.

44-mavzu. **3.** k^2 marta ortdi; b) k^2 marta kamayadi. **4.** $6,25\pi$ cm²; $12,5\pi$ cm². **5.** $2,25\pi$ cm²; 9π cm². **6.** $(\pi-2)R^2$. **7.** $21,25\pi$ cm². **8.** $18,75$ cm².

45-mavzu. **3.** a) $\frac{49\pi}{12}$ cm²; $\frac{49(\pi-3)}{12}$ cm²; b) $6,125\pi$ cm²; $\frac{49(\pi-2\sqrt{2})}{8}$ cm²; d) $\frac{49\pi}{3}$ cm²; $\frac{49(4\pi-3\sqrt{3})}{2}$ cm²; e) $\frac{49\pi}{4}$ cm²; $\frac{49(\pi-2)}{4}$ cm². **4.** a) $a^2\left(\frac{\sqrt{3}}{4} - \frac{\pi}{8}\right)$; b) $a^2\left(1 - \frac{\pi}{4}\right)$; d) $\frac{3\sqrt{3}-\pi}{2}a^2$; **5.** π cm²; 3π cm²; 5π cm²; 7π cm². **6.** $\frac{25(2\pi-3\sqrt{3})}{3}$ cm²; $\frac{25(10\pi-3\sqrt{3})}{3}$ cm²; **7.** $\frac{75(4\pi-3\sqrt{3})}{2}$ cm². **8.** $S_1 < S < S_2$; 300 cm² < 314 cm² < $321,48$ cm².

46-mavzu. **1.** Doiraniki katta. **2.** $\frac{160}{3}\pi$ cm². **3.** $5,76\pi$ cm². **4.** $8(\pi-2)$ cm². **6.** 6π cm²; 10π cm.

47-mavzu. **II.** 1. $6\sqrt{2+\sqrt{2}}$. **2.** $\frac{8\pi}{3}$ dm. **3.** 30 cm. **4.** 90° . **5.** 3. **6.** π va $6,25\pi$. **7.** $\frac{10\pi+3\sqrt{3}}{2\pi-3\sqrt{3}}$. **8.** $\frac{2\sqrt{3}}{\pi} \cdot \frac{9\sqrt{3}-2\pi}{6}a^2$. **10.** $1,5\pi$. **11.** 7. **12.** $\approx 9\pi - 26,04$. **13.** π . **14.** $54\sqrt{3} - 24\pi$. **15.** $\frac{3\pi}{8}$. **III.** 2. $8\sqrt{3}$ cm. **3.** a) $\frac{18}{\pi}$ cm; b) $\frac{216}{\pi}$ cm²; d) $\frac{216\pi+81\sqrt{3}}{\pi^2}$ cm².

48-mavzu. **3.** $5\sqrt{2}$ cm. **4.** 12 cm. **5.** 44 m, 60 m. **7.** 1:7. **8.** ABcosa.

49-mavzu. **1.** a) 30 cm, 12 cm; b) 9 cm, 12 cm, 21 cm; d) 3 cm, 15 cm, 3 cm, 21 cm. **3.** 6 cm; 10,5 cm. **4.** 9 cm, 12 cm, 15 cm, 18 cm. **5.** 60° . **6.** 21 cm. **7.** 20 cm.

50-mavzu. **1.** Ko ‘rsatma: $\Delta ACD \sim \Delta CBD \sim \Delta ABC$. **2.** 25 cm, 15 cm, 20 cm. **3.** $9\frac{3}{5}$ cm. **4.** a) 5, 4; b) 24, 25; d) 8,10. **5.** 16:25. **6.** 56,16 cm². **7.** 60 cm². **8.** $\frac{2}{3}; \frac{4}{9}; \frac{4}{9}$.

51-mavzu. **2.** Ko ‘rsatma: a) katetlari a va b bo‘lgan to‘g‘ri burchakli uchburchak yasang; b) gipotenuzasi a , bir kateti b bo‘lgan to‘g‘ri burchakli uchburchak yasang. **3.** Ko ‘rsatma: Katetlari $AB = BC = 1$ bo‘lgan ΔABC yasang. So‘ng kateti

$CC_1 = 1$ va $\angle C_1 = 90^\circ$ bo‘lgan ΔBCC_1 yasang va hokazo. **4.** a) 20; b) 45; d) 37,5.

5. $225\pi \text{ cm}^2$. **6.** 180 cm^2 . **7.** 25:9. **9.** $OC \geq OD$ bo‘lgani uchun tengsizlik har doim to‘g‘ri.

52-mavzu. **1.** a) 6,25; b) 12; d) 0,25. **2.** a) 8 cm; b) 2,5 cm; d) 0,9 cm. **3.** a) 4 dm; b) 4 dm.
4. 8 cm. **6.** 9 dm; 16 dm.

53-mavzu. **1.** 10 cm. **2.** 2 cm. **3.** a) 2,5; b) 4; d) 2. **4.** a) $4\sqrt{6} - 1$ cm; b) 6 cm. **5.** 1:6.
6. 6 cm. **7.** 3. **8.** 1:4.

54-mavzu. **II.** **1.** 18 cm; 32 cm. **2.** 4 cm; **3.** 8 cm; **4.** 6,4 dm. **5.** 8 cm. **6.** 1,5. **7.** 5. **8.** 6.
9. 45 dm^2 . **10.** 4 cm. **11.** 8 cm. **12.** 6. **13.** 60° . **14.** 45° . **15.** 4:9.

III. **1.** 8 cm. **2.** 5 dm. **3.** 4 cm; 8 cm.

55-mavzu. **1.** a) 9; b) 4 cm²; d) 3,5 cm; e) $\frac{1}{2} TB - CA$; f) 0,2. **2.** $\Delta CMH \sim \Delta BCA$.

*Darslikni tuzishda foydalanilgan va qo‘sishma o‘rganishga tavsiya etilayotgan
o‘quv adabiyotlari va electron resurslar*

1. A’zamov A., B. Haydarov. Matematika sayyorasi. Toshkent. «O‘qituvchi», 1993.
2. Александров А.Д. "Геометрия -9", учебник, Москва. Просвещение", 2013.
3. Атанасян С. "Геометрия 7-9 классы", учебник, Москва. Просвещение", 2002.
4. Бевз Г.П. и др. "Геометрия 9" учебник, Киев, "Вежа", 2007
5. Билянина О.Я. и др. "Геометрия 8" учебник, Киев, "Генеза", 2010.
6. Истер О.С. "Геометрия 9" учебник, Киев, Освіта, 2007.
7. Мерзляк А.Г. и др., "Геометрия 9" учебник, Харьков, Гимназия, 2008.
8. Перельман Я.И. Қизиқарли геометрия, Тошкент. Ўқитувчи, 1981.
9. Погорелов А.В. "Геометрия 7-9", учебник, Москва. Просвещение", 2004.
10. Штейнгауз Г. Математический калейдоскоп, Москва. Наука, 1993.
11. Daniel C.Alexander, Elementary geometry for college students, Canada, Brooks/ Cole, Cengage Learning, 2011.
12. Mal Coad and others, Mathematics for the international students, Haese and Harris publications, Australia, 2010.
13. Jennie M. Bennett, «Pre-Algebra» Holt, Rinehart and Winston, New York, 2004
14. <http://www.uzedu.uz> - Xalq ta’limi vazirligining axborot ta’lim portalı.
15. <http://www.eduportal.uz> - Multimedia markazi axborot ta’lim portalı.
16. <http://www.matematika.uz> - Masofadan turib o‘qitish sayti (uzbek tilida).
17. <http://www.problems.ru/> Matematikadan masalalar izlash tizimi (rus tilida).
18. <http://www.ixl.com> - Masofadan turib o‘qitish sayti (ingliz tilida).
19. <http://www.mathkang.ru> - "Kenguru" xalqaro matematik tanlov sayti (rus tilida).
20. <http://www.khanakademy.org> - "Xon akademiyasi" masofaviy ta'lim sayti (ingliz tilida)
21. <http://www.brilliant.org> – Matematikadan masofaviy ta'lim sayti (ingliz tilida).
22. <http://www.markaz.tdi.uz> - Ta'lim sifatini baholash bo‘yicha xalqaro tadqiqotlarni amalga oshirish milliy markazi sayti.
23. <http://www.occd.org/pisa> - Iqtisodiy hamkorlik va taraqqiyot tashkiloti sayti, PISA – tadqiqotlarning ochiq materiallari.

Xaydarov Boxodir Qayumovich

Geometriya: 9-sinf uchun darslik/B.Q.Xaydarov, E.S.Sariqov, A.Sh.Qo‘chqorov.
— T.:, 2019.—160 b.

Q.Xaydarov, Boxodir.

ISBN 978-9943-5874-3-4

UDK 514.1(075)
BBK 22.151ya7

Boxodir Qayumovich Xaydarov,
Ergashvoy Sotvoldiyevich Sariqov,

Atamurod Shamuratovich Qo‘chqorov

GEOMETRIYA **9- sinf uchun darslik**

*To ‘ldirilgan va qayta ishlangan to‘rtinchi nashr
(O‘zbek tilida)*

"Huquq va Jamiyat" nashriyoti, 2019
Toshkent, Yunusobod 6, Jumamasjid ko‘chasi.

Muharrir *Sh.Dadasheva*

Badiiy muharrir *A.Umarova*

Bosh dizayner *H&J dizayn jamoasi*

Sahifalovchi *D.Iskandarbekov*

Litsenziya AI №022, 27.10.2018 yil.

Bosishga ruxsat etildi 10.07.2019 y. Bichimi $70 \times 100^1 / _{16}$. Tayms garniturasi.

Kegli 10. Ofset usulida bosildi. Shartli bosma tabog‘i 11,7.

Nashr tabog‘i 11,83. Adadi 59 426 nusxa. 19-43 sonli buyurtma.

Shartnoma 21/02

"Huquq va Jamiyat" nashriyotining matbaa bo‘limi

Toshkent, Yunusobod 6, Jumamasjid ko‘chasi.

Guvohnoma №10-2750, 13.06.2017 yil

Ijaraga berilgan darslik holatini ko'rsatuvchi jadval

T/r	O'quvchining ismi va familiyasi	O'quv yili	Darslikning olingandagi holati	Sinf rahbari- ning imzosi	Darslikning topshiril- gandagi holati	Sinf rahbari- ning imzosi
1						
2						
3						
4						
5						
6						

**Darslik ijara berilib, o'quv yili yakunida qaytarib olinganda
yuqoridagi jadval sinf rahbari tomonidan quyidagi baholash
mezonlariga asosan to'ldiriladi:**

Yangi	Darslikning birinchi marotaba foydalanishga berilgandagi holati.
Yaxshi	Muqova butun, darslikning asosiy qismidan ajralmagan. Barcha varaqlari mavjud, yirtilmagan, ko'chmagan, betlarida yozuv va chiziqlar yo'q.
Qoniqarli	Muqova ezilgan, birmuncha chizilib, chetlari yedirilgan, darslikning asosiy qismidan ajralish holati bor, foydalanuvchi tomonidan qoniqarli ta'mirlangan. Ko'chgan varaqlari qayta ta'mirlangan, ayrim betlariga chizilgan.
Qoniqarsiz	Muqovaga chizilgan, yirtilgan, asosiy qismdan ajralgan yoki butunlay yo'q, qoniqarsiz ta'mirlangan. Betlari yirtilgan, varaqlari yetishmaydi, chizib, bo'yab tashlangan. Darslikni tiklab bo'lmaydi.